

The Ohio State University



3 2435 00781 0716

PL248K4C491887


001

Cezmi :

OHIO STATE UNIVERSITY BOOK DEPOSITORY



8 08 31 30 7 13 010

LIBRARY 
OHIO STATE UNIVERSITY



۷۸
نامق کال

جزی

تاریخہ مستند حکایہ

جزو اول

مجلس معارف و رخصتیلہ طبع اولمشر

استانبول

سنہ

۱۳۰۵

جزی

تاریخہ مستند حکایہ

(برنجی فصل)

— ۱ —

ہجرتک اونجی عصری کہ برنجی سنہ سنہ او چنجی خاندان
 خلافتک اونجی پادشاہی اولان سلطان سلیمان قانونینک ولادت
 اقبال استقبالیہ براءت استہلال اولمشیدی وقوعات وکشیات
 عظیمہ جہ تاریخ انسانیتک اکثر قرونہ تفوق ایدر
 کویا کہ ید قدرت بر قاج بیک سنہ لک مآثر جلیلہ یی بریرہ
 طوپلامشودہ نظر حکمتہ فارشی بر معجزہ دہا کوسترمک ایچون
 یوز ییلدن عبارت بر زمان ایچنہ صیقشدرمش ایدی •
 فی الحقیقہ شرقیہ (قتیبہ بن مسلم) ک اعدامی غربہ (عبدالرحمن
 الفہری) نک انہزای اوزرینہ طولا پیرہ نہ طاغریلہ قوبی چولاری
 و عرضاً بحر محیط جنوبی ایلہ قیچاق حدود لری داخلندہ قالان
 اسلامیت واسپانیادن ماعدا اوروپانک اکثر جہاتنی استیعاب
 ایلان خرسٹیانلق عالم لرنده مأمون ایلہ شارل مانیک ارتحال لرندن
 صکرہ ملوک طوائف و اهل صلیب محارباتندن ماعدا تاریخچہ
 اہمیت کوتورر و خصوصیلہ انسانیتہ تعلق ایدر همان ہیچ بروقمہ

ظهور ایتماشکن ابنای بشرک فکر و اقدامده کوریلان بوسکوت عادت پر ستانه یدنجی عصر ده بر میل ایجاد ایله ختام بولدی حتی آتشی بیله انسانیتک پنجه غالبانه سنده محکوم ایلک شانندن اولان نظر حکمت باروتک محاربه لرده استعمالنه او عصر ایچنده باشلامش و بر قوجه علمی زور بازوی عرفانیله ایستدیکی شکله کتیرمک استعدادینی حائز اوله رق وجود، کلان فاتح باروت کبی بر قوه مقاومت سوزی طوبخیلق صنعتنده اجرا ایلدیکی تعدیلات و اکالات ایله اسلحه ننگ هر نوعنه تفوق ایده جک بر حاله طقوزنجی عصرده کتیرمشدی فقط اوننجی عصرده ایدی، که باروت بویندن تفنکه انتقال ایلدیکندن ارباب حرب ملائکه عذاب کبی اللرنده برر تازیانه آتشین استعمال ایتکه مقتدر اولدیله

فی الحقیقه او توز بش سنه لک بر اقدام طاقت بر اندازانه ایله طولاً (ازمیر) کورفرزندن، (مغول) و عرضاً (دکندن) قیچاق صحراالینک منتها سنه قدر امتداد ایدن یرلر ایچنده اوزمانلر موجود اولان درت یوز ملیونه قریب اسلامی بر حکومتک سایه رایاتنه جمع ایتک و جنوباً مصر و یمنده خطبه سنی او قوندیغی کبی شمالا دخی مسقویه و لهستانک و سطرینه قدر کتیبه اقبالنک مقدمه لرینی ایصال ایلک جهتلرینه مالک اولدیغی یرلره نسبت اسکندرک فتوحاتنی کره یه نسبت ربع مسکون درجه سنده براقان تیمور طقوزنجی عصر رجالندن ایدی فقط اوننجی عصرده ایدی که سلطان سلیم اول کره ز مینی بر پادشاه ایچون آز کوره رک

سکڑ سنہ دن عبارت اولان دور سلطنتندہ مصر ایلہ عموم عربستان
ویاری کردستانی بر مرکزہ ربط ایلد کدن بشقہ خلافت
اسلامیہ بی و ظائفی بحق اجراہ مقتدر برخاندانہ نقل ایلدہ رک
اسکندرہ جنکیزہ و حتی تیمورہ داغ درون اولان جہانگیرک
فکرینک اسلامیت قوتیلہ حصولہ لازم اولان اسبابی استحضار
ایلدی

فی الحقیقہ ہر نظر تدقیقہ نیجہ یوزبیک مشاور ہر قلم تحریرہ
نیجہ یوزبیک معاون و یرمک شانندن اولان طباعت (فوستر)
نامندہ بر صاحب خیرک ہمتیلہ طبیعتک خزینۃ الغیب احسانندن
میدان ظہورہ طقوزنجی عصرہہ چیقیدینی و بصمدنک بفرحق
موجدی عد اولنان (فاوست) و (کوتبرغ) اوصنت
جہان بہادن طقوزنجی عصرہہ استفادہ ایلدیکی کبی طباعتک الکیوک
واک فائدہ لی اکالاتندن معدود اولان قالب چلیکلرینی (شفر)
ینہ طقوزنجی عصرہہ اختراع ایلشدی فقط اوننجی عصر ایچندہ
ایدی کہ جہان معرفتہہ کر چکدن بردوران حشر و جودہ کتیرمکہ
باعث اولان و فطرت بشری مستعد اولدینی استکمالاتہ ایصال
ایچون همان طبیعت کلیہ قدر خدمتی کوریلان اوصنت جلیلہ
سحر اولق خطا طرک منفعتنہ مغایر بولمتق و حتی اک فائدہ سز
لغویاتدن صایلق کبی حیوانلرہ بیلہ یاقیشمیہ جق برطاقم تعریضات
وممانعاندن قورتیلہ رق۔ حیفا کہ اسلام ملکندہ بیانغی ظہوری
بیلہ خبر آلمقسزین — اوروپانک ہر طرفنہ اتشار ایلدی

في الحقيقة مشهور قريستوف قولومب [۱] سفينه نوح دن
طوپراق تحريسنه كيدن كو كرجين كبي، برشدتلي طوفان اعتراض
آره سندن چيقارق، آمريقاي كشف ايله عالم انسانيتينه بوعالم ايچنده
برجهان ديكر الحاق ايتمكه طقوزنجي عصرده موفق اولمشدى .
فقط اونجى عصر ايچنده ايدى ، كه اوروپاليلر آمريقانك همان
هرجهته صوقيله رق، قدرت فاطره دن بشقه هيچ صنعت كورمامش
اولان اويله برجهان غيبك حاوى اولديغى هر دورلو خزان
فواند دن حصه ياب اولغه باشلامشلا ايدى

اونجى عصر ك مزيتى بويله اكالته منحصر دكلدر :

ينه او عصر ايچنده ايدى كه سليمان قانونى عثمانلى بايراغنى شفقلىر
ايچنده طوغمش برهلال كبي ويانده تبريزده اسپانياده هندستانده
طولاشديره رق دنيا نك شرقنه غربنه شعشه نثار حيرت ايلمشدى .
ينه او عصر ك ايچنده ايدى كه خيرالدين پاشا سفائن جهادينك
طوب دومانلرينى ابر رحمت كبي آفاق طوته جق برحاله كتيره رك
آق دكزى لواء الحمد محمدينك سايه استيلاسنه الدقن صكره
غنيمت غزاسى اولان قوجه برملكك [۲] تاج سلطنتى خلافت
اسلاميه نك عقبه اقبالنه تقديم ايله حاكم ايكن خادملى اختيار
ايتك كبي يكانه برحيت اظهار ايلمشدى .

ينه او عصر ايچنده ايدى كه دولت كراى ثانى ايكنجى

(۱) قولومب كو كرجين ديكدر .

(۲) جزا رملكى .

هجومنده مسقوه طرفلرينه آتشرن استيلا اوله رق شما لك
قارلى بوزلى صحرا لرى ايچنده كويا اوج عصر صكره كله جك بر
جهانكيره درس عبرت [١] و بروسيه مأمورينه نمونه امثال [٢]
كوسترر كبي صناعى بريانارطاغ پيدا ايلشدر.

ينه او عصر ك ايچنده ايدى كه « بابرخان » جدى اولان
وقتو حاتنك كثرت وو سعتنه نظراً اعظم جهانكيران عد اولنان
تيمورك برقاچ يوز بيك عسكر و بيك درلو مشاق سفر ايله ضبط
ايدو بيلديكى هندستان همان اون بش بيك كشى ايله برقاچ بوز بيك
عسكره مالك بردولتك الندن نزع ايتمشدى .

ينه او عصر ايچنده ايدى كه « شيرخان فريد » افغانلى بر
عسكره اوغلى ايكن خصائل جهانستاييسى قوتيله هندك شرق
شماليسنده كندينه مخصوص بر دولت تشكيل ايدو رك « بابر »
سلطنتى كبي نوظهور و بناء عليه هر درلو قدرت و عصيته مالك
بردولتى مضحل ايتك درجه سنه كتير دكدن بشقه عمرى مساعد
اولسه او ده سلطان سليم اول كبي جهانكير لكه بيوك استعداد ابراز
ايلشدى .

ينه او عصر ايچنده ايدى كه تورانده « دولت شيبانيه »
و خصوصيله سلاطين « شيبانيه » دن « عبيدالله » دولت « جنكيزيه »

[١] رنجى نابوليون .

[٢] مسقوه يى ياقان روسقويچين .

نك «بركه خان» [۳] زماننده اون شعشعه اقبالی اعاده به امیدلر
ویره جك قدر پارلامغه باشلامش ایدی .

ینه او عصر ایچنده ایدی که سنیلرک سلاحیله چورلمش بردآره
آهنین ایچنده قالان ایرانده «صفوی» طرفدارینک تعصبی اساسنی
قانلرله تخمیر ایده رک بر دولت «شیعه» تشکیکنه مقتدر اولمشدر .
ینه او عصر ایچنده ایدی که آلمانیا ایمراطوری مشهور «شارل
کن» سلطان سلیمانک قوه قادره سنه قارشى طور مق ایچون
سنه لرجه اوغراشدقن وویانه یی عثمانلی محاصره سی و مجارستان
و خراوتلک اکثر جهتلرینی اسلام استیلاسی آلتنده کورد کدنصکره
کندیسنه سرای حکومته بدل بر مناستری مزاردنوی اختیار
ایتمشدی .

ینه او عصر ایچنده ایدی که اوروپاده لوتر پروتستانلق نامنه
بر مذهب جدید آچهرق اصحاب تتلیتی ایکی به تقسیم ایتمشدی .
ینه او عصر ایچنده ایدی که استانبوللر غرناطه مدینتکاهنی
مظلوم مکسیقا وهشت آبادینی معصوم قاننه غرق ایده رک شرفده

[۳] برکه خان باتوخان اولادنن ودشت حکمدار لریدن اوله رق اولاد
جنکیزدن اک اول اسلام ایله مشرف اولان زاندر . قیچاق و مغولستانده حکمی
جاری ایدی . طونه و بلغارستاندن کچهرک استانبولک محاصره سنه
کلمش وروم ایمراطور لغنی خراجگذار ایلشدر . اباق خان و خصوصیه
خلافت عباسیه نك انقراضندن صکره هلاکویله غالبانه خیلی محاربه لری
واردر . جنکیز خاندانک اعظمندندر . اصل اسمی (برکائی) اوله رق
اسلامنی اظهار ایتدکن صکره زمانک عملاسی تفالاً (برکه) نسیمه ایتدیلر .

غریبه تماشایی نظر حکمته قان آغلاده جق برد هشتلی غروب
لوحه سی پیدا ایشلردی .

ینه او عصر ایچنده ایدی که دنیالره صفیسه مامقده ضیای
شمس ایله رقابت ایدن برزکا [۱] ابعاد مطلقه یی سیر ایدرجه
سنه برطاقم تدقیقات ریاضیه ایله استقرار شمسی ودور ارضی
اثبات ایدرک تابع اولمدینی بردینک معجزات باقیه سندن اولان
برآیت کریمه نیک مال عالیسنی فنا ایضاح ایشلردی .

ینه او عصر ایچنده ایدی که دنیالری احاطه ایده جک
بر طوفان معرفتی ذهننه صیغشدره بیلک خارقه سنه مظهر
اولانلردن مشهور واسقاد و غاما عمان ایچنده مستور اولان
امیدبرنی طریقی کشف ایتمکله پورتکیزلو اشجاری التون ثمره لر
ویرر نباتی کومش چیچکلر اچار برکیما باغچه سی اطلاقنه
شایان اولان هندستانک محصول ثروتندن اوروپای مستفید ایتمکه
باشلامشیرایدی .

ینه او عصر ایچنده ایدی که حکم غالبانه نیک جهان مدنیتی
زیر پای استبدادنده ازمک ایچون یاپلش برتمثال آهنینی
حکمنده اولان ناپولیونلری بسمارقلری بیله برچوق تلاشلره
دوشورن ژزویت جمعیتی زادکاندن ایکن دینلجیلکه قدر تنزل
ایتمش کوزی اچیق فقط ایغی طوپال صورتی انسان فقط
کندی شیطان بر مخلوق غریبک سایه تعصب وریاستنده تأسس
ایشلردی .

ینه او عصر ایچنده ایدی که یمندن قهوه امر بقادن توتون بر برینی متعاقب خلقک معرض هوسانه آتلهرق، انسانلر ایچون بری مایع بری هوائی ایکی سیه بلای احتیاج دهاپیدا اولغه باشلامشیدی .

ایشته سرگذشتنی یازمق ایستدیکمز « جزمی » ده « موسم ادراک غرائب » وصفنه لایق اولان او عصرک رجالدندرد . ترجمه حالی او یله وقایع عظیمه دن معدود دکلسه ده ذاتاً بر غرابتی جامع اولغله برابر، دولتک بر بیوجک محاربه سنده تعلق ایلدیکی ایچون نظر مطالعه یه شایسته در اعتقادنده بولندق انک ایچون تحریرینه جسارت ایدیوروز .

جزمی دنیایه طقوز یوز التمش ایکی تاریخنده کلدی — فقط انسان ایچنه طقوز یوز سکسان ایکی تاریخنده قارشدی، یعنی اوزمان — ترفنده یتشمش میوه لر کی — وقتسز آتارینی کوسترن فطانتی سایه سنده پدردن موروث بر سپاهی تیمارینه مالک اولمش، اوزمان کندینی انسان بیلهرک، انسان ایچون لازم اولان مسائل معیشتله اوغراشمغه، شخص تجربه ایتمکه، ایش او کر نمکه باشلامش ایدی.

اوصرده ایسه سلطان سلیم اول جنت اعلادن کندینی آرایه آرایه دنیایه اینمش بر قصر حکمنده اولان مرقدینه، سلیمان قانونی فلکدن اقبالنه حرمة ایاغنه دوشمش بر قبه کی، کورینان مشهدینه چکلمشیدی .

خیرالدین مرحومک قبرنده کی اغاجلردن چنلردن کیلرینه
یلکن ویاکمیجیلرینه قانلی کفن المغه اوزنهرک یرادلش کبی بیاضلی
قرمزلی چیچکلر آچیلغه باشلامشیدی .

دولت کرای ناینک او طوپراغی بانارطاغلردن آلمش قلبی
اوپارلقنی فجر شمالی یه غبطه رسان اولان فکری خاک فناده ظلمات
عدمده مستور اولمشدی .

عثمانلی ملکنده بو اعظمه قلیچلیه قلیله خدمت ایدن اصحاب
قدرتدن پیر محمد پاشایی اوغلی تسیم ایتدی! مقبل ابراهیم پاشا
احمد پاشا جلاد النده جان تسلیم ایلدیله . زنیلیلی ابن کمال
ابوالسعود رستم پاشا پرتوپاشامسند اقبالی سدیغفرانه تحویل
ایتمشردی . طورغودجه پاشا پیاله پاشا پاشا صالح پاشا رمضان پاشا
دریای رحته غرق اولمشردی .

حکایه نك منتها سنه قدر او قونلدیغی حالده آکلاشیله جنی
وجهله جزمینک هند ایله اوروپا ایله توران ایله هیچ مناسبتی بوق
ایدی که اورالرده ظهور ایدوبده اسملرینی یوقاریده ذکر ایتدیگمز
اعاظمدن تکرار بحشه حاجت اولسون . یالکز صد عثمانلیله
تاتارلره ایرانلیله عائد اولدیغندن بنده کزده سوزمی دنیانک
اوجهتترینه حصر ایدله حکم .

سلطنت سینه جه جزمینک زمان ظهورنده بو قدر آدم ضایع
اولمغه برابر دفتر اکبر قیانما مشدی . قلیچ علی پاشا خیرالدینک

طور غودجه نك پساله نك اوروپايه قارشى آق دكزده حاصل
ايتدكلى طوفان استيلاده شترينى ادامه ايدر طورردى .

ينك تونسك برنجى فاتحلى اولان خادم سليمان پاشا
پياله پاشا يرآ لنده منزوى ايسه او ملكك ده فاتح نائيسى اولان
سنان پاشا قبه هميونده وزير رابع مقامنده او طورردى .

قبريسك ققنده برهت ومهارت فوق العاده ابراز
ايدن واوجهتله عثمانلى سرعسكر لر ينك برنجيلر دن معدود
اولان قره مصطفى پاشا وزير ناك ايدى .

اركان اربعه ناميله مشتهر اولان ودولتك قواى
معنويه سى حكمنده بولنان درت ذانك برنجيسى مملكتده
ارتشا ومداهنه نك موجودى صاييلان شمسى پاشا ايسه ايكننجيسيه
صديقى برعزم عمرى برتوفيق عثمانلى برفدا كارلق حيدرى
برجلادت ايله (۱۰۰۵) تاريخنده ومحمد ناك زماننده
اكرى ملحه كبراسنك قزانلسنه سبب مستقل اولان
مرحوم خواجه سعدالدين ايدى .

اركانك اوچنجيسى . — دردنجيسى اولان غضنفر اغا
وخصوصيله جانفدا قادين نزد پادشاهيده نفوذ كلام ايله
شهرت بولدقلى كى اونفوذى ده يوزده طقسان اعتباريله خيره
صرف ايدر لردى .

ينك فاتح حقيقيسى عد اولنقه شايان اولان نورسيدكان
جلادتدن اوز تيمور اوغلى عثمان پاشا يمنده سنان پاشانك

قهر رقیبانه سندن قورتیله رق جنوبی سرعت وحدتیه استانبوله
کلمش و براز مدتیج صقولی مرحومک پدرانه فقط مریانه
شدترینه ارغراد قدن صکره سنجاق بکلکی ایله آناطولی بی
طولاشمغه باشلامشیدی .

(آشاغیده کی تفصیلاتدن آکلاشیه جنی اوزره یکچیریلرک
حفظ) نظامی یولنده مسندینی وحقی نفسی مخاطره یه
قویان روان و کججه فاتمی فرهاد پاشا میرآ خورلق ایله
خدمت پادشاهیده اثبات استحقاق ایدنلرک بری ایدی .

اوزمانک اک بیوک آدمی ایسه سلطان سلیمانک اک
صکره کی صدراعظمی اولان صقولی محمد پاشا مرحوم ایدی که
عثمانلیلری قانونی دورنده اولان عظمت شانیه برتمثال
مشخص اوله رق اخلافه یادکار قالمشیدی . کونش
غروب ایتدکن صکره ضیاسنی بدرجه یه قدر ادامه
ایدن قمرکبی سلطان سلیمان ارتحالندن صکره او عصرک
رتو اقبالنده صقولی حفظ ونشر ایدردی .

سلطان سلیمانک وفاتندن صکره آلمانیا ایمپراطورلنی
طرفندن کوردیکی بعض علایم خصومت اوزرینه راحت
طور مزسه کز ایکی حدودک اورته سننده کچلمز چول پیدا
ایدردی شرکزدن امین اولورم تهدیدیه اوروپایی لوزان
دهشت ایدن او صقولیدر [۱]

[۱] روایت حامردن آلهمدر .

بحر حرز یولیلہ آسیا داخلرینہ اجرای حکم ایده بیلک
ایچون تن وولغا نهر لرینی برجدول ایله برلشدیرو بده سلیم
اولک اقصای مقاصدی اولان اتحاد اسلامه او طرفدن
بر طریق وصول بولمغله اوغراشان اوصقولیدر .

سلیم ثانی دورنده مؤذن زاده قپودان علی پاشانک
اداره سنده کی عثمانلی دوئمناسنی — شارل کنک ولد مادر
بخطاسی اولان — دون ژوال ایله مرحوم خیر الدینک
رقیب مغلوبی اولان مشهور آندریا دوریا بتون بتون محو
ایدر جه سنه مغلوب ایتمکله [۲] بالکیز او خون آتش طوفانلری
اره سندن یکریمی قدر سفینه قورتاره بیلش واوروپانک قوای
مجموعه سنه فارشی او قدر دهشتلی برانهزام ایچنده بیله قلبنک
جوهر صلابتنه خلل کلامش اولان سیف مسلول جلادت
قلیج علی پاشا بیله ایرتسی سنه یه بردونما یتشدیره بیلک
فکرینی ایشیدنجه — خیالات آره سنده قلانلر کبی — تترمکه
باشلامش ایکن (پاشا مایوس اولمه ! اقتضایدن دوئمنانک
دمیرلرینی کومشدن یلکنلرینی اطلسدن ایلرینی حریردن یامق
بودولت ایچون ممکندر .) دیان وفی الحقیقه برقیش ایچنده
قرق بیک عسکر وطائفه ایله مجهز ایکی یوزدن زیاده سفینه
وجوده کتیره رک قپودان علی پاشا کبی عمرنده فلکه باش
اکامش بر مجاهده بیله یدفالبه سنی او بیک ایچون حضورنده
باشا کدیرن اوصقولیدر .

[۲] دوغانک انهرامی ۹۷۹ تاریخ هجر یسنده وقوع بولشدر .

في الحقيقة صقولى سليم نائينك وفاتندن صكره سراى
همايونجه بردرجهيه قدر مستنقل ايدى . چونكه پادشاهك
شهزاده لكبرى ائاده اويس پاشا كى قاضى زاده كى خدمتلىرى
شرفندن بهره دار اولانلك هربرى جلوس همايونندن
صكره برر ايكنجى پادشاه اولغى قورمش وصقولينك متات
وزيرانه وحيت قانون پروانهسى ايسه بريكيلرك هوس
وتسلطرينه قويا حائل اولمشيدى .

في الحقيقة پادشاه مرحوم حق شناس وقدر آشنا
اولديغندن هر نه وقت صقولى نى كوررسه بونجه تجارب
كارا كاهانه وبر درايت فلاطون پسندانه ايله مؤيد اولان
عرضلرني قبول ايلديكى حالده اويس پاشالر قاضى زاده لر
بودين واليسى عمجه زادهسى مصطفى پاشايى اعدام اچون
ميراخور فرهاد اغايى جلادلقده قوللانغنه ومعتدلونندن
نشانجيسى منشآت صاحبي مشهور فريدون بكى وكئخداسى
خسرو اغايى كه برى يازى برى اجراءت خصوصنجه ايكي
يداقتدارى حكمنده ايديلر خدمتندن ايرمغه مقتدر اولديلر .
حتى دائره سنده بولسان اصحاب امتيازك زعامتلىرىنى تيمارلرني
بيله ضبط ايله كرك پاشايى كرك توابغى هرذولو قوت
وحيتتندن محروم برافغه چالشديلر .

فقط پاشانك بخشايش قدرتدن نائل اولديغى علوهبت
استحقاق مرجعيت نظر حكيمانه اطوار وظائف بزورانه كى

مزبانی نزع ایتک اللرنندن کلدیکی ایچون ینه قوه ادراك و حیت
واعانه صبر و سکینت ایله مسند و وقارینی محافظه ایدر و برچوق
ییلدیرم ضربه لرینه اوغرادینی حالده طریق حقدمه استقامت
تمامی ثبات اولان بعض مناره لرکی جله نك فوقنده کورینه رک
جمله یه الله یولنی کوسترمک خدمتده بولنوردی .

ایشته صقولینک مهارت اداره و مکانت سیاسی
قوتیله ایدی که جزمینک مبادی نشأتده برطاقم نوظهور
مقربلر نوهوس متغلبلرک سیئنه سنه اوغرایه رق کړک اخلاق
و کړک قوای ماده جه انحلاله بر استعداد کلی کوسترمکه
اولان سلطنت عثمانیه اغیاره قارشی اسکی دهشت و عظمتی
محافظه ایدر طورور ایدی .

اوزمانلر حکمنجه کړک نجابه و کړک قدره دول
اسلامیه نك اعاضندن معدود اولان و خلافتک شمال حدودینه
قورلمش بریسوک اردوسی حکمنده بولنان قریم خانلغی ده
دولتکرای دورنده کی شعشعه سنی ضایع ایتکه باشلامشدی
چونکه دولت کرایه خلف اولان سمین (سمیز) سجد کرای
وجودجه قانی صوکلمش بر مستشی عداولنه جق درجه لرده
شیشمان برشی اولدینی کی، بوزلمش، انتفاخ ایتمش بر قلبه مالک
ایدی . جنکیز ایننک تجدیدینی اسلامک اتحادینه، کندی
استبدادینی خلافت اسلامیه نك بقاسنه ترجیح ایدردی .

فقط خان اولدیغی صروده (قالغای) نصیب ایلدیکی
برادری (عادل کرای) کندی، فکرنده، کندی مسلکنده
دکل ایدی . عادل کرای جزمیدن براق آی اول بر بهار
صباحنده کونشله برابر طوغمش، ودها طوغر طوغمز عالمک
فناسنه بنی ادمک ابتلاسنه واقف ایش کبی؛ آ غلامغی اعتیاد
ایتمش ایدی . کویا که شیخ غالب حسن و عشقنه زینت ویرن
نیسنک بندینی عادل کرایک دایه سی لسانندن سولمشدر .

(ای ماه او یو بو آرز زماندر !)

چرخک سکا مقصدی یماندر ؛

زیراقتی تندوبی اماندر !

لطف ایتمی ده اکر کماندر !

ظنم بوکه پک خراب اولورسک !)

کویا که (تاطوغدیغم کوندبری کرایم .) مصراع
برجسته سی صاحبک خیالنه عادل کرای پیش نظرندن کچدیکی
زمان صادر اولمشدر .

چوجق امکلمکه باشلادی ، برحاله امکلردی، که
اوزمانلر محکوملزه طاقیلان کله لر کبی، عالمک محنتندن برکوه
یاپلشده آیاغنه ربط اولتمش ظن اولنوردی ! ایکی ادیم آندیغی
زمان — دنیا دوزکن نصل برقوه غالبه نک پنجه قهرنده اولدیغی
کوسترر ایسه — اوده حرکتنه کندی اختیارینک فوقنده
برقدرت مانع اوله کلدیکنی کوسترر ایدی .

چو جوق بیومکه باشلادی ، باغچه لرده او نیاشی بیله ینه
بشقه چو جوقلره بکزه مزدی . انه برپراق الیره وایه اتاردی ،
یپراق نسیمک تحریکیله اهتراز ایتدججه اوزرینه تصادف ایدن
نورک کوستردیکی خفیف خفیف تموجلره باقارکوک یوزنده ده
چوجقلر یپراق ایشیورلر ، کورینان یلدزلر او یپراقلرک
پارلاقغیدرکبی ، برطاقم خیالاته زاهب اولوردی .

هواده اتش بوجکی کوردی ، قرق برپارجه سی یره دوشمشده
قرکبی او چیورظنده بولنوردی . ده یاشی تحقیقات و معلوماتی
ایله او غراشمغه مساعد اولدینی زمانلر بیله خیالی کندنه مخصوص
برعالم ترتیب اتمکه مقتدر اولمش ، وبلکه برتصورله سکا بیک
عالم ایجاد ایلم ! تخیلی حقیقت صورتنده کوستره جک درجه یه
کلشدی ، چونکه طبعاً شاعر ایدی .

شاعرنه در ؟ طبیعتک اک سودالی زمانلرنده کی حزین حزین
تبسلرندن یرادلش بر مخلوق ! ... خنده لرندن - کلده شبنم کبی
- کریمه اثرلری ، کریمه لرندن - بلوطده ، قوس قزح کبی - ابسام
علامتلی کورینور . طبیعته هر مخلوقدن زیاده اسیر ایکن طبیعتک
فوقنه چیقماق استرکندی وجودینی لایقیله اداره یه مقتدر
دکل ایکن کره زمینی ضعیف قولرلیله سورکلیه سورکلیه بشقه
بر تقطه فیضه ، بشقه بر مرکز کاله کتورمکه چالیشیر ! بو قدر
طاقت کلز اقدام ایله تاب وتوانی کسینجه یا نفیسه سیاه پرده لر
ایچنده محبوس اولمش اولان بلبلرک نغمه سی قدر حزین ،

یا کرده دن تنفسه کافی هوا بولنه میه جق درجه ده ایریلوب ،
حدتله اشغی سوزیلان شاهنرک صداسی قدر اجی فریاد لره
باشلار ایشته شعر اودرلو فریاد لر ، شاعر ایسه اومزاجده ،
اوفطرتده یار ادیلان بیچاره لردر . یالکز اون بش هجایی افاعیل
وتفاعیله توفیق ایتمه ، یکریمی سکز کله پی بر برینه قافیه یامغه
مقدر اولانلر دکل .

صددن ایرلمه لم ! عادل کرای طبعاً بر بیوک شاعر یرادلدینی
کبی ، قابلیات ذهنیه سنک سائر جهت لری ده اونستده یعنی
فوق العاده بر مرتبه ده ایدی .

وقتا که تحصیل زمانی ایرشدی ، کندینه تعلیم اولندان
کتابلری کویا دنیا یه کله دن اول اوقومش کبی ، کوردیکی
برباقشده اکلاردی . برحاله که ده ا یکریمی یاشنده ایکن زمانک
علماسندن معدود اولمشدی .

عادل کرایک بر مرتبته ده اندامنده کی لطافت ایدی ؛ چهره سی
پنبه ایله مزین صاری یه مائل بررنکده اوله رق ، مائی کوزلری
ایسه اورنک ایچنده - کوی یوزینک غروب بلوطلری اره سندن
کوی حال ایله ظاهر اوله بیلمش ایکی پارچه سی کبی - کورینوردی .
- اوبلوطلرک تأثیر ضیا ایله یکرنک اولدینی حالده اچیق لانه رق ،
قویولانه رق ، برچوق رنکلرده کورندیکی کبی - عادل کرایک
چهره سی ، صاچلری ، قاشلری ، خط نوظهوری ده صاریلق
ایچنده درلو درلو صاریق لار پیدا ایدردی .

قریم خانلرینک خان زاده لرینک و حتی خلقنک البسه سیده
استانبولک اوزمانکی اتوانه بکزه مزدی . ارقلرینه کیدکری
شیلر اولدجه صبقی و بنساء علیه وجودلریله متناسب ایدی .
باشلرنده قاووق یرینه برکوزل سیاه قالباق وار ایدی . عادل
کرایک بویولده اولان لباسی ایسه چهره سنه کیچنک هله مهتابه
یاقشدینی قدر یاقیشردی .

عادل کرای فطرة شاعر اولدینی قدرده عسکر یارادلش ؛
وطهارت وجدان وقوة عرفانی کندینی برمسلك دیانت وحیته
سوق ایتمشیدی . مرکز خلافتی اسلامک نقطه استنادی بیلیر ؛
واوجهته سلطنت عثمانیه نك دوام سطوتی کندی بقای حیاته
مرجع طوتاردی .

تاریخلردن برتفصیل آکلاشیلیر ، که اوزمانلر قرمده
(قالغایلق) ولی عهدک ، صدراعظملق ، و سردار اکرمک
کبی ، برطاقم حیثیات و خدمات جلیله یی جامع ایدی .
خانلرک عزل ونصبی ایسه خلافت اسلامیه نك صلاحیتی
داخلنده اوله رق ، اکثریت اوزره دخی خانلرک یرینه قالغایلر
نصب اولنه کلیردی .

ایشته مرکز سلطنتده اویله برصلاحیتک وقریمده عادل کرای
فطرتنده برذاتک وجودی محمد کرای فاسد فاسد تصورلرینی
اخفا مجبوریتنده بولندیردی .

کره زمین اوزرنده بریرینه التصاق ایتیه جک ایکی نقطه

منتها اولدینی کبی ، جزمینک فطرتی ده ظاهرده عادل کرایک
تمامیله ضدی کبی ، کورینورکن حقیقته هر کسدن زیاده آکا
متقارب ایدی .

ایرانده اسماعیل صفوی به خلف اولان و سلطان سلیمان
قانونینک شمشیرقهرندن کندینه بر مقرر حکومت اتخاذا ایده میه جک
قدردهشتیاب اولمق ، بیچاره شهزاده ، سلطان بایزید کبی ، بر مهمان
نجیبی بعض منافعہ قربان ایلک ، — عموم تبعه سنی صوبه رق —
آسیانک یاریسندن زیاده سنی غارت ایدن — جنکیزه یقین مال
ادخار ایتک کبی ، بر طاقم مظالم طاقتفر ساسیله برابرینه پدری
زماننده تأسس ایدن دولتی هم عثمانیلرک ، هم شیبانیلرک قهر
وسطوتندن محافظه ایده بیلدیکی ایچون اونجی عصرک ظلمه سندن
وقفت اکابرندن معدود بولنان شاه طهماسب اللی اوج سنه لک
بر سلطنت مدیده دن صکره ، ۹۸۴ تاریخنده دار مجازاته انتقال
ایتمشیدی .

او عصر اصحاب اقتدار جه برکت دوری اولدیغندن میدر
ندر ، ایران قطعه سی ده طهماسبک وفاتیله اداره و بلکه تقلیب
اموره مقتدر ارباب مزیتدن خالی قالمدی .
طهماسبک سکر ارکک اولادی بر برندن اشانغی شیرایسه ده
بر قزی ایله بر کلینی عالم سیاستده ، بر حفیدی ده میدان شهامتده
کندینی قدر و بلکه کندیدن زیاده شان آلمق استعدادینه مالک ایدیلر .

قزی دیدیکمز (پریخان) کلینی ایسه اکبر اولادی اولان
(محمد خدابنده) نك زوجته سی (شهریار) خانم حفیدی ده
(خدابنده) ایله (شهریارك) محصول عمری اولان (جزه
میرزا) در .

اوزمانلر اون سکز اون طقوز یاشلرنده بوانان پریخان
طبیعتک فواره بدایعندن صحرا مشده انجماد ایتمش برعمود نورانی
وصفنه لایق اوله جق قدر کوزل بروجود اوله رق ، جبهه سنده
مهتابه قارشو طو تلمش کومش لو حد لر کی ، صاف بر پر تو چهره سنده
کونشه طوغری آچلمش کلر کی ، پنبه بر نور جولان ایدردی .
منجور کوزلری پریشان صاحپلری سودا کی ، خیال عاشقانه کی
حزین ایدی . اندامنه باقلسه ، مایه سی الماس معدنلرندن
آلمش ظن اولنوردی . او قدر نازک ، او قدر روحانی بروجود
ایچنده بر آتشین فکر ، بر آهین قلب مستور ایدی ، که او فکر
آتشین آفتابک ضیاسی ، طوقوندیغی یرلری تنویر ایده بیلر او قلب
آهین کره زمینک صلابتی کی دکه بر حادثه ایله ازلمکدن مصون
بولنوردی .

شهریار خانم ایسه قرقنه یا قلاشمش فقط کنجک طراوتنی
غائب ایتماش بیلان کی رنگ آمیز بر حسن ایچنده کورینور
بیلان کی ظاهرده ضعیف فقط حقیقته قوتلی بر بنیه یه مالک
اولمش بیلان کی عاجز قالدیغی زمان یرلرده سورینور ، بیلان کی
وجهه مقصودینه وصول ایچون ایزینی ستر ایده جک اگری

بوکری یوللره سالک اولمش برغریبه روزکار ایدی .
پریخانه نسبت کوزللیکله کله نسبت زقوم چیچکی ، اخلاقی
روحانیاته نسبت سفلیات ماده آرزوسی خیالات عالییه نسبت
اغراض نفسانیه اکلنجهسی آمال معصومانیه نسبت مشتهیات
منفعت پرستانه قیلندن ایدی .

سن جهتیه تجربهسی دهها غالب اولدینی کبی حرکتی ده
مادیات ایله منفعت ایله اوغراشانلر یولنده بولندینی ایچون پریخانه
غلبه ایله بیلسی — بودنیای دینک احوالنه نظراً — طبیعی
کورینوردی . فقط شهریار خانمده — بشرک هر نوع اقتدارینه
برقاج قات تأثیر و پریمک شانندن اولان — جسارتی قوتی نابود
ایدی . پریخانده ایسه او قوت بیوک بیوک قهرمانلره عطف
اولنسی قابل اوله جق درجه لرده موجود ایدی .
حزه میرزایه کلنجه :

بوذات فطرة والده سنه هیچ بکزه مزدی شهریار بیلان مزایا -
چنده ایسه کندیسی قیلان طبعتمده ایدی . بیلانن قیلان طوغه
بیله جکنی کیم مأمول ایدر ؟ فقط قوه فاطره هر محالک ایجادینه
قادر در .

حزه میرزا فوق الغایه جسور ایدی دنیاده هیچ برمه لکه دن
چکنمزدی عسکر لکجه بیوک براستعداد طبیعی به مالک ایدی .
حتی آشناغیده کوریلورکه اوز تیمور زاده کبی زمانک اک
بیوک واک تجربه لی عسکر به اوغراشمغه مقتدر اولدی . فقط

امراض نفسانیہ سنہ فوق العادہ انہماک ایدردی . جان یاقتدن
قان ایچمکدن ہیچ بروقت چکنمزدی .

بو اوچ قوۂ غالبہ دن طہماسبک وفاتی صرہ سندنہ یالکز
بریخان یانندہ موجود اولہرق عسکر ایسہ کرجی وچرکس
رؤساسنک تحت نفوذندہ ایدی کہ کرجیلرک ریاستی میرزا علی
خان کرجی وحسین قلی اولان خلیفہ یہ وچرکس امراسنک
ریاستی دہ داغستان حاکی اولان شمخالہ عائد ایدی .

شمخال پریخانک دایسی اولدینی کبی حسین قلی خان ایلہ
علی خان کرجینک دہ طہماسب شہزادہ لوندن میرزا حیدرہ
والدہ سی طرفندن قرابتلری وار ایدی . فقط عسکر طاقنک
اک منتظم واک کثرتلیسی سرایک محافظلغندہ بولنان و بزم
اوزمانکی بوستانجیلر حکمنده اولان قوریجیلر اولہرق
آنلرک ریاستی دہ حسین بک یوزباشی (نامندہ) غایت جری
برذاتہ مفوض ایدی .

شاہ طہماسب وفات ایتدی کی کبی حسین بک یوزباشی شہزاد لردن
برینی کندی قوتیلہ سر برسلطنتہ چیقارمق و اوسایہ دہ برسلطنت
معنویہ مالک اولمق طمعنہ دوشہرک قوریجیلری باشنہ جمع
ایلدی . و کرجی طاقنی چرکس فرقه سندن دہا قوتلی کوردیکی
ایچون حیدر میرزایی ذہنندہ ترجیح ایلہ کرجی رئیس لرینک
اتفاقنہ داخل اولدی .

ارباب اتفاق دہا طہماسب بالین احتضار دہ ایکن حیدر

میرزایی بعضی وسائط خفیه ایله سرایه ادخال ایتمش وحتی شاهک ارتحال ایلدیکی دقیقهده ایچریده بولنان طرفدارلر قوتیله باشنه برتاج دخی کیدیرمش ایدیله .

طهماسبک وفاتی دیشارییه عکس ایدر ایتمز کربک حسین بک کربک کرجی رؤسای انتخاب ایتدکلیری پادشاهی آلقشلاق ایچون سلاح بدست اوله رق سرای جوارینه هجوم ایتدیله و دعا و تهنت صدالرینی عیوقه چیقارمغه باشلادیله .

اوصرده ایدی که سرایک اوافق قبولرندن بری کال-شدتله آچلدی ایچندن آت اوزرنده برغریب مخلوق میدانه آتدی آتی بیاض و فقط قان طامله لرندن اویک قرینه بکزه مش وبلکه برنوع قپلان شکلی باغلامشدی .

حیوانک اوزنکیلرینه قدر دوکیله رک اوچلری قانه بولانمش اولان صاحچلری منتهای غرویده کورینان سیاه بلوطلری آندیردی .

کوزلرندن ایکی سیاره کبی اطرافه نور جوال صاحچیلردی دوداقلرندن آچلامش ایکی غنجه کبی، طوقونولسه قان دوکیله جک ظن اولنوردی . آرقه سنده برخفیف بیاض بلوط مهتابی ستر ایده بیله جک قدر وجودینی صاقلار وحتی قان طامله لرندن حاصل اولان لکه لره باقلیرسه بلوطدن زیاده هاله به بکزر برکوملک النده شدتلی روزکار ایله قوسیت حاصل ایتمش چیچکی لیلایق دالری رنک و شکلنده برقلج وار ایدی .

اويله طبيعتك فوقنده عداولنه جق بروجود هيچ كيسه نك
انتظار اتمديكي دوشونمديكي برزمانده ميدانه دهشت انداز
ورود اولنجه سراي قپوسي او كنده بولنان عسكرى عالم ديكردن
نازل اوله بر مخلوق كورمش قدر بهت ايچنده براقدي . كرجيلرك
الارى تترمه ك اللرنده كي سلاحلريره دوكلمه باشلادي .

كورينان سواري ايسه همان طوپلانان خلقك اوزرينه
يوري بهرك و هيچ لقردي سويلمه ك حاجت كورميهرك قليچنك
اشارتيله اورادن صاوملريني امر ايدر طورردى . عسك
طاقنك ياقديني مشعله لردن چهره سنك بر طرفنه قورقم
بر قزى بلق عكس ايلمش بر طرفنده پارلاق برضيا دها منضم
اولمشدى . كندى بو حال ايله صحیحاً بزم عالمك خارچنده يارادله
بر جسم روحانى كى كورينوردى .

بوشكل غريب ايسه پرينخان ايدى . حيدر ميرزانك
آلقشلايينى حيدر ميرزا طرفدارلرينك سراي ايچنده اولان
تسلطرينى اويقو دوشكنده ايشيدهرك و همان يرندن قالقهرن
كيجه لك كو ملكيله ديشارى به آتلس و بربرينك قانده يوزمكه
ويا بوغولمغه چالیشان ايكي طاقم آرسندن بر قوريجنك يره
دوشن قليچنى قاهره ق و ديكر بر قوريجنك نردبان باشنده ترك
ايتديكي حيوانه بنهرك قپودن ديشارى هجوم ايتمش ايدى .

سرابك داخنده اويله بر ملحمه ظهورينه سبب اولانلرك
بر طاقى حسين بك يوز باشينك عسكرى بر طاقى ده
شمخال طرفدارلرى اوله رق چونكه شمخال

پریخان واسطه سیله طهماسبک مرض موت حالنده اولدینی
او کرندیکی کبی کر جیلرله قور یجیلرک حیدر میرزایی اجلاس
ایله اوغرا شتمده بولندقلرینی ده کندیکن اطرافده قزاندینی
واسطه لوردن خبر آلمش و بناء علیه کندی فرقه سنی سائر فرقه لره
مغلوب ایتمهک ایچون یاننده کی چرک سئرله سرایک بر بشقه
قپوسندن ایچری داخل اولمش ایدی . حسین بک یوز باشینک
بیاغی دیوان قپوسنی جبرایله تخریب ایده رک ایچری هجوم ایلدیکی
کورنججه مقابله سنه عزم ایلدی . سرایک خارچنده اولانلر
مشعله لری فریادلرله حیدر میرزا نامنه برسور سرور اجرا
ایدرلردی . ایچری سنه کیرنلر ایسه خنچر لرله قلیچ لرله اوسور
سروره قارشی بر ماتمخانه ترتیبیله مشغول اولورلردی .

پریخان او هنکامه بالانک آره سندن قورتیلوبده جراً تنک
درایتنک شکل و شمائلنک اوضاع غریبه سنه ویردیکی نفوذ
متحکمانه قوتیله کرچی طاقنی بولندقلری موقعده حیران حیران
طولاشدیردینی صروده ایدی که شمخال سرایده کی حیدر میرزایی
طرفدار لریله برابر محوایتدکن صکره کیردیکی قپونک محافظه سنه
براقدینی سلاح آرقداش لرینک امدادینه شتاب ایلدی . یوقاریده
تصویرایتدی کمز جسم غریبی کورنججه اوده حیرته قالدی . اوده
قارشیسنده برقاج آدیم آته مامق درجه لرینه کلدی . برخیلی
ترددن صکره کوکدن اینمش بر ملک بردن چیقمش بر پری ظن ایتدیکی
وجودک همشیره زاده سی پریخان اولدینی آ کلادیده آندن

صکوه یاننه تقربه جرأت ایده بیلدی .

(پریخانک ذاتی اشخاص متخیله دن اوصافی مبالغات
شاعرانه دن ظن اولنسون ! عثمانلی تاریخلرینک هانکیسنه
مراجعت ایتسه کز نامنی و فعلیاتنک انجمنی کوررسکز .
عثمانلی ایرانلی وقوعاته دأر اولدقجه تفصیلات ویرن فرانسزجه
تاریخلرده برخیلی اوصافی تصویر اولنشد .)

شمخال طهماسبک حرملری هانکی قومه منتسب اولدیغنی
واولادینک هربری هانکی حرمندن طوغدیغنی بیله مزدی .
بالکز بیلدیکی پریخانک والدهسی اولان همشیرهسی ایدی که
اوده اون درت سنه اول وفات ایتشدی . بونکله برابر ایرانک
اوزمانکی حالی « هربرعشیرتک بکی بر بشقه پادشاه ! » مألنه تمامیله
مظهر اولدیغنی کبی امرادن هرکیم رقیلرینسه غالب اولورسه
حکومتی ده کندی قبیله سنده تقریر ایتک ایستدیکندن شمخال
طهماسبک چرکس والده دن طوغمه برچو جوغنی پادشاه ایتک
فکرینه دوشدی . بناء علیه ایچلرنده حسب جهتله چرکس هانکیسی
اولدیغنی همشیره زادهسی پریخانندن سؤال ایلدی .

پریخان اوزمانه قدر بعض کره بلوطلرده کورینان الکتریق
قزیلیدیسی قدر هائل بر حالده کوررکن بردنبره بیلدیرم قدر پارلاق
بیلدیرم قدر مدهش بر قهقهه ایله « دایی ! ایچلرنده چرکس بالکز
بنم . فقط سن ملک مظفر مزیتنده بر آدم دکلسک که شجرة الدر
کبی بنی پادشاه ایتک الکن کلسون !) دیدی و دایسنی

آر قه سنه قاتهرق سر ایده کی دائره سنه چکلدی . شمخال حسین
قلی خلیفه یی کورجی طاقنک اک نافذالکلامی اولدیغی ایچون
سرایه جلب ایتدی آرهلوننده مذاکره لری کچدی نهایت ینه پریخانک
امرینه تابع اولدی لر طهماسب اولادندن اوزمان قهقهه قلعه سنده
بولنان اسماعیل ثانی یی تخته اجلاس ایچون دعوت ایلدی لر .

پریخانک اسماعیلی انتخابنه سبب اوزمانه قدر کوستردیکی
حلم وسکون ومیل عدالت ایدی که اننه برفرست کچرسه عمومی
بختیار وخصوصیه ایرانلی لری سنی ایده جک کبی کورینور
و پریخانده — قدرتی دسیسه یه منحصر اولان حریر صلاک افکار
عالیه اصحابنه دائم تأدییه ایده کلدی کبری — جزیه تملقده دوام ایدر
طورردی .


اسماعیلی حالیه قلمیه وهله طرز احتیالیله پریخانک
نظرنده کندیسنی اولدجه انسانه بکزر برشی کوسترمش اولدیغی
کبی کندیسنی قزک موهوبات فطریه سنی یالکز واسطه اجرا
اولق قابلیتندن عبارت کوردیکی ایچون همشیره سنی بعض
قاتلرک قصدینی فعله کتیردکن صکره قیروبدده برطرفه
آتدق لری سلاح لر قیلندن عد ایتمشیدی .

سلطنته واصل اولور اولمز اولا پریخانک طرفدار لر لیه
اوغراشمغه باشلادی شمخالی اولدی ر مکه چالشدی مقنن اوله مدی .
فقط شروانه قدر فراره مجبور ایتدی ، بونکله ده قناعت ایتدی
برادر لوندن اقرباسندن صاغ قلانلر اوزمانلرک عادت ملعونه سی

اوزره کوزلرینه میل چکدی . حسین قلی خلیفهدی قهقهه دن قزوینه کلنجهدیه قدر « پدرم تعبیری کبی » بر طاقم عنوان مفخرت و حتی قزوینه کلدیکی زمان آنک خانه سنه نازل اولمق کبی بر چوق علامت امنیتله اغفال ایده رک کویادولتک زمام اداره سنی اله تسلیم ایتمش کورینور ایکن او بیچاره بی ده بر قاچ کون ایچنده اخوانی اقرباسی کبی نور نظردن محروم ایلدی .

زمان سلطنته قدر حلم و عاطفته فوق العاده شهرت قزانمش اولان اسماعیل ثانی غرضکار لغنی کیندار لغنی اودرجه یه کتورمش ایدی که یوقاریده حالندن بحث ایتدی کمز حسین بک یوزباشی بی- کندی علیه نده بولندیغی و بلکه لهنده بولندیغی جهته - دار السلام یا خود دارالسلامت بیله رک سیغندیغی بغداددن بیک درلو دسایس و تدابیر ایله پای تختنه کتیردی و کلیر کلز اعدام ایلدی .

پریشان اوزمانلر اک یوکسک طاغلرده بولنوبده آباغنک آلتنده کی بلوطلرک رعینی، برقی، بارانی، کورلدیسنی کلنجه طرزنده کورنلر کبی، اسماعیلک حر کاتی بر طرز بیقیدانه ایله کورردی . چونکه قدرت عقلیه جه اسماعیله فائق اولدیغندن امین، واسماعیلک شدتی ایسه - طبعی بولندیغی موقع تمایزه نظراً - کندی دامن اقبالنه یتشه میه چکندن مطمئن ایدی .

شاه اسماعیل، معترض  اوره کیرمکله اعتراضک آرقه سی کسلیلر، کوزه میل چکلمکله نظر رقابت ده قبانیر قیاسنده ایدی . فقط مغدورلر اسماعیلک امریله اعدام اولنان رؤسانک اولادینی

مزار کبی ساکت میت کبی سرو و رمز بر آلت انتقام اتخاذ ایتدیلر.
نهایت شاه اسماعیل سلطنتندن بر بچق سنه کچر کچمز بر رمضان
کیجه سی ندیم خاصی اولان حلواجی زاده حسن بکله برابر بر
اوطه ده وفات ایلدی

اسماعیلک نه صورتله تلف اولدینی معلوم دکلدیر، اوطه ننگ
قپوسی آچلدینی صرده حسن بکک حیاستندن بر رmq قالمش
ایسه ده او حیات دخی یالکز بر رmq ایدی . بناء علیه بر ایکی
دقیقه صکره زائل اولدی . و بناء علیه وقعه ننگ صورت جریانندن
حسن بکک افاده سندن اولسون تاریخه بعض معلومات سطحیه
قالمق نصیب اولدی . یالکز اسبابی پرده خفاده قالمش وقعه لوی
برید اقتداره اسناد ایتکه مألوف اولان اصحاب تخیل شاهک
زوالنی پرینخاندن بیلشردی .

بزم تاریخردن بعضیلرینک روایتنه باقلیرسه اسماعیل ثانی
ایرانده سنیلک قوتیه کندی سلطنتنی تأسیس ایتکه چالشدینی
حالده خلافت اسلامیده شیعیلک قوتیه مقابله ایتک فکرنده
ایدی . ضعف قلب ضعف عقل اصحابی دائماً ایکی یوزلی ایکی
مشرابی ایکی مذهبی بولننی اقصابی مهارت قیاس ایدرلو ! جمع
اضداد عقلا محال اولدینی کبی ماده دخی محال اولدینی دوشنه .
مزلو . قارلو تیپلر ایچنده ایزکور و بده هیچ برینه اعتماد ایده .
مدکبری حالده هیچ برینی غائب ایتامک ایچون بر طرفدن بر
طرفه قوشان عجمی یولجیلر کبی ایکی طریق آره سنده هلاک اولورلو

تاریخ مرکز بر طاقی ده ایران محاربه سنک و قوغنی عثمانلیلرک
ایراندن بعض یرلر آلق طمعنه جل ایتمک ایستمشلر سده حقیقت
حالدده دولت علیه نك دور سلیمان بی آندیره جق و کوپرلی
زمانه کلنجه به قدر اک صوک و بر درجه به قدر اک پارلاق شعشعه
سلاحی عد اولنه جق او محاربه شاه اسماعیل ناینک یوقاری ده
بیان ایتمدی کمز فکر غریبندن نشأت ایتمشیدی .

فی الحقیقه پریخانک پر مقلرندن خنایرینه قانلر آفرق،
بر قوجه سریر سلطنته چیقاردیغی اسماعیل ثانی او مقام عالیدن
کندی اوضاع غریبه سیله حضیض فنا بی سقوط ایتمش؛ ویرینه
محمد خدابنده کی، کوزینه میل چکلمش، دنیایی کورمز
اولمش، بلکه حیاتی قرانلق زندان ایچنده قالانلرک چکدکلری
عذابلر حکمنده بولمش، وجود راحتدن بشقه دنیاده هر لذتدن
محروم اولدیغندن، کیسه ایله او غراشمقدن دکل حتی دنیاسندن
بیله بتون بتون اوصائمش بر آدم کلش ایدی .

امراسنک، قرناسنک اکثری ده شاه اسماعیل طرفندن
کوزینه میل چکیلان حسین قلی خلیفه و اوقیلدن رفقای فلاکتی
ایدی مع مافیینه عثمانلی ایله محاربه آرزوسندن چکمز لردی .
ایرانک اوزمانکی حکومتنه کورلر عالمی دنیسه لایقدر .
کورلر عالمنده ایدیلر که پریخانک هر فعلندن کونشک آچلیشنده
کی نورانی شکلر کی لمعان ایدن پرتوز کای کورمدیلر نظر لرنده
شهریار خانمک سیرتنده اولان خیانت - بعض چچکلر ده مندمج

زهر لر کبی - صورتنده کی حسن حالی ایله مستور قالیردی .
هنوز نوجوانلق عالمده بولنان جزء میرزانک استعدادینی
باشیله قدرت جلادتنی بوی ایله متناسب قیاس ایدر لر ایدی !
هله عثمانلیلرک سطوتنی سلطان سلیمک سلطان سلیمانک ذاتلر ایله
قائم عد ایلد کبری ایچون دولت علیه ایله امتحان اقبال میدانه
چیقمقده شاعر لرینک - یاراسه نك کونشی قولتوغنده صاقلامسنه -
احتمال ویرمسی قیلندن برطاقم خیالات عجمانه یه قایلقدن
کندی لرینی آله مدیلر .

ایشته او آرزولرک ، او خلیالرک نتیجه سی ایدی ، که ۹۸۶
تاریخنده خلافت اسلامیه ایله دولت صفویه بر برینه اعلان
حرب ایلدی .

او وقت مقام صدارتده بولنان صقولی محمد پاشا مرحوم
محاربه نك وقوعنی ایسته مزدی ، چونکه (تن) ایله (وولغایی)
برلشدیرو بده بحر حرز اوزرندن تورانه بر طریق وصول
آچق و ایرانک تپه سنده بر آلت تهدید پیدا ایتک امیدینی غائب
ایتدیکی ز ماندنبری دولتک حالنده (اوزمانلرک افکار
حکیمه سندن معدود اولان) سن وقوف علامت لرینی استدلاله
باشلادی . بو فکر اساساً خطا ایدی : فقط او خطانک منشائی
صقولی دکل زمانک درجه معلوماتیدر .

بوندن بشقه مرحومک ایران سفیرینی ایسته مامکده ایکی

مطالعه سی‌دها و ارایدی، برنجی درجه‌ده و نمانک انهمای فی الحقیقه سیاستجه هیچ بر تأثیر حاصل ایتامش ایسه‌ده دولت علیه تیمور وقتندبری هیچ بریرده و باخصوص دور ظهورندبری اوروپانک قارشینده اوله بر مغلوبیت کورماش اولسنه نظراً دونما حادثه‌سی اوزرینه بزده بدرجه‌یه قدر اعتماد ظفر آزالق و اوجهته اوروپاچه عثمانیلرک پرتو اقبالنی سوندیرمه امیدلر چوغالمق طبیعی ایدی. بو حالده ایسه اوروپاده ینه بر اهل صلب اتقاقی ظهور ایده بیلک الک غالب احتماللردن بولندیغندن، صقوللی مرحوم النده کی قوه اسلامیه‌نک مجموعنی او خطر ملحوظه قارشی مهیا طوتمق فکرنده بولنوردی. بوفکری ایسه عین حکمت ایدی زیرا خلافت اسلامیه‌نک تخت اجلانده سلطان سلیمان کبی، یدیمین سطوتنی اوروپانک بغرینه قدر اوزاتمش ایکن دست یسار همتیه ایران حکومتنک ارکاننی لوزناک ایده‌جک برهیکل مهیب جلادت موجود دکل ایدی. کندی شخصانه قدر بیوک اولسه موقعی طبقات حکومتک ایکنجی درجه‌سنده بولندیغندن اقتدار و مقامنک استعدادینه کوره دنیانک ایکی قطعه‌سنه بردن قارشی طورمق و خصوصیه ایکی قطعه‌سنی بردن اوزرینه بیغلوب کلمکه کندی دعوت ایتک حکمنده اولان بر حرکتی صرف احتیاطسزلق عد ایتشیدی.

ایکنجی درجه‌ده عثمانلی عسکری اوروپا سفرلرنده برچوق

غنائمه نائل اولدقلری کبی ، کیتدکلری یرلرک منزلهلری آز ، موقعلری معمور اولدیغندن ، حرکات مردانهلرینی ممکن اولدیغی قدر سهولتله اجرا ایدرلر و بناءً علیه حربک دائماً اوروپا طرفنده وقوعنی ایستلردی ، ایران ایسه چنکیزک و بلکه سلچوقیلرک ظهورندن بری برقاچ یوزسنه ایچنده قرق اللی دفعه بلای استیلایه اوغرادقدن صکره ، صفوینک شیعت نامینه تلف ایتدیکی جانلر ، بیقدینی خانمانلرله بریبوک خرابه زاره و بلکه ایچنده کی کویلر ، قصبهلو مزارجی کلبه سی کبی کورینه جک برقوجه قبرستانه بکزه مش اولدیغندن و برده ینه آرده رابطة اسلامیت موجود بولندیغندن بشقه استانبولدن حدوده و حدوددن کیرپله جک یرلره قدر همان اوروپانک عمومه یقین برمسافه کچلمک اقتضا ایدردی . بومسافه ده ایسه هیچ برنوع غنیمت یوق ایدی . بالعکس هر نوع مشقت موجود ایدی . او جهته عسکر طاقی ایران سفرینی یاسلطان سلیمک ذاتنده اولان مهابت و یاسلطان سلیمانک کندی کولکلرینه القا ایلدیکی حرمت قوتیله اجرا ایدرلردی .

صقولی زماننده ایسه نه اویله برمهابت نه اویله برحرمت موجود اولدیغندن عسکر ایران ویرانهلرینه سوق اولدیغی حالده یتش سکسان ییلدن بری بیک درلو بلالره آرقه سی آلسان فتنه لرک قیاملرک ینه عودت ایتسندن احتراز ایدرلردی . بوفکرده تاممیله اصابت ایدی . چونکه یکچیری و خصوصیه

سپاهینک تاریخلرده کوریلان شورشلرینه بومحاربهده تخم اکلکه باشلادی .

وزیر ثانی احمد پاشاده صدر اعظمک رأینده ایدی فقط احمد پاشانک صداقتدن بشقه برمزیتی صقوللی به اتباعدن بشقه برفکری یوق ایدی . حتی زماننک ظرفاسی کندیسنی « صدر اعظم کولکھسی » لقبیله یاد ایدرلردی .

یوقاریده بیان اولندیغی اوزره صقوللی سرای همايونجه اولکی دورلرده اولان اعتبارینک برچوغنی غائب ایلدیکندن مقربان دولت نزدنده صدر اعظم هر نه ایسترسه آنک عکسنه کیتک وصول مقصدیچون اک بیوک واک طوغری طریق عد اولنغه باشلامشدی .

ایران سفری خصوصنده صقوللی به اک بیوک معارض اولانلرک بری قبریس فاتحی لالامصطفی پاشا ایدی که دیوان همايونده وزیر ثالث ایدی . بریده تونس وینم فخنده خدمتلی ینه صقوللی قوتیله مشکور کورینان وزیر رابع سنان پاشا ایدی .

بوایکی ذات بربرینک فاتحک قهرمانلق شهرتلینی چکه مزلردی . ایکسی ده صقوللی به خلف اولوق طمعنده ایدیلر ایکسی ده دولته صقوللیدن صکره کندیلرندن بیوک آدم بولنه بیلدیکنی تصور ایده مزلردی .

بونکله برابر آره لونده برفرقده وار ایدی لالامصطفی پاشا « صقولویج » ویاترکچهسی « شاهین اوغلی » خاندانندن و بناء

عليه صدر اعظم اك يقين اقر باسندن ايكن اك بيوك خصما سندن
ايدى چونكه كندى نه قدر حريص اقبال ايسه صدر اعظم او قدر
وظيفه پرور ايدى .

سنان پاشا ايسه كرك اخلاجه كرك قرابت وقوميتجه
صقوللى يه هيچ بر مناسبتى اولمدينى و حرص اقباله لالا مصطفى
پاشايه بيله فائق بولندينى حاله « تيز رفتار اولانك پايه دامن
طولاشور . » فكرينى مصدق بردور انديش ذات اولديغندن
مقربلردن زياده صقوللينك سايه حيايتنى اختيار ايتمشدى . مع
مافيه مقربلرده الدن براقزدى خصوصيله كندى اصحاب ثروتدن
زمانى ايسه ادوار هدايا و عبوديتدن ايدى .

سنان پاشا ايران سفرى مسئله سندن طبيعى صقولليدن آيرلدى
چونكه كرك مقربلر كرك مصطفى پاشانك سراى هممايونجه
درجه نفوذلرينى لايقيه بلديكندن ، حربك مطلقا اعلان
اولنه جفته قانع اولمشدى . او حاله ايسه عثمانيلر ك سلاح
سطوتنى رقيب خاصى اولان و اقتدار جه كندينه بيك كره
فائق بولسان لالا مصطفى پاشانك يد غالبه سنه ترك ايدوبده
صقوللينك ميراث اقبالنى آكاتا مپن ايتمك افكارينه ، آمالنه بردرلو
موافق كله مزدى .

بو ايكي ذاتدن لالا مصطفى پاشا ، ايرانك تداركاتنه قارشى
صلحه ميل اولنورسه سلطنت سنيه نك شان و حيثيته طوقنه جفنى
وبلكه بوصورتله دشمنه كوستريله جك مماشات ضعفه جل

ایدیله جکندن ، دشمنک تمایلات حربیه سنی برقات دها تشدید
ایده جکنی میدانه قویه رق، و سنان پاشا ، ولو ایرانلیلر محاربه دن
چکنسدر بیله سلطنت صفویه به عارض اولان طور انحطاط
جهتیه ایرانی ممالک عثمانیه به الحاق ایله مدت اسلامیه نك کافه سی
اوزرینه حکم خلافتی انفاذ ایچون اک بیوک برفرست زمانی
کلش اولدیغندن ، طوتدی ره رق ، ایکسی ده الکتریک بربرینه
صد اولان ایکی قوتی کبی ، بر بشقه نقطه دن حرکت ایتدیلر ،
بربرلیله چارپشیدیلر ، آره دن آتش حرک علولنسنه سبب
اولدیلر . آتش حرب ایسه ییلدیرم حکمنی آله رق ، اکر یله
طوغریله صقوللی مرحومک منبای حیثیتی رخنه دار
ایلدی .

ایکنجی فصل

برقرا کلک کیجده شدتلی برقره یل فورطنه سیله بوغاز
ایچنده ظهور ایتش بریانغین لوحه سی کوز اوکنه آلسون !
برحاله که یانغینک علوی سیاهلی ، قرمزلی الوان دهشتیه اسکی
حکایه لوده کوردیکمز اژدرلر کبی ، گاه افلاکه چیققی ایستر .
گاه روزکاردن برشدتلی مقاومتیه اوغرایه رق آشاغی سوزیلور
دکزلره چارپشیر ، مادیاتی بربرینه قاریشیدیره جق برهیتله
ساحلن دکزه آتدیغنی کبی دکزدن ده قارشینسنده کی ساحله

اوغرایه جق کبی ، کورینور . اطرافه بیلدیزلر قدر شراره
 صاچار شهابلر کبی تخته پارچه لری ؛ تیمور قیرقلری طاغیدر
 هوادن حتی او آتش مهیک کنارینه دوشان طامله لری دخی
 بوز پارچه سی قدر صغوق براران مصیبت یاغار طورر . آغا جلر
 طاغلر تپدلر کیمی کفنیله آباغه قالمش شهید جنازه سی کیمی
 اوزرینه برسفید استار چکلمش فقیر تابوتی کیمی طاشلری
 قیرلمش ده اوزرینه بیغلمش اسلاف مزاری کبی بم بیاض قارلر
 ایچنده بردهشت ، برغرابته نظرلره چارپار . کچه لك اثوابله
 یتاقلرندن اوغرامش برطاقم ضعیف و بیچاره قادیلر چو جو قله هول
 جان ایله لرزان اطرافی طولاشیر .

بو حالده ایسه دریانک تلاطم طوفان نمونی ایچنده چالقانوب
 کلان برقایقندن امداده شتاب ایچون بردلی قانلی دریایه آیلیر
 قایقده کیلر بربار کراندن قورتلمش اولدقلرینه حکم ایدرلر
 کندی سلامتلی ایچون او بیچاره نك امواج اره سنده یوارلنوب
 کیتدیکنی نفسلرنجه بریبوک عنایت بیلیرلر طالعهدن زیاده آنک
 قایغه تقربندن احتراز ایدرلر ! خار جده کیلر علوک هر طرفه
 صارلمسنة نظرا کویا دکیزه بیله برتخته پارچه سی آنلسه دفعیله
 اوغراشدقلری آتشی تزیدایده بیلیر ایمش ، قورقوسیه کواکلی
 معینلرینه او فاجق بره دار معاونت هدیه اتمکجه جسارت ایده مزلر .
 بیچاره نك فورطنه چاغلدیسيله بربرینه چارپشدقچه تویلیری
 اورپرده جک سیکیرلری قوتندن کسه جک برتأثیر مدهش حاصل

ایدن - فریادلریده وجودی کبی امواج آره سنده غائب او اور
کیدر شعله نك روزکار قوتیله تتره دجکه طالع لره کوپوکلره
باغچه لوده کی طاعلرده کی آغاچلره قارلره دکزده کی قره ده کی
چهره لره لباسلره انعطافندن حاصل اولان بیک دهشتلی رنکلر
بیک هائل شکللر آره سنده دریا کبی هوا کبی طاعلری یرندن
اوینادوبده اوکنه قاته جق قدر شدید بتون دنیایی احاطه
ایده جک قدر بیوک ایکی خصم غالب ایله اوغراشیر . اوزرینه
اهرام قدر طالع لری بیغیلیر . هر طرفدن ، آلتنده یا نار طاع
غلیان ایتمش بر مزار ستانده کی موتا کی کلری کبی هوا یه بیاض
بیاض و فقط مدهش مدهش کوپوکلر فیشقیرر کاه تلاطمک
هر دقیقه ده برشدنه اوغرایه رق کره نسیمک فوقه چیقمق
ایستیان قاصرغه کبی طوغریلور کاه دونه دونه یرک دینه کچن
سیل منخدر کبی آشاغی یه سوزیلور هوا اوزرندن تضیق
ایدر جسمی کره زمینه بار اولمش خانلر کبی اسفل سافلینه قدر
سوق ایتمک ایسترینه دریا او تضیق مقلبه ایدر . وجودینی
مزار قبول ایتمش کهمکارلر کبی طیشاری آتمغه چالیشیر آتش
آره صره جله سنی بیچاره نك بولندیغی طرفه چویرر حیاتی
افنا ایچون او ایکی قوه غالبه ایله مسابقه یه قالیشیر هر کرابه
طوتلر قجه وجودینه برجلاد کندی صاریلیر هر طالع ایچنده
قالد قجه بر کره مزاره کیرر چالیشه چالیشه سیکرلری طاقتندن
کسلیر اوغراشه اوغراشه سیکرلری وجودینی طاشیه بیله جک

قدرتدن قالير . صولر يوتار ايچي زهر ايله طولار صفوق
جاننه چكر قاني طولكنه حيات الندن اياغندن چكلمكه باشلار
فرياد ايدر كيسه ايشتمك ايسته مز ! استمداد ايدر كيسه معاوتنه
كلز ! ...

حالبوكه قارشيسنده كوزينك او كنده بوينك اوچ درت
اوزونلني قدر بر مسافده و جوديني ايصيده جق آتش جهنم
علولريله ياريشيور !! كنديني قوتاره جق انسان اورالري محشر
ميدانك بر نمونه سني كو ستره جك قدر غلبه لك !!

هيات ! او آتش ايصيتمق ايچون دكل ياقق ايچون اشتغال
ايتمش او انسانلرك يوزده بري آفتك ذفنه سعي ايدر سه طقسان
طقوزي جان قور قوسيله كنديني قورتار مقدن عاجز اولمش ديوان
حشره كيسه حرصندن مظهر غفران اولان عبادك حياتنه
قصد ايدجك جهنم آتلسه طمعندن آتشريني قوينه صاقلايه جق
قدر دني اولان بر جزؤيده او بلای طاقتسوز ايچنده ينه قاتلكه
غاصلكه چاليشيور !

نهايت عون الهی امداده يتشير او صاحب مروت نجات
بولمقده حضارك اكثرندن زياده مساعده تقديره مظهر اولدقدن
صكره خيردن تولد ايتمش بر شر ايله لذايذ حياتني غائب ايدر سه
يالكلز دكره دوشان آدمك حالنه سعيه حصر مقال ايتك بويله
برهنكامه يي تعريف ايچون كافيميدر ؟ البته دكل !
ايسته دكيزه آتيلان كوكللي معينك حالن شكلني تصوير

ایچون آتشدن فورطنه دن بحث ایتک لازم کلدیکی کبی جزمینک سرگذشتنی بیان ایچونده یوقاروده کی مقدماتی ایراد ایتک اقتضائش ایدی .

مقایسه ده شو قدر فرق وار : یانفین بر تصویر خیالی .
برنجی فصلک تعریفاتی ایسه رنگلری ایلری ده میدانه چیقاجق بر رسم مسوده سیدر .

جزمینک تاریخ ولادتنی یوقاروده بیان ایتشیدک شمعی بر ازده عالمه سندن بحث ایده لم .

جزمی تیماری استانبول جوارنده بر سپاهینک اوغلی ایدی ده ها ایکی یاشنه کیرر کیرمز والده سنی غائب ایلدی شققت مادرانه معلومدر انسانده نه قدر رقیق حسلر وار ایسه جله سی اوسایه ده پرورش بولور اوسایه ده ده ها کوچکدن اثرینی کوسترمکه باشلار .

جزمینک والده سنی بیلیمکسزین غائب ایدوبده اوتریه دن، اوشفقندن محروم اولسی قلبنده مستور اولان قابلیتلری بتون اخلال ایتدی، یالکز بر درجه یه قدر بشقه یوله چویردی چونکه مریسی پدیری ایدی، پدیری ایسه عسکر اولدیغندن چوجغنی عسکرجه تربیه ایدردی . چوجق مثلاً کوچک ایکن دوشرسه باشی اوچنده آغلایه جق و آغلامسیله کندیسنی آغلاده جق بروالده بر ملک الصیانه یه مالک دکسه دوشدیکنی

قالقديغني كوره جك واطوار معصومانه سنه وحتى آغلايشنه
خنده لوله مقابله ايده جك برپدره برخواجه تشويقه صاحب
ايدي بناء عليه استعدادنك رقت وشفقتدن اول اقدام وجرأت
جهتلى ترقيه باشلادى و بناء عليه آنادن عسكر طوغمامش
اولسه بيله بابا اوجاغندن اولسون عسكر اوله رق آيرلسى
مقرر ايدي .

جناب حتمك دنيا ده معصوملره اك بيوك احسانى
اك بيوك عنايتى والدهلر اولديغني انكار قابل دكلدر فقط حكمت
الهيه برچوجوغنى والده سندن محروم ايدر ايسه آنك يرينه
البتة برى قائم اولور . جزمينك والدهسى يرينه قائم اولان
وجود ايسه، شفقتده والده دن پكده دون اولميان پدرى
ايدي .

بعض پدرلر اولاديني محافظه ده، تربيه ده والده لره
تفوق ايدر . تاريخ بشر، — برنظر تدقيق ايله ؟ — مطالعه
اولنورسه ظهور ايدن اعظمك آثار علميه سنه ايكي بيوك،
ايكي اساسلى سبب كوريلور كه برى مرحمت، برى ده جرأت تدر .
اكثري مرحمت والده، ياخود قادين قوجاغنده جرأت پدر،
ياخود ارلك قولتوغنى آلتنده پرورش بوليور .

بوجهتله جنت والده لرك آياغى آلتنده بولنديغني كبي پدرلرك
قولتوغنى وياقليجى سايه سنده بولنور . بروالده چوجغنى
افراط شفقتله شمارده بيلير فقط البتة مقصدى شمارتمق

دكل تربيه ايتمكدر . برپر اولاديني شدتله ييلديره بيلير فقط البته مقصدى ييلديرمق دكل تربيه ايتمكدر . زمان كجى عدد كجى بعد نامتناهى كجى خيال بشر منتهاسنه وارهميان برطاقم مصنوعات الهيه دوشونلسون برده اومصنوعاتك آرهسنده بردياودنيانك اورتهسنده برقاج آرشون بويلو انسان نامنده بر مخلوق تصور اولنسون انسان كندينه قدرتك موهبه مخصوصهسى اولان خاصه عمل ايله شمدي يه قدر ميليارلرجه ابنى جنسك قبرسكونى اولان - اوقوجه دنيايى النده چوجقلك اويناقلرى طوب كجى، براكلنجيه حكمنه كتيردكن بشقه ابعاد نامتناهيد بيله حكمنى انقاز ايدسيور دينيله جك درجه لوده كشفيات اجراسنه مقتدر اوله بيلسونده ينه برار ككله برقادين برلشهرك آره لرنده كندى وجود لرندن قومه كنديلرينه نسبت هممان انسانك دنيايه نسبتى قدر عاجز اوفاجق برمك حاصل اوليورنجيه ار ككلرى، قادينلرى كولديره جك قدر ساده دلانه خنده لوله بريولده، قادينلرى . ار ككلر آغلاده جق قدر معصومانه كره لوله بشقه بريولده فطردن، مدنيتدن، معرفدن نه قدر قوت حاصل ايد بيلشئر ايسه جله سنى اومعصوم ضعيفك ميني ميني اللرينه تسليم ايتسونلر كوچوك آياقلىرىنك آلتنه صاحسونلر ! . . .

دنياده طبيعت بشره مدارشرف اوله جق بوندن بيوك برديعه وارميدر ؟ . . . بوسوق انسانيت، نظر قدرت او كنده اك

مطیعانه برمسلك عبودیتہ برهان اولان تماشالردن
دکلیدر؟

جزمینک پدری، بو حکیمانه تصورلری برکتابده
کور مامش سده قلبنده حس ایدنلردن اولدیغندن، حرمندن
کندینه یادکار اولان چوجنی ارککجه بیوتدی. چوجق آغلارسه
کندی کولر آئیده کولدی رردی. چوجق خسته لئیره کندی
صحتی آنک محافظه سنه حصر ایدر کندی صحتنه خلل کلکسزین
آئکده عافیتی اعاده یه موفق اولوردی.

چوجق دهاسکر طقوز یاشنده ایکن سالم بر فطرته
لاابالی بر مشربه رندانه بر طوره مالک اولق استعدادینی
کوسترمشدی.

بنیه سنده کی قوت جزمی یه نوجوانلغنی بر بهار انشراح
صورتنده کوسترمک طبیعی اولدینی کبی، پدرندن کوردیکی
« دنیایی بر مسیره عد ایتک » تربیه سیده کوکلنه بشقه درلو
استعدادلر بشقه درلو هوسلر ویرمش ایدی. باشی او جنده ییلدیرم
پاطلامه کوک یوزنده بریسی کولیور قیاس ایدردی کوزینک
اوکنده بر جنازه کچسه تابوتنی بک صندوقی ظن ایلردی.

درس لرینی عمجه سندن او قودی عمجه سیده باباسی کبی
سپاهی یعنی عسکر اوغلی عسکر اولغله برابر اوزمان همان
هر صنفه شامل اولدینی — سلطان سلیمان زماننده کی یکچیریلر
آره منده سکسان قدر شاعر بولنمسیله مثبت اولان — هوس

معرفت کندی فنون موجوده نك عمومى تحصيله سوق
ایتمشیدی .

جزمی به لازم اولان علومدن درس لر ویرمک و سپاهیلکه
متملق اولان تعلیم لر ی او کر تمک ایله برابر، صورت مخصوصه ده
برده عسکر لک فکری القا ایتمک ایله او غرا شیردی که او یولده
اولان تربیه سنک خلاصه سی ده :

« عسکر لکک شان ی کوله رک اولمک و حتی اولور کن بیله
کولمکدر . عسکر کوز یاشنی شهید اولدیغی وقت وجودینی
تزیین ایدن یا خود دشمنانی اولدیردیکی زمان قلیخندن او مغلوبک
اوزرینه دو کیلان قان طامله لر نده کورر .

عسکر صحیحاً عسکر ایسه مزارینک الک قرا کلق گوشه سنده
جنته بر پنجه بولور .

عسکر صحیحاً عسکر ایسه جسمی طو پر اقلر آلتنده یاتیر کن
رو حی کویوز لر نده نامی خلکک لسانی افتخار نده کزینه جکنی
دوشونورده یرک آلتنی اوستیله مساوی و بلکه آلتنی اوستنه
مر جم کورر .

عسکر کر چکدن عسکر ایسه راحت دوشکنده ارتحال
ایدوبده شویله جه بر مزاره آتیلویرمک ایله شان میداندنه
شهید اوله رق مزاره بدل بر ملتک قلبنده یاتق آره سنده نه قدر
فرق اولدیغنی پک قولای بیلیر .

بویله عالی بویله وطن پرورانه مطالعه لر دن طولای در که

عسکر لکک الکیوک بر خصلتی ده میدان محاربه بی بیله برکوزل
سیره برکوزل کذرکاه حکمنده عد ایتک دره کبی
سوزلرله چوجفک حسیات علویه سنی آچقندن بیوتمکن
عبارت ایدی .

چوجق سن رشده بالغ اولور اولمز پدرینی ویکرمی یاشنده
ایکن عمجه سنی غائب ایلدی .

دنیا به یالکز باشنه کلدیکی کبی دنیا ده ینه یالکز باشنه قالدی
فقط قدرت صانعک انسانلر ایچون عائله دنصکره الکیوک استنادکاه
اولق اوزره خلق وتشکیل ایتدیکی جمعیت بشره قاریشه بیله جک
اقتداری حائر اولمشدی .

اجدادینک قلیجی اتمکی اولان تیمارینی قانون دولت
کندیسنه تأمین ایلدیکنندن اسباب تعیشندنده محروم
دکلدی .

چوجق دینیه جک قدر کنج ایدی فقط بنیه سی
اختیارلقدن مصون عد اولنه جق قدر قوی پدرندن
میراث آلدیغی فلینج ایسه وجودینی دشمن شرندن محافظه
ایتمکه کافی ایدی .

تربیه سی اقتضاسیجه دنیایی هر طرفی موت ایله طولمش
بر محاربه میدانی بیلیردی اوجهتله هیچ برشیدن احتراز ایتمکن
بشقه اولومدن بلادن قورقق نصل حال نصل تصور اولدیغنی
ذهننه بیله سیغدیرمزدی .

کنجلیکی حسن تربیه سی ضرورتسزلکی مشرب لا ابالیانه سنه
بشقه بر رونق بشقه بر قوت ویرمش ایدی . احوالی . (آچش
برردهان صفا هر حبابدن * احوال دهره خنده لر ایلر شرابمز !)
تعریفنه مثال مشخص عد اولنه حق قدر رندانه ایدی . بر درجه که
او قدر کنجلیک عالنده عشقی بیله طراوت ازهار و یانشاط عشرت
کبی بر قاچ ساعت ایچنده فنا بولوق شانندن اولان حاللردن
قیاس ایدردی .

ایشته جزمی ایله عادل کرایک طبیعتلرنده یر مغایرت
کوسترن بو حاللر اولدینی کبی او ایکی فطرت متضاده پی بر برینه
تقرب ایدن جهتلرده جزمینک عادل کرای کبی طبعاً شاعر فطرة
عسکری ادمش اولسی ایدی جزمی دنیانک هر کدرندن هر غصه سندن
و حتی جدی بر محبتدن بیله سر آزاد اوله رق او کنجلیک عالنده
هم اکلنک هم میخانه ده حافظ دیوانی او قویان رندلر کبی
اکلنجه آره سنده تحصیلنی اکمال ایتک ایچون استانبوله
کلشدی .

کندیسی « قلمنی قلیجیله کسر قلیجینی مقطه سنده بیلر »
عباره سیله توصیفه لایق بر عسکر اوله رق صورتی نه قدر مهیب
ایسه سیرتی او قدر مونس اولدیغندن اطوار مردانه سی بنده
کولقلری سایه سنده اوزمانک هم اک متمساز عسکر لوندن هم اک
قدرتلی شاعر لوندن بر خیلدینه بر برر اتساب ایلدی .

اك اول پيدا ايلديكى حاميلىر ايسه — سراى همايونك اك بيوك جنديسى اولق جهتيله — اصطلبل همايون مديرلكنده ويا او وقتك تميرنجيه ميراخورلقده بولنان فرهاد اغا [۱] ايله باقيدن صكره زمانك اك بيوك شاعرى عد اولنان نوعى ايدى .

فرهاد اغانك حال و شانى يوقاريديه بر درجه يه قدر كورلمشدى آشاغيديه ايسه دهها برچوق . مائرى مشهود اولور .
نوعى ، مشهور مرتبه سيله باقى به خير اخلف اولديغى اثبات ايدن و خرابانك برنجى جلدنده اولان « نون » قافيله اوافق منظومه جكيله نفعى بي بيله كندينه پيروايمك شرفنه مظهر اولان ذاتدركه اوغلى عطايى شقايق نعمانيه يه ذيل يازمش ومع مافيه حياتنده نفعينك برچوق هجولزينه هدف اولدقدن بشقه خسه نامنده اولان منظومه سى ايجون وفاتندن برايكي يوزسنه صكرده شيخ غالب لسانندن « استانبولزده نوعى زاده ايتمش تك و پويى پياده » تقبيح نابجاسنه اوغرامشدر .

— ۱۰ —

جزمينك فرهاد اغا يه اتسابى دهشتلى بروقعنك نتايجندن ايدى ممكن مرتبه تعريف ايدلم :

استانبولده كي حبسخانه عمومي يه شوكتاب عاجزانه يي مطالعه يه تنزل بيوران ذواتك البته اكثرى خارجدن مشاهده ايلشدر .

[۱] برنجى فقرده حالندن برنبذه بحث اولنان فرهادباشدر .

ایشته او حبسخانه بحث ایتدی کمز وقوعاتک زمان جریانی
اولان اونجی عصرده اکثر وزیریه جلوگاه تنزه اولمش
برکوزل سعادتخانه اقبال ایدی .

پشکاهنده بولنان و شمدی سلطان احمد میدانی دینیلان
عرصه ایسه بشقه برصورتده ایدی . واقعا شمدی اولدینی کبی
اوزمان دخی بری مصرک بری یونانک دلائل عظمتدن اولان
ایکی طاش — بری شکل اهرامیسی بری شکل عمودیسی — ایله
آثار مدنیتده کی بقای هندیسی ایکی دلیل ایله کویسترر وقتیه
روم ایمرطور لرینک تختگاه ذوقیاتی اولان اوییلان شکلنده کی
تونیج دیرک ایسه — قیریق دوکوک، دلیک دشیک قیافتله — ظلمک
طبعنده کی زوال استعدادینی علنی بربرهان ایله ابراز ایدر
طورردی .

فقط حبسخانه طرفندن باقلدینی زمان اوتماثلیک برار
اوته سندن نظره تصادف ایدن چنار — که دالترینه بیکلرجه
مظلوم ویامتم اصلدینی ایچون تاریخلرده « شجر وقواق »
عنواننی آلمش ویکچیریلرک جامع میداننده اعدام اولنانلری
ینه او آغاجک آلتنه آتلدینی ایچون برشاعرک لسانندن
« میوه وقتنده یتشدک شجر وقواقک » یوللو مرچته انسانیته
یاقشمز براستهزایه مظهر اولمش شمدی ایسه قوری به قوری به
تاریخ بیلانر نظرنده نیجه بیک انسانک چورک کیکلرندن یایله

برهیکل دهشت حالنه کلمش اولان شجره ملعونه در — بلکه دها
دیگلمامش ایدی .

سلطان اجد جامع شریفنک — که آیا صوفیه یه پک قریب
اولدینی ایچون تنها قالیرمطالعہ سیله مداوم جاعتنه وظیفه تعیین
اولنمشکن صکره لری بایراملرده مولدلرده یوزلوجه آلایلرک
بیکلرجه خلقک موقع اجتماعی اوله رق کشف استقبال
محال اولدیغنه بربرهان متخیر اولمقده در حضرت هدایای دعای
افتتاحی او قومامش حتی برنجی تمل طاشنی وضع ایدن سلطان
اجد اول رحم مادره دخی دو شمامشدی .

جامعک بولندیغی یرده بری صقوللینک بری وزیر ثانی اجد
پاشانک بربرینه متصل ایکی قوناغی وار ایدی بوقوناقلر شمدی
جامع دیوارینک بولندیغی یردن برخیلی اوتده اوله رق واقعا
میدان روملر زماننده کی قدرکنیش دکل ایسه ده بوکونکی حالنه
نسبتله دها واسع و اوجهتله عثمانلیلرک اوزمان اک بیوک
اکلنجه سی اولان آت اویناتمغه دها مساعد اولدیغندن،
سرای اغالریله وزرانک دائره خلقی او موقعی مهارت چندیانه لرینه
امتحانگاه اتخاذا ایشلردی، موسم مساعد اولدقجه تعطیل کونلری
جرید اوینامق ایچون اورایه چیقارلر ایدی .

۹۸۴ سنه سی شوالنک ایلک جمعه کونی میراخور فرهاد
اغا بعض تلطیفات شاهانه یی حامل اولدیغی حالده صقوللی محمد
پاشا مرحومه کله رک، قوناغک میدانه ناظر دیوان او طه سندم

برنجریه او طورمش جزمی ایسه وزیر ثانی احمد پاشا
قوناغنده — پاشانک توابعدن — بریلدیکنی کورمکه کیدرک
میدانه ناظر براوطده مصاحبتہ طالمش ایدی .

اوصرده سرای همایون طاقی آیا صوفیه جهتدن ظهور
ایتدیله وزیرلرک دائره خاتی ده قوناقلرک قپوسندن کورندیلر .
آت اویناتمغه جرید اوینامغه باشلادیلر .

جزمی برمدت تماشادن صکره « بونلرک ایچنده آتلی یوق ! »
دیه جک اولدی . بوسوز قونوشدیغی ذاته یک غریب کورنمکه
« چوجق سن نه سویلیورسک ؟ عثمانلی آتلیسنک ائک ممتازی
بونلر در ! » دینجه جزمی « اوله لقردی می اولور ؟ بن برقلیج تیماره
مالک سپاهی می آلمه برخرکله ویرسونلر هپسیله اوغراشیرم ! »
جوانی ویردی . دائره خلقنک قوناقدہ قالانلری کولشمکه
باشلادیلر نهایت بحثی آزدردیله جزمی بی میدانہ چیممغه دعوت
ایتدیله . رکوبی ایچون پاشانک آخوردن غایت خرون بریاغز
کرد آتی چیقاردیلر بنک طاشنه چکدیله . جرید ایچون لازم
اولان ادوات حیوانک اکرندہ موجود ایدی جزمی بنسک
طاشنه کلنجه حیوانی سیرایتمک ایسترمش کبی برطورایله اینهرک
و آتک دیزکنندن طوتهرق براییکی کره اوتہ به بری به چویردکن
صکره یردن آتلادی حیوانک اوزرنده بولندی حیوان خرون
ایدی سرکش ایدی فقط جزمی اوزرینه آتیلیر آتلز — افندیسنی
کورمش عجمی کوله کبی — رام اولدی . جزمی ده حضاری

سلاملادی قپودن چیقدی آتلیلرک اراسنه قارشدی . اویونده
جریداتقی قووالدیغنی ایستدیکی یرندن اورمق اکر بوشالدارق
کلان دکنکلری صاوشدیرمق برالیله آتک یله سندن صاریله رق
برالیله یردن دکنک قاتقی بلندن یوقاریسیله ارقهیه دونه رک
اوزرینه اتیلان جریدلری طوتمق خصوصلرنده اوقدر مهارت
کوستردی که سیر ایدنلرک جله سنی حیران ایلدی .

اویله برکنج سپاهینک جندیلکهده سرای اغالرینه وارنجیه
قدر غلبه سی صقولی محمد پاشا قوناغندن تماشایله مألوف اولان
فرهاد اغانک نخوت جندیانه سنه طوقوندی . پاشا مرحومه
« بوچوقوله بندن بشقه اوغراشه جق کیمسه یوق مساعده
پیورکز ! » سوزلریله وداع ایدرک آتنبندی . اوده میدانده
جولان ایتمکه باشلادی .

فرهاد اغا کرچکدن زمانک شهسواری ایدی برقاچ کره
میدانک برباشندن برباشنه کیتدی کلدی جزمینک برقاچ کره
« یریدینی صاوشدیردی فقط کندی جزمیه بردکنک اورمدی .
فهایت ملکه سی جهتیه جزمی بی احمد پاشا قوناغنک اوکنده
صیقیشدیردی . جزمی اکر بوشالتمق ایستدی ارقهیه دونوبده
دکنک طوتمق امیدینه دوشدی . فرهاد اغانک آتی تمامیه تریبلی
کندی بندیکی حیوان ایسه بتون بتون خرون اولدیغندن بردرلو
آتک باشنی استدیکی یوله ادارهیه مقتدر اوله مدی نه قدر
مهارت نه قدر معرفت کوسترسه دکنک بیه جکندن و بناء علیه

مغلوب کورینه جکندن امین اولدی حیوانک برقاچ کره دکنک
ایله بویننه چارپه رق آخورك آرد قپوسنه چویردی .
او قپو ایسه وقتک عاد تنجه یالکز بر حیوان کیره بیله جک قدر
آلچق قپونک اوزرنده کی دیوارده بردکل بیک باش پاره لیه جق
قدر متین . ایدی قپونک کنشلکی ایسه اکر بوشالدارق کچیه
جک درجه ده دکلدی قپودان نهایت آت صیفه بیلیر و بلکه کچر
ایکن ا کری بیله سورینوردی .

فرهاد آغا و حالی کورنجه کندی مشربنه کوره دنیانک اک قیمتدار
آدملرندن معدود اولان و جنیدیلکک اک بیوک امید استقباللرندن کو-
رینان اوله برکنج سپاهی بی- چو جو قلرک اک کلنیرکن قیردقلری
اویونجقلر کی- بیهوده یره ضایع ایده جکندن طولایي فوق
الغایه جانی صیقلدی، او علم حیوانک باشنی صوله طوغری چویر
دیواره چارپه جقسک ! فریادیله نصیخته باشلادی . جزمی ایسه
ینه یولنده دوام ایدرک قپویه برقاچ آدیم قالیر قالمز اکر
بوشالديررکن ایکی آباغنی بردن اوزنکیدن چیقاردی صاغ النی
حیوانک باشنی پک یوقاری قالدیر ماسیچون قولاننه ربط اولنان
ولسانمزده (بیلان) دینیلان قایشه صول النی ده کنه آندی
قارننک آلتنه صوقولدی آخوره سالم اوله رق دخول
ایلدی .

آخور قرانلق حیوان یملکنه مانوس اولدیفندن اوراده
یرقضا وقوع بولدی . جزمی ده آنک قرنندن صیریلدی اوافق

قیودن دیشاری فرلادی فرهاد اغانک اوز نکیسنی اوبدی . هر کون
هر زمان یاننه کیدوب کلک ایچون امر الدی . آلدینی امر ایسه
اوزمانلر حکمنجه بر مشخص اقبال ایدی .

جزمینک نوعی به اتسابی اویله بر مخاطره سائقه سیله دکلدی .
طبیعت شاعرانه سنک یار دیميله وقوع بولمشدی :

احد پاشا دائره سنده الفت ایلدیکی ذات پاشانک تذکره جی
یماقرندن کندی سننده بردلی قانلی اوله رق دوستنک میراخور
اغانن الثقات کور مسنه خدمت ایتمک کبی بر خیره مظهر اولدیغندن .
طولایی پک زیاده مفتخر اولمش ، و بواقفخار ایله توجه ایدن
اقبال کندینه عائد ایش کبی فاتح جوارنده بولنان خانه سنده
جزمی به برده ضیافت ویرمشدی بوضیافتده سرای همایون خاص
اوطه طاقندن . وصقولی دائره سنندن وصاحب ضیافتک قیو
یولداشلرندن بش آلتی ذات ده مدعو بولندیلر

حضار عشرته باشلادیلر صحبت ایسه جزمینک جرید
وقعه سی دائره سنده طولاشیر طور ردی . هر بری جزمی به
آیری آیری ستایشلر بشقه بشقه تحسینلر ابدالنده قصور ایتمدیلر .
نهایت لقردی بی فرهاد اغانک توجهی کندی ایچون نه قدر
بیوک اقبالله مقدمه اوله بیله جکنک تخمین و تعدادی جهتلرینه
عطف ایلدیلر حتی ایچلرندن بری (برایکی کیجه اول رؤیامده
آنه بنمشدم دولته ایررسک دیدیلر هیچ برشی ظهور ایتمدی شمدی

آکلادم که رؤیاده آته بنمکدن برشی حاصل اولیور؛ انسان
اویانق ایکن؛ بویله آته نمکه مقتدر اولورسه دولت آیاغنه کلیور)
کبی سوزلرله نکتته کولکلره باشلامشیدی .

جزمی ایسه او خلوصلرک او ترغیلرک جله سنه مقابل
(اگر صحیحاً کچن کونکی جرید اوینامق بنم ایچون مدار
اقبال اولورسه هم کندیمه هم دولتک حالنه تأسف ایدرم
کوستردیکمز معرفت نه درکه حقمده اقبالی موجب اوله حق؟
بر قلیج تیماره مالکم. او نعمتک حقی نه زمان ادا ایتدم که
بشقه بر دولت آرزوسنه دوشهیم؛ بنم اعتقادجه استحقاقسنز
ترقی استحقاقلی محرومیتدن بیک قات شنیدرم . کندی کندینی
بولندینی مرتبه لایق کوریه یان آدم خلق نظرندنه نه قدر
کوچک قاله جغنی دوشونورسه حجابندن یرلره کچر . شمیدی
مثلا بنم ابراز ایتدیکم مزیت براز آته نمک براز جرید آتمقدن
عبارت اولیور بو مزیتله اولسه هم اولسه هم معرفتلیجه بر سانس،
یاخود مهارتلیجه بر جرید معلی اوله بیلرم . بو حال ایله بنی
طوتسه لرده بر ضابطلکه نصب ایتسه لر خلقک قارشیسنه نه
یوزله چیقایم؟ بکا جناب حق ترقی نصیب ایتدی ایسه
او فیضه حصولندن اول لیاقت واولیاقتی فعلاً اثبات
ایده جک خدمت میسر ایلسون .) جوانبی اعطا ایلدی .
اصحاب مجلس جزمینک سوزلرینی جعلی تواضعه رسمی تأدبه
جل ایلدیلر . فقط حقیقت حالده جزمی فکرینی وجداننی

شرح ایلشدی چونکه اقباله ترقی به مائل ایدی . فقط اقبالنک
ترقیسنک محصول استحقاق اولسنه آرزوسی هر شیدن زیاده
ایدی .

بو صورتله صحبتک بر خیلی زمانلر دوامی صره سننده
نشئه لوده کرما کرم اولمغه باشلادی .

مجلسده حاضر اولانلرک جمله سی اوقور یازار طاقمن
اولدقلری کی موسیقیده اصحاب اقتداردن ایدیلر . اکلنجیه
اوله رق بر آغزدن اولا باقینک « خوش کلدی بکا میکده نک
آب وهواسی - بالله نه کوزل یرده یاپلش بیقلاسی ! » مطلعنده
وآنی متعاقب نوعینک « کوکل هر جایی دلبر بی حقیقت
نیلسون نوعی ؟ شکایت بیوفالردن شکایت بیوفالردن ! »
مقطعنده اولان غزلریله نغمه ساز اولدیلر .

اوقودقلری شنیلر اصحاب مجلسک نظر عبرت اوکنده
حاللرینی تصویر ایدردی زیرا کیمی باقینک نیتله عشرته مستانه
ستایشلر انکسارلو ایده جک قدر کندندن کچمش کیمی
نوعینک شعریه برابر عشقندن کوردیکی ستملری ده برر برر
تخطر ایلشدی .

جزمی ایسه وجودینک معده سنک قوتی جهتیله عشرتینی
پک اعلا هضم ایلدی .

تریبه سی بشقه یوله وخصوصیه او زمانه قدر عشقه
ویردیکی معنی بتون بتون بشقه طرزده اولدینی ایچون اولیه

ستنی کوره جک جورینه تحمل ایدہ جک معشوقہ لہ الفت
ایتمدیکندن خاطرینہ کلہ جک مشقتلر دہ یوق ایدی . ہلہ موسیقی
شناسلغہ ہیچ میل ایتماشدی . میل ایتمش اولسہ دہ طبیعتی
مساعدا دکلدی .

اصحاب مجلس نندن صکرہ جزمینک آہنکہ قارشمدیفنہ
دقت ایلدیلر کندیلریلہ برابر نغمہ پردازلق ایچون اجبارہ
باشلادیلر . موسیقی ایلہ الفتی اولمدیفنی سویلیدی . اولا
ایناتمدیلر صکرہ وقوع بولان تأمیناتی اوزرینہ اولہ برقندن
بهرہ سی اولمدیفندن تأسف پردہ سی آلتنہ کیزلنمش بر طاقم
تعریضلر ایراد ایلدیلر جزمی موسقینک صنایع نفیسہ دن
اولدیفنی بیلرسہ دہ سی واوفنہ استعدادی اولمدیفنی افادہ ایلہ
برابر موسقیدہ نہ قدر لطافت اولسہ ینہ سویلسنہ دکلمنی ترجیح
ایدہ جکنی علاوہ ایندی . کندینک غایت صفوت قلب ایلہ بیان
افکار دن عبارت اولان بوسوزلرینی آرقداشلی کندی کنایہ .
لرینہ مقابلہ حکمنده عد ایلدکلرندن بری کوه زلک یارینہ
چیقیشیر کبی (کرچہ اونوتمشدم سز شاعر سکز ہیچ موسیقیہ
تنزلی بیورر سکز!) سوزلریلہ جزمی ایلہ استہزایہ باشلادی .
سنسک حالی اوضاعنک طرزی ایسہ مقصدینی آچیقندن آچیغہ
میدانہ قویدیفندن جزمی معاملہ بہ عینیلہ مقابلہ ایلہ (نہ یابہ لم افندم!
انسانلق طوررکن چالی قوشی اولغہ ہوس ایتمک المدن کلپورن)
دیہرک مجلسدہ بولنانلرک برقات دہا حدتنی دعوت ایلدی شو
محاورہ بہ باشلادیلر :

حضاردن بری — البته شعر سویلدیکنز زمان دمنکی
اوقونان بیتلر کبی سویلرسکنز یا؟

جزمی — کیم بیلیر !

بردیگری — یوق یوق ! بک آنلری ده بکنمز .

جزمی — اوبیتلری بکنمز سه نه اولوق لازم کلیر ؟ شعر دن
ایچه آکلاسه کز سزده بکنمز دیکز باقینک نوعینک هر سوزی
سحر حلال اولوق لازم کلز یا !

بردیگری — بک باقیدن نوعیدن ای سویلر فضولی قدر

• سویلر •

جزمی — (حدتنی کتم ایده رک) اوت فضولی کبی سویلرم !

اواکی — شمدی برفضولی دیوانی بولورز راست کلان
یا راغنی آچار ایلك صحیفه سنده ظهور ایده جک اثرینه نظیره
سویلیه بیلیر سه کز سزه مکمل برضیافت ویریرز . یاسویلیه مز -
سه کز !

جزمی — طبیعی بزده برضیافت ویره جکز فقط شعری کیم

تمیز ایده جک . میزلاک سزه قاله جقسه هیچ بجه کیریشمیه لم !

• سویلیه جکم شیئه شمیدین فنادر دیرسکنز اولور کیدر •

بردیگری — اویه دکل ! نوعی بنم خواهه مدر اکا کیدر

• کوسترز •

جزمی — بک اعلا اولور •

محاوره بورایه کلنجه برفضولی دیوانی بولنغه لزوم کورندی .

بزده ایسه سلطان سلیمان زمانندن صکره — هر اثر ترقی بی بشقه
ملترده ظهور ایدوب کند مزه ضرر ویر منجهیه قدر قبول ایتکه
تنزل اولندیغی کبی — باصمه صنعتی اوزمانلر تحری ایتک دکل
حتی علم چینده بیله اولسه طلب ایتکه یعنی آرامغه مأمور اولدیغمز
حاله علمک ناشر حقیقیسی اولمق جهتیه اشرف صنایع بشر بولنان
طباعت ایانغزه کلسه ینه اغتنام ایتک ایستدیگمزدن ،

(قلم اولسون الی اول کاتب بدتحریرک)

(که سواد رقی سورمزی شور ایلر)

(گاه برحرف سقو طیله قیلر ناصری نار)

(گاه بر نقطه قصور یله کوزی کور ایلر)

قطعه سیله خطاطلرک جاهلکنندن فریاد ایدن فضولینک دیوانی ده
ال یازسیله وپک نادر بولتمق جهتیه صاحب ضیافتک خانه سنده
یوق ایدی . سرای همایونه منسوب اولان حضاردن بری
آدم کوندردی کندی دولابنده موجود اولان دیوانی کتیرندی
کاغدلرینک آره سنه تقال ایدرکبی برخالل صوقدیلر کتیبی
آچدیلر . برنجی صحیفه سنده بغداد وصفنده اولان مشهور قصیده
ظهور ایلدی .

جزمی فضولینک او یله اک کوزل آثارندن برینه تصادف
اولندیغنی کورنجه قلباً مضطرب وحتی اداسنه بیک کره پشیمان
اولدیسده اکثر انسان ایچون اشد مجازات اولان مسخره اولمق
قورقوسیه هیچ رنگ ویرمهرک ، « برضیافت ایچون برقصیده

ایله اوغراشمق چکیلیر حالردن دکل فقط نه یاپهلم بحثه کیریشمش بولندق . ان شاءالله فرهاد اغا همت ایدرده قصیده حضور پادشاهی یه تقدیم اولنور جائزه مزی اورادن آیرز . « دیدی . مدت مقاوله اولان برهفته نک ختامنده نظیره سنی کتیردی معارضلرینه تسلیم ایلدی .

جزمی بو قدر ادعا و عناد اوزرینه سویلمش برائرده طبیعی اولانجه قوتنی صرف ایلدیکی کی فضولینک بغداد و صفندن اقتباس ایدرک قصیده سنه بتون ممالک عثمانیه نک ستایشیله باشلامش اولدیغندن جولان طبیعته مقتدا سندن بیک قات واسع بر میدان بولمش و بنساءً علیه نظیره سنی کرچکدن نظیره دیه جک برحاله کتیره شدی .

معارضلر ماجرای و جزمینک سن و حالنی تعریف ایدرک قصیده بی نوعی یه عرض ایتدیله نوعی ایسه نهایت درجده دلداده لیاقت فوق الغایه یه اهل پرور برذات ایدی . قصیده بی یوقارودن آشاغی او قوینجه عادتاً وجد کتیرر درجه لوده برمفتونیت ایله شوقنک کمال غلیانندن ، نظیره بی اصلنه ترجیح ایتک ایستدی .

معارضله (نیچون بیلدی ککره سائلدن بحثه قیام ایدر سکر ! چوجق نظیره بی پک کوزل سویلمش برطاقم یرلونده فضولی یه دهه تقدم ایتمش . فضولینک —

(دشت و صحرا سنده صدلیلی و مجنون جلوه ساز ،

کوهساری اوزره بیک فرهاد وشیرین باده خوار !
بیتی (که قصیده سنک اک کوزل پارچه سیدر)
نظیره ده کی

(روشنا بر ساحه سنده روضه پیغمبری)

(رونما بر روضه سنده کعبه پروردگار)

بیتله قیاسمی قبول ایدر؟ (سوزلرله تعیب ایدرک و جزمی بی
همان او کونده یاننه کتیرده رک، بیک دورلو تلطفله مستغرق
ایتمش، و بزله کولغنه، حاضر جو ابلغنه، جودت طبیعتنه، کشایش
اخلاقه باقدتجه همان اوغلی عطایی به ترجیح ایدرجه سنه سومکه
باشلامشدر . نوعی بوالغافلرله قناعت ایدرمدی، قصیده بی
بالذات تقدیم ایدرک، ذاتا شاعر و نکات شعره تمایله واقف
اولان ذات پادشاهیدن او سخن کوی نوظهور ایچون برچوق
احسانلرده استحصال ایلدی .

فرهاد اغا میراخور، نوعی ده شهزاده خواجه سی اولوق
مناسبیتله اویله ایکی حامی صاحب اقتداره اتسابی جزمی بی
سرای همایون قبولرینی و بناء علیه ترقی و اقبال شهرلرینی تمامیه
آچش ایسه ده، جزمی او مشربده برشی اولمدیفندن، حامیلرینه
برنجی عرض ایتدیکی تمنی حربه کیتک ایچون برتوصیه طلبندن
عبارت ایلدی .

وقتا که یوقاروده بیان اولندیغی اوزره ایران سفری

آچلدى ، جزمى كنديسنك ده سوق اولنمى اچون طوغرى
سراى همايونده فرهاد اغانك او طهسنه عزيمت ايلدى . بالتصادف
نوعى دخى اوراده ايدى آرالرنده جريان ايدن محاوره شودر .
فرهاد آغا — واه چوجق ! سنى ده عجم سفرينه كوندره -
جكلرده آنك اچون رجايه كلدك دكلى ؟ تلاش ايمه، البته بر
چارهسى بولنور !

جزمى خير — افندم ! بنى كيمسه نك بريه كوندره چكى يوق .
بوكون آدم آريورلو، قولكزى « چوجقدر » ديه بكنمديلر !
كتمك اچون عنایتكزى نيازه كلدم .

فرهاد آغا — نره يه ؟

جزمى — آى افندم ! صله يه دكل ، حجه هيچ سفره . . .

حدود بوينه .

نوعى — (تسم ايدرك) چوجق ! غوغا شعر سويلكه بکزه مز .
جزمى — نيچون بکزه مسون انسان دوشونديكى قدر دوکوشمکه ده
مقدر اوله مزى ؟ بنده کزه المده كى قلم ، آلمده كى ياغز خرکله دن
دها سرکش کورينيور .

نوعى — (بنه تسم ايدهرک) شاعر لره قليچ قوللانمى ده
ظاهر اوکرده جکسک . هيچ قان ايله غزل ، قصيده مى يازيلير ؟
جزمى — عبدالله بن رواحديه نه بيوررسکز ؟

نوعى — شوقياس مع الفارقه باق ! اوزات كافة فضائلى

جامع اولان اصحاب کرامدن ايدى .

جزمی — یا ابو مسلم ، یا ابوتمام ، یا ابو فراس ؟
نوعی — ینه قیاس مع الفارق . آنلر امرادن ایدیلر ، هم ده
اك بيوك صفتلری حاست اولان عرب قومی آره سنده ظهور ایتدیلر .

جزمی — یافتح ، یاسلطان سلیم ، یاسلطان سلیمان ؟
نوعی — قیاس مع الفارق له ختام ویرمیه جکیمسک ؟
آنلر پادشاه .

جزمی — بك اعلا یا قاضی فاضله ، درویش یعقوب پاشایه ،
خصوصیه بنم کبی ، برسپاهی اولان یحیی بکه نه دینله جک ؟
فرهاد اغا — چوجق ! سن اقبالک ایچون ایران خرابه
لرنده طولاشمغه محتاج دکلسک . ایشه بوراده پدرک مقامنده
ایکی کشی وار . سوزدکله برنجی فرصته سنی سپاهیلکدن سرای
خدمته آلیرم .

جزمی — غریب شی ! اول سرای اغالغندن سپاهیلکه چراغ
اولورلر ایمش ، دنیا شمدی بتون بتون عکسنه می دور اتمکه
باشلادی :

نوعی — ای جانم درکاه عالی متفرقه لرینه داخل ایدرز ،
اومسلکدن صره سیله فیض آلیر کیدرسک .
جزمی — بزم تیماری . بزم قلیجی نه یاپارز .
فرهاد — مرادک نه در

جزمی — دولتمک ظهور نندنبری ، بکا ، بابامه ، اجدادمه احسان
ایتدیکی پاره لورک بدلنی مرکبله تسویه ایدمه جکم ، چونکه قیر مزیزی

قو قیور. سیاهی کوزیمه عرب کوله قدر چرکین کوریندور .

قان ایله ادا ایده جکم .

نوعی — نصل قان ایله ؟

جزمی — والله؟ فلک بنم مشربمه خدمت ایدر سه دشمن

قانی ایله .

فرهاد اغا — آرده انسانک کندی قانی ده دو کیله بیلیر .

جزمی — دو کیلویرسون، طمله یا قوت غائب اوله جق دکل آ .

نوعی — بن سنک سفره کتدیکی ایسته م .

فرهاد — بن ده او فکرده م .

جزمی — خلافت اسلامیه نك بری اعظم علماسندن ، بری

اکبر امراسندن ایکی دولتی، بر عسکری وظیفه سنک اجرا سندن

منع اتمک ایستیه جکلرینی هیچ خاطر مه کتیر مزدم .

مجاوره بودر جیه واصل اولنجه نوعی ایله فرهاد اغا بر برینه

باقشیدیلر ، بر قاج دقیقه لسان حال ایله مداوله افکار ایندکدن

سکره ، نوعی چو جوغه توجیه خطاب ایده رك ، « مراد مزسنی

مطلقا سفردن منع دکل ، سرایده تربیه کی ا کمال ایدی . فقط

مادام که آرزو ایدیورسک ، او غورک آچیق اولسون . محاربه

میدانی ده انسان اولانلر ایچون اک بیوک بر مکتب عبرتدر .

مستعد اولدینگ کالی اوراده حاصل ایدرسک ! « دیدی .

و فرهاد اغایه دونه رك ، « عجبا پاشالرک هانکیسنه بر توصیه ویرسه ک؟

سنان پاشامی ، یوقسه مصطفی پاشامی دها مناسب اولور ؟ »

سؤالنی ایراد ایذنبجه، فرهاد اناطیبی مصطفی پاشایه توصیه ایدمک
اقتضا ایده حکمتی سویلدی . آره لر نده .

نوعی — مصطفی پاشابک سزه خصوصتی معلومدر . نامداشی
اولان بودین والیسی اقرباسندن ایدی، انک اوغرا دیغی قضایه ده
سنزی واسطه ایتدی لر .

فرهاد — مصطفی پاشا اعراضدن سالم بر ذات ایدی دکلسه ده،
اعراضنی منفعت وجدیاته صرف ایدن دهات زمانه دندر ، مالا
یعنی عوارضه اهمیت ویرمز . بودین والیسی وقعه سننده بنم
دخلم اولمدیغنی پک اعلا بیلیر ، مأمور ایدم . او جهتله امرک
اجراسنده معذور ایدم . حال بویله اولسه بیله بن ینه مصطفی
پاشایی سنان پاشایه ترجیح ایدرم چونکه اوته کی مبارک تقاخردن
بشقه بر شینه یارامز . لزوم سرتجاوز لر فائده سزغر ضررله اوغرا شتمق
آنک کی، اطوار عوام فریبانه ایله مألوف اولانلرک خصایصندن در .
خصوصیله هر نصل اولسه مصطفی پاشایه مراجعت مجبور یتنده یز،
سنان پاشا ذاتاً حربیه کتیه جک .

نوعی — او نیچون ؟

فرهاد — خبر کز یوقی ؟ سنان پاشا بغداد قولنه مأمور
اولنجه عسکرک ، مهماتک ایشه یارایه جقلری تمامیله مصطفی پاشایه
ویرلدیکندن ، مصطفی کندی معینده کی اردو درمه چاتمه برشی
اولدیغندن مصطفی پاشانک هر طلبی مع زیاده ترویج اولندیغی
حالده کندی نیک هیچ بر استدعاسنه اهمیت ویرلمدیکندن طوتدیره رق،

دغدغه‌سنى سامعه پادشاهى به قدر اىصال ايلدى . پاشانك
بو حاليله حزب اوزرنده ايكي سردار بولمق عسكراسلامى برطاقم
اغراضك كشا كشنه دوشوره چكچون ، شوكتاب افندمز
ايكسندن هانكيسى مناسب ايسه اتخاييله عموم اوردوسردارلغتك
آكا حواله‌سنى صاحب دولته (١) امر بيورمشردى ، وكيل
مطلق حضرتلرى اولاسنان پاشايى چاغرديلر ، ايرانه كيدرسه
نه يولده حركت ايده چكنى سؤال بيورديلر ، مبارك هضم نفس
بيلز ، لافزنلكدن چكمنز ، همان رستم زال كسلدى ، اوردو
كندينه توديع بيوريلورسه تبريزى ، شىروانى وبلكه شيرازى ،
اصفهانى برجله‌ده برباد ايدچكنه ، شاهى بوينونه ايب طاقه‌رق ،
عبه ملوكانه كتيه چكنه دائر برطاقم خود فروشانه ادعالمه
قيام ايلدى . آندن صكره مصطفى پاشايى دعوت ايتديلر ، آنك
مكاتبى ، تربيه‌سى معلوم يا ! صاحب دولتك سؤالنه ، حدود
اوزرينه كيدلديكى حالده ، اصحاب وقوف ايله مشاوره ايدرك ،
الجات مصلته كوره حركت اولنه جفنى ونصرت ايسه اراده
الهييه تابع حاللردن بولنديغنى بيان ايتدى . صدراعظم حضرتلرى ده
مصطفى پاشايى ترجيح ايله عرض ايلديلر .

نوعى — شومبارك صدر اعظمك ده بو حاللرى سويلير .
مصطفى پاشا اقباسندندر ، فقط شهزاده بايزيد وقعه‌سندبرى
نه درجه كندندن نفرت ايتديكى بيليرم . سنان پاشانك يمنده ،

(١) صاحب دولت اوزمانلر صدر اعظمك عنوانى ابدى .

تونسده اولان جزئی ، کلی خدمتلی ایسه ، پاشانزنده خیلیدن خیلی مقبول اولمشیدی ، حتی اوز تیمور اوغلی کبی ، برقهرمانی آنک خاطرینه رعایه تکدیر ایتدی . سنان پاشا تبصبصده تصور ایتیمور ، فقط ینه دولت ایشی کلنجه پاشا ، حتی التزام ایتک مسلکندن بروقت انحراف ایلیمور .

فرهاد اغا — یافندی حضرتلری ! صاحب دولتده سلطنت سنینهک معظمت امورنده اعراضه تابع اولورسه ، بوقوت شوکت فصل محافظه اولنور ؟

یوللو برمحاوره جریان ایلدکن صکره ، ایکسی مصطفی پاشایه جزمینک جنیدیلکندن ، عرفاندن بختله بررتوصیه نامه اعطا ایلدیله .

جزمییه فرهاد اغا ، برعرب شاعرینک محصول فکری اولان « التون وجودلی ، کش خلخاللی ، زبرجد طرناقلی » توصیفنه موافق برکیلان قوله ، نوعی برعجم ادینک اثرخیالی اولان (سحابیاره منجمد) تعریفنه مطابق برخراسان قلیچ یادکار ایتمشلر ایدی .

❦ اوچنجی فصل ❦

وقتا که ۹۸۶ سنه سنک اول بهاری ایرشیدی . ایران سفری ، دولنجه مقرر اولغله برابر . صقولینله رأی واصراری اوزرینه ، تجاوزک دشمن طرفندن ظهورینه معلق طونلدیغندن

عصیان حالنده بولنان بعض کرجی امراسنک تأدیبی شایعه سیله
اردوی همایون اسکداره مرور ایلدی .

یکچریلرک اشکال کونا کونی ، سپاهیلرک قرمزلی ، صاریلی
بیراقلریله آرایشلی ، خصوصیه سردار دأرسی خلقنک آلتونلره ،
کومشله مستغرق رخت و سلاحلری و تللر صرمه لرایچنده جبه
و خفتانلری اسکدار صحراسنی ازهارینک جله سی بردن آچلمش
بر مناقب طبیعات باغچه سنه بکزتمشیدی .

جزمی ایسه بواحتشامک آره سنده چهره سنده لمعان ایدن
پرتوزکا حالنده تجسم ایتمش کبی کورینان طور مردانه و آنلره
انضمام ایلیان طراوت شبابت جهتلریله قوجه براردونک ایچنده
بر مخلوق ممتازعد اولنه حق قدرهر کسک نظر التفاتی جلب ایدر .
طورردی .

وقتا که اوزمانلر وسائط تقلیه ده اولان تقصانلر جهتیه
برقاچ ای اوغراشلدقدن صکره ، ارضرومه وصول میسر
اولدی ، هرشیدن اول بش آلتی یوز قدر دشمن کله سی تقدمة
وصول اولتی اوزره سردارک پیش پاینده غلطان ایلدی .
بوکله لر وان والیسی خسرو پاشانک هدیه سی و امرای اکراددن
مخودی حسن بکک محصول همتی ایدی .

شو صورتده که ایران حکومتی اردونک استانبولدن
حرکتنی خبر آلیر آلمز بر زمان اول سفارتله استانبوله کلش اولان
و ایرانجه شجاعت و سیادتله بر شهرت فوق العاده یه نائل بولنان

طوقاق خانی کر جستان محافظه سنه تعیین ایلدیکی کبی، تبریزده کی
عسکرینده (الله قلی) خان معیتله وان اوزرندن عمالک عثمانیه
هجوم ایچون امر ویرمشدی .

وان والیسی خسرو پاشا، ایرانلیلرک تجاوزینی وامرای
عثمانیه دن ایکی ذاتک بر قاعدهده محصور قالدیغنی خبر آلدیسهده
اسباب مقابله نی ایجابنه کوره ترتیب ایتمک ایچون مجودی
حسن بکی آلتی یوز آتلی ایله دشمنک مقدار قوتنی کشفه
سوق ایلدی .

بو فرقه دشمن اردوسنه تقرب ایدنجه عجملرک قوتی
یکرمی بیک کشتی به بالغ اولدیغنی کورر (۱) وامرا، پاشایه
کیفیتی خبر ویرمک ایچون عودت رأینده بولنورسهده حسن
بک باشنی اچهرق و « بن سکسان یاشنه کلدم، برکه
دشمندن یوز چویرمدم، ارقه می دشمن کوره چکنه
قره طوپراق کورسون، دهرک سل سیف ایله عجم آلایلرینه
طوعری آت سورر، یاننده بولنان عسکرک جله سی کندی عشیرتی
وبناء علیه کندی عصیتی اصحابندن اولدیغنی جهته ارقه سندن
آرملزلر عجمک قره قولنه چاتارلر، بالتصادف تبریزخانی قره قوله
بولندیغندن وبویله بر آوچ عسکرک او قدر قوتلی براردو اوزرینه
هجومی عقل قبول ایده جک شیلردن اولدیغنی جهته مجودیلرک

(۱) ایکی طرف عسکرینک مقدارینی تحقیق ایچون بچونیک ایکنجی
جلدنده اوتوز طوقوزنجی صحیفه به مراجعت بیورلسون .

صولتی ایرانلیری عثمانلی اردوسنک کیننه چکیمک ایچون بردسیسه
حریه به جل ایلدیکندن، کال تلاش ایله بر رجعت امری ویرز،
عسکرک انتظامسزلنی و عثمانلی سواریسنک مهاجات متوالیه سی
بورجعتی آرزمان ایچنده برانهزام قطعی صورتنه تحویل ایلر.

ایران فرقه سنک ریاستنده بولنان «الله قلی خان» براز کندی
طوپلایوبده عثمانلی عسکرینک آزدی کلدیکنی کورنجه حدت
وندامتبدن سراپا آتش کسپله رک اردوسنی تکرار جمع ایله انتقامنی
برمکمل صورتده آلمق ایچون وانی محاصره یه شتاب ایدر .

محمود بک ایسه دشمنک حرکتنی خبر آلیر المز برمناسب
یرده بوصویه کیره رک وبرمهارت فوق العاده ایله عجم اردوسنه
ایله شجون ایدرک او قدر کلیتلی بر عسکری دفعه ناییده نینه تدمیر
اولکی کون ابراز ایتدیکی خورشید کی شعشعه لی بر غلبه یه بوکیچده،
مهتاب قدر پارلاق بر مظفریت علاوه ایلر .

جزمی کرک فطرتی و کرک تربیه سی جهتیه بر عسکر اولدیغی
کبی نفسنده اعتمادی بولندیغندن، لیاقتی سایه سنده آرزو ایتدیکی
ترقینک حصولنی پک زیاده امید ایدر، وهله کنج اولدیغندن، ترقیدن
بر قاچ قات زیاده اشتهار سودالرنده بولنوردی . واقعا دولتنگ
بولنده فدای جان اتمکی وظائفی اقتضاسندن بیلیردی، فقط
فداکارلنک بیلغسنیده کندنجه او وظیفه یه مقابل برحق عد

ایدردی . نظرندہ اقبالک اکزیاہ آرزوہ لایق اولان جہتی
شہرت ایدی .

ہیات ! اویاشدہ، اومزیتدہ برکنج برزمان کلوب دہ شہرتی
اولومدن شنیع کورہ جکئی و حربہ، صرف ترک حیات آرزو سیلہ
کیدہ رک تحری ایتدیکی اجلنہ بیلہ وصولدن محروم اولہ جغنی
نردن کشف ایدہ بیلسون .

ایشته جزمی اوحسیات قلبیہ نتایمچندن اولہرق استانبولدن
بیک درلو خیال ظفر واطمئنان اقبال ایلہ برامید مجسم کسلیش
اولدینی حالہ چیقمشیدی، رؤیالرنده اکیبوک غالبیتلرہ کندی
سبب اولدینی کورر . خولیالرنده میدان حربہ اک اول آت
سورمک امتیازینی کندینہ شایستہ بولوردی .

ارضرومہ واصل اولوب دہ طوغریدن طوغریہ دولت
عسکرلکندہ بولنیان برعشیرت مفرزہ سنک ہم حربی کشادایتمک
وہمدہ بربرینی متعافت ایکی فوق العادہ غالبیت قزائمق شرفنہ
نائل اولدقلمینی ایشینبجہ کندینک اوزمانہ قدر سردارہ آلائی
کوسترمکدن بشقہ برخدمتدہ بولنمدیغندن طولایی نہایت
درجہ لردہ متأثر اولہرق ایلیک ظہورایدہ جک فرصتدہ ہرنصل
اولورسہ اولسون میدانہ آتلمنی تمامیلہ ذہندہ قرارلشدیبردی .
برخیلی کونلر برانتظار شدید ایچندہ متأذی اولدقدن
صکرہ قرہ قوللرمزدن الی آلتمش کشی اطرافی طولاشیرکن
چیلدیر صحرا سندنہ طوقساق خان اردوسنہ تصادف ایدہ رک

وقتلرینه باقمسزین برمناسب موقع طوتهرق محاربیه قیام
ایتدکلرنندن آنلری قورتارمق و دشمنک حالنی اطرافیله تحقیق
ایتمک ایچون سردار طرفندن طلیعهده بولنان دیاربکر بکلر بکی
درویش پاشانک ایلری حرکتیه مأمور اولدیغنی جزمی به خبر
ویردیله .

بوخبر، جزمی ایچون انتظاره نهایت ویره بیله جکندن بشقه
درویش پاشا معیتنده بولنمقده کندنجیه همان حرب کورمک
درجه سنده ملتزم اولان حالردن بولندیغنیچون کیسوک مؤزده لردن
معدود ایدی .

درویش پاشا صقوللی خاندانندن کریم النفس شدید الصوله
برکنج قهرمان اوله رق جندیلمکده ایسه امرانک و بلکه عثمانلی
سپاهیسنگ عمومته مرجع عد اولنوردی حتی اوزمانده و بلکه
هروقتده دنیانک انک برنجی سواریسو اولان عرب آتیلیری
بیله کندینک شا کرد مهارتی اولمقله افتخار ایدرلردی .

جزمی بویله ایکی قوتلی آرزونک شوقیه همان یرندن فرلایه رق
سردارک دائره سنه عزیمت ایلدی، فرهاداغالیه نوعینک توصیه سی
جهتیهلہ ذاتاً دائره یه تقرب ایتمش و فطانت و ظرافتیهلہ کندیسینی
معتبران توابعه سودیرمش اولمق جهتیهلہ درویش پاشا رفاقتیهلہ
کیتک آرزوسنده بولندیغنی بیان ایدنجیه اغالر، سردار پاشادن
بالکز مآذونیت دکل برده قوتلی توصیه آلدیلر .

هرنه مسلکده اولورسه اولسون برنجی تشبث برنجی

حرکت وجدانده نه در لو تأثیر لر فکرده نه یولده تصویر لر حاصل ایلدیکی هر کسک نفسنده تجربه ایله بیلدیکی حاللردندر .

جزمینک طریقی اولان عسکر لکده برنجی تشبیدن ظهور ایده جک تأثیرات و تصوراتک شدتی ایسه هیچ بر حاله قیاس قبول ایتمز . فطرتده نه قدر لا ابالیلک مشربده نه قدر قیدسزلق، کوکلده نه قدر فداکارلق اولورسه اولسون طبیعتک حاسه غالبه سی اولان حفظ نفس انهما کی آرهدن زائل اولمق ممکن دکلدر . هله اعتیادسزلق، تجربه سزک دنیاک ذکی، اک جرأتلی اولان اصحاب تمیزنده بیله ذهناً برتردد، قلباً برخلجان حاصل ایتمک احتمالک خارجنده کورینور .

کیدبله جک میدان حرب ایسه بر موقع امتحاندرکه، آخرتده اک اوزاق مسافه سی برکله منزلدن عبارتدر . ائتلاف ایتمانلر ایچون هادم اللذات اولان موت بالطبع دشمنک افرادنده دکل افرادینک کولکه لرنده بیله نجسم ایتمش کبی کورینور . انسان کزندیکی طوپراقلرک هر طرفنی کندی ایچون حاضرلنش بر مزار قیاس ایدر . دنیاک نه قدر بدایعی عمرک نه قدر لذایندی، قلبک نه قدر آمالی وار ایسه جله سی بر یره طویلانیرده عرض اشتیاق ایلرجه سنه کوز اوکنده دور ایتمکه باشلار .

ایشته جزمی حربه کیتکه اودرجه لرده آرزوکش ایکن پنه آتسه بنوبده آلیه کیرنجه بو انفعالات طبیعه دن بر درلو

کنندنی قورتاره‌مدی بوندن بشقه عاقل نه قدر کندینه اعتماد
ایتسه طالعه اعتماد ایده مز .

بناء علیه او مولدق یردن بر بادره ظهور ایدوبده مهارت ویا
شجاعتنه شنن ترتیب ایده بیلک و اوصورتله کرک حامیلری ،
کرک آرقداشلری نظرنده آچقلقله معروف اولوق واهمه‌سی ده
کوکلنده کی اضطرابه خیلیدن خیلی قوت ویرمکده ایدی .

فقط فطرتنده کی شجاعت ، عزمنده کی قوت خصوصیه کبر
نفسنک مز یاتندن اولان داعیه ناموس و سائقه غیرت یوقاریده
بحث ایتدی کمز حسنیاته تمامیه مقابله ایدردی . بوتأثراتک یکدی بکریله
چارپشمی ده‌ها دشمن کورنمدن جزمینک عالم خیالنده بر بیوک
جنک داستانی کشاد ایلشیدی .

جزمی بوکشا کشار ، بوترد دلرله دشمن قارشینسه کلوبده
تفنک علوی ، قلیج پارلیدیسی نظرنده جولان ایتکه باشلاینجه
محاربه‌یی نه‌دها آرزوسی قوه‌ده ایکن تصور ایتدی کی بر صفا
واقبال مسیره‌سی حالنده کوردی ، نه آرزوسی فعله کلدکن
صکره توهم ایلدی کی بر بلای مبرم جولانکاهی حکمنده
بولدی .

حالی نظر امعان اوکنه آنجه غائب اوزرینه حاصل اولمش
افراطلی ، تقریطلی ایکی خیال‌نده ذهننی تجرید ایده‌رک حربک
ماهیتنه پک قولای حکم ایلدی ، یعنی غوغا دینیلان شی نظرنده

خطر و ظفر احتمالاً رینک ایکسینده تساووی اوزره مساعد بر تجربیه
گاه طالع کورنمکه باشلادی :

درویش پاشا قهرمانلی ، شهسوارلی ایله برابر ذاتاً پک
کنج و فطرتاً پک متهور بر ذات اوله رق دشمنی کوردیکی کبی
طبیعتنده اولان صولت شیرانه کافه حواس و قواسنه غلبه
ایلدیکندن ، ایکی طرفک مقدار نجه اولان تفاوته هیچ اهمیت
ویرمدی ، رأیت اقبالی التنده بولنان اوج درتیوز دلیر ایله
[۱] قوجه براردونک قلبگاهی اوزرینه هجوم ایلدی ، کویا که
پاشانک فرقه سی برزبانه جهانسوز ، مقابله سنه کلان دشمن ایسه
بریغین خاشاک ایدی ، برنجی صفده بولنان ایران آلایلری
صدمه اولیسند محو اولدی . بوصول طاقت براندازانه ایله
دشمن اردوسنک عمومی تزلزله و حتی بعض فرقه لری انهمزاه
باشلادی ایسه ده طوقاق خان او قدر کوچک بر فرقه او کندن
فرار ایتک رذالتنی موتدن شنیع عد ایدهرک نهایت درجه لرده
غیر تله عسکرینی ینه موقع ثباته کتیرمش و هر جهته عثمانلیلرک
عمومندن غلبه لک بر فرقه سوق ایدهرک پاشانک اطرافنی برد آره
صورتنده احاطه یه بالقشمش ایدی .

او قهرمان ایسه شکار آلاینه او غرامش شاهین کبی
ساعته بر فرقه یه هجوم ایدر و هر هجومنده اظفار غیرت
وجناح اقدامنه تصادف ایدن دشمنک کینی یرلره دوکر ، کینی
اطرافه طاغیدردی .

نه فائده که عثمانلیلر ، معاوناک فقدانی جهتیه حیات کبی
 آزالیر چوغالیز ، دشمن عسکری ایسه امدادک تعاقبی جهتیه
 سنین حیات کبی چوغالیر آزالیز برحاله اولدیغندن ، ایرانلیلر
 مهاجرات متوالیه ایله بزم عسکری احاطه ایتدیلر ، و برخیلی
 آدمده تلف ایلدیلر . درویش پاشا یاننده بولنان بقیه شهدا
 ایله ایکی اوج ساعت قدر قلیج قلیجه برجنک رستمانه ایله ینسه
 دشمنی لرزنه ایتمشکن طوقاق خان طرفندن اوزرینه برمکل
 سواری فرقه سی دها سوق اولندیغندن ، بوتازه قوت برصولت
 شدیدیه ایله پاشانک توابع جلادتندن اوتوز قدر دلآوری
 قربان ایلدکن صکره کرز و قلیج ضربه لر ایله کندیسنی آندن آشغی
 المشدی .

مجاهد حیدر اقتدار پیاده بولندیغی حالده تک باشنه قوجه
 براردو ایله برخیلی زمان اوغراشدی ، و بربرینی متعاقب
 اوزرینه هجوم ایدن اوج عجم فدایسنی برر قلیجده ایکی پاره
 ایلدی [۱] بومدافعه رستم پسندانیه صره سنده شاگرد جلادتی
 اولان دائره سی طاقی بر غیرت فوق العاده ایله هربری اطرافنی
 صاران عجم آلاینی یارارق سلحدارینک یانیه اجتماع ایتدیلر ،
 وولی نعمت لرینک شان مر بیانه سنی اعلا ایده جک برصولتله پاشانک
 اطرافنی صاران عجم لری تارمار ایده رک کندیسنی ینه تخت روان
 اجلالی اولان زین سمندینه اصعاد ایلدیلر .

[۱] بجوی - جلد ثانی - صحیفه ۴۰

جزمی هر نه قدر سپاهی ایسه ده درویش پاشا معینته آلایندن
آیریله رق کیتش اولق والنده سردار طرفندن توصیه لر بولنق
جهتلیله پاشانک دائره سی خلقنه قارشمش و بناه علیه بوصولت
قهرمانی به اشتراك ایتشدی .

مخاطره بوبادره ایله ختامه ایرمدی، درویش پاشادوشدیکی
مهله کدن قورتیلوب ده بینه جک بر حیوانه مالک اولنجه ینه
فرقه سنی احاطه ایدن دشمن آایلرینی سوندیرمک امیدینه
دوشه رک شدتلی شدتلی جله لوه قیام ایلدی و حتی امید
غالبیتی ده قوه قریبه یه کتیردی ، فقط طوقاق خان پیدرپی
یککی فرقلر سوقیله حرب اوزرنده بولنان قوتنی تزید
وتأیید ایتدیکندن ، اوچنجی دفعه اوله رق محاربه علولتمک
باشلادی .

عثمانلیلر نه قدر آزالدیهه ایرانلیلر آنک بر قاج قاتی چوغالد -
یفیچون بودغه کی مصادمه اولکیله نسبت قبول ایتیه جک
درجه لوده شدید ایدی . عثمانلیلرک هر نفری سکز اون کشی ایله
اوغراشیر و اوغراشانلرک هر بری قانک هر طمله سنی بر جوهر
جانه بدل ویرر ایدی .

بقیه شهدا ایچنده مجروح اولدق کیمسه قالمدی ، فقط
اوزمانک سلاحنده شمدیکی تأثیر اولدیغندن ، اکثرینک جریحه سی
خفیف ایدی .

عاقبت کندی نفسلرینی ولی نعمتله رینه سپر ایتمکده اولان توابعک

سیر کلنسی جهتيله عجملر بر مهاجه شديده ايله پاشانك صاغ طرفنده بولنان بر قاچ سواری عمو ماشهيد ايتد کدنصره ، براوق ايله آتی تلف و بر دیگر اوق ايله کندیسنی مجروح ایدره کینه او پرتورخشان جیتی زمينه دوشوردیلر .

استعداد طبیعی قوتيله او قدر جق بر زمان ایچنده حاصل ایتدیکی ائتلاف مهالك سایه سنده حیت مردانه سی درجه درجه نوسع ایدره ک بیاغی قلبنه صیغیشه میه جق بر حاله کلمش اولان جزمی، بولندیغی بر قاچ یوز آدیم مسافه دن پاشانك دوشدیکی مهلكه پی کورنجه، وجودنده نه قدر حرارت غریزه وار ایسه بردنبره التهاب ایدره ک بهار کونشنه او غرامش آغاجلر کبی درلو درلو رنگلر ایچنده قالمغه باشلادی، کوزلرینی قان بوریدی، هر بری یکی آچلمش بر غنچه یه بکزه دی تویلری اورپردی برر دیکن شکلی باغلادی کندندن کچمش دینله جک بر طرز مهیب ايله .

سرکشلك ایتدی توسن بخت ستیز کار

دوشدی زمينه سایه الطاف کرد کار

بیتنی اوقویه رق و « پاشا یرلرده یاتیور ! دینی، دولتی سون آرقه مدن کلسون ! » دیره ک قلیجینی آغزینه قارغیسی اینه آدی فرهاد پاشانك یادکاری اولان کچیلانك دیزکینی بوینه آندی باشنی دشمن اوزرینه چوپردی، « کسکین اوزنکی » پاشانك بولندیغی طرفه هجوم ایلدی . دائره طاقندن یاننده

اولانلرده مسلك غيرتده جزى يه مراقتدن چكنديلر بلكه
ولى نعمتلىرىنىك خلاصنه آندن زياده اقدام ايتديلر آنجق
جزىنىك كچيلانى روزكار ايله مسابقه ايدى جك بر سرغته
مالك اولديغندن پاشانك اطرافنى احاطه ايدن دشمن عسكرينه
هركسدن اول او يتشدى و بربرينى متعاقب بر قاچ عجم تلف
ايدى رك سلاح قوتيله آچدينى شهراه جلاددتن ملك مؤكل
كچى مجروحك ياننه ورود ايلدى همان يره ايندى پاشايى
كندى آتته سوار ايلدى . تعظيماً و بلكه اذبه رعائتدن
زياده حرمت ذاتيه سنك الجاسنه اتباعاً اوزنكيسى او پديكى
صروده ايدى كه سلاح آرقداشلريده بربرينى متعاقب يانلرينه
واصل اولديلر .

بو فرقه ناجيه اقدامات متواليه ايله ينه دشمن مهاجرينى
اطرافدن دفع ايتمكه باشلامشدى ، حيوانى پاشايه تقديم
ايلديكى جهته پياده قلان جزميده قرن اول مشاهير غزاتندن
(عمرو بن معدى كرب) ك قادسيه ملحمة كبراسنده ابراز
ايلديكى زور بازويه نظيره ياپار كچى بر عجم سوارى سنك
ديزكينه صاريلهرق و چيره دستانه بر مهارتله كندينى اعدام
ايدى رك آلتنده كى شاه بكندى يه (*) سوار اولدى واو
مجاهدلو ك آره سنه قارشدى .

او بر آوچ اصحاب نجات رنك آميز اليسه لرينه دوكلش

(*) شاه بكندى بر جنس آندر كه ايرانده چيقان فرس انواعك
جله سندن مقبولدر .

قان لکملوبله او میدان حیته نشانه ظفر اوله رق دیکلمش
بر سماکی عمود کبی مرکز لرنده ثابت اولدیلر .
آرهدن براز وقت کچر کچمز دشمن عسکرینک آرقه سنده
هوادن بر سیاه دومان پیدا اولدی بر طرفی یرده سورینه رک
کمال شرعتله بزه قارشنی کلکه و بزم عسکرک آرقه سنده بر قزل
توز قالدی او یچی کوکلره صاریله رق نهایت شدتله دشمنه
قارشنی یوریمکه باشلادی بر حالده که توزک دومانک دهشتنه
باقسه یرلر کوکلر بر برینک اوزرینه بیغیلیور ظن اولنوردی .
دشمن طرفدن کورینسان دومان فورتنه لی بر یاغ مور
بلوطی بزم طرفدن قالقان توزه سردار پاشانک درویش
پاشا امدادینه کوندردیکی اوز تیمور اوغلی عثمان پاشا فرقدسی
ایدی .

بری ایکی طرف ایچونده بر قضای آسمانی دیکری یالکز
ایرانلیلر قارشنی بر بلای ناکهانی اولان توزلر دومانلر بر برینی
متعاقب معرکه یه تشدی بلوط حامل اولدینی یاغ مور طمله لرینی
ازدولرک اوزرینه صاچغه عثمان پاشاده دشمنه او طمله لوله
یاریشیر جه سنه قورشون یاغ دیرمغه باشلادی .

عثمانلیلرک آتشی بر یارم ساعت دوام ایتمش اولسه عجم
اردوسنک بتون بتون مضمحل اولسی مقرر ایدی نه فائده که
او وقتک سلاحی صودن محافظه اولنور شیلردن اولمدینی
ایچون یاغ مورک شدتله اون اون ایکی دقیقه ایچنده طویلر

تفکر بتون بتون استعمالدن قالمش وینه ایش قلیجه طیامیش
ایندی .

عجم عسکری ایسه درویش پاشا وحتی مؤخرأ امداد لرینه
کلان بهرام پاشا و موتاب زاده احمد پاشا فرقه لرینک مجموعندن
یوزده یتیم نسبتنده زائد اولدیغی ایچون - اوزمانلر حکمنجه
حسن استعمالی عثمانلیرک مخصوصاتندن اولان - آتشی سلاح
معطل اولنجه کترلرینه کوندیله قلیچمه مقاومت ایده بیلک
امیدینه دوشدیله اردو مزله کوس کوسه کلکدن چکندیله .
عثمان پاشا درویش پاشایه بکزه مزدی درویش پاشا انسان
قیافتنده غضنفر ایسه عثمان پاشا غضنفر صولتنده برانسان اوله رق
ترتیبات حربیه جه زماننده کی اصحاب سیفک عموونه فائق ایدی
اوجهتله ایش قلیجه دوشدیکی صره ده دخی تعیه ده ابراز اییدیکی
مهارت فوق العاده دشمنک کترتی حکمدن اسقاط ایلدی
اوکلهدن غروبه قدر امتداد ایدن محاربه ده عثمان پاشا تعدد
ایدرجه سنه بر سرعتله هر مخاطره محلنه یتیشه رک خبر مافات
ایدردی، هر فرصت غالبیتک موقع ظهورنده بولسه رق تمامیه
اغتنامه موفق اولوردی .

دریش پاشا اوپله کندندن قدملی کندندن اقتدارلی برذاتک
میدان حربه ورودی اوزرینه یاره سنه باقدیرمق ایچون برچادره
چکلدی مع مافیه حربک اوفصلنده ده ینه دشمنک هجومه قارش
مقاومت مقاومتنه هجومده عثمانلی عسکرینک ممتازی درویش

پاشا فرقه سنک بقیه سی و اوبقیه نك اك ممتازیده جزمی ایدی .
ایکی عسکر بتون بتون یکدیگرینه قارشیدنی صروده جزمی
صول بجاغندن برقارعی یاره سی آلمش و آنک ده وجغه آلمش
اولدیفندن حربی هیچ مهمسه مامکه باشلامش وهله دریش پاشایی
قورنارمغه موفق اولمسندن طولایی غوغایی بیاغی جزید اوینا .
مقدن قولای کوره جک قدرنفسنه طالعنه اعتماد حاصل ایشدی .
بناء علیه درویش پاشا چادره چکلنجه جزمی همان غنیمت
جسارتی اولان شاه بکندی بی آتی اوزلمش برچادر اوشاغنه
امانت ایدرک کندی کخیلاننه بنسدی میدانه آنلدی . و ابراز
ایلدیکی تجددت و مهارته بز میکیری دکل دشمن طاقنک بیله اصحاب
شجاعتی تحسین خوان ایلدی . النده کی سیف حیت بلوطده کی
یلدیر ملره نظیره یاپارجه سنه دشمنک هرتمشد کاهنده بارقه اظهار
ایدردی صرہ سی دوشدکجه آت سلاح قوللانمقده اوله خارقه لر
کوستردی که عثمان پاشا کی کافه حواسی مشاغل حربه وقف
اولمق شانندن اولان جدیدات پرور برعسکری بیله وقت وقت
بیاغی ترتیبانتی اونوتدیره جق قدر اطوار چندیانه سنی تماشایه
مجبور ایدر ایدی .

غروب زمانلرینه یقین ایکی عسکر صوک دفعه اولمق اوزره
ینه تمامیله بربرینه قاریشهرق عثمانلیرک رنگارنک بایراقلری
عجملرک ظلام تمشدی ایچنده متعدد قوس قزحلری پیدا
اولمش کی بر شکل غریب حاصل ایشدی . ایرانلیر هوا بتون

بتون قرار بجهیه قدر ایسترایسته مز موقع لرنده ثبات ایده رک نهایت
قرا کلقدن استفاده ایله محاربه میداننده بش بیک بو قدر مقتول
وبرا و قدرده اسیر بر اقدقدن[*] و چادر لرینی قطار لرینی و سائر
هر در لو مهمات حربیه لرینی عثمانیلرک دست اغتنامه ترک ایلدکن
صکره مقتدر اوله بیلدکری قدر اوزاغه فرار اردولرینک
بقیه سنی بتون بتون اضحلالدن قورتار دیلر.

عثمان پاشا میدان محاربه دن عودت ایدنجه اولکی ایشی
درویش پاشانک خاطرینی سؤاله عزیمت اولدی .

درویش پاشاده عثمان پاشایی کورر کورمز جزمی ماجراسنی
نقل ایله حقیقده نیاز مکافات ایلدی، عثمان پاشا بوسوزه قارشى
« بنده بوکون قوله آتلی بر سپاهی کوردم پاشا لرمزدن زیاده ایشه
یارامشدی، ان شاء الله ایکسنه بردن مکافات ایدرز . » دینجه
درویش پاشا عسکر ایچنده قوله آتلی بر آدم اوله رق کندیسنی
قورتاران ده ینه اوسپاهی اولدیغنی بیان ایتدیکندن عثمان پاشا
چو جوغونک ایکی صورته مکافاته لایق اولدیغنی بیان ایله درویش
پاشا توابعنه جزمینک بولذیر یله رق کندی یانه کوندر لمسنی تنیه
ایتدکن صکره چادرینه عودت ایلدی .

وقتا که جزمی بی بولوب یانه کوتوز دیلر، پاشا همان یرندن
قیام ایده رک و اویله تک آتلی بر سپاهی بی (کل اوغلم!) خطابله
قوجا قلایه رق لمطیفاتنه مستغرف ایلدی، باشنه ایله ایکی جلنک

[*] صحایف الاخبار - جلد ۳ صحیفه: ۵۲۵

طاقدی، [۴] آرقه سنه برکوزل خلعت کیدردی، کندیسنه بش یوز التون بر آلتون قبضه قلیج بر زمردلی خنجر احسان ایلدی. پاشا بونلرله قناعت ایدمه یه رک ده ا بر مطلبی اولوب اولدیغنی سؤال ایدنجه جزمی « پادشاهمیزک نصرته دولتکزک دوامندن بشقه هیچ بر مطلبم یوقدر، بالفرض اولسه بیله سوبلکه حیا ایدرم . بنده کز استانبولدن بر قانسز قلیج بر صوغوق تفک ایله کلش تک آتلی بر سپاهی یم، یالکز بر کره حربه کیدرم. درویش پاشایه آت یتشدیرمک کبی اوفاجیق بر خدمتله بو قدر عنایاته مظهر اولدم، که اک کوچکی خدمتک بیک قات فوقنده در . » سوزلریله مقابله ایلدی .

فی الحقیقه جزمینک یوقاریده تفصیل اولنان اخلاق و آمانه کوره نظر نده پاره، قلیج، خنجر، خلعت کبی شیلرک او قدر حکمی یوق ایدی. فقط آلدیغنی چلنکلر اگر سایه سی کیمک باشنه قونارسه بر تاج دولته نائل ایتکلله مشهور اولان — هما کر چکدن موجود اولسه ده آنک قنادندن یا بلیق لازم کلسه ایدی، انجیق بو قدر مسرتنی موجب اوله بیلیردی .

مع مافیه مکافات بو درجه ده قالمدی، درویش پاشا که شجاعت رستمانه سنه بر سنحای حاتمانه علاوه ایدن مکارم پرورلردن ایدی جزمی بی یاری موجودینی ایشار ایدرجه سنه احساننه مستغرق ایلدی. اوزمانک حسناتندن اولدیغنی اوزره سائر پاشالرده قدر آشنالقلرینی جزمینک اکیال مکافاتنده تجربه یه قیام ایتدیله، بر صورتده که

[۴] اوزمانلرجه اصحاب سیف ایچون نشان افتخار ایدی .

جزمی ایکی کونک ایچنده احتیاجسزلق حالندن غنای نام عالمینه
وصول بولمشیدی .

بوندن بشقه عثمان پاشا جزمینک حال و قالندن ادب
وعرفانه اولان اتسابنی ده تفرس ایتمکله کندینی سپاهیلکدن
متفرقلغه نقل ایدرک اولیه هم سیفیله هم قلیله خدمته مقتدر
وهردرلو تربیه وترقییه مستعد برنادره زمانهیی بتون بتون
دأرهسنه ضبط ایلدی .

جزمی ده عثمان پاشا معینده تفیض واشتهاره امکانی فوق
الغایه مساعد کوردیکچون مشرب لوندانه لوره توأم یارادلمش
قدر موافقت اولان درویش پاشادن آیرلدیغنه بک زیاده
متأسف اولغله برابر اتساب جدیدندن طولاییده کرچکدن
مفتخر ایدی .

یوقاریده بیان ایتدیگمز غلبه کرجستانده اکثر امرانک
اطاعتنی و اخسنجهدن تبریزه وارنجه همان بتون قلعهلرک ضبط
ویاتسلینی انتاج ایلمش و بناء علیه نوبت تسخیر شروان قطعهسنه
کشدی ، سردار پاشا اونیتله اردویی تحریک ایدرک فنق
نهرینه یقین برمناسب موقعده آرام ایلدی . بری طرفدن
ایسه طوقاق خانک عرضی اوزرینه شاه محمد خدا بنده تبریز
حاکی امیر خانی حدود اوزرنده اولان اردولرک عمومته
سردار تعیین ایلمش و اوده معینته ویریلان مغان حاکی مراد

خان و نخبچوان حاکی شرف خان کبی مشاهیردن یدی سکر ذات ایله طوقاق خانه التحاق ایتمش ایدی . بواجتماع ایله یکریمی بیگ کتشی به بالغ اولان ایرانلیلر قسق نهرینه منصب اولان چایلردن برینی قیون کچدی نامیله معروف بریردن گذار ایلدیلر ، اردونک پراکنده شوراده بوراده طولاشان حیوانلرینه خربنده لرینه تعرض ایتمکک باشلادیلر .

مصطفی پاشا امیرخانک مقابله سنه ینه اردونک سیف مسلول سطوتی اولان عثمان پاشایی سوق ایتمش و حلب بکلر بکی محمد پاشا ایله ذوالقدریه بکلر بکی مصطفی پاشایی ده معینته تعیین ایلمشیدی . بویکی فرقه ببننده اولان محاربه چیلدیر غوغاسی کبی انقلابات متنوعه کچرمش بروقه دکلی ایدی . حربک مبدأ نندن نهایتنه قدر عثمانلیلر مهاجده ایرانلیلر مدافعه ده اصرار ایلدیلر ، شو قدر وارکه بو محاربه ده عثمانلیلرک مهاجانی چیلدیر غوغاسنده کی قهرمانلقلرینه مساوی ایرانلیلرک مدافعه مأیوسانه لری ایسه اوزمانکی صولتترینه برقاچ قات غالب ایدی . بونکله برابر عثمان پاشانک مهارت فوق العاده سیله عسکرک اقدامات مردانه سی ینه عجملری سکر ساعت ایچنده پریشان ایلدی ، حتی جان قورقوسی وانهزام شاشیفینلی ایله قیون کچدینی ده بوله مدیلر ، عثمانلیلرک مریاتندن تخلیص نفس ایتمک امیدیه آلائی آلائی نهره آتیله رق آب و آتش آره سنده افنای وجود ایلدیلر . ایرانک بواردوسندن آنجق یوزده بش

عسکرو بعض خانلرله دمدارلق ایچون نهرک قارشیسنده قالمش
اولان امیر خان فرقهسی نجات بوله بیلشیدی .

جزمی بو محاربه نك مبادیسنده چلدیر وقعه سنندن زیاده
غیرتلی طاوراندی، برقاچ ایران آلاینک زده لئمنسه سبب مستقل
اولدی . فقط دشمن اردوسنده انهزام کورندکدن صکره بیاغی
فتور کتیرمکه باشلادی چونکه تقدیر شجاعت هر دلاورک
شانندن اولق جهتیله جزمیده ایرانلیرک او قدر مأیوسانه
او قدر فداکارانه ثباتنی کوردکجه بیاغی اوزرلرینه وارمغه
قیه مز اولمشدی، حتی یغما کر کروهندن اک بیوک جرأتلری
عاجز کشلکه منحصر اولان برطاقم اراذل دشمنک انهزامندن
صکره نهرک کنارینه اینه رک امواج بلا ایچنده غلطان اولان
بیچاره لرک وجودنده نشان تعلیم ایتکلک اکلندکلرینی کورنجه
همان اوزرلرینه آت قوپاردی « ذاتاً حیاتی ایله اوغراشان
ادملردن نه ایستر سکز اجلدندی مرحتسز سکز عزرائیل ایله
می یاریشه جقسکز ؟ قاچانی قوغمق جان چکیشان خسته پی
اولدیرمک انسان شاننه یاقیشرمی؟ » دیه برطاقم عتابلره تکدیرلره
قیام ایلدی . کندینک ایسه عثمان باشانزدنده هر کسجه معلوم
اولان حیثیتی حریفلرک ذهننده اقوالنک اطوارینک تأثیراته
برقات دها قوت ویردیکندن خییلر اختیار ایتدکلری بازیچه
ملعونانه دن فراغته کری چکلدیله .

جزمی بو حشراتی دفع ایله چادرینه عودت ایتک اوزره

ایدی، که یانی باشندن نهرک ایچندن اسمداد ایدر یوللو ایکی
ال و آره سندن برده باش کورندی باشک جزؤ مرئسی چکویه
قدر کلنجه اوشکل هائل ینه آشاغیلادی، کوزدن نهان
اولدی .

جزمی بوجودک البته ذی حیات اولدیغنه حکم ایدهرک
اوگون ایسه وجداننده ظهورایدن برغریب انقلاب ایله نظرنده
برجان قورتامق بردشمن اردوسنی محو ایتمکدن بیوک
فضیلتلردن معدود اولدیغیچون همان ممکن اولدیغی قدر
صوینهرق صویه آتلدی، کوردیکی آقزدهنک بردها ظهورینه
انتظار ایلدی .

کندی ساحلده بیومش وعائله سنک سوق ایتدیکی طریق
تریبه اقتضاسنجه زوربازانه تعلیملرک هیچ برنده اهمال ایتماش
اولمق جهتیه پک کوزل یوزمک بیلیر ایدی .

آره دن براییکی دقیقه کچنجه معهود اللر قرق الی آدیم
اوزاقدن ینه کورنمکه باشلامش، وجزمی همان یوزهرک طوتمغه
شتاب ایلمش ایسه ده مغروقک کورندیکی محل آقندی اوزرنده
اولدیغندن امداده یتشمک بردرلو قابل اوله مدی . کوردیکی
ایکی قول دیرسکلرینه قدر میدانه چیقار چیقماز ینه یاتمغه
باشلادی برصوتده که جزمی نقطه مقصوده واردینی زمان
حریف بتون بتون غائب اولمشدی .

جزمینک ایسه — ولوتیجه سنده جان مخاطره سی اولسون —

عزمندن دونمك شانندن اولمديغچيكون مغروقك بردها ميدانه
چيقيمديغني كورنجه كندی نه ره طالدي مطلوبني آرامغه باشلادی .
برقاچ ثابته چکرچمز قولني اله چکردی . طوتدی حریفني صويك
يوزينه چيقاردی .

چيقاردقن صكره هر نه قدر كندينه صارلاماسني ويالكز
اتكندن طوتهرق آرقه سندن كلسنی صيقي صيقي تنيه ايتدی ،
وصارلديغني صورتده ايكيسی بردن هلاك اولاجغني ده آ كلاتدی
ايسه ده آفتزده جان هوليله ايشتديكي سوزلوك معناسني بيله
آ كلاميه قجز مينك ايكي پازوسني كندی قولارينك ايچنه آلهرق
وجودينه بر صورتده صارلدي كه حر كته امكان بر اقادی .

جزمی بر طرفدن آياق لريله يوزمكه بر طرفدن وار قوتيله
طوتلديغني مضيق بلادن قور تلغه چالشي ردی ، نه فائده سي وار كه
پريكنك كافه قواسی بريره طوپلانهرق حفظ حيات خدمته
مصروف اولديغندن اللری بر برينه كلیدلندی اعصابنك هر بری
برزنجير كسلدی جزمينك مساعيسني بتون بتون فائده سز
بر اقادی .

بو حال ايله بر چاريك قدر صويوزنده اوغراشدقن
صكره ايكيسی ده طاقتدن قالدیلر نه رك دینه طوغری اينمكه
باشلادیلر .

حياتني تخلصه چالشدیغني آدم كندی ايچون تجسم ايتمش
بر اجل قضا شكلنه كيرنجه بيچاره جزمی محاربه لوده بو قدر

آ تشلردن قلیجلردن قورتولدیغی حالده اختیار ایتدیگی برخبیر اوغرینه اوکنجلیکنده هلاک اولمق مطالعه لرله اودرجه مایوس اولمشدی که قولارینه حکمی کچمک لازم کلسه برقاچ دقیقه اول نهرده بوغلمقدن قورتارمغه چالشدیغی آدمی کندی الیه احناق ایتکه قیام ایتسی مقرر ایدی .

نهایت نهرک پکده درین اولمیان قعرینه واصل اولنجه قوتنک بقیه سنی طوپلایه رق وبتون بتون تاب وتواندن قالمغه باشلامش اولان حریری شدتله سلکه رک برطرفه آتقدن صکره آياق لرینی بره اوردی صویک یوزینه صعود ایلدی ساحله وصول ایچون یوزمکه اوغراشیرکن آفتزده تکرار صویک اوستنه چیمغه باشلادی . بودفعه ایسه بیچاره اقتدار حرکتدن بتون بتون بری کورینوردی . اوحال اوزرینه جزمینک کوکلنده ینه مرحت غلیانه باشلادی چکدیگی بو قدر مشاق ومهالکک صرف بیهوده کتمسنده بردرلو قائل اوله مدی آفتزده نک تکرار امدادینه شتاب ایلدی بایغین برحاله بولنان مغروقک بلنده کی قوشاغنه ال آتدی .

وجودینه برزی روحک اعضاسی تماس ایدیویرمکه حریفک غشی مطلق حالنده بولنان قوه حیاتیه سی ینه کال شدتله حرکته کلدی حریف اولکندن دها قوتلی برحال ایله جزمی یه سارلدی . برقاچ دقیقه اول اول مندفع

اولان هنگامه دها مهلك دها ازاله سی ممتنع بر طرز ایله تجدد
ایلدی .

موسم هر نه قدر یازاورته سی ایسه ده جوارده کی جبال
شاهقه نك بوزلری دها یکی چوزلمکه باشلادینی کبی هوالده
زیاده جه یاغمورلی اولدیغندن نه رده اوکون حس اولنور اولتمز
بر طاشقلق و ارایدی .

شوايكنجی مهلكه نك ظهوری صرمه بنده سیلر طوفان بلا
کبی بر شدت طاقت پراندزانه ایله خروشه باشلادی . جزمینك
حالی ایکنجی فصلك ابتدا سنده تصویر اولنان یاغین خیالندن
بیك قات مدهش بیك قات خطرناک ایدی . معرکه نك جنوب
غرب بسندن شرق شمالیسنه طوغری آقوب کتمکده اولان نه رك
کچدیکی یرلر پک زیاده عارضه لی اولدیغندن مجرا « سیلان قاوی »
برشکلده بولنه رق یکر می یکر می بش آدم آره لی زاویه لر چیقندیلر
له محاط ایدی .

سیلاب مصیبت خروش ایدنجه طاغیر صحرا لری ایچلرنده
بولنان نباتات و ذوات الحیات ایله برابر یرلرندن قوپارم شده
سورکله ایش کبی صویک یوزنده بیکلرجه سوکلهش آغا جلر تلف
اولمش حیوانلر یوزمکه باشلادی .

جزمی ذاتاً وجودینی احاطه ایش اولان بلای مبرمدن
قورتلغه بزچاره اوله مزکن بر طرفدن سیلک سوروکلدیکی اشیا

مقاومتی ناقابل بر شدتله اوزرینه هجوم ایلدیکندن بتون بتون
نجاتدن قطع امید ایده جک برحاله کلمشدی .

بر طرفدن مغروق شکارینه صارلمش اژدر کبی جزیمی
تضییقی ایله ازوب طوررکن بر طرفدن دخی گاه بر آغا جک
دالری گاه بر لاشه نك آياق لری ایکسنی بردن احاطه ایدرک نهرک
بر قاچ دقیقه ده بر کره میلی تحویل اتمکده اولان آفندیلری بیچاره یی
کککلرینی قیزار جه سنه بر زاویه دن بر زاویه یه چار پار و بوسدمات
ایله وجودنده حاصل اولان اوجاع ایسه بتون بتون تاب وتوانی
کسر ایدی .

اوتیه بری یه چار پند قجه ساحلده کی قیا پارچه لرینک ،
آغاچ کوکلرینک وجودینه آچدینی یاره دن دو کیله رک انجماده
یوزطوتان ونهرک تشکیل ایتدیکی اوافق تفک کردابلر اوزرنده
اکیله بوکیله بر شکل مخوف پیدا ایلیان قانلره باقلسه وجودینک
هر طرفنه قاره قاره سیلانلر یا پشمش ظن اولنوردی .

یورغونلقدن ، جان آجیسندن بشقه اسمکده اولان شدتلی
بر روز کارک تاثیر یله یارم ساعتدن زیاده صواچمنده بولنان وجودی
بیاغی قانی طونمش ، حرارت غریزه سندن اثر قالمش دینله جک
برحاله کلمشدی .

بو مصائبک تعددیه جزمینک آرتق اوغراشمغه هیچ
اقتاری قالمدینی صرده ایدی که قور تارمق ایستدیکی آفتزده نك

آغرلغی غلبه ایده رک ایکسی بردن ینه آشاغی طوغری اینمکه باشلادیلر .

نهرک اوراده کی درینلکی اول باتدقلری بردن برقاچ قات زیاده ایلی . جزمینک قدر تسزلکنه برده شاشقنلق منضم اولدیغندن پک کوزل یوزمک بلدیکی حالده برحرکتده برتشبده بوانغی بیله تخطر ایدهمدی . برقوه غالبه کندیسنی اسفل سافلینه طوغری چکر کورتوررمش کبی برخیلی مدتلر آشاغی اینر طورردی . نهایت جسم جامدکبی برحرکت قصریه ایله نهرک قعرینه واصل اولدی . اوصرده ایسه بریکی آقزردیه براویوشلق عارض اولمغله صاغ قولی بتون بتون جزمینک وجودندن چوزیلهرک یالکز صول الی طوتوندیغی برده کلیدلنش قالمش ایلی . جزمی بوسورتله قوللرینی آزاده کورنجه بردن بره امیدله نهرک وامیدینک تجدیدیه عقلی باشنه قوتی یرینه کلهرک مقتدر اولدیغی قدر چالیشدی صو آلتنده قالمش هوا سرعتیه نهرک اوستنه صعود ایلی . برالی جزمینک کوملکندن آیرلیان عجمده کندیسیله برابر ایلی . چیقدیغی یرساحله پک یقین و آغاچدن لاشه دن خالی اولمغله جزمی ممکن اولان اقدای صرف ایلی براییکی دقیقهده ساحله چقدی یولنده جاننی ساعتلرجه ملک الموتک پنجه سنه تسلیم ایلیکی آقزردیه بربرچیقاردی .

کیم بیلیر قاچ ساعتلر دنبری اوسیلاب مصائب ایچنده یوارلنان حریف بتون بتون بیخود اولدیغی کبی جزمینکده کوردیکی

متاعب جهتيله وجوديني قلداتمغه اقتدارى قلامشدى . مع مافيه
اويله ايصالق ، چبلاق بر حال ايله ديكلمكك قالقشتمق اجلى دعوت
ايمك قيبلدن اوله جنى ايجون جزى اورده دشمنك باشى بوش
ترك ايلديكى حيوانلر طوتهرق خسته يي آنك اوزرينه ساردى ،
كندى ده كمال ضعف ايله آتته پيندى ، اردويه عودت ايلدى .
چادرينه واصل اولنجه همان بر حكيم جلب ايلدى او وقتلر
حكمنجه صويه دوشانلر ايجون معلوم اولان تدابيرك جله سنى
اجرا ايتديردى كنديسى چكديكى مشقتلردن و خصوصيله
وجودينده كى بره لردن عادتاً خسته اولدينى حالده خدمتكار كى
حريفك اطرافنده طولاشيردى خسته پك كوزل باقلايدى ايجون
بر قاچ كونده اكتساب صحت ايلدى . جزمينك راحتسزلىكى
ايسه سكر ساعت قدر برايقو ايله بتون بتون مندفع اولمش
وخسته سى اكتساب عافيت ايندنجيه قدر وجودنده كى بره لرده
صاوشمش ايدى .

جزمينك ، او حريف يوزندن اوغرا دىنى مشقت بونكله ده
ختم بولدى ، حريفك حافيتندن آنجق ايكي كون چشمش ايدى كه
قنق محاربه سنده آلنان و مقدار لورى پك جزوى اولان عجم اسير لورى
بر كيجه فراره قيام ايلدكلرنندن ، والرينه كچيره بيلدكلرى سلاحلاره
اردوده بر قاچ آدمده تلف ايتدكلرنندن ، عثمان پاشا زمانك
غادات ميئه سنه اتباعاً موجود اولان اسرانك اعدام اولمشنى
امر ايتمشدى .

جزمی بردوستنک یانندن عودت ایتک اوزره ایدی که
قورتاردینی بدبختک اوزرینه برقاچ کشی هجوم ایدرک اللربنی
باغلامش و بوننی اورمق ایچون یره چو کرتمش اولدقلربنی
مشاهده ایلدی .

حریف ایسه جزمی به جان بهاسنه او طورمش اولدقدن
بشقه اجلک پنجه سندن قورتاردینی برآدمی جلادانه تسلیم
ایتک مشرب مردانه سنه هیچ توافق ایدرشیلردن اولدینی ایچون
همان جلادلره یناشه رق بیچاره دن نه استدکلربنی سؤال ایلدی .
پاشا طرفندن اسیرلرک اعدا میچون امر ویرلدیکنی سویدیلر
جزمی ایسه او اسیر دکلدر ، بنم آدم در . دهرک حرینی بیاغی
بردرجه یه قدر زور ایله مأمورلرک الندن آلمشدی . ایش
بودرجه ده قالسه پکده اهمیتتی اولمزدی ، فقط اوکلرنده برمثال
مروت کورنجه امثال ایتماک عثمانلی دلاورینک شانندن اولدینی
ایچون عسکر ایچنده کندینه کوه نالر جزمینک بو جرات عاجز
پرورانه سنی کورنجه کندیلرینک و بلکه سائرلرینک اسیرلرینی
قورتارمغه مرحمت یاریشه قیام ایتدیلر . اردوده بولنان
عجملرک بیاغی یوزده سکسانی اعدامدن خلاص ایلدیلر .

عثمان پاشا فی الحقیقه زماننک وزراسنه نسبت پک متصف
حقانیت پرور برذات اولدینی کبی طبعاً غیرت و شجاعت
مقتولرندن اولدینی ایچون او یولده ابراز استحقاق ایدنلرک
مطالب و تمیناتی اسعافده مأمولرندن ایلری کیدر ایدی .

فقط دنیاده هرشیدن زیاده موقمك محافظه حیثیتی و او ا -
 مرینك تنفيذ احکامی ملتزمی اولدیغندن بومسلك حكومت
 پرورانه سنه قارشى رعایت خاطر و قبول تمنی شانندن دكل ایدی .
 خصوصیه اراده سنه مغایر حرکتده بولنانلر نه قدر اعتمادینه
 مظهر ایسه سوء حرکاتلرینك پاشایه تأسیریده او قدر شدید
 اولوردی . ایشته او جهته درکه جزمینك اتساینه مغرورا
 اسپرینی قورتارمقده کوستردیکی جرأت مجرد او اتسابی ایچون
 حقدنه برقاچ قات زیاده شدتی دعوت ایلدی .

عثمان پاشانك مزاجی غایت عصبی و نادراً ظهور ایدن حدتی
 بك غالب اوله رق جزمینك حرکتی و خصوصیه نتیجه سنده
 امرینك اجرادن ساقط اولدیغنی خبر آنجه برخشم مجسم کسلدی .
 چهره سنه بلوط قرالیدیسی کبی برنك هائل مستولی اولدی .
 جزمی بی زرده ایسه خضورینه کتیرمك ایچون بربرینی متعاقب
 برقاچ آدم ارسال ایلدی . پاشانك اختیار ایتدیکی طور او قدر
 مدهش ، التزام ایلدیکی سکوت او درجه غضب آلود ایدی که
 مجلسده حاضر بولنان میرمیرانلر کوز او حیله یوزینه باقغه بیله
 جسارت ایده مدیلر چونکه عثمان پاشاده فی الحقیقه بکلر بکیلردن
 اوله رق مجلسنده حاضر بولنان پاشالرك اکثری اقرانی ایدیلر ،
 فقط قانون عثمانی به خال کلامش اولتی جهتیه پاشانك عهده سنده
 بولنان ریاست هر درلو مراتبک فوقنده اولدقدن بشقه قدر
 ذاتیسی ده هر درلو حیثیات عارضه به غالب ایدی .

جزمی بوصولته صیتی صیتی آراندیغنی و خصوصیله تحریرینه کلان آدملرک جلالدی خدمتلرنده قوللانیلان طاقندن اولدیغنی کورنجه اوغرادینی مخاطره نك اهمیتی پك چابوق (چابك) تقدیر ایلدی .

مع مافیہ پاشانك لطفنه اعتمادینی ینه بتون بتون غائب ایتدی ، او اعتمادی اولمسده کندیسى قورقونه اولدیغنی بیلیر طاقندن دکل ایدی ، حضورفکر وسکینت قلبنه ذره قدرخلل کتیر . مکسزین پاشانك حضورینه عزیمت ایلدی .

عثمان پاشا جزمی بی کورنجه برمجسم تهورکسیله رك آغزندن علو پوسکررکی برشدت ، ییلدرم پتلا رکی برصدایله « ظاهر سن جاسوسسك ، که ویریلان امر لوه قارشى طور ییورسك ، پادشاهك اردوسنی فساده ویریورسك ! » دینجه حضار کرام دفعه نتیجه انتقال ایدرک پاشانك لسانندن « قالدیرک ! اولدیرک ! » کبی برامر صدورینه میدان ویرمکسزین بربرینی متعاقب تمنی به شفاعته قیام ایلدیلر . پاشانك مزاجی اصحاب توسطك جمله سی عندنده معلوم اولدیغندن ، نیاز مندانه برسوز سویلدکجه ترویج مراد ایچون جزمینک برده خدمتی تعداد ایدرلردی . بوصولته پاشایه برازسکوت کله رك « بودفعه لوق سزه باغشلادم ، اسیرلرک اعدامنه ده آنی مأمور ایتدم ، کیتسون وظیفه سنی اجرا ایلسون ! » دیمش ایسه ده جزمینک علوجنابی حیاتیچون اولسون بشقه سنه منتدار اولمغنی قبول ایتدیکنندن

واداره کلامده اولان اقتدارینه ایسه خیلیدن خیلی اعتمادی
اولدیغندن ، هرکسک سکوتندن استفاده ایله سوزه باشلادی،

شركای معرفتندن اولان نوعی زاده نك

تانیدن ایتمه صاقین اجتناب

امور سیاستده قیله شتاب ،

که بردمده برخونه وارد در مجال ،

ولی مرده بی زنده ایتمک محال ،

بیتلرینی مقدمه ایده رک حرینی صودن نه صورتله قورتاردیغنی
غایت مؤثرانه ، غایت شاعرانه برادا ایله تفصیل ایلدکن صکره
« حیاتی مخاطره یه قویوبده برجان قورتاردیغیم ایچون بنی اعدام
ایتمک موافق مروت ایسه آکاده قائلم ، فقط اسیر اولدیرمک المدن گلز ،
عسکریم ، جالددکلم . سوزلویله ختم کلام ایلیدی . عثمان پاشا وقعه بی
دیگلدکجه کوکلنده کی میل معالی غضب وشدتنه بتون بتون غلبه
ایتمشیدی ، فقط ضعف کوسترمامک و حیثیت امیرانه سنه خلل
ویرمامک ایچون هیچ طورینی دکیشدیرمدی « برجمی قورتارمق
ایچون جانکی مخاطره یه آتمقده نه معنی وار ایدی ؟ آنلرک بزه
ایتدکلرینی بیلورمیسک ! » سؤالیله عتابه قیام ایلیدی جزمی ایسه
ایشک او جهتنی هیچ دوشونماش اولمق جهتیله جواب تدارک
ایدهمدی . بولندیغنی جواب « بنده کزک قورتاردیغیم آدم شماخی
سنیلرندن درکندی اسمی پرتو فقط پدرینک نامی عمر ، همشیره
سنک آدی ده عایشه در آرقه سنده شروان اثوابی کوردیکم ایچون

امدادینه شتاب ایتشیدم « سوزلرندن عبارت ایدی . بو افاده سنک اکثر یرلری حقیقته مطابق و فقط بو ایکی جهتی مغایر ایدی ، واقعا حریفک پدری عمر و همشیره سی عایشه اسمنده اوله رق ایکیسی ده سنی ایسه ده بر عجم جاریه سندن تولد ایتش اولان پرتو والده سنک مذهبنی اختیار ایلشدی . فقط بو حقیقی جزمی ده بیلزدی . ایراد ایلدیکی دروغ مصلحت آمیزک آکا عاند اولان جزوی پرتوک اوزرنده شروان البسه سی کورمک مسئله سندن عبارت ایدی که یوقاریکی تفصیلاتدن ده آکلاشیلدینی اوزره جزمی نهره آتلدینی زمان حریفک قوللریله باشک بر پارچه سندن بشقه بریرینی کور مامش و بناء علیه بالطبع جنسیتینی ملیتینی فرق ایتماش ایدی .

عثمان پاشا بو ایضاحات اوزرینه پرتوک اعدامندن صرف نظر ایتمکله جزمینک فداکارلغی پاشالوک نه درجه تقدیرینی جلب ایلدی ایسه ، فداکارلغک انتاج ایلدیکی موفقیتده او مرتبه لوده غبطه لرینی دعوت ایلدی . بناء علیه ایچلرندن حلب بکلربی محمد پاشا شریک اجر اولمق ایچون سوزه کیریشه رک « سائر اسیرلر آره سنده سنی بولتمق احتمالی وارد ، خصوصیه سنی اولمیانلرک کافه عصیانده شریک اولدقلری ثابت دکلد ، « العفو ذکوة لظفر » حکم جایلنه تبعیت بیورلمش اولسه مناسب اولور . « دیدی . عثمان پاشاده ، الله جزاسنی ویرسون ، جزمی ذاتاً هم فعلیله ، هم بوراده کی سوزلریله امر می اجرادن

اسقاط ایلدی . بوندن بویله کیسه یه تعرض اولتمسون . «
جوابی اعطا ایلدی .

جزمینک ابتداء و محمد پاشانک اکیال ایلدیکی وساطت
مروتمندانه ایکی بیک قدر بیچاره نك جلاد النده خلاصه سبب
اولمشدی .

عثمان پاشانک مائر جلادتندن چیلدیر محاربه سی کر جستانک
مقدمه استیلاسی اولدیغی کبی قنق حربی ده بتون شروان ملککنک
عثمانلی تصرفنه کچمسنی انتاج ایلدیکندن ، کندیسی وزارت
پایه سی و سردارلق عثوانیله شروان و الیلکنه تعیین اولمشدی .
سردار لاله مصطفی پاشا ارضروم مشتاسنه عودت ایلدکن
صکره ، عثمان پاشا یاننده قلان اون بیک قدر عسکرله شروانک
قلعه لرینی تعمیر و ملکنی تحریر ایله آسایشنی تأمین ایتدکن و
(ارش) اوزرندن ایران ملکنه کچهرک (قره) باغ و (مغان)
طرف لرینی غارت ایلدکن صکره ، شماخی پی کرسی ولایت اتخاذیله
اوراده اقامت ایلمشدی .

وقتا که عثمان پاشا اردوسی شماخی یه واصل اوله رق امرا
و معتبران عسکر بررخانه یه یرلشدیلر ، پرتوده سبب نجاتی اولان
جزمی پی چاره سزکندی اوینه مسافر آلمشدی .

پرتو صولوق صاری بکزلی ، چینی مائی کوزلی ، آز چچیک
بوزوغی بروننک اوجی آشغی ، آغزینک ایکی طرفی یوقاری
طوغری میل ایله اوق و یای شکلی باغلامش ، بوینونک قیصلغی

کیکلرینک قالینغی ده وجودنده تناسبدن اثر بر اقامش بر چرکین شی ایسه ده پدري اولان میرزا عمر الا کوزلی ، آل ینساقلی ، قیرصقاللی متناسب الاعضاء ، قلبنک صفوتی چهره سنه عکس ایتمش کچی کورینور ، بر مبارک اختیار . همشیره سی عایشه ایسه دستکاه قدرته نمونه جمال اولق ایچون یاتیش ، تخریرلی مائی کوزلی ، اوزرینه یالیز سر ییش کچی پارلق صاری صاحلی ، صاریغلیله برابر فایت کور قاشلی ، آغزی ، برونی اوفاق ، وجودینک هر طرفی بر برینه یاقشمش ملک کچی بر چوجق ایدی . فقط دها اون ایکی یاشنده اوله رق وجودی ده ضعیف اولدیغندن ، استعداد حسنی بر باقشده نظر لره چار په جق قدر انبساط ایلامشدی .

میرزا عمر فقیر اولدیغی جهته حرمی یمکنی پیشیر ، خانه سنک ایشنی ده اوغلیله قزی کوزردی . بوضورتله قزهر اقسام جزمینک یاننده بولنور جزمی ایسه شوخ مشر بلکنه بناء چوجقله پک چوق لطیفه لر ایدردی . عایشه نک ذکاسی ده کوزللیکی درجه سنده اولدیغی ایچون جزمینک لطیفه لرینه ایتدیکی معصومانه مقابله لرله مجلسه روتقلر ویرر ایدی . برحاله که بش اون کونک ایچنده جزمی ایله چوجق بر برینه نسبت احبابدن معدود اولدیلر .

میرزا عمر ایچون جزمی بر احسان الهی قیلندن ایدی ، پرتوک حیاتی قورتادر قدن بشقه عثمان پاشایه اولان اتسباب مخصوصی جهته کندینی اقرباسنی ، احبابنی اردولق عالم لرنده وقوعی ضروری حکمنده بولسان تعرضلردن صیانت ایدر ،

و ثروتی قوتیله مهمان اولدینی خانه ده بیاغی میزبانلق ایلرایدی .
 پرتوده جزمینک ، کندینی قورتارمق ایچون حیاتی ایکی
 دفعه مخاطره یه آتمش اولدیغندن و آندن صکره دخی پک چوق
 احساننی کورمش بولدیغندن حقنده اولان معامله سی بیاغی
 پرستشکارانه دینیه جک درجه لوده ایدی .

جزمینک عایشه یه التفاتی خانه خلقنک جله سندن زیاده
 اوله رق بو حال ایسه میرزا عمر نظرنده جزمینک پرتوی تخلیص
 ایتسندن دها بیوک بر نعمت حکمنده ایدی ، چونکه طبیعتلرنده
 اولان مغایرت جهتیله اختیار ، پرتوی پک سومز ، فقط عایشه یه
 مزاجنک ملکیت درجه لورنده اولسنه بناء چیلدیررجه سنه محبت
 ایدردی .

میرزا عمر جزمینک چوجغه توجه ابراز ایلدیکنی و خصوصیه
 عایشه او یاشه کلنجه یه قدر قرآن کریم و علم حال او قوش
 و استعدادی قوتیله کوردیکی یازی بی سوککه باشلامش اولدیغندن
 و جزمینک شماخیده آره صره عثمان پاشا دائره سنه کیتمکن بشقه
 برایشی اولدیغندن ، چوجوغنک تحصیلنی ایلریلمکده کندیسنه
 بر بشقه کلنجه اتخاذا ایتدیکنی کوردکجه سرورندن بیاغی غشی
 اوله جق درجه لوره کلیر ، و آره صره بونلرک صحتلرینه « ان
 شالله بیوسون ده سزه ویره میم ! » کبی لطیفه جکلرده قارشدیرردی .

عثمان پاشا اوصورتله شماخی یه یرلشهرک اورالری سلطنت

سینه‌نک قطعاً رایت استیلاسی آلتنده طومغه عزم ایتمش وحتی
 صقولینک توران ایله برطریق موارد آچق فکرینه بر مرکز
 اجرا اوله بیله جکنی تصور ایده‌رک اوزمانلر بحر شروان دینیلان
 وشم‌دیلمده ایسه مکاتب رشدییه ایچون بوندن تقریباً اوتوزسنه
 اول لیطوغرافیا ایله باصیلان خریطه‌لره یاسنکلرک ویاعنوانلری
 نسخ معانی قرینه‌سیله ویرلمش اولسنه حکم ایلمک ممکن اولان
 ناسخلرک علاوه ایتدیکی بر نقطه‌جق سایه‌سنده بحر (خزز)
 نامنی الان بحر خززده بردونما تدارکنه بیله تشبث ایلشیدی ،
 فقط پاشانک بو عزم و تشبثیه حاکم قدیمی اولان ارش خان
 شروان ملکندن قطع امید ایتدی . تبریز حاکمی امیرخان وکنجه
 وبردع حاکمی امام قلی خانلهده خبرلشهرک وباشنه بریکرمی
 بشیک‌دن زیاده عسکر جمع ایده‌رک اردونک ارضرومه عودتدن
 صکره ارش نهرندن بری طرفه تجاوز ایلدی . امیرخان ایله
 امام قلی اول امرده عسکرک اون بش بیک کشیدن عبارت
 بر فرقه‌سیله ارش قلعه‌سی اوزرینه دوشدیلر ، بکلر بکی اولان
 قیطاس پاشا یاننده بولنان بیک قدر عسکرله ایران فرقه‌سنه
 مقابله‌دن چکنمندی . او مجاهد عالیهمتده فداکارلقده درویش
 پاشا مرتبه‌سنی احراز ایدن حیت پرورلردن ایدی ، فقط
 درویش پاشا قدر مهارت جندیانه وصولت موانع براندازانه‌یه
 مالک اولمدقدن بشقه اکثریسی اوجاقلره یکی داخل اولان
 عسکریده درویش پاشانک دائره‌سی خلقنه هیچ قیاس قبول

ایتمزدی . بوجهتله خانلر اون بر ساعت امتداد ایدن بر محاربهده پاشایی اکثر توابعيله برابر شهید ایتدیلر ، قلعه‌نکده بعض جهتلرینی یغما ایلدکن صکره ، ارش خانه ملحق اولدیلر .

بوقوه کلیه ۹۸۶ رمضانک طقوزنجی کونی شماخی یه کلدرك خانلر عثمان پاشایه میدان او قومغه باشلادیلر ، پاشانک یاننده کی قوت طوبی اون بیک کشی ایدی . فقط بوفرقة عثمانلی عسکرینک اک محرب اک ممتاز قهرمانلرندن اوله رق کرک نفسلرینه اعتمادلری ، کرک سردارلرینه امنیتلری کالنده اولدیغندن ، پاشا دشمنله میدان محاربه سنه کیرشمکدن اجتناب اتمدی .

او کون و ایرتسی صباحدن اقشامه قدر حرب اولندی ، اقساملری طبل آسایش چالنیر و ایکی عسکر بربرندن آیرلردی . غوغانک حالی ینه یکرک اوله رق یالکز بودفعه هجوم ایرانلیلرده ، مدافعه عثمانلیلرده ایدی . عثمان پاشا ینه بره عتاد تعیهده اولان مهارتيله دشمنک کثرتنی تأثیرسز براقیر ، عسکر کوستردکلری عبرت قهرمان پسندانه ایله هر محاربهده احراز ایده کلدکلری شان حیته بر رونق دیبکر علاوه ایلر ایدی . جزی ایسه ، پاشانک شمذیکی یاورلر کبی اوتیه یه بری یه خبر جیلکی خدمتنده بولنه رق ضابطانه او امرینی تبلیغ ایتدکن بشقه لزوم کوردکجه طوپلایه بیلدیکی اوافق تفک فدایی فرقهلری ایله دشمن الایلرینی استقباله چالیشیردی .

رمضانک (۱۱) جی حربک (۳) جی کونی ایسه بمجملر

یا موت و یا غلبه عزم قطعیه مهاجره لینی بر درجه لوده تشدید ایتدیله که عثمانلی عسکرینی بر قاج کره یرندن قویاردیلر فقط آدقلری مواعی عثمان پاشانک همت و مهارتی قوتیه - بر درلو الله طومغه مقتدر اوله مدیلر . عسکر مز طاع پارچه لینه تصادف ایتمش امواجه بکزی، دشمنه چارپشدجه کری چکیلیر، فقط کری چکلدکجه بر دها طوبلانهرق ینسه اسکی موقعنه کلیردی .

جزمی بربر اوزرینه ایکی کون فوق العاده یورلمش اولان کیلانی اوچنجی کون چادرینک اوکنده ابراهرق چیلدیر غوفاسنده اغتنام ایتدیکی « شاه بکندی » به بنمشدی طرفیندن مبارزه لره شدت بولدینی صروده اوزرینه هجوم ایدن ایکی عجمی تپه لکدن صکره برینی ده اوکنه قاتمش و اوکندن فرار ایدن دشمنی ایسه کندینی مزراقله صول اموزندن یاره لیدکندن انتقام آلفه پک زیاده انهماک کوسترمشدی نه فائده سی وارکه - « شاه بکندی » قوغدینی دشمنه ایریشه جک قدر سریع دکل ایدی . کندیسی عجم لره اوق منزله قدر یا قلاشدینی حالده خصمی آلایلره التحاق ایلدی .

جزمی کال تهورندن همان آندن آشانی آتیه رق و « سنده صاحب لره کبی قالتبان ایمشک جهنم اول ! » دیره ک حیوانی بر طبانجه ده هلاک ایتدی، کندیسی یایانجه اردویه طوغری عودته باشلادی . بو حالی کورن عجم سواریلری جزمی پی

اسیر ایتک امیدینه دوشدیلر، بربرینی متعاقب اوچی بشی
بردن اوزرینه هجوم ایلدیلر. جزمی ده ارقه‌سنی بر اناجه
طیادی، قلیجه مدافعه‌یه قیام ایلدی. حتی یانسه اک زیاده
تقرب ایدن دشمنک بر ضربه‌ده غارغیسنی کیمش، ایکنجی
ضربه‌ده آتی، اوچنجی ضربه‌ده کندینی هلاک ایتشدی.
جزمینک مدافعۀ شیرانه‌سنی کورن سلاح آرقداشلری
و خصوصیه عثمان پاشانک دائره‌سی خلقی امداد ایچون آت
قالدیردیلر، وایکی اوچ دقیقه ایچنده آغاچک یانسه یتیشه‌رک
جزمی‌یی‌ده بر حیوانه بندیردیلر. آنلرک بو صولتی بمجملرک‌ده
مقابله‌یه شتابنی دعوت ایتدیکندن، آلایلر بربرینک امدادینه
کیده کیده ایکی اردونک برنجی صف حربلری تامامله
یکدیگرینه قارشدی. احتیاطلرده سلاح آرقداشلرینی تأیید
ایچون یرلوندن اوینادی، طرفیندن طوب و تفنگ صداسی
کسلدی، ایکی عسکر مزراق مزراقه قلیج قلیجه، خنجر خنجره،
حتی بوغاز بوغازه اوغراشمغه باشلادی. ایرانلیلرک مقصدی
بزم اردونک ارقه‌سنی آلق ویا تعبیر معروفیه خط رجعتی
کسمک ایدی. فقط عثمان پاشا اوپله بر تپه‌یه استناد ایتشدی که
موقعی حکمنجه عثمانلی عسکرینک سلاحندن قورتیلهرق
اوراسنی ضبط ایده‌بیلک اون بش یکریمی بیک کشی فدا ایتکه
محتاج ایدی.

کشاکش اوچ درت ساعتلر امتداد ایلدیکی حالدۀ واقعا

بزم طرفده بر انهزام امارهسی کورنمدی ایسهده دشمنك كثرته
نظراً بر غلبه حصولی ده مأمول اولنمزدی .

سردارك امیدي ینه اقشام اولوبده ایکی طرفك بر برندن
آیرلسنه وایرتسی کون ایچون دهها بشقه درلو بر طاقم
ترتیبات ایله اوغراشلسنه منحصر قالمشدی .

ناکهان عثمان پاشانك استناد ایتدیکی تپه‌نك آرقه‌سندن
اوزاقدن اوزاغه آت، سلاح شاقردیلری ایشیدلمکه باشلادی .
سردار همان نه اولدیغنی تحقیق ایچون جزمی معیتله بر
اوافاجق سواری فرقه‌سی سوق ایلدی . جزمی تپه‌یه چیقنجه
کوردی که غلبه‌لك بر عسکر، یکرمی دقیقه‌لق بر منزله قدر
کلمش آرام ایدیور .

کلان عسکر عادل کرای معیتله قریم خانی محمد کرایک
سوق ایتدیکی قرق بیك قدر تاتارك مقدمه‌سی ایدی، عادل
کرایک برادری مشهور غازی کرای و دیگر برادری اولان
وصکره‌لری اکری ملحمه کبراسنده پک بئوک خدمت‌لری
کوریلان سعادت کرای ایله خانك اوغلی مبارک کرای دخی
بو اردوده برابر ایدیور .

جزمی اردونك وضعندن وعسکرک خیال میال اطوارندن
کلانلرک تاتار اولدیغنه حکم ایدنجه بو اعانه غیبیه‌پی تبشیر
ایچون یاننده کیلردن بر ایکیسنی عثمان پاشایه کوندردی،
کندیسی‌ده بر قاچ کشی ایله کورینان اردو موقعنه آت

قالدیردی، محل مقصوده واصل اولنجبه تاتارلر ارقه‌سنده کی
السه‌دن عثمانلی اولدیغنی اکلادیلر، حرمت مخصوصه ایله
عادل کرایک حضورینه کتوردیلر .

جزمی چادره کیرر کیرمز همان اتک اوپمک کبی تشریفاته
بیله باقمسزین عادل کرایه « شهزادم ! نیچون بوراده آرام
بیوررسکز ؟ شو تپه‌نک ارقه‌سنده پادشاه عسکری قانلر ایچنده
یوزیور، اون بیک کشی یز اطرافزی یکرمی بش بیک عجم
صاردی . « دیمکله عادل کرای « طوب و تفنک صداسی
ایشیدیلیور ! عثمانلیلر بویله می غوغا ایدر ؟ « سؤالی ایراد
ایلدی . جزمی ! « افندم ! اوچ کوندر اوغراشیورز، ایکی
ساعت اول یاقه یاقه‌یه کلدک، طوبه تفنکه میدان قالمدی . «
جوابنی ویرنجبه عادل کرای همان کندی یاننده بولسان فرقه
ایله امداده شتاب ایده‌رک تاتارلر طولی دیزکین بر چاریک
ایچنده معرکه‌یه واصل اولدیلر، وایاقلرینک توزیله استعمال
سلاحه باشلادیلر . شهزاده عسکرک کری‌ده قالان فرقه‌لرینی‌ده
مخصوص امرلرله دعوت ایلمشدی . بربرینی متعاقب آنلرک‌ده
برازی یتشدی . اره‌دن بر ساعت کچر کچمز تاتارلرک ورودیله
برقات دهاقوت بولان عثمانلی عسکری ایران اردوسنی بتون
بتون محو ایلدی . بو محاربه‌ده عجملردن بر اون بیک قدر
آدم تلف وبر او قدرده اسیر ایدلمش، و خانلرک اکثری‌ده یامقتول
ویاکرقتار ایدلمشدی . بوندن بشقه دشمن اردوسنده

نه قدر اشیا و ارایسه کافه سی ده اغتنام ایلدی .
بوقمخ جلیلی متعاقب عادل کرای دشمنک تعقیبنه قیام ایده رک
موقعک حالنی بیلدیکی جهتله قلاغوزلق ایتمک ایچون جزمی بی ده
معیننه آلهرق (ارش) نهرینی کذار ایلدی .

ایرانک بقیه سیوفیله خانلرک خزینه و حرم و ساثر اشیاسی
او جو وارده بریرده بولندیغنی خبر آدیلهر ، و بر هجومده درت بیک
قدر ایرانلی تپه لیه رک خانلر حرملرینی ، جاریه لرینی اسیر ایتمکله
برابر ارش خانک خزینه سنی و عموم عسکرک ایکی بیک دوه یوکی
آغرلغنی ضبط ایلدیلهر .

جزمینک کرک بولمحه کبراده کوستردیکی غیرت کرک —
سرداره خبر کتیرمکدن عبارت اولان — مأموریتک فوقه
چیقاروق عادل کرایک دعوتنه یتشمکده ابراز ایلدیکی فطانت
عثمان پاشا نزدنده اعتبارینی برقات دها تزید ایتمکله علوفه سنه
دفعه او چیوز اچمه ضم ایلدکن بشقه برچلنک ، برده خلعتله
قدرینی اعلا ایتمدی ، و غیرتدن اولدیردیکی شاه بکندی یه بدل
ارش خانک اغتنام اولنان حیوانلرندن غایت قیافتلی کومش
برون دمیری قیری برنجدی احسان ایلدی .

جزمی ایسه وقعه ده فطانت و شجاعتی سایه سنده عادل کرایک
توجه و محرمیتنی قزانمشدی که بو مظفریت غنای قلب و مشرب
عرفان حکمنجه نظرنده نائل اولدیغنی عواطفک جمله سنه مرجح
ایدی .

یوقاریده ده برنبذه بیان اولندیغی وجهله حزن دائمی یه مبتلا وسوداوی برخیاله مستغرق اولان عادل کرای ایله فکری خیالنه غالب واحوال عالمه دائماً کولنج طرفندن باقغله مجبول اولان جزمینک مزاجلرنده ظاهرده برمغایرت وبلکه ضدیت کورینوردی فقط ایکسینکده خصائص عالیه سندن اولان قوه عرفان ومیل معالی القلترینه — اختلافات صدادن حاصل اولان آهنک موسیقی کبی — بشقه برلطافت، بشقه برروحانیت ویرردی .

جزمی عادل کرایک حالنده طبیعتک او حزن علویسنی تماشا ایله غروب سیر ایدر کبی وجداننده برطاقم غریب غریب تأثر لر حاصل ایدردی، عادل کرای جزمی یی سویلدیر، لقر دیلرندن قلبنک انشراح روحانینسی تخطرله بلبل سسی دیکلر کبی فکرنده حزین حزین برطاقم شو قلر پیدا ایدردی .

عادل کرایک شماخی یه ورودندن بری جزمی ایچون عثمان پاشا طرفندن آلدیغی اوامری اجرا ایتک وعایشه یه درس اوقوت مقدن عبارت اولان مشاغلنه برده عادل کرایه ندیمک خدمتی منضم اولدی خدمت دکل ایشلرک اوچیده کندی نظرنده برر نعمت ایدی، چونکه هربری فکرینه، مشربنه، آرزوسنه تمامیه موفق اولدیغندن سوهرک اجرا ایدردی .

عثمانلی عسکری بویله برسنه ایچنده ایرانک اوچ بیوک

اردوسنی محو ایدہ رک کر جستان و شروان کبی ہربری
برپادشاہلق عد اولنان ایکی ملکی ضبط ایتدکن بشقہ قرمباغ
ومغانہ قدر سلطنت سنیہنک دبدبہ سطوتنی ایصال ایلینجہ ایران
ارباب حکومتی سلطان سلیم و سلطان سلیمانک ارتحالریلہ دولت
علیہنک قوتی نہ قدر نقصان بولمش اولسہ ینہ ایرانی آزرہمتلہ
محو ایتمکہ کافی اولدیغنی وهلہ آچیلان حربک مبادی مصلحتیدہ
تخمین ایلدکری کبی اولیلہ سرحد امراسیلہ ادارہسی قابل
اولہ جق امور دن اولمدیغنی پک قولای درک ایلدیلر . بناء علیہ
ویردکری قرار اوزرینہ اوزمانلر شاہک وزارتندہ بولنان
میرزا سلیمان کہ اصحاب سیف و قلمدن جری ومدقق برداہیہ
ایدی، کلی برتدارک ایلہ شروان اوزرینہ حرکت ایلدی . عسکرہ
مدار انضباط، عثمانیلرہ مورث دہشت اولمق مطالعہسیلہ جزہ
میرزایدہ اردو ایلہ برابر استعجاب ایلشدی .

میرزانک والدہسی اولان شہریار دخی ظاہردہ اوغلندن
آر لمامق حقیقتدہ پایتخت کبی اردویدہ کندی نفوزینہ محکم
ایتمک عزمیلہ سوق اولنان عسکرہ التحاق ایلدی .
شہریارک بوحرکتہ صحیحاً اک زیادہ مروج اولان پریخان
اولہرق مقصدی دہ سلطنت معنویہ سنی — تجارب کلیہسی
قوتبلہ — کندی درایت فوق العادہ سنہ بیاغی رقابت ایدہ بیلہ جک
اولیلہ رذہن وقادک مداخلہ سندن قورتارمق ایدی .
بیچارہ محمد خدا بندہ ایسہ شہریارک الندہ عادتا اسیر حکمنده

اولدیغندن یاننده یولنیه جق اولدقدن صکره اردویه دکل
هرزیه کیتک ایستسه جاننه منت بیلیردی .

عموم اردوی همایون سرداری لالامصطفی پاشا حالا
مشتاسندن چیقماش ایدی که میرزا سلیمان قرق بیک کشیک
برمکل ایران اردوسیه شروان قطعه سنه کچرک شماخی بی
محاصره یه قیام ایلدی . او ائناده ایسه تاتار عسکری آت چاپراتمق
ایچون مجود آباد دینلان صحرا یه چیقمش اولدیغندن عثمان پاشا
قوه کلیده قارش یاننده قالان اون بیک قدر عسکرله ایسترایسته من
قلعه آرقه سنندن حرب ایتک مجبوریتنده بولمغله برابر میدان
محاربه سنده دشمنک بو عسکرینی ده اولکی اوچ اردوسنه بکرتک
مطالعهنی خاطر دن چیقارمدی . بوتصورك اجراسنی ایسه تاتار
عسکر یله اردوسنی بدرجه یه قدر تکثیر ایتکه متوقف کودیکندن
عادل کرایه همان کلوب شماخی یه یتشمسی ایچون یازدیغی شقه یی
برچاوشه تودیع ایله ارسال ایلدی . حیف که چاوش یولی غائب
ایدرک دشمنه اسیر اولمش ایدی میرزا سلیمان عثمان پاشانک
مکتوبندن ترتیباتنی اوکره نیجه تاتارک بشقه برواسطه ایله خبر
آلهرق امداده شتاب ایله ایران اردوسنی ایکی آتش آره سننه
دوشوره بیلسی مطالعه سیله فوق الغایه تلاش ایدرک شماخی یه
ورودینک اوچنجی کونی محاصره یی رفع ایله برابر عثمان پاشا
اردوسنی اغفال ایچون حرکتنی ایران اوزرینه رجعت
صورتنده کوستر مشدی . بودسیسه ایله شماخینک افق مرئینندن
سالماً آریلنجه همان مجود آباد اوزرینه تحویل عنان ایلدی .

ارش خان محاربه سندنصكره تاتار عسكرينك جزو اعظمی
سعادت كراى و مبارك كراى ايله قريمه عودت ايلش و عادل كراى
ايله غازى كراى سردار ك ياننده طوپى اون بش بيك عسكر ايله
قالمشيدى .

شهزاده لر آت چاپراتمغه چيقد قلمرى صره ده يانلرنده بولنان
عسكر ك اكثرى عادتلى اوزره غارتكر لكه طاغلايفندن و عثمان
پاشا عسكرينك عودتنى تاتارك آوازه هجومندن حاصل اولش
بردهشت نتيجه سى قياس ايده رك ميرزا سليمانك دسيسه سنى كشف
ايده مديكى جهتله خانزاده لره ايقاظ يوللو بر خبر و يامعاونت ايچون
بر مقدار عسكر كوندركه لزوم كورمديكندن ايرانك قوه كليه سى
محمود آبادده يالكز درت بيك قدر تاتاره تصادف ايلدى .

عادل كراى اك بيوك مزيتى اك چاره سرك زمانلرنده
كو سترمك شانندن اولان اعظمدن بولمق جهتيله ناموس حيتنى
محافظه ايچون موتى اختيار ايتمكدن چكمدى ابراز ايلديكى
مثال حيتله سكينت فدا كارانه سى - اك بيوك تدبير حربلىرى
دشمنه كترتله غلبه دن عبارت اولان - تاتار عسكرينه ده سرايت
ايده رك او قدر جزوى بر قوتله كندينك اون مثلى اولان دشمنه
قارشى پياپى اوچ كون محاربه ده دوام ايلدى . بر طرفدن
دشمن بر آن آرام و ير مكسز ين حربه اقدام ايدر بر طرفدن ايسه
يارم ساعتده برقاج دقيقه فاصله ايله كوك يوزندن غايت شدتلى
غايت برودتلى بر باران بلادو كيلور طور ردى . تاتار لر حيدرانه

برهت خداپسندانه برصبر ایله اولکی ایکی کون ایچنده موجودلرینک نصفندن زیاده سنی شهید ویردیله دشمندن کندیلرندن ضایع اولان مقدارک برقاچ مثلی آدم تلف ایلدیلر. او چنجی کونی ایکندی وقتنه قدر ایسه ایدیلان حرب مایوسانه ایله عجمدن برایکی بیک کشی ده آزالمشدی فقط تاتارک یکونی بیک کشی به تنزل ایتدکدن بشقه آنلرکده آجلقدن صوغوقدن یورغونلقدن اللری سلاح طوته بیلک اقتدارندن قالمشدی . چامور ایسه بردرجه به کلشدی که دشمن اوزرینه کیم آت سورمک ایسترسه برایکی آدیم کیدر کیتز حیوانی دیز قاقلرینه قدر چاموره باتار جاذبه مرکزیه نیک برقوه فوق العاده سنه او غرامش کبی بولندی برده طوتیلور قالیر کیم پیاده کیتکه قالقیشرسه کیتکه باشلار باشلامز کوبکنه قدر یره کومولور رجم ایله محکوم اولمش کبی دشمنک مرمیاته هدف اولور طورردی .

عادل کرای اوامکانسزلق عالنده اومصیبت دورنده ینه قطعاً فتور کتورمدی . آلتنده آتلرینک برقاچی اورلیدی برقاچی ده چاتلادیغی حالده روح مجرد کبی او قرقلیچلر حربله قارغیلر آره منده طولاشه رق فرقه سنک هر طرفه یتیشر واقوال و افعالیله عسکرینک مجروحلرینه استمالت محاربلینه غیرت ویرر ایدی .

میرزا سلیمان تاتارک جلالت قهرمانیسیله ظفردن مایوس اولوق درجه سنه کلدیکی صره ده تجربیه سز و فقط عسکر لکجه

پك بيوك برانستعداده مالك اولان حزمه ميرزا اون بش بيك كشيدين
مركب بر ايران فرقه سني بالذات اداره سنه آلهرق تاتارك صاغ
جناحني اداره ايتمكده وعادل كرايك صولت شيرانه ومئات
آهندلانه سيله رقابت ايتلكده بولنان غازي كراي اوزرينه هجوم
ايلدي .

غازي كراي ايله برابر اولان اوچ يوز قدر دلاور اويله
كنديلرينك يكرمي مثلي اولان برقوتك صدمه سيله يارم ساعت
ايچنده همان بتون بتون محو اولهرق خانزاده نك اطرافني دشمن
عسكري قات قات احاطه ايتلشدي .

عادل كراي بوخبري آلنجه همان قوه موجوده سني ياننه
جمع ايدهرك ياره لشمس ارسلان تهورييله برادرينك امدادينه
شتاب ايتدي .

عادل كرايك بوحركتي اردونك وضعيتني بتون بتون تحويل
ايدهرك اردو موقعنك جانب يساري ساقه منزلنه كچمش اولديغندن
حزمه ميرزا بوقارغشه لقدن استفاده ايدهرك عسكرينك صاغ
جناحني تحريك ايله تاتارك هم خط رجعتني قطع ايلدي هم صول
جناحني چويردي .

غازي كراي بولنديغني محيط بلا ايچنده منسوب اولديغني
خاندان جلادته مدار مفخرت اوله جق درجه لوده مردانه
طورشمس وياننده قالان برقاچ دلاوردن پك فداكارانه برچوق
مساعي معاونت كورمش ايدى . فقط شجاعت نه قدر فوق العاده

اولسه ینه نسبتسز برکثرته مقابل کله بٹک محال اولدیغندن
جزه میرزانک بربرینی متعاقب سوق ایتدیکی قوریمجیلر جرمحه یه
موته باققسزین ایتدکلمی مهاجات ایله خاززاده یه تقرب ایتدیلر
وآلتنده کی آئی اتلاف ایله کندینی ده یره دوشوردکن صکره
وجودینه قوللرینه یاقلرینه اوچر بشرکشی صاریله رق دها عادل
کرای او میدان مصائبه یتشمدن اول بیچاره یی اسیر ایلدیلر. او جهته
عادل کرایک برادرینی تخلیص ایچون صرف ایتدیکی همت
کندیسینی ده آنک بولندیغی مخاطره یه دوشورمکدن بشقه بر نتیجه
ویرمدی .

عادل کرای برادرینک خبر اسارتی اوزرینه تهورینی
بریأس و غیظه تحویل ایله ، باری عسکرینک بقیه سنی اولسون
هلاک و اسارتدن قورتارمق املنه دوشدی اقتضا ایدن تدابیره
عطف نظر ایتدیکی صروده یاننده قالان بش آلتی یوز قدر فدایینک
هر جهته دشمن فرقه لر یله محاط اولدیغنی کورنجه غلیان جیتله
سراپا برآتشپاره غضب کسیره رک قزیل یاغمور بلوطلر نندن لمعان
ایدن بیلدم کبی قانلی چامور لر ایچنده یوارلنه یوارلنه یارلمسی
قابل کبی کورینان بر صفک اوزرینه هجوم ایلدی جزء میرزا
ایسه خصم صاحب اقتدارینک بر نظرده نیتنی کشف ایده رک
همان هجوم ایتدیکی صفک امدادینه احتیاطده بولنان بر قاج
آلاینی سرعتله سوق ایلدیکی کبی کندیده یاننده موجود اولان
عسکرله تاتارک ساقه و جناح لرینه صوقولمغه باشلای .

خانزاده کمال تأثر له بوقدر رفقای سلاحک جنازه لرینی
چکنیه رک قصد ایندیکی صفه ایرشدیکی صرده حظه میرزانک
سوق ایندیکی امداد دخی قارشینسه واصل اولمشدی .

عادل کرای اوتدیرندنده مایوس اولنجه رایت حتی
آلتنده بولنان بقیه شهدا ایله یا آرقهیه ویا خود جناحلردن برینه
یوریمک ایستدی ، کوردی که اطرافنده بولنان تقطه لک هر برنده
پیشکاهندن دهها بیوک بر ازدحام وار ، عسکرینی احاطه ایدن
دائرة تضیق ایسه کتدکجه طارالوب کلیور ، کمال یأس ایله
چاره سز اوکه طوغری هجومنده دوام ایلدی . تکمیل فشنکلرینی ،
اولقرینی بتیردکدن یابینی بر قوریمچینک باشنده وباشیله بربر
پاره لکدنصکره یالین قلیچ دشمن صغری اره سنده دونمکه باشلادی .
دشمنک ایسه اکزیده عسکری اولان قوریمچی لردن بر قوتلی فرقه
شهزاده ایله توابعنک آره سنه صوقولدیغندن رئیسندن اراده سندن
محروم اولان دشمنه نسبت یوزده بر مرتبه سنده بیله قالمیان عسکر
بتون بتون حرکتی شاشیره رق برر برر یاشهید ویا سیر اولمغه
باشلادیلر الماسلر قدر صاف ومتین بر قلبه مالک اولان عادل
کرای ایسه غیرت خارق العاده سیله او قدر دشمنه تک باشنه
قارشی طور مق ایستردی .

دشمن اردو سیچون هر درلو معیندن محروم قالمش اولان
عادل کرای بر جمله ده شهیدایتمک اسهل امور ایدی ، فقط کندینک
حیا اله کچیرلمسی ایچون حظه میرزادن امر قطعی اولتی جهتیله

قوريجيلر اوزرينه سلاح آتمزلو و آنك ده غازي كراي كي آتني اورمغه چاليشيرلودي . برزمان اوغراشدق دن صكره حيواني تلف ايتديلر . خانزاده اكر قاشندن زمينه صيچراي فقط چاموره ساپلانهرق هيچ بر طرفدن بر آديم بيله آتمغه مقتدر اوله مدي . او حال ايله برابر آغزي دستريه دونمش بر قليچ ايله ينه بر چاريك قدر مهاجرلك صولتنه مقابله ايلدي ، كوياكه او قهرمان عديم المثللك ياري وجودي بر مكممل اردو حكمنده ايلدي .

عاقبت بر عجم على الغفله آرقه سندن كرز ايله اورارق اوبنيان متين حيتي يوزي اوزرينه دوشوردى . اطرافنده بولنان اون قدر قوريجي ياننه طوپلانهرق فلكله پنجه لشمك ايستيان يد اقتداريني طوتديلر براييك قوشاقله آرقه سنه باغلاديلر .

يردن قالدير دقلى صروده چهره سي اوزرينه بولاشان قان طوپراق لكه لويله كسوفه طوتلش آفتابي آنديردى .
جزه ميرزا مالك اولديني فطرت قهرمانى مقتضياتندن اولهرق نهايت درجه لوده مقتون شجاعت اولوق جهتيه اسيري اولان خانزاده لوى كندينه مخصوص اولان مظنن چادر لوده مسافر ايده رك كيجه كوندز يانلرنندن آيرلنز و حقلرنده كندى اعضاي خانداننه ايده بيله جكي حرمت قدر رعایت ايلردى حتى خانزاده لوك اسارتندن براون كون صكره منسوب اولديني قومك خصائصندن اولان مبالغات و خيالات ايله عادل كراي

حقنده برطاقم ستایشلره تلطیفلره قیام ایدهرک برمناسبت
دوشوردی بدایت ملاقاتلرندن بری برنجی دفعه اوله رق
حاله عطف مقال ایله «فلکک انقلاباتنه تأسف اقتضا ایتمز
باقسه کز آ اجداد کز برقاچ یوزسنه اول جهانگیر ومقتدای
عالم ایکن شمدی خاندانکز اوزمانلر نامی بیله معلوم اولمیان آل
عثمان تابعیتنده بولنیور . اماشرف ینه سرزده درکه چنکیکز خان
اولادندنسکز ! » دیه جک اولدی . بوسوزلر ایسه عادل کرایک
مسلك سیاستنه بتون بتون معایر دوشمکله « واقعا انقلابات
عالم بیوردیغکز کیدر فقط شمدی یه قدر فلکک بزله کوستردیکی
معامله روی التفات ایدی . یالکز بودفعه بنله قرداشمه لطفنده
براز امساک ایلدی اسیر اولدق ، شهید اوله مدق . مع مافیه
اسارتلده مقخرز چونکه دولتمزک خدمتی یولنده اوله برمصیبتنه
اوغرادق بزم ایچون خاندانمزدن بحث ایتمک مباهات اولنه جق
برشی دکدر . شکرلر اولسونکه جناب حقک عدالتی احفادی
اجدادک افعالنه وارث ایتماش ، یوقسه بزه جنکیکزدن کله جک
حصه وراثتک جزؤ اعظمی باری دنیا خلقنک وبال خوننی
اولوردی . آل عثمان ایسه اولاد مجاهدیندر . جناب حق اسلامه
ایتدکلری خدمته مکافاة کندیلرینی خلاقله مشرف ایش حکم
ایتدکلری اقوامدن حتی برفردک سایه سی بیله اوزرینه دوشمیان
بو قدر اسلام ملکنده ناملرینه خطبه او قونیور . بزم اک بیوک
شرفزاو خاندانه اولان خدمتمزدر . « سوزلریله مقابله ایلدی .

جزء میرزا محاربه‌ده اسیر ایتدیکی برذاته محاورده بو قدر شدتله مغلوب اولدیغندن طولایی پک زیاده متأثر اولمش ایسه‌ده موقع ونجابتک شانی محافظه ایده‌رک هیچ رنگ ویرمکسزین برمناسبت ده‌ا دوشوردی صحبتی بشقه جهتلره تحویل ایلدی .

میرزا سلیمان عثمان پاشایه امداد ایچون کلان تاتار عسکرینک قرق بیک کشیدن زیاده اولدیغنی بیلیر و فقط جزؤ اعظمنک ینه قریمه عودت ایلدیکنی بیلزدی . حال بوکه درت بیک تاتاری افنا ایدنجه‌یه قدر ایران اردوسنک نصفندن زیاده‌سی هلاک اوله‌رق عثمان پاشا اردوسيله تاتارک بقیه‌سنی ایسه ذهننده بر قرق بیک کشیدن زیاده تخمین ایلدیکندن، اورالرده او طورمغنی ایران اردوسوچون ارسلان یتاغنده او یومق قیلندن عد ایلردی .

جزء میرزا قهرمانلغک اکثر خصایصنی جامع اولغله برابر او خصایصک رابطه امتزاجی اولان تحمل مشاق و غلبه شهوات مزیتلرندن محروم اولمق جهتله اوله هوسات نفسانیه‌سنک اک غلیانلی زمانلرنده بتون عمرینی اردولرده کچیرمک ایسته‌مدیکندن وبر طرفنده آل جنکیزدن اوله ایکی قهرمان شهزاده‌یی اسیر اوله‌رق پای تخته کتورمکدن حاصل اوله‌حق طنطنه اشهار نخوتنی پک زیاده اوقشادیغنه بناء میرزا سلیمانک شروانده طورماق حقنده اولان رأینی التزام ایلردی .

فقط عودتک اک بیوک مروجی شهریار خانم ایدی . آنک بوتھالکنه اردودہ پای تخت قدر اعمال نفوذہ فرصت بولہ مامق تجربہ سی خلیجہ یاردم ایتدی ایسہدہ اصل سبب عادل کرای ایدی .

چونکہ نفسنہ کرچکدن اسیر اولان بودلہ روزکار خانزادہ نک — یوقاریدہ کی تعریفندنہ آکلاشیلہ جنفی وجہلہ ایران سیمالرنده کورلمسی محال اولان — حسن جالنی کورنجہ ہوس شہوتپرستانہ سی بدرجہ غلبہ ایتشدی کی کندنجہ عادل کرایہ تملکی خاندان صفوینک بتون جہانہ مالک اولسنہ ترجیح ایدر اولمشدی .

ذاتاً ایران اردوسی بواج قوتک افکار و آمانتہ تابع اولہرق حالیوکہ اوچیدہ بشقہ رأیدہ بشقہ املدہ بولنقلہ برابر عودت مسئلہ سندنہ اتحاد ایلدکلرندن ہمان قرہ باغ و مغانہ طوغری چکلیمکہ باشلادیلر .

بری طرفدن عثمان پاشا عادل کرای حادثہ سنی ایشیدنجہ فوق الغایہ مایوس اولمش و آرزوی انتقام ایلہ چلدیرہ جق درجہ لرہ کلش ایدی ، آنجق عسکرینک موجودی قلعہ دن برخطوہ دیشاری چیقمنسنہ مساعد اولدیفندن ، زنجیرہ اورلمش ارساللر کبی زماننی غرینش غضب وزھر خندکین ایلہ کچرر ایدی .

واقعدن اک زیادہ متأثر اولانلرک بری دہ جزمی ایدی ،

عادل کرایه اولان محبت مخصوصه سندن بشقه کویا کنیدی
برابر بولنسه شهزاده بی‌ده درویش پاشا کبی برمه‌لکه‌دن
قورتاره بیلک خیالاتیله ذهنی طولدیغندن، تاتارلرأت چایرلاتمغه
چیقداق‌لری زمان برابر کیتدیکنه وحتی کیتدیکی ایچون دنیایه
کلدیکنه فوق الغایه اظهار ندامت ایدر اولمشدی .

میرزا سلیمان شرواندن چکیلیرکن عثمانلیلرک تعقیبنه اوغرامق
قورقوسیه مقصد حرکتی سترایتمک ایستیه‌رک بوکا چاره اولمق
اوزره برازمدت قره باغ طرفلرنده ینه عسکر تحشد ایتدیرمکله
استغال ایلشدی . بوخبر شماخی‌یه عکس ایدنجه عثمان پاشا تاتارک
ورودینه قدر عجملرک برده‌عثمانلی اوزرینه کله‌بیله جک‌لرینی
وشماخینک قابل تحصن بریر اولدیغنی مطالعه ایله مرکزینی هم
اردونک تدارک احتیاجاتنه هم دشمنک مدافعه تجاوزاتنه تامایله
مساعد اولان تیمورقوییه نقل ایلدی، جزمی‌ده طبعی پاشا ایله
برابر کیتشیدی .

اردو شماخیدن آیرلدیغنی صروده دوستلرندن، حامیلرندن
محروم اولان سنیلرک کافه‌سی طبعی نهایت درجه‌لرده متأسف
اولدیله .

فقط بیچاره عایشه‌نک کدری، ماتمی هیچ کیسه‌لره بکزه‌مزدی،
جزمی هم خواجه‌سی، هم کلنجه‌سی، هم حامیسی، هم ولی نعمتی
اولدقدن بشقه پدرینک « بیوسون سکاویره‌یم . » یولو
ایطفه‌لرندن — ازدواج نه‌دیمک اولدیغنی تخیل بیله ایده‌میان —

معصومه تك كوكلنده جزمی به بر تملك ابدی امیدلری ده حاصل
اولمش، و او جهتلرله جزمیدن آیرملق عایشه ایچون لدا یذ حیاتنك
جمله سنی بردن غائب ایتك حکمنده کورنمشدی .

دردنجی فصل

عثمان پاشا تیمور قویوه واصل اولنجه اطرافه کوندردیکی
استمداد خبرلری اوزرینه اون بشیك قدر نوغای ایله داغستان
امیر شمخال طرفندن ده براون بش بیک تیرانداز دلاور کلدیکندن،
پاشا همان عادل کرایک ثارینی اخذ ایتك ایچون قره باغ اوزرینه
حرکت تشبثانه باشلامشیدی، فقط اوصره ده ایران اردوسنك
قزوینه قدر چکلدیکی تحقق ایتمکله ایران ملکنك تامرکزینه
قدر صوقیلوبده دشمنی آراهغه رایت حیق آلتنده متحشد اولان
قوت کافی اولدیغندن، چاره سز سردار مصطفی پاشانك حرکته
انتظار ایلدی. بو خالی زمانده ایسه سفرك حین کشادننه
تدارکاتی مکمل واستناد کاهلری امین اولق ایچون، برر برر
طاغستان بکلرینی طولاشه رق تطیب و احسانلرله کوللرینی جلب
ایتکه بئل همت ایتمشدی .

پاشا بودورندن عودت ایلدیکی وقت وجودجه خیلی
ضعیفلامش، چهره سنه برصولوقلق، ذهننه نظر دقتدن
قورتیله میه حق درجه لوده بر خفیف طور غونلق ککشیدی .
حمرملری بوتغیری سردار پاشانك ایستندیکی قدر سرعتله اردویه

چیتما مسندن طولای حاصل اولان تاثراتنه جل ایتدیلر ،
فی الحقیقه بوجهته ده مناسبت وار ایدی ، چونکه عثمان پاشا
تیمور قویو به کلدیکی زماندن بری سرداری بیانی معدوم منزله سنده
طوته رق احوال و افکارینی طوغریجه مرکز سلطنته عرض ایتمه
باشلامشیدی ، فقط سبب حقیقی اود کل ، هیچ اومولدق بر حال
وجدانی ایدی که آنک کشفی ده یالکز جزییه میسر اوله بیلدی .

عثمان پاشا مشاغل حرب و سیاستدن خالی قالمدجه بر از
تفریح قلب ایچون اقسام اوستی بر عالم تنهایی به چکیله رک برمدنچک
ساز و عشرتله اکلند کدن صکره محرم لردن برینک دیزینه و یا
اوموزینه اتکا ایله برمدنچک ده او یور و آندن صکره یا ایشی و یا
عبادتیه مشغول اولوردی (۱) جزیی ایسه پاشانک حرب
کونلرنده یاوری ایش زمانلرنده مستشاری اولدینی کی اکلنجه
عالملرنده ده هم صحبتی بولنه جق قدر محرمیتنی قزانمشیدی .

او یولده اولان محرم مجلسلرک برنده ایدی که پاشا معنای
قدر اکلند کدن صکره همبزم الفتنه استراحت ایچون رخصت
و یردی یاننده یالکز جزیی بی آلیقویدی . قوجاغنه طیانندی ،
اویقویه بدل حربک الجا آتته و ممالک مفتوحه نك الله ایدلسیچون
اوزون اوزادی صحبتلره ، استشاره لره باشلادی .

جزیی پاشانک معنای خلافتنه اوله رق بوبله وقتسز آچدیغی

مخاوره‌نك نتیجه‌سی نرینه وارہ جفنه انتظارایلر، وکندینه وارد اولان سؤالرده اولیله برمراق آلتنده بولسان ذهننك تدارك ایده بیلدیکی جوابلری اعطا ایدردی پاشا ایسه کیرشدیکی مسئله‌نك تفرعانه عطف مقال ایده‌رك صحبتی اوزاتمغه چالیشردی . عاقبت بحثی طولاشدیردی طولاشدیردی ، « شروانك تصرف آتیسنی تأمین ایچون شمخال خانداننی برقرابت صهریه ایله عثمانلی عصیته ربط ایتمکدن بشقه چاره اوله‌مز مرحوم پدر مصرده حیثیتی خاندان عباسی‌یه منسوب اولان والده‌می ازدواج ایتمکدن صکره قزاقمش ، ویمنده‌کی خدمت‌لرینه‌ده او حیثیت سایه‌سنده موفق اولمش ایدی بن‌ده شمخال خاندانندن برقادین آلیرسه‌م بتون چرکس وداغستان خلقنی کندیمه جان و دلدن جلب ایدرم ، ایرانك باشنه بیوک بیوک ایشلر آچارم . » سوزلرنده قرار بولدیردی .

جزمی بادی امرده پاشانك سوزلرینی هر درلوفکر خفیدن عاری برتدیر صورتنده تلقی ایده‌رك « رأی دولتکزعین صوابدر ، فقط بیلم شمخال خاندانندن بریسی وارمیدر ؟ » دیمشدی . پاشا بوسوزه « اوت شمخال برادری طوجه لاوبکک برکریه‌سی اولدیغنی خبر ویردیلر ، بن‌ده خانه‌سنده مسافر اولدیغم کیچه اوزاقدن اولیله برقرالتی کورمشدم . » جوابیله مقابله ایتمکله جزمینك ذهننه قرالتی کورمک مسئله‌سندن برچوق شبهه‌لر اسنیلا ابتدی . هله کوز اوجیله برازدقت ایدوبده پاشانك

چهره سنده کی قانسزلنی ، طوداقرلنده کی خفیف خفیف تتره مک
 علامترینی کورنجه ، قزی سودیکنه ذهننده قطعياً حکم ایلدی .
 بو حکمدہ حقیقت حالہ عینیلہ مطابق ایدی . پاشا دہا یکر می
 یاشنده ایکن امرای عسکر یہ سلک افتخارندہ بولنہرق زمان نشو
 ونماسنک کافہ لذایدینی خدمت دولت واکتساب شہرت آمالندہ
 مغلوب ایتمش وبہار نوجوانیسنی چرکینلکک درجہ انتہاسنہ
 برتمثال مشخص عد اولنان ، جاحظک بیلہ .

(ماروجھا حسنا)

(منذ دخلت الینا)

(فیا شقاء بلدہ)

(احس من کان انا)

قطعہ سیلہ تعریف ایتدیکی یمن چولرندہ صولدیرمش
 اولدیغندن طبعتمندہ نہ قدر حرارت سودا ، نہ قدر نائرہ محبت
 موجود ایسہ قرق بش ، قرق سکز یاشلرینہ وارنجه یہ قدر
 جلہسی قلبندن قیامش قالمشدی .

نظر امعانی آرزو ایتدیکی وھیج دنیاہ مثلنی کورمدیکی
 بر آفتاب جلالہ تعلق ایدنجه کویا کہ خردہ بین اولہرق نقل
 ایلدیکی ضیای حسنک شدت حرارتندن کوکلندہ کی استعداد
 محبت بر شدتہ التهاب ایتشدی کہ حواس وقواسنک ہر جہتی
 استعاب ایلشدی . انسان اختیار لامغہ کوکل قوجہ مامق مثل
 مشہور اولدینی کبی عثمان پاشا ذاتاً علائق محبتدن وارستہ

اوله جق قدر مسن دکل ایدی . خصوصیه مزاجنده کی عصیتله برابر اکثر ارباب نجدتک لوازم طبیعتندن معدود اولان غلیان دم ، قوه غریزه ، تمایلات شهوانیه ککندیسنده مع زیاده موجود ایدی .

کوردیکی رابعه مهردل خانم ایسه مولدی اولان داغستانک یوزلرینه خورشیدک انعطافیه حاصل اولان الوان لطائفدن یارادلمش ظن اولنه جق قدر برجال نورانی وادای روحاتییه مالک اولهرق کوزللاکده اقرباسندن اولان پریخانده تفوق ایدردی . حتی او وقتلر یونانیلرکی مجارلرکی ایتالیانلرکی . چرکسلرکی حسن سیماجه دنیانک کافه اقوامنه راجح عد اولنان ملتلك اک نازنین کوزلریله مالا مال اولان استانبوله کلدیکی زمان بیله — پای تختک افراط حسن ایله مشهور اولان دلبرلری طلوع شمسه تصادف ایتمش — ییلدیزلرکی نظر دن غائب اولمش وهوا پرستان زمانه نك منظومات محبت ومقامات اشواقی آنک حسن عالم فرینه انحصار ایتمشدی . (۱)

اودرجهلرده متانت قلب وعظمت اخلاقیله برابر اولیله مشکل بر موقوده محبتله ائتلافنه تعجب اولنسون ! شیرلر صیده چیقیدینی زمان کونشه باقارسه کوزلری یاشارماقی ممکنیدر ؟ مع مافیله جزی محبتک دهها جدیاته اوغرامدیفتندن ، فکر آ باشایی استخفاف ایله کوکلندن حافظک

(پیرانه سرم عشق جوانی بسر افتاد)

(و انراز که دردل بنهفتم بدر افتاد)

بیتنی بر قاج کره تکرار ایلدی. ظاهرده ایسه پاشایه تعرضه جسارت ایدمه ماملکه برابر حال آکلاما منزلقدن کلکی ده عرفانجه برذل عد ایلدیکندن مشرب شاعرانه سنی آله روق و قوه ناطقه سنه برکشایش دیگر ویره رک افندمز ؟ نه بختیار ایمشسکز که دولتمزک وؤسی اولان نامداشکر سلطان عثمان غازی مظهریتنده یارادلمشسکز ! انلرده حرم مکرملرینی مهمان بولندقلری بر درگاه عالیدن انتخاب بیورمشلردی . نسللرندن شو عظملی خاندان خلافت ظهوره کلدی . ان شالله افندمزده اختیار ایلدیکنز جسم نورانی به ... هانی شو کوردیکیزی دمین بیان بیوردیغکز قرالتی به مالک اولورده خاندان خلافتک خدمتنده بولتمق ایچون دنیایه بر خاندان حیت بر اقرسکز (طوجه لاو) بک کریمه سنی خلیفه اسلامک شاهلردن حیثلی بروزیر عالیشاننه ویرمیوبده کیمه ویره جک ؟ شمخال هم کندینک بیوکی هم داغستانک حاکمی هم ده سنی ایکن ینه قزی شاه شیعنهک تحت نکاهنده بولندی . « یوللو اقناعیات ایله آرزوسنه مروج کورنمکه باشلادی پاشایسه جزمینک ایمالرینی بر خفیف تبسمله کچیره رک » بنم ظنمه قالیرسه شمخال طاقی مخالفت ایتمز، قزی طلب ایچون طرفدن سنی توکیل ایتمکی مناسب کوردم، لقردی بی آچدیغمده آنک ایچون ایدی . « دیمکله جزمی پاشا نزدنده حائر اولدیغی انیت و محرمیتک بویله بر دلیل

جدیدندن حقیقه منتدار اولهرق مأموریتنی مفتخرانه قبول
ایلدی وهمان ایرتسی کونی یانسه ایکی شاهد آلهرق طوجه
لاوبک قرار کاهنه عزیمت ایلدی .

شمخال طاقی ایچون ایرانک تحکمندن قورتلق اخص
مطلب وبوکا ایسه سلطنت سنیهنک عنایت و حایتی سایه سنده
بولنق چاره منفرد اولدیغندن جزمینک تکلیفی پاشانک انهما کندن
بیوک برشوق وتهالک ایله تلیق ایلدیلر . بناء علیه جزمی خدمتی
برهفته ایچنده کمال سهولته اتمام ایده رک برهفته صکره عروس
ایله برابر تیمور قویوه عودت ایلدی . عثمان پاشا بو آرزوی
وجدانیسنک حصولدن طولای ذاتاً حائز اولدیغنی مرتبه
دولت وفوز غالیبتدن بیوک بر اقباله نائل اولمش ومهر دل ایسه
بر مشرب اعتدال ایله متخلق اولهرق راحت واعتباریله وقت
کچیرمکدن بشقه براملی اولدیغندن، عثمان پاشا قدرته برزوجه
دوشدیکنی کندی ایچون فوق الغایه بر بختیارلق عدایلشدی .
فلک هر کسی آله کبی قناعت ایتدیکی سعادتدن بهره دار ایسه
بوجهان ابنای جنسمز ایچون عالم محنت دکل بر فردوس کامرانی
صایلق لازم کلیوردی . هیهات ! . . .

ایران اردوسی قره باغدن قزوین اوزرینه چکلدکجه هر
قوناقده شهریار بر فرصت ومناسبت دوشیره رک عادل کرایک یانسه
کیدر، وایرانده مدیره دولت ووصیه سلطنت کندیسسی اولدیغنه

در لو در لو دلیلر و خصوصیه قریم خانلغنگ استقلال و اقبالنه
دائر برچوق بختلر ایدردی . بومباحثك آره سنه طبعی زوجی
اولان شاهك اعمالنی قاریشدقبجه اعمالنگ برچهره یه ویره بیله .
جکی چرکینلکه وحتی شاهك ذاتی اولان چرکینلکی او عارضه
ایله زیاده لشدیکنه دائر برچوق سوزلر سوبلر لسان حال و قالنگ
ایمالریله عادل کرایه محبتنی کوسترمکه چالیشر ، وائسای صحبتده
اورتوندیکی چادره نی دوزلتك بهانه لریله عرض جالندنده کروی
طورمزدیء عادل کرای ایسه نسلا تاتار و فقط قلبا عثمانلی
اولدیغندن ، حرب و صلحه متعلق ایشتدیکی سوزلردن نمکن
اولدیغنی قدر استفاده اتمکله برابر قریمك استقلالی جهتلرینه
هیچ یناشمدیغنی کبی شهریارك مشتاقانه نگاهلرینه ، مقتوانه شیوه
لرینه دقت بیله ایتزدی . چونکه شهریار فی الحقیقه کوزلدی فقط
عادل کرایك بکنه جکی کبی و جدانی کوزلردن دکل شهوانی
کوزلردن ایدی . بوندن بشقه سنلرنده ده بر بیوک تفاوت
وار ایدی .

شهریارك برشیطنتی ده غازی کرای ایله اولان معاملاتنی
ایدی قزوینه وارلدیغنی زمان ایکی برادری بر درجه ده آغزلامق
برداثرده بولندیرمق و هیج اولمزسه دائما برابر بولملرینه مساعده
ائلك آداب ملوک اقتضاسنیجه ضروری حکمنده اولدیغندن
و بو حال ایسه شهریارك عادل کر ایدن امیدوار اولدیغنی الفت
محرمانه یه بتون بتون مانع اوله جفندن ایکی شهزاده نك آره سنده

بر تفاوت اخلاق کو سترمک و او صورتله حقلمنده ایدینه جک
معامله بی ده بر برینه بکرتمک تدبیرینی التزام ایدهرک عادل کرای
ایله کوریشدجکه ندقدر اطوار حرمتکارانه و نازکانه بی وار
ایسه میدانه دو که رک شهزاده بی تر بیه سی اقتضاسنجه حسن
مقابله به مجبورایتدیکی کبی غازی کرای کوردکجه بالعکس کنایه لو
ایمالر آلتنده مستور برچوق سوزلوله حیثنه نخوتنه وقارینسه
حیثنه طوقنور و مقابله طوقناقلی جوابلر آیردی .

قزوینه واریله جنی صرده میرزا سلیمان اظهار سطوت
فکريله شهزاده لوی اسیرلرکبی میرزا جزه نک اوکنده اللری
باغلی یایان یوریده رک وحشیانه برالای احتشام ترتیب ایتمک
ایستمش ایسه ده میرزانک مشربی هر درلو مظالمه تمایلده برابر
بويله دنانشلره تنزل مرتبه سنندن عالی اولدیغندن و شهریاره
کوره عادل کرای ذره قدر انجتمک کندی قلبنی یاره ملک حکمنده
بولندیغندن وزیرک بوراینه ایکیسی ده شدتله مخالفت ایلدیلر .
ترتیب اولنان آلایده جزه میرزا عادل کرای صاغ غازی کرای
صول طرفنه آله رق قزوینه اوچ شهزاده برابر کیرمشلردی .

شهریار قزوینه واصل اولوبده شاهی کورنجه حربک
احوالنه وعودتک اسبابنه دائر اقتضا ایدن تفصیلاتی ایراد
ایلد کدنصرکه خانزاده لره عطف کلام ایدهرک وهرسوزینه جزه
میرزا ایله میرزا سلیمانی اشهاد ایلیه رک عادل کرایک شجاعت
فوق العاده سیله برابر عرفان جبلی وحسن تربیه و لطف

مشرینی بر طاقم اطراف لرله تعریف ایتدی. ورعایتی ناموس شاهمی مقتضیاتندن بولندقدن بشقه او قدر ظرافت اخلاقه مالک بر شهزاده بی ایرانه مجلوب ایتک و او صورتله قریم اوزرندن دولت عثمانیه برددغده چیقارمق احتمالاتنی بر مهارت خرد فریب ایله همان تشبئی واجب بر مقصد صورتنده کوستردی . و بنشاء علیه شهزاده نك سرای ایچنده بردأر یه مسافر ایدلسی و کوز حبسنده بولندبر مقله برابر اوله کندینه سز دیر لماسک ایچون یانه هر کسک کیروب چقه بیلسنه رخصت ویرلسی رأینده بولندی . غازی کرایه کلنجه کندی اثر تحریکی اولان بر قاچ سردجه معامله سندن طبعنک خشوتنه و تربیه سنک فقدانه دائر بر طاقم دلیلر استخراج ایده رک فرصت اولدیغی کبی فرار ایتسی اغلب احتمال اولدیغنه و شهزاده بایزید بولنده بر طاقم طرفدار لر پیدا ایتک و اختلال لرله اوغراشمق کبی حاللردن اجتناب ایتیه . چکی کندنجه محقق بولندیغنه دائر بر طاقم اقناعیات ایراد ایلدکن صکره آنک ده قهقهه قلمه سنده توقیفنی تصویب ایتدی . کرک شاه و کرک میرزا سلیمان شهریارک آمال خفیه سنی تفرس ایده جک قدر دقیق بر فکره مالک اولمدقلرندن سوز . لرینی عین حقیقت رأیلرینی اسلم تدابیر عد ایلدیلر . یالکز جزه میرزا محمود آباد محاربه سنده غازی کرایک نه جوهرده بر قهرمان اولدیغنی کورمش ایدی اعتقادنجه شجاعت اصحابنک هر حالنی معفو و بلکه معذور کوستر مکه کافی اولدیغندن قهقهه یه ارسالنه

بردرلو قائل اولمق ایستدی، مع مافیه کندینک جایه لوندانه سی
والده سنک مغالطات شیطنکارانه سنه غلبه ایده مدیکندن اوده
بو بچنده ملزم و هیچ اولمزه ساکت اولمشدی .

قزوینه و صولارینک ایرتسی کونی غازی کرایه قهقهه یه
کوندر دیلر، عادل کرایه سرایه مسافر ایلدیلر . شهر یار آرزو
ایتدیکی الفنده سهولتی موجب اولمق ایچون خانزاده نك اقامته
سرایک سائر جهتلریله اتصالی آز برداثره تخصیصنی التزام ایلدی .
انتخاب ایتدیکی رایسه حرم و سلاملق دائره لری آره سننده و
بانجه اوزرنده طهماسبک ککندینه عشرتکاه اولمق ایچون
یاپدر دینی کوشک طرزنده برداثره ایدی که نهایت درجه لوده
کوزل برطاقم لاجوردی نقوش چین آره سننده ادوات عیش
و عشرت و حال شوق و محبت دایر آلتون ایله یازلمش غایت نفیس
ییتلر ایرانک اک کزیده خالیلرندن مرتب اولان دوشمه سی (قالیچه)
طرز بدیع معمار یسنه بر رونق دیگر علاوه ایدره ک قصرک هیئت
مجموعه سنی شرقده کی زینت واحشامک کالنه نمونه اولمق ایچون
یایلمش کی کوستردی .

عادل کرایک محافظ لرینی ده خدمتکار صورتنده کوسترمک
بهانه سیله ینه شهر یار انتخاب ایلدی، بوندن مرادی ده دائره نك
اطرافنه کندی محرمان سفاهتنی یرلشدیرمکدن عبارت ایدی .

شهر یار بو ترتیبانی اکیال ایلد کدن صکره بر کون عائله سلطنت

اعضاسنك جله سى حضور پادشاهيده بولندقلرى حالدى عادل كراى ايله محاربه حاضره و تدابير آتیه دایر يولده كليركن بر چوق محاوره لره كيريشديكنى وشاه طرفندن مكالماتنك دوامنه مأذون اولور ايسه خيرلى برنتيجه استحصاليه اميدوار اولديغنى بيان ايلدى. خداينده ايچون شهريارك برسوزينه اولمز ديمك محال و اعضاى سلطنت افرادى ايسه منويات خفيه كشفنه اقتداردن محروم اولديغندن قادينك عرض ايتديكى خدمت تكليفنى مع الممنونيه قبول ايلديلر يالكز پريخان مجلسده بر لقردى سويلدى. فقط شهريارك تشبثنده كيزلى بر مقصدي اولديغنه بداهته حكم ايلدى. چونكه قادينك خصوصى منفعتدن عارى هيچ بر حر كنده بولنميه جغنى بك اعلا بيليردى. او جهته شهريارك طورى پريخانك نظرنده حلى واجب بر معماشكلنى باغلادى. عمق نظر وحدت فكري اقتضاسنجه مشكلنى حل ايچون خار جدن اماره آرامقندن ايسه طوغرىدن طوغرى يه تعلق اولان عادل كرايك نه قباليه بروجود اولديغنى او كرنك دها مناسب اوله جغنه قرار ويردى كه تدبيرى بويولده ياپيله بيله جك شيلرك اك مناسبى اك مكمل ايدى.

عادل كرايك حالنى تحقيق ايسه كندنجه اسهل امور ايدى. چونكه خان زاده بي اسير ايدوب كتورن جزه ميرزا شاه اسماعيلك جلوسى وقعه سنده كوسترديكى حر كات خارق العاده دن طولايى پريخاننى قادينسلفيله ايرانك اك بيوك قهرمانى

عد ایلدیکندن ، اعضای حاندانینک جله سندن زیاده آکامجت
واطاعت ایدر ایدی .

پریخان برکون جزه میرزایه بر مکمل ضیافت ویره رکدها
بوسنده ایکن ایلك محاربه سنده کوستردیکی مهارت لردن شجا .
عتردن طولایی شهزاده نک اک حساس اولان اعصابی غیچقلا .
یه جق بر چوق ستایش لره میرزایی عادت اتمونیتندن غشی اوله جق
درجه لره کتیردکن صکره رجحان فطانتیله مقصدینی بر طاقم
اوضاع ساده دلانه آتنده ستر ایدره رک مهمانیله شویله بر محاوره
یولی کشاد ایلدی .

پریخان — مظفریتکزک اک زیاده شایان تقدیر اولان بر
یری ده قارشیکزده کی عسکرک حالیدر ، اسیر ایتدیککز حانزاده لر
عثمانیلیرک اک قهرمان امراسندن اولدقلرینی روایت ایدیورلر .
جزه — بن عثمانیلیرک بشقه عسکرینی ، بشقه امراسنی
کورمدم ، فقط بودلی قانلیلر بحق مرتضی کرچکدن قهرمان
ایدیلر . والدهم بیلم نیچون مراق ایتدی ده غازی کرای قهقهه یه
کوندردی ! حالا آجیسی کوکلدن چیقمیور .

پریخان — دیمک که سز غازی کرایک شجاعتنی دها زیاده
بکندیکز .

جزه — خیر ! ذنیاده عادل کرایه ترجیح اولنه جق و بلکه
مقابل کله جک فرد آفریده موجود دکلدرد . فقط الله ایچون
بریکی ده فوق العاده جسور ایدی .

پریخان — عادل کرایک او قدر شجاعت نره سنه یاقیشور؟
قیصه بویلی قانبور بر آدم ایمش .

جزه — (کوله رك) سزه آئی کیم سونلیدی ؟ بن مدت
عمر مده او قدر یاقیشقلی ، او قدر لوند بر کنج کور مدم .
پریخان — عادل کرای کنجیمی یا ؟

جزه — یکریمی اوج ، یکریمی درت یاشنده فایت و جاھتلی ،
فایت خوش صحبت ، عالم ، عارف ، شاعر بر قهرمان . فیاض
قدرت بو قدر فضائلی دکه برو جودده جمع ایلز .

پریخان — (تبسم ایده رك) عجایب شیلردر ! بزبو خاندانه
اجنبی ایمشر کی سر ایتمزه مسافر اولانلرک یوزینی بیله کوره میورز .
کنج ایسه ک چوجق دکلز آ ! یکریمی بر یاشنه واردق ، تدبیر
حکومتده اولدقچه اقتدار مزی ایسه دها اون سکز یاشنده ایکن
کوسترمشیدک . بزده مکالمه لره کیریشه بیلورز ، ایشک دولتمزه
فائده ویره جک یرلرینی کوریرز ظن ایدرم .

جزه — حقیقت والدم آنده مناسبتسزلک ایدیور . ذاتا
پدر علیل ، وزیر نوظهور ، بنم المدن برشی کلز . یالکز بر از
حرب ایده بیلورم . دولتک امورینی شمیدی به قدر والده ایله
سز اداره ایدوب طوررکن قریم مسئله سنه نیچون قارشیمه .
جقسکز ؟ نه وقت ایسترسه کز امر ایده بن کوتورر سزی
خانزاده ایله کورشدیررم .

پریخان — بن شاهک امری ، والده کزک رأی اولمدقن

صكره هيچ كيمسه ايله كوريشه م، هيچ برايشه قاريشه م .
جزه - بن ايكنسنده سويلرم .

مهاوره بودرجه يه كلنجه پرينخانك مقصدى تماميله وجوده
كلديكندن صحتى دكشديردى . ضيافت بيتوب جزه ميرزا
كيتدكدن صكره ظهوراته انتظار ايتمكه باشلادى .

جزه ميرزا، پدرينى همان اوكون كوره رك خاله سنك فكرينى
برلسان متأثرانه ايله بيان ايتدكدن صكره پرينخانك ده مكالماته شريك
اولمى ازاله انفعالى ايجون لازم اولديغى كى مسلم اولان درايى
حكمنجه فائده دن خالى اولميه جفنى ايراد ايلدى وبوافاده ايسه
شهر يارك عادل كراى ايله صيق وتنها كوريشه بيلمك ايجون
خانزاده ايله آفاقى صحت قيبيلندن اوله رق ايتديكى سوزلرى برر
مكاله دوليه شكلنه قويدرق هر كون ساعتلرجه ازعاج ايلديكى
زمانلره تصادف ايتمشيدى بيجاره شاه باشنده كى دغدغه يى دفع
ايتمك ايجون (بك مناسب اولور، همشيره ايله والده ك برلشكزده
هرنه ايسترسه كزيبايى كز، بكا يالكز حاصل اوله جق نتيجده يى خبر
ويريدى كز !) ديدى جزه ميرزا آلدیغى مأذونیت اوزرينه
طوغر بجه والده سنك ياننه كیده رك شاهك امرينى تبليغ ايلدى .
برفطانتك نتيجده سى اولان حركت نه درلو پرده لر آلتنده
مستور اولسه منشأ ظهورى ينه برنظر فطينه مستور اوله من .
شهر يار كرك زوجنده، كرك اوغلنده آمال خفيه سنى كشف
ايتمك اقتدارى اولمديغى بك اعلا بيلديكى كى پرينخانك رايى

اولد قجه و بلکه مبادیسی پریخان طرفندن ترتیب اولمقد قجه سرای
 ایچنده آکا متعلق بر مسئله حادث اوله بیله جکنده احتمال
 ویرمدیکندن ، امر شاهینک نه طرفدن القای اولندیغنه پک
 قولای حکم ایلدی . معین بر مقصدی اولمقد قجه هیچ بر شیئه
 تشبث ایتمامکده کندیسی ایله هم مشرب اولدیغنی بیلدیکی پریخانک
 بو حرکتیه — چونکه پریخان عادل کرایک حتی یوزینی بیله
 کورمدیکی کبی ذاتاً مدت عمرنده محبتیه ، شهوته ذره قدر میلی
 کوستر بر حرکتیه بولندیغندن — آره لرنده جاری اولان
 نفوذ رقابتندن بشقه بر سبب بولنه مامشدی .

شهریار سـودیکی کندینه بر اقلد قدن صکره ایرانک کافه
 امورندن اجرا ایتدیکی نفوذی بتون بتون پریخانیه ترک ایلکه
 قائل ایدی .

یالکز کندیسنه خراش جان اولان جهت شو ایدی که
 پریخانک اشتراکه مأمور اولدیغنی مکالمه لر کندی یالانلرندن
 تولد ایلش بر طاقم موهوماتدن عبارت اوله رق پریخان — و حتی
 پریخان کبی فطانت فوق العاده اصحابندن برداهیه دکل آنک
 یرنده هرکیم اولسه — عادل کرای ایله بر کره کوریشور کورشمز —
 او یله بر بادره ظهورینی خاطره بیله گتیرمکسزین کمال جسارتله —
 ترتیب ایتدیکی یالانلر میدانیه چیقمق مقرر و او حالده ایسه
 عرض مضمهرینی پریخانک نظر دقتندن قور تارمق محال ایدی .
 او کنده فلکک بالتصادف حاضر لدیغنی دامه دوشمامک ایچون

لقرديسنى براز ديريجه سويليويرمكله هر امرينه محكوم ايده
كلديكي شاهه اراده سنى كرى آديرمق كندنجه پك قولاي ايدي .
اويله برتشنبدنه بولنورسه پريخانه عكس ايتماسى محالاتدن اوله رق
اعتقادنجه مسئله نفوذ ياريشى ديمك اولديغندن كندى طرفنده
ظهور ايده جك غلبه پريخانك غيظنى دعوت ايلك مقرر ايدي
او اقتدارده بر خصمك غيظندن ايسه نفسنجه تولد ايتمه جك
بر بلا تصور ايده مزدى . خصوصيله مكاله يي كندى نفسنه
حصر ايتسى نه مقصده مبنى اولديغى پريخانك باى حال تحرييه
قيام ايده جكندن واحتمال كه تحزیدن اول حقيقت حال اوزرينه
شبهه سنى وبله حكمنى دعوت ايليه جكندن امين ايدي . بناء
عليه دها بتر بر مصيبتنه دوچار اولمق قورقوسيله شاهك اداره
سنى كرى الديرمق تشبثى كوزه الديره مدي . بر قاچ دقيقه
اتعاب فكريتد كدنصكره براز و قازينى قيرديغى براز خليع
العذارلغى الهالديغى حالده بوبادريه يي مقصدينه خادم ايتمك قابل
اولديغى مطالعه ايلدى اختيار ايده جكي تدبيرى ذهنده قرار .
لشديردي فقط حادثه دن طولاي پريخانه طوتديغى كينى جزه
ميرزايه حاصل ايتديكي غضبى ده بتون كتم ايده ميه رك (سراى
دولتده چولوق چوجوق اكلنجه سى اولدى اويله سكسان راي
ايله ايشمى كوريلور ! امانمه لازم دولت شاهكدر بزه لازم
اولان امرلرينه اطاعتدر .) يولو منفعلانه بر مقدمه دنصكره
قاشلرينى چانه رق وجزه ميرزانك حدتله يوزينه باقهرق (بو

تدبیرلری سنی بولوب چیقاریورسک؟) سؤالی ایراد ایلدی
بونک مرادی وجداننه برهمزبان بولهرق رایک پریخان طرفندن
کلدیکنی بر بشقه سنک آغزندن ده ایشتمک ایدی . حمزه میرزانک
اعترافندن مقصد و تدبیرنجه بر فائده حاصل اولمزدی فقط کندیسی
بومسئله ده دخی اولیه بر اعتراف ایله کشف حقیقته اولان
اقتدارینه بر برهان علنی ده کورمک استردی .

حمزه میرزا ایسه بالکز والده سی ایله بیننده بر برودت حاصل
اولماسنی التزام ایلدیکی حالده کویا مسئله نک کافه خف یاسنه
اطرافیه واقف ایمش کبی (فرض ایدیکزکه بنم تدبیرم اولسون
شمدی یه قدر دولتک هر مصلحتنی بر لکده تسویه ایتیموری
ایدیکز؟ سرائر دولت بیوریورسکز صحبت والده انله خاله مک
آرسندن چیقوبده عثمانلی سردار لرینه عکس ایده جک دکل یا!
سکسان رأی دیورسکز! حالبوکه آرده سنک ایله آندن بشقه
کیسه یوق . خاله م دولت مزه بیکانه میدر؟) یولوو مقابله ایلدی .
بوسوزلرک هر بری شه ریازک قلبنده برداغ دیگر آچاردی ،
فقط کندیسی صفوت درونک درجه سنی پک اعلا بیلیدیکی
اوغلنه بیله فرض محل اولهرق رنک ویره بیلک واهمه سیله
اولانجه قوه ذکاسنی هضم نفسه حصر ایدرک وستی ده بتون
بتون الدن براقیه رق (ماشاالله کوزل رأی ایتمشک ! عادل
کرای بن تأمین ایدوبده بحشه اماله ایدنجه یه قدر نهلر چکمشدم .
شمدی پریخانه بردنبره آچیلیرمی ظن ایدرسک؟) دیه جک اولدی ،

جزء « سزاو جهتی مراق ایتیکز! خانزاده نك بکاده امنیتی فوق العاده در، کندی مرد برزات حقنده کو ستردیکم معامله مردانیه کفران ایله مقابله ایتمز . خالدم ایله مذاکره ایچون کندیسنی بن اقتناع ایدرم . « یولو جواب ویرنجیه شهریار یالانجیلانی دها آچیق دها رذیل بریولده ظاهره چیققی مخاطره سنه آتیلوب کتدیکنی اکلا دیغندن بتون بتون جانی باشنه صیجریه رق « صاقین چوجق ! سن او یله شیلره قارشمه بتون بتون مسئله یی تشویش ایدرسک عادل کرای ینه بن کورملی یمده ایشک چاره سنه باقلی یم . « دهرک هیچ برشیئه تشب ایتما سنی جزء میرزایه اکیدا تنیه ایلدی . او مولدق یردن برحادثه دها ظهورینه میدان قالماق اوزره همان او کیچهدن عادل کرای ایله ملاقات ایچون کندینی حاضر لغه باشلادی .

برقاج ساعتلر بر او طیه چکیله رک خان زاده ایله ایده جکی بحثی ذهننده بیک شکله بیک رنگه قویدی ایسه ده ها بادی امرده خاطرینه کلان برتدیر نظرنده کافه سندن مناسب کافه سندن قطعی التأثير کورینوردی . بناء علیه اوتدیرک اجراسنه ذهننده قطعاً قرار ویرمکله عادل کرایک حضورینه کیروب ده یاننده کی توابعی دفع ایدر ایتمز برقاج کله ایله بر مقدمه اعدادیه ترتیبینه بینه حاجت کورمکسزین شو محاوره یی کشاد ایلدی .

شهریار - امان خاندانکزک عنایتنه صفندم! حیاتم مخاطره ده قورتار سه کز سز قورتاره جقه سکز .

عادل — (بویله دنیا ده هیج برسبیه اسنادی قابل اوله میه جق برخطایه اوغراینجه بردنبره قادی نك جنون کتیرمش اولمسنه ذاهب اوله رق برقاچ دقیقه شاشقین شاشقین یوزینه باقدقدن صکره) نه دیمک ایستورسکز! اکلایه مدم .

شهریار — اکلا ده یم ، صفا کزی ، راحتکزی محافظه ایچون بن بورایه صیق صیق کلیورمی یم ،

عادل — الله عمر ویرسون ، تشریف بیورسکز .

شهریار — کلیورم اما نصل کلدیکمی بیلیرمیسکز ؟

عادل — سونلماش ایدیکز ، نره دن بیلیم !

شهریار — شاهدن نه وقت استرسه سزی کلوب کورمه

مأذونیت المق ایچون محاربه یه ، قریمه ، فالانه داتر آره مزده جریان ایدن صحبتلره بر مکالمه رسمیه رنکی ویرمشدم .

عادل — امان افندم نه قدر یا کلش بر حرکتده بولتمسکز! ..

شهریار — بیلورم ! فقط نه یاپه یم که سزی هر ایستدیکم

وقت کوره بیلک ایچون بشقه چاره یوق ایدی .

عادل — آی افندم بنده کزی هر وقت کورمکی نه دن او قدر

التزام بیور بیورسکز؟

شهریار — (محبت و ستمدن مرکب برنظر حزین ایله یوزینه

باقدرق) احتیاج وار ایدی ! ..

عادل هر نه حال ایسه برکوره اولمش ، بوندن صکره

ایشک آرقه سنی کسمک لازم کلیر . ارتق بنده کزدن جواب رد

الديفكر يمي بيان بيورر سكر، نه سويلر سكر اورالرى سرك اراده
كزه محولدر ، فقط مطلقا ايشك آرقه سنى كسملى قورقارمكه
نتيجه سنده بر فئالق ظهور ايتسون .

شهر يار — قور قديفكره اوغرادق، هم اويله بر فئالق ظهور
ايلدى كه ايشك آرقه سنى كسمكه ده امكان براقدى .

عادل — نه كجى فئالق ؟

شهر يار — بيلم معلوم كزميدر ؟ شاهك پريخان اسمنده بر
همشيره سى واردر كه كرك بيوك قرداشنك، كرك بونك جلوسلر
نده قانلى قانلى بر طاقم خدمت لدرده بولنمشدى .

عادل — اويله برشى ايشتمشدم

شهر يار — شاه بوكون بزم موهوم اولان مذاكراته
آنى شريك ايتدى .

عادل — ايشته اصل ايشك ارقه سنى كسه جك زمان شمى
كلش يا ! بن كويا مكاله يه آدم تشرىك اولنديغنه جانم صيقلش
كجى كورينورم ، بحثده دوام ايتم .

شهر يار — سز پريخانى بيلير ميسكر ؟ نخوتنه او قدر طوقو-
نيلورسه انسانى يريوزنده دكل ، ير آلتنده بيله راحت براقمز .

عادل — برقادين نه يابه بيله جك ؟

شهر يار — اوسرك بيلديككز قادينلردن دكلدر ، حيدر
ميرزايى جلوس ايتديرمك ايجون سرايه كلان براق بيك
كرجينك تك باشنه يالين قليج اوزرلرينه اوغرايه جق قدر

جسور ، اسماعیل ثانی بی شیطانک بیله خبری اولمقسنزین بر
مهارتله آخرته کوندره جک قدر حیلله کار برخنزیر ! ولو که
قادین اولسون ، انسانه نه یاپه مز ؟ خدا بیلیر بر کره سوء قصدمه
باشلادیغی صورتده بیک جانمز اولسه برینی لندن قورتارمه
عادل — بنده کزک هیچ برشیدن قورقق عاذتم دکلدرد فقط
مادام که سز احتراز بیور بیورسکز بشقه درلو طور اتفق ده
قابلدر . بر ایکی کون جعلی مکالمه لور ایدرز ، نهایت ایکی طرفک
تکلیفی قابل توفیق اولمیه جق بر درجه یه کتیررز ، ایشک طبیعی
آرقه سی کسلییر ، مقصده ایشک آرقه سی کسلیکدر .

شهریار — او هیچ اولمز ، چونکه شمدی یه قدر او موهوم
مذاکره لور کویا دوام ایدوب طور رکن پرینخان ایشه داخل
اولور اولمز کسلیورسه پرینخانک کندیسنه استتقال اکلایه
جفنده هیچ شبهه یوقدر .

عادل — او جهتی اداره ایدرم .

شهریار — ایده مز سنکز ! فقط فرض محال اوله رق دیه لم
که پرینخان اداره اولنمش . سزک ذاتاً بوراده قالیشکز ، بو
راحتکز هب آرده بر صورت اتفاق حاصل اتمک امیدینه مبنی
ایدی . آندی بن یاپدم شمدی او امید بر طرف اولورسه بتون
بتون راحتکز منسلب اولور .

عادل — تک شو ایشک آرقه سی کسلسونده بن هر درلو
راحتسز لکه راضی یم . قد داشم کبی قهقهه یه کوندره جک

دکلمی ، نه حکمی اولور؟ بن اسیر اولدقدن صکره ایستر
سرایده او طوریم ، ایستر زندانده بولنیم ایکسیده نظرمده
مساویدر . بلکه قرداشمه رفیق محنت اوله جغم ایچون قهقهه یی
بورایه ترجیح ایدرم .

شهریار - بن اوله حکمی بیلسهم سزک بردقیقه راحتسز-
لککزی موجب اوله جق برحرکتی اختیار ایدم .
عادل - نیچون ؟ ...

بحث بورایه کلنجه شهریارک سوداسنه کلان غلیان و
خصوصیله عادل کرایک محاورده صفوق برمتانله ایشک آرقه-
سنی کسمک لازمدر سوزینی افاده لرینک همان هر جله سنه
تقرات کبی علاوه ایلسندن طولایی کوکلنده حاصل اولان
اضطراب بتون بتون صبر و تمکینی محو ایتمکله چهره سنه جا
آتشی کبی بر قزیلاقی ، منظرینه مجنون باقیشی کبی بردهشت مستولی
اوله رق ارقه سنه طوغری بی اختیار آغر آغر بر ایکی آدم
آندی ، بردن بره مندرک اوزرینه یقلدی . ویأس ومقتونیتندن
مرکب بر نظرله یوقاریدن آشاخی عادل کرای سوزدکن صکره
« نیچونمی ؟ ... کوکلی یرندن قویاروبده او ککدی آتیم ؟
سنی سو بیورمده آنک ایچون ! ... » دیدی اللرینی یوزینه
قبادی کمال شدتله اغلامغه باشلادی .

اوله مأمولک خارچنده بر بچشدن بویله استلزام طبیعینسکده
خارچنده بر نتیجه ظهور ای دنجه بیچاره عادل کرای کندینی کره

زمینک خارچنده بر بشقه عالمه دشمن قیاس ایدرجه سنه بهت
صرف ایچنده قاهره بر خیلی زمانلردن صکره تربیه سنک اجباریله
کندینی طوپلایه بیلدی « افندم ... شمدی ... مخاطره
میدانده ... چو جقلغک آعلامه نك صره سی دکل ! .. تد بیرنه
ایسه انی دوشونه لم ! » دیمکه مقتدر اولدی. بو خطاب اوزرینه
شهریارده اضطرابنی بر درجه یه قدر دفع ایدرک آرده ینه
شویله بر محاوره باشلادی.

- شهریار - یاپیله جق بر تدبیر قالدی اوده پرینخان بورایه
کلدیکی زمان کر چکدن بر مذاکره بر مکالمه یولی آچقدرد.
عادل - فصل مکالمه یولی آچه جغز بنم اولیله بر مکالمه یه
کیر شمک ایچون نه پادشاهدن رخصتم وار نه ده برادر مدن .
شهریار - خانزاده سکز ! کوکلکزده حرص جاه یوقیدر؟
شونک بونک مأذونیتی نه دوشون نیور سکز ! بر مکمل اردو
ترتیب ایدیورز بر قاچ آیه قدر ینه سروان اوزرینه کیده جکز
سزیده برابر کوتورز عثمانلینک سردارینه غلبه میسر اولور
سه معیتکزه لزومی قدر عسکر ویررز قریمه کیدر خانلق مقامنه
جلوس ایدر سکز . اوزمان ایستر بزم طرفه ایستر عثمانلویه
تابع اولمق ویا خود بر طرفه تابع اولماق الکزده در . اما بوزیلور
ایسه ک شمدیکی حالکزه هیچ بر تغیر کلک احتمالی یوقدر . « اسیر
ایدم برابر طاشیدیلر . » دیدیککز زمان سزه کیم بر قباحت
ترتیب ایدیره بیلکه مقتدر اولور ؟

عادل - نعوذ بالله ! نعوذ بالله ! هم خليفه اسلامه هم قر .
داشمه خيانت ايده يمه دنياده بولنان اراذلك اك آلخني بن مي
اوله يم ؟ قر يم خانلغي دكل سلطنت عالم اچيون اوله بردناتي
ارتكاب ايده يم .

شهر يار - نه غريب طبيعت ! بن كندی اقبالی اچيون
كندی غائب ايدوبده حسرتيله هلاك اوله يي كوزه اليورمه
او عثمانليك خاطر اچيون بوراده اسير قالمغي قر يم تختنه ترجيم
ايديور !

عادل - عصيان ايله كله جك تخته اسير لكي دكل مزار ي
يله ترجيم ايده يم .

شهر يار - افندم سز ي قر يمه قدر ايران عسكري كتوروبده
تختكزه اجلاس ايدرسنه زور ايله كلديك كزي اعلان ايتمكدن عاجز
مي قاليرسكز ؟ ايستيه رك عصيان ايتديك كزه كيم نه ايله حكم
ايده جك ؟ . . .

عادل - بن كندی وجدانك دلالتيله حكم ايده جك
دكلم ييم ؟ هم عصيان ، هم ربا حكمدار لغه نه قدر ده لايق
صفتلر ! . . .

شهر يار - ايكي كوزم ! سز حالك كزك الجاسيله ، بن كندی
صنعميه بر بلايه طوتلدق . دفعنه بشقه چاره يوق . هيچ اولمز -
سه يالكز وعد ايندك شوزادن اردويه قدر كيده لم نه يپارسه م

یا پارم سزی قاچیررم . بن ده جانمی قور تار متق ایچون
برابر کلیرم .

عادل - یامیه جنم برایشی نصل وعد ایدیم ؟ نجابتمه لایق
کور دیککز طولاندر یجیلقمیدر ؟

شهریار - سز بو قدر عناد ایدر سه کز ایشک تیجه سی نره یه
وارر ؟

عادل - (غایت مطمئن وجدی بر طرز ایله) قدر نه ایسه
او ظهور ایدر .

شهریار - (یانسه قوشوب قوللرینی اوموزلرینه آه رق)
یوق ! الله عشقنه ایتمه ! کندینه اجمیور میسین ، قهقهه زندانی کوزه
آلیور سین بکا مرحت ایت ! هم ناموسم هم جانم مخاطره ده اولدیغنی
کور میور میسک ؟ بن سودیکنک ایله اولمکی بشقه بر لذت بیلان
قادیلردن دکل ؛ بو قدر محبتک اوزرینه بکا قیمی پک غدارلق
اولور . سنی وجودمه روح نانی بیلشدم ، شمدی روحه اجل
قضای اوله جقسک ؟ هیچ انصاف ایتزمیسک ؟ آه ! هم اولمک !
همده سودیکنک ایله اولمک تحمل اولنور مصیبتلر دئمیدر !
باری محبتندن قصا نجا بلیغندن اولدیر سه . اوده دکل ! . . . قیدسز -
لقندن عنادندن کبرندن موتمه سبب اوله جق . . . « سوزلری
برادای حزین ایله برر برر آغزندن دو کولمکه باشلادی .
پدرینک زوجنک سایه عنایتنده تاچو جو قلفندن بری یانسه
اوغرامامش اولان کوزیاشی یولنی غائب ایتمش آواره لر کی
چهره سنک هر جانینی طولاشیر طور ردی .

بوتماشای حزین ایله عادل کرایک رقت و مرحتی بالکز
قلبنه دکل فکرینه دخی غلبه ایده رک «جدی بر مقاوله یه کیرشمک
المدن کلز فقط چاره سز یلان سویلیه جکر . باقهلم فلک عاقبتنده
نه کوستر !» دیدی . شهریارک مذاکرات موهومه سنی
صحیح صورتنده کوستره رک ظهوراته انتظار آپرینخان ایله بحثله
کیرشمکه موافت ایلدی . خان زاده نک بو موافتی شهریاری
حقیق بر بلادن قورتاردینی وعادل کرای ایله کورشمک لذتندن
ایستدیکی قدر استفاده سنی تأمین ایلدیکی کبی کندینجه محبتک
حسن تلقی کوردیکنده بر دلیل ضمنی حکمنی آلدیفندن ، اوچ
عمره بردن مالک اولمش قدر ممنونیتی دعوت ایلشدر .
شهریار اوزون اوزادی تشکرلورینی بیستروبده عادل
کرایدن آریله جفی صروده پرینخانه عطف کلام ایده رک شیطانه
درس فسون اوکره دیر بر مکاره زمان اولدیغنه وهیج برسوزینه
اعتماد اولنماق ومجاسنده غایت احتیاطلی طور انلق اقتضا ایده
جککه دائر رقیبانه برچوق اخطارلر ، تنیهلر ایراندده ده
قصور ایلدی .

عادل کرای تنهاقالجه ذهنندغریب غریب خولیلر ، مدهش
مدهش تصورلر هجوم ایتمکه باشلادی . او طدنک برباشندن برباشنه
طولاشیر ، کندی کندینه کاه خفی کاه جهری اوله رق .
« حریف نه ده غریب شاه ایمش ! ذاتا نظر بصیرتی علیل
ایکن بیچاره نک کوزینه میل چکمدنک نه لزومی واراپدی !

قوجه ملتنگ ایچنده امور دولتی انه تسلیم ایده جک ایکی قادیندن
بشقه کیسه بوله مامش! قادینلرده نه قادین! اوته کفی بیلم یاشو
کور دیکم قادین! انسان جزء میرزانک والده سی اولدیغنی
دوشوند کجه قدرت فاطره نك معجزه لرینه حیران اولوب قالیور.
ظاهر سو پرندیلکده چچک بتدیکی کبی بویه قادینلردن ده اویله
اولاد وجوده کلیرمش! تحف شی! اسیر ایکن شوراده
اولدقجه اکرام کور سیورز، قادین بزه میز بانمک زوجه سنی
قاچرمنی، ناموسنی بر باد اتمکی تکلیف ای دیور! خلیفه اسلامک
بر قوجه ملکنده سلطنت سور سیورز، قادین بزى اویله برولی
نعمته عصیان ایتدیرمک ایستور! خانک سایه سنده قریمک ایکنجی
پادشاهی بز، قادین بزه آنک مسندینه و بلکه حیاته قصد ایتدیرمکی
دوشونبور! نه قدر آلق مخلوق ایمش که بر انسانده بو قدر
آلقغه قابلیت تصور ایلش! کوکل ایکره نیور، انسانک چیلدیره
جنی کلیور . یاصوک قراره نه دیلم! حانمک خاطر ی ایچون
خیال بازلق ایده جکز، هیچ یوقدن مکالمه لر ترتیب ایده جکز، هر
کسی آلداده جغز، ظهوراتک اوکنه طوتیلورده کری کیده میه جک
بر موقعه دوشرسهک نه یاپه جغز؟ اوراسنی بنده بیله م! نیچون
بو مخاطره لری، بومسخره لقلری اختیار ایده لم .؟ شونک ایچون
که خاتم بریلان سویلش، شمدی یالانی صحیح کبی کورنمک اقتضا
ایدرمش، اوده بزم تصدیقمزه محتاج اولیور! یالکز تصدیق کافی
دکل یالانه اشتراکده لازم کلیدورانه احتیاج مس ایتش که کندیسی اویله
خطرلی بر یالانی ارتکاب ایلش! (خفیف بر تبسمدن صکره)

بزی سویور مشده آنک ایچون یالان سویلمکه ضرورت مس
ایتمش . بدبخت! بیلز که والدهم صاغ اولسیدی آندن کنج بولنه.
جقدی . یاسو بده نه یاپه جق؟ فرار مزه چاره بوله جق، کندی ده
آرقه مزدن کله جک . تحف شی! کولگری اکلندیرمک ایچون
کورلر بقیه سنه محتاج ایمشز . باشمزی قورتارمق ایچون قوجه لی
قاری قاچرمق مجبوریتنده بولنه جغز اوله می؟ انسان خیال ایتدکجه
تویلری اور پر بیور . انسان دوشوندکجه چیلدیره جغی کلیور! . . .
نه یاپارسک ایشک حقیقتنی میدانه قویمق قولای! فقط قاری بی
اولدیر لرلر واقعا کبرتمکده مستحق فقط کوکل - ولو طولایسیله
اولسون - جلادنی بردرلو قبول ایتیمور . « یولو برخیلی زمان
سویلندی، دوشوندی، هرجهتله احاله فکر ایلدی، شهر یاری
بلادن قورتارمق ایچون کندینی بلایه آتمقدن عبارت اولان
قراره اتباعدن بشقه برچاره بوله مدی .

ایرتسی اقسام شهر یاز پر یخانی برابر آلهرق عادل کرایک
دائرة سنه عزیمت ایلدی . پر یخان نهایت درجه ده مستور برحاله
اولدینی کبی شهر یارده تسترده بیاغی اکا تفوق ایتکه چالشیمش
ایلی .

شهر یاز ایدیلان مکالمه به حسن صورتله بر نتیجه ویرلمک ایچون
پر یخانکده ماموریتی اولدیغنه ونفوذ و اقتدار و درایت و اداره
سنه دائر برچوق مقدمات ایله سوزی کشاد ایدنجه عادل کرای
ایکی دولت آره سنده شو مباينتك بر طرف اولسی طریق اسلم

اوله رق بوبابده کندیسسی توسط اولندیفی حالده ایشی بر حسن صورتہ ربط ایده بیلہ جکنہ پک زیادہ امیدوار ایکن ایشک بوجہتی التزام اولندیفندن، فی الحقیقه ایران اردولری مظفر اولدیفی صورتده کندیسنک قریمه کیره بیلمسنه امکان واریسدهده بوظفر پک محقق برشی اولدیفی کبی قریمه کیردیکی حالده دخی خانه غلبه سی مساعده بخته و خصوصیلہ ایرانجه قریمه متعلق تدارک اولدیفنک او طرفلره عکس ایندیرلباسنه متوقف اولدیفندن و برادرینی بوراده اسیر بر اقوب کیدرسه اورالجه بتون بتون حیثیتی زائل اوله جق جهتله طبیی بر ایش کورهمیه جکندن، کرک خانه، کرک دولت علیه برشی سزدرلمامک ایچون کندیسنک اردوبه اسیر صورتنده کوتورلمسی غازی کرایکده حالی برابر بولنسی دائره سنده طوتمشدی. بحث شهریارایله بر ایکی ساعت قدر دوام ایندی، فقط او دائره دن چیقارلمدی .

پریخان ایسه یالکز جریان ایندن محاوره بی دکوردی ، بر کرده لقردی یه قاریشه رق - « قریمه کیرلدیکی حالده خانه غلبه مساعده بخته متوقفدر. » بیورمشدیکز طالعک سزک طرفه توجهنه معاونت اتمک ایچون رفاقتکزه نه قدر ایران عسکری ایسترسکز؟ - سؤالی ایراد ایندبجه عادل کرای ضروری اختیار ایندیکی دسیسه بی حدود بویوندن ایلری کورتورمامک عزم قویسنده بولنقی جهتیه یاننه ایران عسکری آلفی هم مقصدینه هم وطن پرورلکنه بتون بتون مغایر کوردیکندن « ایران عسکريله

کیررسهك عثمانلی اریه بر مذهب مسئلهسی چیقارر، تاتارک
تعصبنی تحریک ایدر، اوزمان موقیتمیز بیانی محال در جه سنه
کلیر، بنده ذاتاً وطنه قارشى سلاح چکه نم ؛ « سوزلریله مقابله
ایلدی . پر یخان عادل کرایک حجابندن میدانه چیمقه تردد
ایدرمش کبی - آغزندن بر ر بر دو کیلان سوزلریسه نظرا
شهریارک اولکی لقردیلمی تمامیله حقیقه موافق اولدیغنه حکم
ایلدی . طوروب طورورکن آریه بزغازی کرای بر ابر کورتورمک
تکلیفی چیقدیغنی وعادل کرایک یاننده ایران عسکری ایستمدیکی
ووطنه قلیچ چکه میه جکی تصریح ایله سوزه ختام ویردیکنی
مطالعه ایدرک خانزاده نك بویله بر مکالمه بهانه سیله کرک کندی
کرک برادرینی اسارتدن قورتارمق املنده بولدیغنی ده احتمالات
غالبه دن عد ایلشدر . فقط شهریار سوزی بیانی خانزاده یه
تعلیمات ویرر بر یولده سویلیوب طورور وکندی ایسه فاجره نك
هرحالی اطرافیه بیلیر ایکن مسئله صرف آنک منخر عاتندن بر
شیء اولدیغنی ادراک ایده مدی . فی الحقیقه شهریارک چوجوق
اکلندیرمکه ماصال (مثل) ترتیب ایدر کبی بویله هیچ یوقدن
بر مسئله ایجاد ایده جکی کیسه نك خیالنه خطور ایدر شیلردن
دکلدی . فقط پر یخان خیشه نك اخلاق و سابقنی پیش نظره
الهرق کچن محاوریه اطرافیه تطبیق ایتمش اولسه ایدی حدت
ذکاسنه نظراً حقیقت حالی کشف ایده بیلردی . اکا مقتدر
اوله مدی . حتی عادل کرایک میدانده اولان وجاهتی و شهریارک

کندنجہ مجرب اولان هوسات نفسانیه سیله برابر مجلسده کی
اوضاعنده اولسون خانزاده به ابر لاسنی نفس ایده مدی . چونکه
بیچاره نك بارقه فطانتی بر سیه سحاب سودا بوریمش و حتی
شهریارك سوزلری حقیقته موافق اولدیغنی وعادل کرایك
مقصدینی - آشدیغنی یره قرا کلقده فارسز کیده بیلان آدمیر
کی - ذهننده اولان ملکه استخراج کندی کندینه تبیین ایلدی .
یوقسه پرینخنده اعمال نظر و اداره افکار اقتداری بتون بتون
منسلب اولمشدی .

کوزلری آنادن طوغمه پر دهلی برصاحب فطانت تصور
بیورلسون ! کنجلکنک اک زیاده طراوتی حسیات محبتک اک
زیاده شدتی زماننده ذهننده کندی ایچون بز معشوق وجدانی
تصویر یله عمر کچروب طوررکن قوه کرامتمای حکمت پیش
نظرنده کی حائی رفع ایدوبده پرستش ایدرجه سنه سو دیکی
تصویر خیالیسنک روحانی بر جسم و بلکه جسمانی بروح
شکلنه تمیل ایدرک شو نامتناهی ابداد فطرتک نورلره غرق
اولمش بیک درلو بدایع رنگارنگی آره سنده جلوه ساز اولدیغنی
کورنجه نه حال کیرسه پرینخنده عادل کرایك مجلسنده اویله
براستغراق شوق ایچنده قالمشیدی .

فی الحقیقه پرینخان طوغدیغندن اوکونه کلنجیه قدرذوق
محبتیه میلی ایما ایدر هیچ برطورده هیچ برحرکتده بولنمامشدی

لکن بوکوکل صوغوقلغنی اویله شهریارک ظنی کبی قوای معنویه
سنه بتون بتون آرزوی نفوذ و حرص اقبال استیلا ایتدیکندن
دکل ایدی . بالعکس حسیات عالیهنک لازم غیر مفارقی اولان
تأثرات دقیقه پرینخانده مزیات فطرتنک هیچ برندن آشاغی
قالیه جق درجه لرده موجود ایدی .

اوزمانه قدر کیسه بی سومدیه اوبیوک قلبنک استیعاب
ایلدیکی قوجه برجهان محبتی حکمی التنده طومغه لایق بروجود
کوره مدیکچون سومدی . کوکلی اجسام لطیفه فکری شعله
جواله کبی دائما عالم بالایه میل ایدر طورردی . فطرتنک فوق-
العاده لکی جهتیه نه قدر کوزله تصادف ایدر ایسه نظر نده پک
آشاغی کورینوردی . فطانتنک علویلیکی مناسبیه نه قدر اصحاب
ذکوت کورسه محاکمه سنده پک عادی بولوردی .

دنیاده برنجی دفعه اوله رق صورتی خیالنک سیرتی
تصورینک فوقنده بروجود کوره بیلدی که اوده عادل کرای
ایدی . عادل کرایک برنجی فصلده تعریف اولنان و آشاغیلرده
مناسبت دوشدکجه تفصیل ایدیلان لطافت سیما و تمایز عرفان
واخلاقنه سوابق جلادت و حال اسارتیده برمزیت دیگر علاوه
ایدر واحوالنک شوهایت مجموعه سی ایسه کندیسنی پرینخان
نظرنده صرف طبیعتک فوقنده عاداتا بتون بتون کنندی خاطری
ایچون یارادلمش بر مشخص معجزه قدرت کبی کوسترردی . پک نظرده
محبت عوامه کوره خیالات شاعرانه دن معدود ایسه اخلاق عالیه

و خصوصیه آنک نتایجندن اولان حسیات شدیدہ اصحابہ کورہ نفسندہ تجربہ ایله ثابت اولان حالدرندر .

پریخانک قابلیت محبتی ایسه - آچلق ایچون کونشک ذره قدر برپرتو التفاتنه متحسر طوران غنچه لر کبی - عادل کرایک جالنه مقابل کلدیکی آنده انکشافه باشلامشدی . او جهته بر خرم بهار سعادته کوکده انفلاق سحرک یرده کشایش ازهارک تماشای لطائفیه خیالات عاشقانه سنه مستغرق اولمش برسودا زدهیه اوزاقدن اوزاغه آقوب کیدن چایلرک چاغلدیسی نصل کلیرسه پر یخانه ده مجلسک محاوره سی او یولده تأثیر ایدر دی چونکه دکله دیکی شی مباحثه نك مؤداسی دکل ، عادل کرایک سسندہ اولان آهنگ دلفریب ایدی .

بو حال ایله بر ایکی ساعت گذار ایلدکن صکره ایشی اطرا فیله مطالعه ایدرک بر بشقه اجتماعده ینه تعاطی افکار ایدملک قرار یله رفع مجلس ایلدی لر . شهریار - افراط شیطنتیله برا بر کوکلنده محبت و تردد حاصل اولان خلجان ذهنه ده طبیعی برطور غونلق کتیرمش اولدینی ایچون - بحشک پریخانه دفعه بو قدر شهه لر ایراث ایدن جهتلرینه هیچ دقت ایده مدیکندن ، مجلسی امیدندن زیاده آرزوسنه موافق بولمش و کچه سنی معشو - قنک قوینده یاتار کبی بر مسرت روح پرور ایچنده کچیرمش ایدی .

عادل کرایک حالی - بر عمان طوفان خیزه دوشوب ده

وجودی مساعد اولدقجه تخلیص نفسه چالیشهرق و قوندن
کسلدکجه امواجک سوقنه تسلیم وجود ایدهرک ظهوراته انتظار
ایلینان بیچاره لر کبی - آتلدینی کرداب مهلکهده اداره فکره
مقدر اولدقجه چاره نجات تحری ایدهرک ویور غونلق ذهننه
غلبه ایتدکجه کندینی بتون بتون حیرته ویره رک عاقبت کاری
بکلمک ایدی .

پریخان ایسه - مشاق و اذواق حیاتک حقیقتنی تمامیله
آکلایوبده حیاتندن برجهتله متذذ برجهتله بیزار اولان بعض
حکما کبی - عادل کرای کوردیکی ایچون بر طرفدن کولکنده
آثارینی کوسترمهک باشلایان حیات محبت جهتیه برانسان عدمدن
عاقل اولهرق دنیا به کلش اولسه حاصل ایده بیله جکی مسرت
قدر صفالره مستغرق، بر طرفندن ده وصالده تصور ایلدیکی
صعوبتلردن طولایی بیک درلورنج الیم التنده ازیلوبده آلامنی
تسکین ایده جک دوالر کوزینک اوکنده طوررکن ال ایرشدیر -
مکدن مایوس اولان مجروحلر قدر متأذی ایدی .

صباحه قدر کوزلرینه اویقو کیرمدی، زمانی ده بیاغی رؤیا
کبی کچر ایدی، چونکه اوله یکریمی بریکریمی ایکی سنه دن بری
ایچنده عمر سوردیکی برعالمک - صرف انقلابدن عبارت اولان -
طبیعتنی بتون بتون تحویل ایله جحیم حسرتله جنان وصال آره
سنده برنوع اعراف حکمنه کیردیکنی کورنجه حالنی اویاتقلق
مشهوداتنی حقیقت عد ایتکه قائل اولوق ایسته مزدی . قوه

مفکره سی عادل کرایک خیالی - حکمت طبیعیه نك مقعر آینه لرله
پیدا ایلدیکی ظل مشخص کبی - پیش نظرنده تجسم اتمش کوسترر،
کندی ایسه دائماً کوزینک او کندن آیرلیان اوجسم لطیفی
قوجاقلامغه جان آندینی حالده انسانک هر املنده اولان نقطه
انتها کبی نه قدر تقرب ایدرسه آنی اودرجهده تباعد ایدرکبی
کوردکجه وجودینه اولان اعتمادینی بیله غائب ایدرک وارلغنه
کندینی ادراک جسمانیتنه هر طرفنی لمس ایله حکم ایلردی . فقط
خیالنک غلیان تمیزینی یالکز برکیجه ستر ایده بیلشیدی .
وقتا که صباح اولدی، کونشک پرتوی جهانی استیعاب
ایدن قرا کلغی محو ایتدیکی کبی سحرک فیضیه فکرنده طبیعی
حاصل اولان انجلاده خیالنده کی مظلم مظلم و اهمه لری ازاله
ایلدی . ککوکلنده ، ذهننده هیچ اولمزه شهریار قدر و فقط
شهریار برابر اولقسزین عادل کرایک مجلس الفتندن مستفید
اولمغه چاره تحریسندن بشقه بر آرزو بر خولیا قالمامغه باشلا.
مشیدی . او چاره یی بولمق ایچون هیچ صعوبت چکمدی ، شهر-
یارک ایکی اوچ کیچده بر کره خدمت شاهیده نوبتجی قالدینی
و بناء علیه او کیچهلر کندی ایچون بر کوزل زمان فرصت اولدینی
دوشونهرک معهود مذاکره لرک بر حسن نتیجه و وصولندن زیاده
امید کوستررسه مکالمه یی هر کیچیه بندیرمک و او جهته شهر-
یارک نوبتجی بولندی صره لوده عادل کرای ایله تنها بولمق قابل
اوله جفته قرار ویردی . حتی محرمانه الفت خیالیرینی اودرجه

حقیقت شکلنده کورمکه باشلامش ایدی که هر صره هر حقیقته واقف ایش کبی بزم انستلرینه نکهبان. اوله جق نوبجیلری کندی عنایت دیده لرندن بولندیرمق و او عنایت دیده لرینی ینه شهر یارک آدملری آره سنه صوقشدر دینی خواص منتسیدیندن آیرمق رأینده بولندی. حتی استخدام ایده بیله جکی آدملری ذهنده همان او کجه دن قرارلشدیردی.

پریخان اوزمانه قدر فکرا قرارلشدیردینی هیچ برتصورینی عیناً فعله چیقارمقدن عاجز قالمدینی ایچون بوتداییری ده تجار بنه قیاس ایله مقصدینک حصولجه قطعی التأثير عد ایش و او جهته کوکلنده کی اضطرابلر بر کوزل سکونته بر بیوک مسرتنه منقلب اولمشدی .

انجق اوسکونت اومسرتده بر چوق زمانلر دوام ایده مدی انسان ایچون برحاله و خصوصیه آمال محبتده مقصدک مقدمه سیله دکل نتیجه سیله بیله قناعت محالاتندیر .

حتی روح نه قدر لذته مستغرق اولسه ینه انک فوقنده یرلذت تحریرسندن خالی قالمدیغیچون عشقک طورلری درجه لری کوریلورکه قلبه وصال عالنده هجراندن زیاده اضطراب و یرر. طبیعتده اولان او خاصه غریبه نتایجندیرکه پریخان املنک حصولنه اطمینان حاصل ایدنجه همان کوکلنده بریکی املدها پیدا ایتکه و بو ایکنجی املیچون اولکندن زیاده خلبانلره دو شمه که باشلادی. او املده محبتنه عادل کرایدن مقابله کوره بیلک آرزوی طبیعیسی ایدی. بوارزو ایسه اله اولان

اسبابی حسن استعمال ایله حصوله کلیه حالردن د کلدی که
نقوذینه درایتنه استناد ایتسونده آکاده بر چاره بوله بیله جکندن
امیدوار اولسون .

پر یخمان بو ارزو ایله هر درلو احتمالاتی برر برر پیش
نظر دن کچر دیکی صره ده - دنیا ده برنجی دفعه اوله رق
کوکنده بر محبت حس ایتدیکی کبی ینه برنجی دفعه اوله رق
کندی سیما سی دوشوندی کوزلکی خاطرینه کلدی . فقط بو
خاطره مرآته اولکی بیقیدانه نظرندن حاصل اولان تصور لره
مستند اولدیفی ایچون پک ده اعتمادینه مظهر اوله مدی . همان
یرندن فرلادی آینه بنده کندی بر نظر امعان ایله تماشا یه
باشلادی .

اویقوسزلقدن کوزلرینه بر خار چوکش باقیشی سودا قدر
طاطلی بر حزن ایچنده قالمشیدی . تعب جسمانی سیله اشواق وجدانی سی
بر برینه غلبه ایله اوغراشدقجه او کوزل چهره سی کاه صباحه
قالمش مهتا بلر کبی نور ایچنده بر طونوقلق کویستر کاه کونشک
ضیاسنی هنوز بلع ایتکه باشلامش کافجه لری کبی پنبدلکله مترج
بر نور لطیفه مستغرق کورینوردی بولطائف ایله کندی جمالی
کندی سنه ده دنیالری مقنون ایده جک قدر کوزل کورینوردی .
فقط قلبنه بتون بتون قناعت کلدی کوزلک مقصدینه خدمت
ایده بیله جکی ایچون ذهنی کندی بکنمکه کویکنه آلدانمش اوله
بیلسنه احتمال ویردیکندن ساعت لره آینه قارشیندن آیرلمدی .

اسیر آتش ویریشی ایدن قوجه قاریلردن، او طهلق آلمق استیان
کنج بکلردن دهامشکلپسندانه بر نظر له سیمانک : اندامنک هر جهتی
آیری آیری تدقیق ایلدی . محاکمه سننده نهایت درجه لرده
خصمانه طور انمغله برابر هیچ بر طرفنده حسننه سکنه ویره جک
بر نقیصه دکل حتی لطائفک مجموعنه بر حسن دیگر علاوه ایتیه جک
قدر عادیلک بوله مدی . بوجهتله اندیشه سی عادل کرایه کمرینه
توافق ایدوب ایتامکه منحصر قالمشیدی . او اندیشه بی ده آرزمان
ایچنده دفع ایلدی . چونکه طبیعتنده بدایع فکرنده حقیقت ایله
او قدر امتزاج اولان بر نوجوانک ماهیت جلال ادرا کندن
عاجز قاله جفته عقلا بر درلوا احتمال ویره مدی . بالعکس کوزلکنه
نه قدر اطمئنان حاصل ایلدی ایسه عادل کرایه کندینی سودیره
بیله جکنده او قدر امید لر حاصل ایلدی . جرأت تشبث ، حدت
نظر . آرزوی معالی کبی مزیت لرده عادل کرایه نفسنده بولدینی
مشابهت دخی او امید لره خیلیدن خیلی قوت ویرمشدی .

کیده کیده امیدینک حصولنی لوح ازلدن تحقیق ایتمشجه سننه
کوکله بر اطمئنان ، برسکون کلمکله اورته لق آغارمغه باشلادینی
زمان خزان دور لرینک صبح شافعیسی کبی غریب ویاس الوده
بر جلال حزین ایچنده بولنان پر یخان انفلاق سحردن برساعت
کچر کچمز حرارت محبتدن نامیه نوجوانینسنه کلان فیضان ایله
او قدر رنگ رنگ لطافتلر ، او قدر طاتلی طاتلی کشایشلر ، او قدر
نازک نازک تبسملر ایچنده قالمشیدی که حانه باقائلر بدایع نوبهار

انسان شکنه تمثیل ایشم ظن ایلسه روا ایلدی . حالندن اغیاره
رنک ویرمامک ایچون برمدت مجاهدۀ نفس ایله کتم سرورده
برملکه پیدا ایلدکن صکره حضورشاهی به دخول ایلدی .
جزه میرزا ایله شهریار مجلسده حاضر وصحبت ایسه بالطبع عادل
کرایه دائر ایلدی .

پریخان نهایت درجه لوده صوغوق ، فوق العاده بیقیدانه
برطرز ایله کندی فکرینه قالیرسه مسئله بتمش حکمنده بولندیفی
وبلکه شمیدی به قدر بر نتیجه به واصل اولنه مامسی ایشک صیغجه
طوتیله مامسی جهتیله خانزاده نك مؤثر بر معاونت کورمه کلا یقیله
امنیت ایده مدیکندن نشأت ایلدی کی اغلب احتمال اولدیغی سویلدی .
ومناسبت دوشوره رک عادل کرایک فطانتی بر از استخفاف ایله
برابرغازی کرای بر لکده کورتورمک ایستمسیده جالب نظر بر حال
اولدیغی ایما ایلدی . بو افاده لر یله احوال قلیسه سنی شهریارک
دقت ضمایر کشایانه سندن پک کوزل ستر ایده رک رقینک نظرنده
عادل کرایه بیاغی بر درجه به قدر خصم کورندیکی کبی مذا کراتی
صیغی طوتمق رأی ملاقاتک ده سرعتله تکررینی ایجاب ایده جکندن
پریخانک ایشده کندینه اشتراکی شهریارجه بتون بتون تأثیرینی
دکشدیره رک اوللری نا کهظهور بر مصیبت کبی کورینورکن
شمیدیلر ده غیر مترقب بر نعمت حکمنی آلمغه باشلادی .

شاهک حضورنده ویریلان قرار اوزرینه بر برینک حالندن
خبردار اولمیان ایکی رقیب همان ایکی کیچه ده بر کره عادل کرای

ایله اجتماع ایدر اولدیلر . آرده کچن محاورات ایسه یك آهنگ اوله رق پرینخان ایران امراسنک افکارینی تأمین بهانه سیله غازی کرایک ایرانده قالمسنی مقصدک حصولنی تسریع وسیله سیله عادل کرایک یاننده ایران عسکری بولنسنی التزام ایدر عادل کرای بولتکلیفله دائر برنجی کجه ایراد ایلدیکی معذرتلری کاه الفاظنی تحویل وکاه معناسنی ایضاح ایله تکرار ایلر شهریارده قبولی ناقابل برطاقم تعدیلات ایله کویا ایکیسنک آرهنی بولمغه چالیشیر ایدی . بواوچ فظت فوق العاده صاحبی هربری بر بشقه مقصده مبنی ایشی اوزاتمغله اوغراشهرق کندی املازینی ترویج بولنده بربرینکده املنه خدمت ایدر طور لرلردی .

شهریار فی الحقیقه قرق سکز ساعتده بر کره عادل کرای کوره بیلکده اوله رق بوا یسه اسکی ملاقاتلرینه نسبت پک صیق و بناء علیه اولکی حالنده بولنسه کندنجه فوق الغایه تشکری جالب ایدی . فقط بر کره عادل کرایه محبتنی آچیقدن آچیغه سولش بولندی . بویله جمانک برنجی پرده لری بیرتیلدقدنصکره سودیکنه قارشو کوکلنده کی منویاتی سبترایده جک بر حال قالمدیغندن آرزوسی قدر معاملات نازونیز ایله اکلمنک ایستر و اواملنک حصولی ایسه بر عالم تنهایی یه محتاج بولندیغندن دائما ره لرینه کیرن پرینخانی قلبا نهایت درجه لرده استتقال ایلردی . عادل کرای بالعکس شهریار کندیله کورشدکجه یانلرنده عفتک ادبک او یله بر ظل مشخصی موجود اوله رق قادینک خلیع العذار لغنه پرده کش

رجز اولدیغندن طولایی نهایت درجه لرده ممنون ایدی .
پریخاناک ایسه محرومانه الفت شهریار دن بیک قات زیاده
شوق ایله ارزو ایلدیکی بر بختیارلق اولدیغندن عادل کرایک
نوبتجیلرینه دائر تصور ایتدیکی تدبیر لریک هپسنی بر قاچ کون ایچنده
فعله کتیرد کدنصره بر چهارشنبه کیجه سی ایدی که معلوم اولان
مجلس مکالمه ده شهریار ایله برابر بولنماق ایچون تمارض ایلدی .
عادل کرای ایله تنها کورشمک شهریارک جاننه منت ایدی
فقط رنک ویرمامک ایچون «سز برابر بولنمه دقجه نه فائده حاصل
اولور ؟ مذا کره نی بشقه بر کیجه یه براقلم !» یوللو استغنا لره
دو کولدی . پریخان قادینک بو استغناسنه « ذاتاً مذا کره سزک
همتکزله وجوده کلامشی ایدی ؟ دوامنده بنم بولنشم بولنیشم
مساویدن . هم دائماً ایکی کشی برابر بولنمقدن ایسه آره صره
کندیسنی تنها کورسه کزدها کوزل اولور صانیریم . بنم تکلیف لر مجه
اصل مطالعه سی نه ایسه اطرافیه آکلایه بیلیرسکز .» سوز لریله
مقابله ایلدی . شهریار ایچون بورایه موافقت بر عمر ابدی یه
دکر نعمت لردن ایدی ، فقط طالعندن آرزوسنه بودرجه لرده
موافقتی بر درلو امید ایده مدیکی ایچون اوسوز لریک پریخان
طرفندن بر تجربه اوله بیلسنه احتمال ویردیکندن ، هم تجربه یه
بر دیگر تجربه ایله مقابله ایدوبده حقیقت حالی آکلماق ،
هم ده ظهور ایتش بر فرصتی بتون بتون الدن قاچر مامق ایچون
«حقکزوار اما مجرد بنم خازاده ایله تنها کورشمک کلمده حاصل

اوله جق فائده مكممل اولمز . آره صره سزده ككندینی یالكنز
كورمليسكز . بنم تكليف لرم حقنده كی فكرینی تحقیق نیورمليسكز كه
مسئله تماميله تشریح ایدلسون ، نه یه قرار ویريله جك ايسه ایجابنه
باقلسون . « دیدی . پریخان اویله بر رأیده بولنمقدن مقصدی
ايسه ذاتاً بوتیجه بی استحصال ایدی . ایشك بویولده قرار بوله جفته
اولدن امین اولدیغی ایچون او قدر زیاده مسرور اولدی كه
ممنونیتك كتمنده بر صعوبته اوغراسون . او فاجق بر همتله
بتون بتون بر طور بی قیدانه به دو كولدی . شهریارك رأینه
« اوده اولور . » كلمه لريله بر قیصه جواب اعطا ایلدی .

شهریار پریخانك بو طورینه باقهرق حر كتمنده بر تجربه میلی
ویا خود كندیسندن شبهه لئك اماره سی اولدیغنه قطعاً حكم
ایلدی . حقیقت حالده پریخانك كو كلنده اویله بر میل ، فكرنده
اویله بر شبهه یوق ایدی . شهریار بو صورتله پریخانده كو كلنجه
حاصل ایلدیكى امنیت اوزرینه آمانه دهه زیاده بروسعت ویرمك
مطالعه سیله « خاطریمه بر شی كلیر ، عجباً عادل كرای ایله دائماً
آیری آیری كورشسهك ، شاید بریمز ایشك بر جهتی بوزار سهق
دیكریمز تعمیر ایلسهك دهه مناسب اولمزی ؟ » دیه جك اولدی
بودفعده پریخان امتحانه چكلمش اولق واهمه سنه دوشهرك
« بنده كزه قالیرسه بو صورت مناسب دكلدر ، دائماً خان زاده
ایكیمزی بر بر مزدن آیری كوردیكى حالده نه قدر تأمینات ویرمش
اولسهق نه طبیعی بینمزده اتحاد اولدیغنه حكم ایدر ، قطع امید

ایلر بتون بتون ایش بوزیلور . آره صره آری کورمک بشقه دایماتنها کورشمک ینه بشقه دراره سره آری کوریشلورسه مشغولیت کبی کیفسزک کبی بیک درلو عذر بولنه بیلیر یاننه هر وقت ایری کیدیلنجه عادتک بوتدلنی نه ایله تاویل ایدرز « سوزلر بله مقابله ایلدی .

پریخانک جوابی شهریارک املنی بر درجه یه قدر تحدید ایتمش ایسه ده تنها کورشمک قرارینه بتون بتون مانع اولدیغیچون شهریار - ظاهرده پک معقول کورنیمان - رأینده اصرار ایدوبده پریخاننی شبهه یه دوشور مکدن ایسه ایشک اودرجه سیله قناعتی بیک قات خیرلی کوره رک اره صره آری کورشمک دها مناسب او جفنی اعتراف ایتمش وبواعتراف اوزرینه پریخانده تجربه یه او غرامش اولمق شبهه سندن قورتلش ایلدی .

شهریار « بن بواقشام خانزاده یی براز صقشدیرم . سزده یارین اقشام کوروشور محاوره مزک تأثیراتی اکلار سکز » دیره ک پریخانه وداع ایلدی .

شهریار عادل کرایک یاننه تنها داخل اولنجه کچن مجلسلرده پریخاننی پک کوزل اداره ایلدیکندن و مرحتی کندنک ناموس و حیاتی محافظه ایتمش اولدیغندن بمثلر آچهرق ایرانک مبالغه لرندن مداهنه لرندن دها بالاتر برلسان ایله برچوق تشکر لرایتد کدنسکره بحثی محبتیه انتقال ایتدیردی وایمادن باشلا بهرق آرزوسنی اون دقیقه ایچنده صراحتیه چیقاردی عادل کرای تریه سی ، ظرافتی

و خصوصیه بولندیفی حالك آجآتی جهتیه او آرزویی کویا هیچ
اکلامز ایمش کبی برطاقم ذوالوجهین جوابلر واهی امیدلر
التنده مستور برافغه چالشیر والشدیفی اخفای مرام قوتیه
شهریاردن نفرتنی ادب و عصمت شکلنده کوسترمکه موفق اولوردی.
شهریار ایسه - هرصاحت املک حائنده کورلدیکی کبی -
عادل کرای طرفندن بررد صریح کورمامکی امیدینک تخلف
ایتمیه جکنه برهان واضح صورتده تلقی ایلدیکندن ایشک بودرجه سنی
مأمولندن بیک قات بالاتر بردولت عد ایلردی .

ایکی طرف او یله برطاقم حسیات متضاده ارمسندہ ایکی ساعت
قدر وقت کچرد کدنصکره بربرندن مفارقت ایتدیلر .
شهریار مجلسک ختامی صرہ سنده ایدی که معهودمذا کره
عطف مقال ایده رک ایرتسی اقسام کندی شاهک یاننده نوبتچی
اولدیغندن پرینخان یالکزجه کورشمکه کله جکنی سویلدی و عادل
کرای کندنندن بشقه جایه ایدر کیمسه اولمدیغنی کوستروبدہ
معنوی برمنت التنده بولندیرمق ایچون بیچاره قزه ریا کارلق
ناموسزلق خائسک و حتی سحارہ لک کبی عقلنه کلان هر درلو
سیئاتی اسناد ایتمکه - اکا دائر اولان اولکی صحبتلرندن
برقاچ قات زیادہ تشدید لسان ایدرک و پرینخانک مذمتنه « انسان
قانی ایچمش بر مخلوقدن نہ امید ایدرسک » سوزیلہ ختام
ویره رک عادل کرایہ نہ قدر اقتدار عرقانی وار ایسه جله سنی

احتیاطه صرف ایله رنك ویرمامکه اعتنا ایلسنی تکرار تکرار
توصیه ایلدی .

عادل کرای اوکیجه لکده دفع بلایه مقتدر اوله بیلدیکندن
طولایي خواب حضوره طالمشیدی پرینخان ایسه ایکی دقیقه جق
اولسون کوزلرینی قیامغه مقتدر اوله مدی او طه سی تنها قالنجه
یتاغنک اوزرینه طوغرلدی فکرینی بتون بتون امید وصاله
حصر ایدرکدها کونش طوغمزدن غروب به انتظار ایتمکه باشلادی .
نظرنده زمان انتظارک هر ساعتی اوقات جهنم کبی سنه لردن
اوزون کورینوردی فقط او عذاب مدید ایچنده شوق محبت
وامید وصالدن کولکنده حاصل اولان حسیات ایله او قدر انبساط
او قدر فرح بولوردی که فیاض قدرتک دوز خدیه یله اذواق
جناندن مستفید اوله جق قدر بر لطف خاصنه مظهر اولمش کبی
کورینوردی .

وقتاکه اقسام ایرشدی پرینخان وجودی مستور قاله جفچون
البسه سنه اعتنایه حاجت کورمیه رنك طبیعتنده نه قدر ظرافت
وارایسه مستوریتنی آچیققلق قدر خاطرربا، انتظامنی پریشانلق
قدر کوزل کویستمکه حصر ایلدی، ارقه سنه کومش تمغالریله
براق یلدیزلی کیجه لوی آندیرر، آچیق مائی برجار اور توندی
چهره سنی قیامق ایچون بیاض تلدن برنقصاب اختیار ایلدی
اور توندیکی جارك او جلرینی ایچ طرفندن قوشاغنه برحاله

ایلسدیرمشیدی که خار جدن کورنلر ایچون اندامنک تناسبنی
عینله تصویر ایتمک قابل اولوردی تقابلی او قدر خفیف ایدی که
تنفس ایتدکجه نسیم سحره اوغرامش برک سمن کبی طاغلیویوره جک
ظن اولنوردی .

بو روحانی جاذبه لر بو عاشقانه طور لرله عادل کرایک
اوطه سنه کیردی بر مناسب مقام اختیار ائیدی هر طرفنک
تناسبنی، لطافتی، وجودینک بیاض لغنی، صفوتنی کوسترمک ایچون
صاغ ایاغنی جارندن طیشاری بر اقدی صول الینی دیزینک اوزرینه
قویدی اوطوردی بر حالده که اوطوردینی یردن موملرک
انعطاف ضیاسیله چهره سی تارنکنه وارنجه یه قدر سچیلیردی
ایاغنده کی ظریف بر عجم پشماغی پارمقلرینک صورت تشکلی
بیله کوسترر الی ایسه بیلکنه قدر بتون بتون اچیقده بولنوردی .
عادل کرای فوق العاده متمکن بر شهزاده اولمغله برابر
کنجلیکنه منضم اولان مشرب شاعرانه سی اقتضاسنجه جاذبه
حسنه مقاومت شانندن اولیان و کولکنک عنصر ترکیبی ینار
طاغلردن النمش دینلمکه شایان اولان سینه سوزان محبتدن ایدی
رنک طراوتی هالده پنبه لکنی کوسترن انعطاف ضیا قدر
دلفریب بر لطافت - جاذبه جال وزینت اندامی بارقه مهتابدن
برالهة الجمال تصویری دوکلمشده سمانک الرنکین الکنجم آلود
بر پارچه سنه بورنمش ظن اولنه جق قدر نظرربا بر بدیعه ایله
قارشیسنده اوطوران پریمخانی کورنجه و وجودینک الرنک

ایاقرلینک خیالات رسامانده بیله مثل مشهود اولیان تناسبنه
دقت ایدنجه پریخانہ همان برنظرده پرستش ایدرجه سنه مقتون
اولدی ذاتاً برحسن طبیعت صاحبنه کوره کوزل برجاله محبت
وقته محتاج اولور حاللردن دکلدنر ماهیتندہ استعداد اولان
اجسامہ تنور ایچون کونشہ برکره مقابل اولمق کفایت ایدر .
عادل کرای ایله پریخان بربریلہ برطاقم بحثلر مذاکره لر
ایدرلردی لکن یاری اویقوده ایکن ایشدکلری سوزہ جواب
ویرنلر کبی لسانلری ناطقیت ملکه سیله سوز سویلر ذہنلری
درک مسموعات باعتباریلہ مأل اکلاردی .

خیاللری فکرلری تمیزلری وجدانلری ایسه بربرینک
تماشای جالیله براستغراق صرف عالمنه دوشه رک ازواق محبتدن
روحانیت سودادن بشقه برشیلہ اوغراشمغه وقت بوله مزدی .
اوله ایکی سودا زده غفت مزاجک هیچ بری دیگرینک
حالندن خبردار اولمقسزین حسن وعشقک جاذبه طاقک کدازیلہ
روح وجدان کبی بربرنده محو اولمشجه سنه کچردکلری اوزاق
معصومانہ حقیقه ملکلری خنده ریز نشاط ایدہ جک لطائف
روحانیه دن معدود اولسه روارد .

ایکی اوج ساعت صکره بربرندن آیرلایلر فقط جان بدنن
آیریلر کبی آیرلایلر بحثه دائر اولان لقردیلرینک خلاصه سی
ایسه کلاشلز برقچ کله ایله پریخان طرفندن اولکی تکلیفلرک
عادل کرای طرفندن اواکی معذرتلرک تکرارندن عبارت ایدی .

هر کس يتاغنه چکيلنجه — او ملاقاته قدر کندینی سودیره
بيله جکندن امين اولان — پريخانک کوکلنه ينه بيک درلو
خلجانلر بيک درلو شههلو هجوم ايتمه باشلادی عادل کرای
او مجلسده امیدندن زیاده کندینه اسیر ایلدیکی خانزاده نك
هر حالندن آشکار اولور طورردی فقط معشوقنک وجودی
قارشيسنده بولندقجه هر طرفی نقاب نورایله مستور کورندیکندن
بیچاره پريخانک آفتابه مدنکاه ایدنلر کبی باصره سی خیره لرايچنده
قالمش و اوجهتله هيچ برطورينه ذره قدر دقت ایده مامشیدی
یا لکز حفظ ایده بیلدیکی سوزلرینی خاطرندن کچیره رک شهریار
ایله برابر بولندیغی زمانلر ایدیلان محبتلردن دها روحسز
بولور و بو حال ایسه فکرأ کندینی بکنندیکنه جل ایتک ایستدکجه
قلباً مجلسک تنهانی جهتيله ضروری اولان تربیه ره رعایت کبی
بيک درلو تاویلرله او احتمالی دفعه چالیشیردی بو حال ایله
بردیگر ملاقاته انتظار ایتدیکی وقتلری — علیه نه جزای اعدای
دعوت ایدر بردعوی اقامه اولنانلر قدر — اندیشه لرا اضطرابلر
ایچنده کچیردی .

بری طرفدن عادل کرای قرانلق زندانلرايچنده ایکن اطرافنه
نوریاغمه باشلامش — عذاب آلوده مزارلر التده ایکن برملک
مبشر نازل اولمش کبی سراپا شوق و سرور کسله رک پريخانندن
بشقه دنیا ده کوزینه هيچ برشی کورنمز اولمش و کندینی بتون
بتون اذواق عشقه تسلیم ایدرک آلام عالمی عدم آبادنسیانه قدر

اتمش ایلی حیفا که انک ایچوندر بودوره سعادت بش اون
دقیقه دن زیاده سورمدی چونکه شهریارک کندینه محبت
واوجهتله بالطبع پریخانه رقابتدن حاصل اوله جق نتایجه دائر
ذهننه عارض اولان واهمهلری دفع ایله اوغراشمقده ایکن
بردنبره قادینک بیچاره پریخانه اسناد ایله کی صفت سیئه بی تخطر
ایتدی شهریارک مذمتلرینی خوف رقابته جل ایتک ایستدی
ایسه ده شاه اسماعیلک اعدای عموماً پریخاندن بیلندیکی ایچون
«انسان قانی ایچمش برخلوقدن نه اومارسک» سوزینی بردرلو
خاطرندن چیقاره مدی. بیاغی اودنانشده برقادینه میل ایتدیکندن
طولانی ککولکنی یرندن قوپاروبده ایاغنک التده ازه جک
درجه لرده کندی کندندن نفرت ایتمه باشلادی حتی مجاهده
نفسده اولان قدرت فوق العاده سی جهتیه ساعتلرجه اوغراشهرق
پریخانک خیالی بتون بتون ذهنندن رفع ایلدی ، هیچ اولمزسه
رفع ایتمش اولمق اعتقادنده بولندی .

ایرتسی اقسام شهریار پریخانک یاننه کلهرک تنها ملاقاتنده کی
مباحثه وحسیاتنک نتیجه سنی سـؤال ایله «بحثک خلاصه سنی
اولکی مذاکره لره عینیدر . سوزلوندن سزه دائرده هیچ برشی
سزدرمدی عجایب مشربلی برآدم برآزدهای صیقشدرملی نه
یایلی ، جوابی النجه بر فرصت ملاقات دهاله کچدیکنه حکم
ایتمش وفی الحقیقه سفرزمانی دهاکلمدی ایسه ده لازم اولان
تدارکاتی اکیال ایچون ممکن اولدیغی قدرسرعتله برقرار ویرمک

مهم اولدیغندن طوتدیره رق همان او کیجه ینه برابرجه ملاقاته
کیدلسنی رأی ایلمشدی پریخان ایسه بولندیغی بحران تردد دن
خلاصنه چاره منفرد اولان بورأیی ده براز استغنادن صکره کویا
مجرد خدمت شاهیده قصور ایتمامک مجبوریتله قبول ایلدی .
پریخان فکرنده نه قدر قوت و ارایسه جله سنی تأثیرات محبتنه
غلبه به صرف ایدرک شهریار ایله برابر عادل کرایک مجلسنه کندیکی
زمان هر طورینه هر وضعنه او قدر دقت ایتمش ایدی که بارقه
ذکاسی بتون بتون کوزلرینه طوپلانمش دینلسه روا ایدی .
فقط عادل کرایک یوزینه ده برنجی باقیشنده پشیمان اولمغه
باشلادی چونکه عادل کرای پریخانی کورنجه - شدت مفتونیت
بر حقلی سبب ایله بر طرف برینه شدت نفرت بدل اولمق طبیعی
بولدیغیچون - کوکلنده غلیان ایدن غیظی چهره سندن کوسترمامکه
بردرو مقتدر اوله مدی شهریار دن اولان استکراهنی خفیف
خفیف تبسملر نازک نازک استهزالرله سترایده بیلیردی فقط نه زمان
پریخانه توجه ایدر سه سیاسی جلادینه قارشی یانان مخلوق قدر
قورقوج بر شکل غریبه کیرزدی بیچاره قز بو اوضاعی کوردکجه
وجودینک هر ذره سی آیری آیری پاره لنه جک بردرجه به قدر
کلمشیدی کویا که معشوقنک جانندن آیره مدیغی خیاط باصره سنک
هربری قزغین بر میل اولور بیننه صاپلانیردی کویا که طیشاری
آتمغه میدان بوله مدیغی کوزیا شلرینک هر دانه سی بر طمله آتش کسلیلیر
قلبنه دو کولوردی .

شهریار کمال شوق ایله بحی اداره ایلدیکی صروده برقاچ دفعه سوزه قاریشه بینه رک انده ده محبته مغلوبیتدن وعادل کرایک توجهنه عرض اشتیاقدن کندینی الهمدی اولکی مجلسلرک خلافتنه اوله رق شهریارک تکلیفلرینی تخفیفه چالشدی خاتزاده ایسه نقرتی اودره جه ایلری کتورمشدی که بیچاره نك بو طور رضا جو یانه سنه دقت بیله ایتدی .

عادل کرایک اودقتسز لکنه باقرق شهریارده دائم پریخانک سوزینی کسر و اولکی تکلیفلرده اصرار ایدردی بحی آزدیره آزدیره مکالمه بی قطع ایده جک درجه لره کتیر زکری صروده شهریارینه لسانی دیکشیدردی خاطر جو یانه برطاقم مکالمه لره عادل کرایک تسکین ایدرک مذا کره بی ایرتسی کیجه یه تعلیق ایلدی .

پریخان چکدیککی بار آلام آلتنده بتون بتون ازلمش، محو اوله جق درجه یه گلش اولدینی حالده او طه سنه کیرنجه همان چارشینی تقابنی آتهرق یوزی اوستنه یتاغه بیقلدی برایکی ساعتلر هیچ برشی دوشونمکه مقتدر اوله نقسزین طویه طویه اغلادی انکله ده تسکین اضطراب ایده مدی عادل کرایک حالی دوشنوردی هر وضعنده مبالانسز لغه دکل بیاغی نقرته نیجه بیک دلیل بولوردی سبب تحری ایدردی خاطرینه ذره قدر برشی کتیر مزدی شهریارک فسادینه حل ایتمک استردی حال بوکه انک ده عادل کرایک کندنن صکره کورم دیکنه ولوکه کورمش اولسون او یله برفساده بولنمق لازم کلسه کندینی برابر کورم بکده بو قدر خواهش کورسترمیه چکنه خصوصیه

شهر یاریک او یله برفساده قیام اتمسی ایچونده برسب بولمدیغنه
شهر یاریک ایسه لزومسزیره هیچ برشیئه تشبث شانندن اولمدیغنه
نظراً اکاده بردرلو امکان ویره مزدی ذهننه امواج دریا عددنجه
واهمه لر هجوم ایدرینه جله سی امواج دریا کبی هیچ برشکلده
طور مقسزین محو اولور کیدردی وجودی کولکنده کی محبت کبی
هم از بلیش همده حضوره بتون بتون دشمن اولمشدی کوزلرینه
باشنده کی سودا کبی قور قنج قرانقلر چو کردی فقط کویا که
اوسودای مظلک دهشتندن او بقو باننه تقرب ایدمه مزدی .

نظرنده مزاردن هیچ فرقی اولمیان او طه سنده نارسیده مدفونلر
کبی ایکلیه ایکلیه صباحه واصل اولنجه سیسز بلالره ناکه ظهور
مصیتلره ده بتون بتون مغلوب اولمق شانندن اولمیان قوه قلب و متانت
افکاری سایه سنده کندینی بردرجه به قدر واهمه لردن تأثر لردن
تجرید ایدرک عادل کرایده کوردیکی حالک بای حال سببی اکلماغه
ذهنده قطعاً قرار ویردی او عزم ایله طوغریجه شهر یاریک یاننه
کیدرک و کجه کی شدتندن طولایی نخوتنه طوقونیه جق صورتده
بر طاقم خفیف تعریض لردن صکره ایران ایچون او قدر فائده لی برایشی
قوه قریبه به کیش ایکن بویله عارضه لوله ایستیلان نتیجه یی تبعید ایدوب
طور مقده هیچ معنی اولمدیغنی بیان ایله « بو کجه بن یالکز کیدرم
خانزاده یی هیچ اولمزسه اولکی ملایمتنه ارجاع ایدرم » دیرک
سائقه مصلحتله شهر یاریک رأینک قبولنه مجبور ایلدی .

اقشام اولوبده پریخان شهریار ایله بولندیفی زمانلردن
دها مستور دها زینتسز بر حال ایله او طه سنه کیرنجه عادل
کرایک ینه انفعالات قلیبه سی بردن بره غلیان ایلدی بادیء
نظرده پریخانک او قدر زینتسز بر طرزده کلمسندن ممنون اولمق
ایستدی صکره او حال ایچونده بر قاندها غضبی زیاده لشمکه
باشلادی پریخان هر نه یاپار هر نه سویلر سه کوکلنده قپانغه
یوز طومش اولان جریحه نك بر طرفنی یارمق تازه ملك قییلندن
ایدی بتون بتون انقطاع القتله چکدیکی اضطراب دروندن قورتلمق
ایچون هر چه باد آباد قرار مایوسانه سنی کوزه الهرق پریخانک
اک نازک اک ملایم سوزلرینه بیغنی تربیه سنه یاقشیمه جق
و خصوصیه بولندیفی حال ایله هیچ مناسبت المیه جق درجه
لرده چرکین مقابله لر ایدردی پریخان بو حقارتلری انجق یارم
ساعت قدر چکدی بیلدی نهایت بتون بتون صبر و سکوتنی غائب
ایلیه رک واغلامق میلنه بیك بلا ایله غلبه ایدره رک شو یولده
بر مجادله یه باشلادی .

پریخان — صانیرم که بن شمیدی یه قدر سزه رعایتده
قصور ایتدم حقمده بو معامله کز نه در بر قباحتم وارسه
سویلیکز .

عادل — ای بن سزه نه یاپورم .
پریخان — شو سوز کزدن ده نه یایدیفکزی اکلامیور میسکز
عادتا حقارت ایدیورسکز .

عادل - استغفر الله بن اسير بر آدم بر شاه همشیره سنه
حقارت نه خدمدر .

پريخان - مانع دكل حقارته برده استهزا علاوه ايده بيلير-
سكز مرد اولانلك شاني عاجز قادينلره اويله معامله اتمكدر .

عادل - عفو بيوريكز بنده كزي سوز سويلكه مجبور
ايدرسكز صكره بلكه تربيه نك خارجه چيقارم .

پريخان - سويليكز قباحتم نه اوليور سويلز سه كز مرد دكلسكز .

عادل - (براز تر دد نصكره) افندمز بنده قان دوكرم

اما غوغاه دوكرم كيزلي او طه لر ايچنده دكل .

پريخان جوابدن عادل كرايك مقصدينه انتقال ايدنجه

اللايين باشنه قويه رق و كال نفرت و حدتله بر آه ايده رك «شاه اسما»

عيلي بنم تلف ايتديرديكمه سزیده ايناندرديلر يانكزه كلابجه

قارشيكزده پوصودن اوريجي بر حيدود طور ييور فرض

ايدورسكز بكا ايتديككز حقارتلر كوكلككزك نفرتندن كليور

اويله مي ؟ اسماعيلي كندی حياتي مخاطريه قويدمه بن شاه

ايتدم خلق بويله شيلرده بر آز نفوذم اقتدارم اولديغني بيليرلو

بيچاره نك قاتلي بيلنمديكيچون ذهنلرنده اويله قباحتي بكا اسناد

ايتديلر يوقسه بالله القهار اعدامنده نه رأيم وار ايدى نده

كندينه قصد اولنه جفني زره قدر نفرس ايده بيلشدم (شدتله

يوزيني آچهرق) يوزمده كي تقابي حجامدن اور تلمشميدر صانيور .

سكز باقكز ! چهره مده خائن قيافتي - كوزمده جلاد باقيشي

-- بر طرفده قان لکهسی کوره بیلورمیسکز بن کیدرم بوندن
صکره یانکزده کلم شاهنک قانی ایچن بر جانوار سزه کیم
بیلیر نهلر یاماز دیدی قویه طوغر ولدی صوک لقر دیلرینی
سویلرکن ایسه کوزلوندن باران بلا کبی یاشلر دوکولمکه
باشلامشدی بو صورتده که حدتله آل آل اولان چهرهسی
اوزرنده آقوب کیدن کریه دانهلر یله شهابلره غرق اولمش بر
شفق بلوطنه بکزه مش ایلدی .

پریخان فی الحقیقه شاه اسماعیل مسئله سنده بیکناه اولدیغندن
قلبنده کی اطمینان قوتیله هر سوزی و بلکه وضعی معصومیتنه
بر برهان بدیهی کسلدی عادل کرایک نظری ایسه فهم حقایق
ایچون لسان حالک او قدر اطلاقنه محتاج اولدیغندن کولکنده کی
شبهه لر -- نفرتلر تمامیله امنیته مفتونیتنه انقلاب ایلدی .

پریخانک او یله بر مهارت دل شکارانه ایله تقابلی آچیلوبده
عادل کرای بر قاج کیجه اول پرده آلتندن خیال میال تماشای
ایلدیکی مه جانی هر درلو حائلدن مجرد اوله رق کورنجیه
کولکنده کی حال محبتدن آرزوی پرستش درجه لرینه یاقلاشمش
ایدی هله او حال حزین ایله او طه دن چیقیمق ایستدیکنی
کورنجیه بتون بتون اختیاری الندن کندی همان او کنی
کسه رک « الله عشقنه مرحمت بیورکز جریمک نه قدر بیوک
اولدیغی بیلیرم کوزلر کزدن بغیر حق آقان بر طمله یاش یرینه
صوک قطره سنه وارنجیه قدر قانی دوکسلرینه آذر لکن

بنی خلقك كفتكوسى الداتمشیدی مرحت مذهبنده خطایه جزا
اولمز قباحتمی عفو اتمه دن کیتک خدا بیلیر بنی اولدیرمکدن
بیک قات بتدرر ، یولوو بر طاقم نیازلوه باشلادی عادل کرایک
بو مرتبه تلاشی تأثر وندامتدن زیاده سودای محبتہ دلالت
ایلدیکندن عادل کرایک آغزندن چیقان هر لقردی پریخانہ
بر نفخه روح کبی تأثیر ایدردی پریخان بویله هم معشوقنک
شبه سنه غلبه ایتک و هم ده محبتہ اطمینان حاصل ایتک کبی
کندنجہ هر بری دنبالر دکر ایکی موفقیتہ نائل اولدینى حالده
ینہ فوق العاده بر اقدام ایله کندینى ضبط ایدرک سرورینى
کتم ایله «مسافر سکر رعایتہ بورجلی بز الدانمقدهده سزه قباح
بوله م چونکه بنی ده خالقک خیالات ومفتریاتنیده تمامیلہ بیلز
سکر بو حادثه بی ده کان لم یکن حکمنده طوته لم » دیدی ینہ
بر کوشه یه او طوردی بو صروده یالکز اولکی حاللرینہ
کتیردیکی تغیری اونوتمش کبی تقابنی آچیق بر اقمقدن عبارت
ایدی ینہ مکالمه یه باشلادیلر عادل کرایک مفتونیتی بر درجه یه
وارمش ایدی که همان پریخانک هر تکلیفنه موافقتی کوزه
المق ایستر ایدی فقط ینہ خفیف خفیف مخالفتلردن کبری
طورمزدی اکا سبب ایسه هب پریخاندن ایرلق مطالعه سنی
ایدی پریخانده عادل کرایدن او قدر ملایمت کوردیکی حالده
تکلیفلرینی قبول ایتدیرمکده اصرار ایتمز ایدی که انک سببی ده
عینیلہ معشوقندن ایرلق قورقوسندن بشقه بر شی دکل ایدی .

عادل کرایه پریشان کی او قدر دهشتلی او قدر جانخراش
بر مجادله ارسنده هم معشوقه سنجه اولان شهبه سنی رفع ایتمه
وهم ذه ایتدیکی بر بیوک مناسبتر لکی عفو ایتدیرمه مقتدر
اوله بیلدیکی ایچون ایکی دنیا سنده بردن نائل سعادت
اولمش درجه لوده ممنون ایدی فقط بر املی وار ایدی که حاصل
اولمدقجه دنیا حیاتک بر لذتدن مستفید اولغه امکان تصور
ایده مزدی او املی ایسه پریشانه محبتی قبول ایتدیرمکن
عبارت ایدی .

عادل کرایه ک مخاطره لی زمانلرده حیاتی قورتارمق ایچون
اولومی کوزه الانلر کی بو امنیده حاصل ایتمک تمیسیله بر تجربه
طالعہ قیام ایتمکن چکنمندی پریشانی تنها اوله رق برنجی دفعه
کوردیکی زمان بر مناسبت دوشوروبده کندیسنه ویرمک
ایچون ماجرای محبتی حاوی اولان شو منظومه یی ترتیب ایلدی .

« صورت منظومه »

مادرله پدر اولوب بهانه * سوق ایتدی قضایی جهانہ
خان زاده ایدم ولادتمده * طوغدم ینہ پک قلندرانہ
عربان وسفیل ایدی وجودم * محتاج دکلسه آب ونانه
برقطره سوده دهان آچاردی * مألوف ایدی کریه وفسانه
بکزتسه بنی خطا دکلدی * برکیسه باقوبده عارفانه
زنجیرده ایکلیان اسیرک * قوینده کی طفل ناتوانہ

فطرتده تساوی ظهوری * بوحال ایله خالق یکانه
اطفالده کوستروب طور رکن * بیك حجت ایله جهانیانه
پلم نه سبيله واردی دائم * کوشمده شو هاتنی ترانه
یوکسل ! که یرک بویردکلدر
دنیا یه کلیش هنردکلدر

کلدی بدن ضعیفه قوت * اولدی یوریمک ده بشقه عادت
یرلرده سورنمه وقتی کچدی * طوغرلدی سمایه طوغری قامت
محو اولدی بشیک بیک صالحق * اکلنجیه ذوقه کلدی نوبت
یائمه کی دایه لر ایدردی * هر حاله آیری آیری دقت
اما ینه کندی عالمده * مخصوص ایدی کندیمه حکومت
رؤیا کی کچسده چوجقلق * بردر کوزه خواب ایله حقیقت
حالا اوزمانه طالب بن * دوندرمکه عمری اولسه قدرت
اطرافنی سیر ایدر سانپردم * انسانی ملک جهانی جنت
دیردی ینه متصل باشمده * اما که او هاتف هدايت
یوکسل ! که بویک قدر قالیرسک

سعی ایله که بی هنر قالیرسک

کلدی دم رغبت معارف * اولدم نیجه فنه بن ده واقف
هر علمه که صرف دقت ایتدم * برمشکله اولدم مصادف
هرهانکی کتابی درس ایدنسم * کویا بن ایدم اکا مؤلف
ادرا که سعیم اولدی یاور * تحقیقمه حافظم مرادف
بربختی اونو تدم جهانده * براصل ایله دو شمدم مخالف

ایلدی فحولہ هرکلام * تعیین مقاصد و مواضع
عرفان ازل مسائلندہ * فکرمدی ینہ بکامعرف
تحقیق صفات خالق ایتدم * اسرارینہ اولمدسه عارف
طورمزینہ اعتلای جاہہ * بویت ایله سوق ایدردی هاتف
یوکسل ! هنرکله قانع اولمه

احسان خدایه مانع اولمه

خان اولدی قریمه بربرادر * چکدی بنی تختنه برابر
اولدی هوس شباب متروک * کلدی یرینه امور کشور
اولمشیدی مقدم جهانده * عدل عمری عطای جعفر
عزم ایتمشیدم قلمرومده * ترک ایتمکه خراب بریر
بررأیمه بولدم معارض * برامری کورمدم محقر
دورمده عبادی کبریانک * دلیرسرور ایدی سراسر
هرکسده کی خنده نشاطک * عکسیله آچاردی دلدہ کلر
حکیمده صفا سورن رعیت * اوصافی ورد ایدردی بربر
اما که ینہ ایدردی هاتف * کوکلم بوعتاب ایله مکدر
یوکسل ! که جهان سفیل ودوندر

رغبت اکا عاداتا جنوندر

حرب آچدی عدویه آل عثمان * مردم دیانه کورندی میدان
اورنک شهامتدن ایتدم * آت صرتنه نقل مرکزشان
تیر اولمشیدی المده نیزه * بکزردی کانه سیف بران
میدانه کیرنجہ ظن ایدردم * هر برق بلایی وردخندان

یانمده قضا طورردی دائم * باشمده اجل دونردی هرآن
طوب اولسه اتلسه باغریمه ارض * اولزدی ینه کوکل هراسان
جان قورقوسنه دکرمی بر عمر * باقیمی اولور جهانده انسان
کوستردیکم اقتدار ونجدهت * ایتشدی بتون جهانی حیران
حیفا که ینه صدای غیبی * بر بویله مأل ایدردی اتیان
یوکسل که ! بونگده فوقی واردر

انسانلغک ایری ذوقی واردر

بختم نه سیاه ایمش که بیلم * حاملله دکشدی حال عالم
بر عوصه کیروداره دوشدم * هیچ مثلنی کورماشدی ادم
بر حذب قلیل ایدی معینم * اعدا ایسه لشکر عمر مریم
بر تیغه بدل کلیردی بیک تیر * براتشه قارشو بیک جهنم
حالمجه اجلله پنجه لشدم * ایتدم او قدر عدوی درهم
سیفم قیریلوب اتم اورولدی * دوشدم یره واردی کوکمه دم
نه کاره یارار سنان و خنجر * نه جانلی کور معین و همدم
کلدی دم ذلت اسارت * موت اوزلر ایکن دل مؤلم
اغرب که ینه ایدردی تکرار * هاتف بوسوزی بکادمدم
یوکسل ! بوده شیوه خدادر

اسرارینی صورمه کیم خطادر

یوکسل نه دیمک نه در بو تحقیر * هاتف نه دن ایلر امری تغییر
دشمنلریمه اسیر ایدم بن * بوینمده اکرچه یوقدی زنجیر
مقصود ایسه رتبه شهادت * بن حاضر ایدم کیم ایتدی تأخیر

تألفیه اولمدی خلیده * دستمده کی پارچه پارچه شمشر
حقك دخی اعتناسی وارمش * افعالی ایلکده تصویر
دنیاده ده بر ملك یاراتمش * ویرمش اكا اقتدار تقدیر
عادل کبی براسیر طوندی * کوکلم کبی ملکی ایتدی تسخیر
یوکسل نه دیمک که هاتف غیب * سنسک بگا کوکلم ایتدی تقریر
یوکسلکه قالمدی مجالم * بول دردیمه وارسه بشقه تدبیر
» باشینم و سرپیش پایت

برخیزم و جان کنم فدایت «

معهود ماجرادن صکره پریخان او طه سنه برنجی دفعه اوله رق
تنها کلدیکی کیجه عادل کرای ده مخصوصاً منظومه سنک تبیضیه
مشغول بولنش ایدی . پریخان « اکر محرم دکسه یازدینگری
بنده کوره بیلیرییم « دینجه عادل کرای « بنم محرم نه ایشم
اوله جق عالم تنهائیده امانه زمان ایچون برایکی بیت سویلدم «
جوابنی ویردی پریخان « ایرانلی ایسه کده براز ترجه ده اکلارز
اشعار کزی کورمکه جواز وارمیدر « سوز لریله منظومه بی ایتدی
عادل کرای کاغدی ایکی قات بوکه رک « شونسخه سنی افندمز
ایچون یازمشدم بر خالی زمانکزده او قورسکز « دیدی تقدیم ایلدی .
پریخان عادل کرایک کرک اوضاعندن کرک سوز لوندن شعرك
کندیسنه متعلق اولدیغنی یک نظرده تقرس ایلدیکی ایچون
او مجلسده او قومق استمدی الدی قوینه قویدی بر زمانلر معتاد اولان
صحبتری تکراردن صکره او طه سنه چکلدی .

شعری او قویبجه نادل کرایک صحیفه وجداننی تاملیله معطالعه
ایتمش و هر حرفنده کنندی مجبتنی مندرج کورمش کبی برامینتره
بر سعادتله مستغرق اولدی فقط کرک او کونه قدر سکوتی و کرک
بر قاچ لیجه اولکی معامله سی ایچون عادل کراینی اوزوبده عاشقانه
بر انتقام المی هوسندن ده کچه مدیکچون شو غریب مقدمه لی
مکتوبی یازدی طرفداری اولان نوبتچیلرک بر یله عادل کرایه
ارسال ایلدی.

صورت مکتوب

شعر کزی او قودم حرکتکزک نتیجه سنی بیلور میسکز! سوق
قضا سزنی اسیر ایتمش ینه بو کون قوجه ایرانه حکم ایدن بر شاه
عالیشانک سر اینده او طور بیورسکز میزبانکز سزه کنندی شهزاده -
لرنندن - اقر باسندن زیاده رعایت ایدیورسزکله رسمی مقاولاته
کیریشمک ایستیور حرمنی همشیره سنی امنیت ایدیورتنهاجه او طه کزه
کوندر بیور سز ایسه او پادشاهک همشیره سنه حرف اندازلغه
محبت پردازلغه قالشمدن چکنیورسکز مطلقا دوشونمش
ودوشوندی کز حالده البته یقین حاصل ایتمش سکز در که بو حرکتک
جزاسی قهقه زندانی دکل مزار عدمدر!

بو قدر مخاطره لری اختیار ایتمدی کزنی تصور ایتمدی کجه حیرتمدن
نه سویلید جکمی بیلورم فقط نه یالان سویلیه یم سو نجمندن ده
چلدیره جنم کلیور دنیا ده هیچ بر کوکل اولسه کر کدر که مجبته
بونندن مؤثر بونندن بدیهی دلیل کوسترمش اولسون کنندی

تجر به لرم میدانده طور بیورظن ایدر میسکز که یانکز به برنجی دفعه
تنها کلدیکم کیچه تقابکم خفتی جارمک زینتی تصادف قیلندن
ایدی ! صانیر میسکز که کچن اقسام که ماجرا ده تقابمی آچدقدن
صکره قیامق خاطریمه کلدی ! برقادینه کوره امکانک نهایی
عد اولنه جق درجه لوده محبته دلیلر کوستر مشدم نظر کرده
هیج برینک حکمی اولمدی سزبکا توجهکزی بنم ایچون نفسکزی
مخاطره به القا ایتمکله کوستریورسکز بنده سزه اسارت وجدانمی
ان شالله یولکزده اولمک قوجاغکزده تسلیم جان ایتمکله اثبات
ایده رم . هیهات ! عجبا بر بیچاره به روح حقیقیسی اولان جانانک
قوجاغنده تسلیم جان ایدوبده موتنده حیاتدن زیاده لذت بولمق
نصیب ایده جک قدر فلکده انصاف وار میدر .

آه ! سن نیچون بو مملکتله دوشدک ! جسم لطیف نور
تجلیدن مخلوق بر مملک بوقره طو پراقلر ایچنده نه ایشی وار
ایدی بنم ایچونمی کلدک الله عشقنه سوبله بنم ایچونسه قدومکه
نه درلو پیشکشلر ایثار ایده یم جانه جوهر دیمشلر فقط سنک کبی
بر مهمان عزیزک قدومنه اهدا اولنمق ایچون او جوهر کده قیمتی
یوقدر باق ! نه قدر دلی دلی ده سویلنوب طور بیوریانه یایه یم !
محبتک انسانده ادراکمی بر اقیور دهاسکا مالک اوله مدم المدن
قاچرمق قور قوسیله هلاک اوله جغم کوکلم سینهمدن ایریلوبده
روحانی مجلسکک ندیملکی خدمتنده بولنمق روحم بدنمندن چبقوبده
نورانی وجودیکه سایه لک ایتمک ایستیور .

بر نور لطافتسك درونكده او قدر حرارت ندرشعريكك
خیالاتنی آتشله می ترکیب ایتدك هر جرفی کولکه یاپشمش جان
یا فقهده محبتکله یاریشیور .

هوای محبتکده انفاس عیسی خاصیتی و اردر جالك کوزمدن
دور اولد قجه دقیقهده بر کره هلاک اولیورم ده خیالك نظرمدن
کچدکجه وجودمه بر روح دیگر افاضه اییدیور .

آرایش رنگارنگیکله تجسم ایتمش نوبهار میسك عكسك کولکده
جلوه ساز اولد قجه کوزلرمدن نیسان قطره لری کبی کریه مسرت
دو کیلیور کولم ریاض جنت کبی بیک درلو ازهار لطائفله
مالامال اولیور .

محبتك دنیاده اك بیوك بر لذت اولدیغنی ایشیدیردم فقط
عذابنده بيله دنیلردکر بر بشقه لذت اولدیغنی بیلزدم نه سویله یم
دهانمدن روحلر جوشان اولسه قلمدن نورلر جریان ایتسه
ینه اذواق وجدانمی تصویره مقتدر اوله میه جغم . کل ! کل سینده می
آج کولکه باق ! کورکه عشقك نه غریب بر کرامته نه بیوك
بر اعجازه مالک ایتمش عوالم روحانیه نك نه قدر اذواقی نه قدر
بدایعی و ارایسه نصل بر نقطه یه جمع ایتمش نصل بر لوحه یه نقش
ایتلش ! آه ! کل دییورم نصل کله جسك فلك غدار لقهده بر طور
دیگر ایجاد ایتمش عالی فیوضاتنه غرق ایتك ایچون یارادلمش
بر آفتابی بر زندان ظلم ایچنده صاقلیور ! ضرری یوق سن روحسك
ولوکه مستور اول آمالك سنی آرایه رق ایانگه کلیر !

ایشته بوکیجه پریخانک کلیورملاقاده ضروری شهریارده
بولنه جق اوف ! .. مجلسکه ده کلدکجه ذهنده کی قاره قاره خولیار
بیله یانمه تقرب ایتکه جسارت ایده می-ورده باشی او جزده
طولاشان او کابوس نهدر ! عجبا بنم هر آنی بر عمره مرجح
بیلدیکم او روحانی اذواق محبتی او یقوده می کچیریورز .

برلشدی کمز زمان بحثی قیصه کسه لم ارکن طاغیله لم شهریار
ایله مذا کره ختام ویرد کد نصره بن تنها کله جکم ذره کبی
آفتاب جالکه انجذاب ایله کندی کنیدی غائب ایتک -
نور عالم رینه قار شمع ایچون کله جکم .

مکتوب می کتیرن قوریمی محرمدر بوکیجه صباحه قدر سزی
اوبکلیه جک ساعت بشدن نصره اندن بشقه سرای ایچنده آچیق
برکوز ایاقده برو جود قالمز .

یوقسه سنده اوزمان او یور میسک ! او یومه بن رؤیامده
هیچ بر زمان ایرلیان مثالکه خیالکدن زیاده مشتاق اولسه م
بردقیقه کوز لریمی قاپاق ایسته مردم بتون عمر می تخیلکه حصر
ایدردم بیلیر میسک که سنی بردقیقه جق دوشتمک وجودمه
ساعتلرجه او یقودن بیک قات زیاده راحت - بیک قات زیاده
سکونت بخش ایدیور فقط رؤیاده مثالک هیچ بر زمان کوزمک
او کندن ایرلیان خیالکدن دها جسمانی دها روحانی حتی دها
نورانی دها وجدانی کورینیورده او یقویه راحت ایتک ایچون
دکل سنی ایستدیکم کبی کورمک یولنده راحت می غائب ایتک

ایچون یاتورم .

مکتوبمه جواب ایسته مز ! یانکه دعوتبیزکک مزیتنی بکا
براقیرسهک پریخانکی برکره دها احیا ایتمش اولورسک ! شعر
سویلکه مقتدر دکلم که سوزکزی تنظیره هوس ایدهیم مع مافیه
حرکتیم حقیقت حالدیه جرأتکزه برغریب نظیره در شعرکزسزی
مزار عدمه ایصال ایده بیله جکنی مکتوبکم ابتدا سنده یازمشدم
سزایسه ذاتاً کفنی یوبنده کزن قهرمانلردن اولدیفکزی فعلیات
ایله اثبات ایتمش اولدیفکزدن طبیعی سزک ایچون اولوم پک قور -
قنج برشی اوله مز لکن بن شمدی به قدر بر لحظه جق حیات
کوردیم اوده التفاتکه مظهر اولدیفم زمانلردن بوجراً تم بنی اول التفاتدن
محروم ایده بیله جکی ایچون دها دنیا سنی یکی اکلامغه باشلادیغی
وقت اربتحال ایتمش معصوملر قدر اجینه جق بر مصیبتیه اوغرامغی
کوزیمه الدم بر مز بله یه کونشک ضیاسی دوشرفقط انسانک نظری
کوکل بولاندر مق قور قوسیله تعلق ایتک ایسته مز سز صورتده
کونش سیرتده انسان دکلیسکز قادنلره لایق اولیه جق یولده
عرض ایتدیکم اشتیاقلردن احتمال که آه احتمال که
استکراه ایدرسکزنه یاپایم ! ریایی عرض محبتدن دهافنا بولدم
مادم که حالی هر نه وقت اولسه سویلیه جکم قباحتی برمدتجک
پرده ریالتنده صاقلامق طبیعی هم سنک هم بنم قدر مزه مغایر اولیور .
حرکتیم نفرتکی دعوت ایدرسه هلاک اولورم حالبوکه دردیمی
عرض ایتماش اولسه مینه هلاک اوله جغم ایکی درلو اولوم اره سنده

قالمش بېچاره نك حياتنى قور تارمق اوفاجق برنظر التفاتكزه
محتاجدر . باقى . بيلم نه سحر ايتدك .

« رسیده کار بجای که کفرآ کر نبود

ترا پرستم و کتم خدای من اینست » پریشان

عادل کرای مکتوبی النجه مقدمه سنی بیک درلو اولوم غذا بلری

ایچنده پتیره بیلدی ذهننه عارض اولان وله — کوکلی استیلایدن

خلجان ایله اوطنه نك بر طرفنه بیغیله رق ساعت رجه وجودینك

بر جزوینی تحریکه مقدر اوله مدی نهایت چکدیکی اذالردن قور تلک

ایچون زهر ایچمک استیان خسته لر کبی حیات و آلام حیاتنك

ختامنی تسریع ایدر امید یله کاغدی بر کره دهالینه الدی اشاغیرینی

او قومغه باشلادی بردن بره کوز لرینه ایناتقی ایستمدی تکرار

تکرار مطالعه ایتدی ذهننك ادراک معانیدن مجزینه حکم ایتمک

ایستدی اوله بر مقدمه دن بویله بر نتیجه نك ظهوری نظر نده مزاردن

ریاض جنتی تماشا ایتمک قیلندن اولدینی ایچون بو عالمک احوالندن

خارج بر نعمت کبی کورینوردی .

مکتوبی یکر می او توز کره او قودی هر کله سنك حاوی اولدینی

معنایه آیری آیری دقتلر ایتدی عقلی صحیحاً پریشانك عرض محبت

ایلدیکنه حکم ایدردی فقط بردرلو کوکلی امین اولمق ایسته مزدی

مالک اولدینی او مشروب شاعرانه او قابلیت محبتله برابرینه علاقهدی

ارک کلره مخصوص عدا ایتمک — قادیلری یالکز سولمک ایچون

یار ادمشدر قیاس اینلک ایستردی .

ضعف قلبك بر نوعی ده بر بختیار لغه تفاوت امل قور قوسيله
اعتماد ایدمه مامکدر ایسته عادل کرایک بوترد دلوی ده هپ او ضعف
قلب اقتضاسندن ایدی فقط پر یخنان کبی حقیقت قدر کوزل
بر وجوددن یالان صادر اوله بیله جکنه ذهننده بر درلو احتمال
ویرمدیکندن دوشونه دوشونه نائل اولدینی حسن قبوله تماميله
اعتماد ایلدی سعادتک درجه سنی لایقیله تقدیر ایتدی اقسام
اولنجیه قدر کچیردیکی زمان طبیعتک فوقنده عد اولنه حق بر طاقم
اشواق ایله مالا مال ایدی کویا که حسن کبی نورلر ایچنده طورر -
عشق کبی روحلر ارسنده کزردی نظرنده بولندینی غربت
وطن قدر سویملی دوشدیکی اسارت حریت قدر جاذبه لی
کورینوردی .

وقتا که اقسام اولدی وشهر یار ایله برابر عقد ایدیلان مجلس -
هر طرف بر برینک فکرینه ممکن اولدینی قدر متمایل کورندیکی
ایچون بحثی اوزاتمه احتیاج قالمدیغنه - همان برایکی ساعت ایچنده
طاغلدی عادل کرای او طه سنک کوشه سنه چکیله رک و کوزلرینی
قبویه دیکه رک هلال عید بکلر کبی وقف انتظار اولمشدی اره دن بر بچق
ساعت کچر کچمز قارشیدن پر یخنان ظهور ایلدی عادل کرایک بتون
بتون مأمولنه مغایر اوله رق جاری ده تقابلی ده سیاه ایدی بورنک هائل
ایسه عادل کرایه صباح العید امل بیلدیکی اوزمان وصالی بر دور ماتم
شکلنده کوستردی فقط پر یخنان او طه دن کیروبده قیوی قپاینجه

همان اوزرنده بولنان ستره لری اتدی یوقارودن اشاغی کیندیکی بیاض
لباسلرله ظلمتدن صیرلمشده نور ایچنده قالمش ابر سحر کبی آغز آغز
یوریه ره یاپراق لرندن تجرد ایتمشده چیچکلره غرق اولمش
نهال سمن کبی نازلی نازلی خرامان اوله رق کلدی عادل کرایک
باننده او طور دی .

عادل کرایک صاری به مائل اولان نورانی چهره سیله پر یخانک
صاف بیاض جالی بعض کره آچیق هوالی صباح لرده بر بر یله امتحان
لطافتده قالمشیر کبی بری طلوع ایتمش ایکن بری غروب ایتیمان شمس ایله
قرک بر منظرده طوریشنی آندیریردی .

کیجه آیک اون التیسنه مصادف اوله رق مهتاب اوطنهک
بجره لرندن داخله طوغری بر سیلاب نور آقیدیر - نسیم پنجره ناک
پرده لرینی اهتزازه کتیردکجه انعطاف ضیاده حاصل اولان تغیر لردن
اوس سیلاب نور تموجه کلش کبی کورینوردی اوطنهک خار جنده کبی
باغچیه دو کیلان ضیادن شبنم دانه لرینک هر بری بر طمله نور کسینه رک
ظن طبیعت اومسیره صفاده طوپلایه بیلدیکی قدر آتش بو جکلریله
مصومانه بر شهر آیین اجرا ای دیسور ظن اولنوردی بهارک
غضیله باغچیه ده کی کلارک طبیعتک فوقنده کورینه جک قدر کترته
بغیچه ایران خیالاتنه مبتلا اولان بر شاعر ایچون (شعر) صبر
و حافتمز چیقوب بر کل دخی پیدا ایدر . خنده صیغمز غنجه ناک
کویاب خندانسه . تصویرینی عالم خیالدن جهان مثاله چیقمش فرض
ایتمک قابل ایدی .

کویا که بخشایش قدرت بویله پریلر نزهتکاهی دینیه جک قدر
لطیف بر مکان ایله ملکک سور سوروی عد اولنه جق قدر رو حپرور
بر زمانی او ایکی عاشقک الفت معصومانه سنه بر قاندها لطافت و یرمک
ایچون عالم طبیعته احسان ایشیدی .

پریخان ایله عادل کرای هیچ بر لقردی سوبیلکه مقتدر اولقسزین
دقیقه لرجه بر برینک حسنده محو اولمشجه سنه بر برینی تماشایتدکن
صکره پریخان چفته خلقه سیله کیوانک کوزلکنی تصویر ایتک
ایسترمش کی ایکی قوللریله عادل کرایک چهره سنی صاردی وجدانی
بر صحبت شوق و غرامه باشلادیلر .

بویله رنک و بوی عصمتله مستور اولان مجالس محبتک احوالی
ایضاحه قالمشقی بر غنچه بی نافله آجغه چالیشوبده صولدی رفق
قیلندن اوله جغیچون بو ایکی عاشق عفت پرورک او بزم صفاده
حصه یاب اولدقلری لطائف محبتی تعیین ایتکه اصحاب مطالعه نک
خیالی توکیل ایلدک .

یا لکز شوراسنک بیانی لازم در که محاسنک مباحثاتی یا لکز اذواق
عشقده انحصار ایتدی ایکی عاشق بر زمانلر بر برینک طویه طویه
تماشای جانندن بر زمانلرده وجدانلرنده کی حسیاتک تعاطی
آثارندن مستفید اولدقندن صکره حالک روحانیتی محبتک انوار
لطائفی آغر آغر چکیله رنک استقبال دیدیکمز لیله یلدای دهشت
هردرلو ظلمتی هردرلو مهالکیله نظر ابصار اوکنده تجسم ایتکه
باشلادی .

عادل کرای اسارتی، پریخان اسارتدن دها مقید اولان موقعی
برلسان حزن و تأثرله تصویر ایدرک وائسای مباحثهده هربری
کوکلندن برامل لسانندن برسوز قاچیرهرق صحبتي صورت
مشروعده وصالک چارهسنه انتقال ایتدیردیله .

عادل کرای اوبابده برتدبیر بوله بیلکدن غزینی بیان ایدنجه
پریخان «حقکز وار حیفاکه اسپرسکز الکرده قدرت یوق !
غریبسکز بورانک حالنه وقوفکز ناقص ! قادی اغزینه یاقشمز سهده
بربریمزدن کتم ایده جک برسرمز قالمدی بن دوشوندیکم تدبیری
سویلیهیم یارین اقسام سزه شهر یاری حزه ایله برابر کوندیریم
حزیهده ایمایله بعض شیلرا کلا دیرم مکلمه یی اوزاتمیگز دولته
امنیت کک ایچون بی نکاح ایله ایستیکز اقتداریمه اعتمادلوی پک
زیاده دزهم موافقت ایدرلورهم ده برادر یکزی الیقویمق یاخود
یانکرده اردو کوندرمک کبی تکلفلرک هپسندن ال چکرلور »
دینجه عادل کرای حیران حیران پریخانک یوزینه باقرق شو
مخاوریه باشلادی .

عادل کرای — نه سویلیورسکز ؟ دیمک سزک حقیقت حالدن
هیچ خبریکز یوق اما نره دنده خبریکز اوله جق سز او مکلمه لوه
جدی نظریله می باقیورسکز بنی کرچکدن ایران ایله اتفاق ایدر
کرچکدن خلیفه یه — خانه عصیان ایدر می قیاس ایلورسکز .
پریخان — جدی دکلسه او مخاوره یی آچغه نه لزوم وار ایدی ؟
راحتده ایدیکز اذیتده دکلدیکز که دفع بلا ایچون بویله برتدبیره

قیام لازم کلسون اسارتدن قور تلقی فکر نده اولسه کز یالان سونیلکی
واسطه ایده جک قدر قور قافلنی سزدن مأمول ایتیم .

عادل - هیچ بریسی دکل شهر یار کنددی کندینه او یله بر مکالمه
تصور ایتمش و قوعنی شاهه سولش سزده مأمور اولنجیه یالانسه
اشترک ایتسه م رذیل اوله جفنی بلکه اعدام اولنه جفنی دوشونمش
کلدی اغلدی فریاد ایلدی ک و کلم خباتنی میدانه چیقارمغه
قائل اولدی .

پریخان - ذهنه بر حالر کلیور ! واهمه م تجسم ایدیورده
جادی کبی کوزمک او کنده طولاشیور ! . . . شهر یارک سینیسر
هیچ بر شیشه تشبث ایتدیکی یوغیدی نه لزوم کورمش که کندینی
اوله بر مخاطره یه دوشورمش .

عادل - کندنجه لزوم وار ایتش !

پریخان - فصل لزوم ؟

عادل - بنمله هر زمان کورشمسی اقتضا ایدرمش اکاده

بویالاندن بشقه بر چاره دوشونه مامش .

پریخان - سزکله نیچون هر زمان کورشمسی اقتضایده جک ؟

عادل - بنی سویورمش ده انک ایچون

سوز بورایه کلنجه پریخان مایوسانه بر فریاد ایدرک ایکی ایله

باشنی صیقدی مجنون مجنون او طه نك اطرافنی طولاشمغه باشلادی بر خیلی

زمانلر بو حرکت قسریه ایله کزند کد نصره کلدی اللربنی عادل کرایک

دیزلرینه طیادی « بکا ویردی کک خبرک نه اولدیغنی بیلیر میسک ؟

اولوم مؤده لری ویردک! .. قارینک نه قدر ملعنته — نه قدر خنزیر لکه قابلیتی اولدیفنی دوشونه مزسک! ایکی ساعتک ذوق شهوانیسی ایچون بتون دنیایی فدا ایدر حالمدن ذره قدر خبر الیر. سه بتدی کمز کوندر بلکه اولدر مکله — قانغزی ایچمکله بیله قناعت ایده مز! .. شو سربیک ایچنده بزاز نفوذم وار بن شهزاده — او بر فقیر قیزی ایکن حیثیتی بیله چکه میور شمدی کندیسنه رقیب همده غالب رقیب اولدیفنی کورر سه قودیر مش کو پکدر کچی کندی کندینی یر! .. اوف! .. آدمی ده رقیب غالب قویدم سویله! .. الله عشقنه سویله! .. انی سو میورسک یا؟ .. سور سه ک بیله بنی ده از یاده سورسک دکلی؟ .. « یوللو سویلنمکه باشلادی عادل کرای پریخانک هر عباره سی بر قاج دقیقه کریه یأس ایله انقطاع ایدن سوز لورینی بهت صرف ایچنده دیکلردی لقردی محبت مسئله سنه کلنجه بردنبره وجدانی غلیان ایتدی — وجودی سراپا آتش حدت کسلدی «دنیا ده هیچ انصافک یوقیدر که کندینی او یله بر جادی به قیاس ایدرسک! انسان نه قدر طبعسنر اولسه بیلا نی ده سومک احتمالی وار میدر؟ .. بنم کو کلدن او قدر اچقلغنی نیچون مأمول ایتدک» یوللو پریخانه کوره الکبویک التفاتلردن بیک قات قیمتلی بزاز ستملر ایراد ایتدکن صکره «شمدی تلاش ایتکدن بر نتیجه حاصل اولمز باش باشه ویره لمده چاره مزی دوشونلم ایکی فکر اتحاد ایدر سه بردنیا ایله اوغراشه بیلیر» سوز مقابله ایلدی بر قاج ساعت مذاکره دن صکره پریخان عادل کرایک یاننده عسکر کو تور مامک فکر نده ثبات ایتسنی — فقط غازی کرای

فهمه دن چیقارلق و خانقله بر خدمته قوللانلق شرطیه ایرانده
براقغه موافقنه برابر شهر یاری اغفالده دخی دوام الطسنی -
پریخانکده اردوایله کیدرک کندی ایله برابر عثمانلی طرفنه کچمسنی
بررأی سالم صورتنده بیان ایلدی ایسه ده عادل کرای «ذاتآبر
یکی خبیثه نك تکلیفی بنمله عثمانلی ملکنه برابر کچمکدر صکره انک
الندن نصل قورتیله بیلیرز؟» دیملکه بر قاج دیققلر فکر خفیسنی
کشفه چالیشیر جه سنه عادل کرایک یوزینه دقت ایتدکن صکره
پریخان «سزه برشی سویلسه م خائنلکه جل ایتمز سکزیا» دیوبده
عادل کرایدن «الله عشقنه شو تکدیری براق جانمه قصد ایتدک ایسه
هر دیققه ده بر کره اولدیرمک مر حته مطابق د کلدرد» جوابنی النجه
«والله تعریض مقصیده سویلدم بنی دیکله ییکزینه او ایکی یعنی تکرار
ایدرم بنم اسماعیل ثانی مسئله سنده صنم خبرم یوق ایدی فقط خاندانمک
بقاسندن امین دکلم حتی نه یالان سویلیه یم بقاسنی ده ایسته م شاه علیل
برشی بوقاری ارواح خبیثه کبی عروقه اعصابنه کیرمش نه امر ایدرسه
انی یاپدیر یور بن بوراده اولسه م ایرانده ذوقی ایچون قان دریالری
- آتش طوفانلری پیدا ایدر جزه نك شجاعتنه - قهر مانلغکز ایچون
سزه اولان مفتونیتنه باقیکز والده سندن بتردر .

ملك انك الله قالیرسه قیرلر مزده طاعلر مزده برچادر دیرکنه
مقابل بیک مزار طاشی بولنور عرضه تسلطدن او تامز جان یاققدن
اوصاتمز بر غریب جانواردر عباس درت یاشنده برچوجوق خانلر
ایچنده نه قدر قان قوقوسیه بسنور شهید مسلوباتیه کچنیر کشی

موجود ایسه اطرافنه طو پلانمشلر البرنده اومعصومی سپرلنت
ایدوبده جانلری بدنن بدنلری ستر عورت ایده جک پیر هندن
عریان براتق - چنکیزک دورینی اعاده ایتمک ایستورلر اهالی
جمله سندن وحقی سایه لورنده کندی حیاتلرندن بیزار اولمش بر
کسه یه برکوتولک ایتمدم هرکسک بر درجه یه قدر توجهنه نائلم
دایم شمخالک طرفدارلری دایما امرمه منتظر طور یور محرم
برچوق آدملم و ارفقط هم محرم هم کار کذارکسه یه مالک دکلم
اگر اویله برواسطهم اولسه شمدی بودولتی تقلیه مقتدرم صفوی
اولادینک عمومنی طو تار جانلرینه قصد اولنماق شرطیله یاستانبوله
یاقریمه کوندریرز سزک شاهلغزری ده اعلان ایدرزهم خاندان عثمانی
ایله ارده کی اختلاف قارقارهم خلق بونلرک شردن امین اولور
هم بزبختیار اولورزهم دهنه یالان سویله یم بن ده شهر یاردن سنی سومکه
جسارت ایتدیکی ایچون ایستدیکم کی برانتقام الیرم یوللو ایضاح
مرام ایلدی .

بو تصور عادلہ بادی نظرده خولیا قایلندن کورندی فقط
خولیا ایسده طاتلی برخولیا اولدیغندن بتون بتون رد ایتمک
ایستدی شو سورتله بحثه باشلادی .

عادل - شهزاده بایزید واقعه سنی تحظر ایتیمورسکز پرینخان -
سز شهزاده بایزید ایشنی تقلب دولت تشبته قالشدیغندن ییلیر -
سکز اما ایرانده اعتقاد اویله دکدر بایزیدی استانبولک طلبی
اوزرینه افنا ایتدیله اعتقادنده بز طوغریسی ده بو اولسه کر کدر

چونکه شهزاده ارتحال ایتدکن صکره سلطان سلیمانک ظاهرده هیچ برسبب یوغیکن پدرمه بو قدر احسانلری طوقوندی هم سز بویوایه علیلی پدرمه. — کندی حالکزی شهزاده بایزیده می قیاس ایدرسکز .

عادل — یا ارده کی مذهب اختلافنه نهدیده لم .

پریخان — نه دیه جکز ایرانه شمدی یه قدر حکم ایدن پادشاهلرده سنی یوقیدی نه حاجت بوسلطنته عصر لوجه خاندانکزک اعضاسی مالک اولمشلردی ایچلرنده هانکیسی شیعی ایدی هانکیسنه ایرانلیلر اطاعت ایتدی امین اولکزرکه سلطنتی برسلسله یه منحصر اولمق سعادت یالکز عثمانلیلره مخصوصدر ایران اوزرنده صفویلرک حق حکومتی نه قدر ایسه سزکده او قدردر بلکه سزک حقکز بزدن زیاده در چونکه سلطنتکز هم ده ها قدیم هم ده ها میددر ایرانلیلر محمود غازاندر صکره خاندانکز سایه سنده ایتدکلری راحت — کوردکلری سعادت ی تاریخلرده او قویورلر قریمده کی عدالتی بوراده کی ظلم ایله مقایسه دنده عاجز دلرکد لرک تشبث طوغری طوتیلورسه مقصدک حاصل اوله جغنده شبهه اقتضایتمز عاجز قالدیغمز حالد عثمانلی طوپراغنه کچمک قراری ینسه الیزده طورییور .

عادل کرای — بنم مزاجم براز غلیظدر برشی سویلسهم طلا .

رلمزسک یا : خاندانکه فصل قیه بیلورسک !

پریخان — خاندانمک نه سننه فصل قیه جغم ! سوزلر مه دقت

ایتمدک شمدی بنی ینه اقربا خاشلکی تهمتی التنده می کورمک
ایستیورسک بنم دایم شمخال اولدیغنی بیلورمیسک .
عادل کرای - بیلورم فقط شمخال دن بشقه اقربا ک یوقیدر
اوراسنی اکلایورم .

پریخان - بشقه اقربام اولمسیدی اسماعیلک تخت سلطنته
کلمسیچون برقادین ایکن جانی مخاطریه اتمغه نه دن مجبور اولوردم
انک سنیلک دعواسندن بشقه سائر قرداشلرمدن نه فرقی وار-
ایدی خانزاده! حالامی اکلایه مدک بن سن می یم تربیه می والده مدن
دایمدن کوردم .

محاوره نك نتیجه سی ایسه عادل کرای ایچون پریخانک بررأینه
مخالفت - قلبنه ملکه کلمش برالهامه اعتماد ایتماک قیلندن اولمسیدی .
ایکی مبتلاخیال لرینی برقرار جدی صورتنه تحویل ایلدکن صکره
تشبثلرینه محرم وکار اشنا برواسطه تدارکی مطالعه سنه صرف
ذهن ایتدیلمر پریخان هیچ کیسه بی بوله مدی عادل کرای جزمینک
جلبنی تصور ایلدی اصحاب ذکانتک مشاوراتنده رأیدن رأی
تولدا ایلک طبیعی اولدیغندن جزمینک جلبنی دوشونندک لری صره ده
اکا کوندریله جک آدمک کیزلی ویا آشکاره ارسالی شقلرینی مقا
یسه ایلدیلر آشکاره یعنی شهریار ایله شاهک معلوماتی منضم اوله رق
کوندرلمسی طرفنی ترجیح ایتدیلمر بوکا بهانه اولمق ایچون عال
کرای طرفندن برمناسب آدم ارسالی واکاده ایراندن بردیگرینک
ترقیقه قریمک حال حاضرینی اوکرنمکه حصول مقصد ایچون

لزوم کوسترمک رأینده بولندیلر پریخان بومناسبتله شمشالده
معلومات آله بیله چکنه اعتماد کوستردی عادل کرایک کندیله برابر
اسیر اولانلر ایچنده محرمانه قوللانه جنی برایکی تاتار اولدیغی
کبی ظاهرده شهریارک حقیقتده پریخانک منسوبلرندن صادق
اسمنده برداغستانی وار ایدی که پریخان کندیسنه هر حالنی امنیت
ایله سویله بیلردی آنکله عادل کرایک یتیملکدن پرورده ایدرک
انسان ارسنه قارشیدرینی ابراهیم اسمنده بر بنده سنک ارسالنه
قرار ویردیله .

مذاکره لرینک نتایجندن برقراردها حصول بولشدی که
کندیلر نجده ایشک الکمشکل الک جانخراشی ایدی اوده آدم لری کیدوب
کلنجه بیله قدر شهریارک شمرندن تمامیه تحفظه مداز اولمق ایچون ممکن
اولدیغی قدر آزر لشمک و فقط مکالمات روحانیله رینه انقطاع کلامک
اوزره هر کون برر مکتوب ایله احوال وجدانیلرینی بر برینه
تصویر ایتمکدن عبارت ایدی ایکی ده حفظ حیات ایچون عملیات
جراحیه بیله ایستر ایستمر رضا ویرن بیچاره لر کبی کال حرمان
ایله بو قراره موافقت ایلدیله ایرتسی کیچه شهریار ایله برلشدیلر
هرنه رأی ایتدیله سه قبول ایتدیلر غازی کرایه خانلق
تکلیفی ایله آدم کوندردیله صادق ایله ابراهیمی پریخان طرفندن
شمخاله رسمی بعض هدا یا شایعه سیله حدوده سوق ایتدیله پریخان
دایسنه - عادل کرای عثمان پاشایه خفی برر مکتوب یازهرق ایکنی

ده ایرانلیلر نظرندده ابراهیمدن دها امین اولدیغنی ایچون صادقه تسلیم ایتدیله .

پریخانک مکتوبی یالکز شمخالدن کندی امرینه مخالفت ایتاملرینک ایرانده کی آدم لرینه تأکید اولنسی طلبندن عبارت ایدی عادل کرای کاغذنده درایت وامینتی جامع برآدمه مالک اولسه ایرانجه بر مسئله داخلیه چیقاره بیله جگنی واهلیتی جهتیله جزمی بر بهانه بولنوبده یانسه کوندریلورسه حصول مقصده بک زیاده امیدوار اولدیغنی بیان ایلشدی .

بوتشبدن صکره عادل کرای ایله پریخان هفتهده اون کونده بر کره انجق تنهارلشیرلر و سائر کونلرده اشاعیده نمونه اوله رق بر قاچنک صورتی یازیلان مکتوبلرله تسکین اشتیاق وادامه نشاط ایدرلردی .

عادل کرایدن پریخانه :

فراقک بو قدر شدید بر عذاب انتظارک بو قدر دلسوز بر آتش اولدیغنی بیلزدم ! . . . کوزلرم تماشای جالکدن دور اوله لی سکز کون اولدی وجودم سکسان سنه مزارلرده قالمشده بتون بتون محو اولغنه یوز طو تمش میتله بکز بیور آینه ده کی عکسمه باقدیچه کندی کندمدن قورقیورم . هیهات ؟ بو حال ایله بکا نصل محبتک دوام ایده جک ! محبتک بندن انقطاع ایدرسه بن نصل یاشایه جغم ! کوکل بر درلو مواصلت زمانلرینک معین بر فاصله ایله محدود اولدیغنی ایستیور ولو بر دقیقه ایله تحدید اولنسون اودقیقه انسانه حیاتندن اوزون کورینیور !

ضرری یوق ! اولورم ! ۰۰ سنک ایچون اوله جک دکلی یم !
 سنک ایچون اولک عندمده عمر ابدی به مر جحدر . لکن فراقه !...
 آه او ظالم فراقه ! نه یاپه لم حیاتم فراق ایچنده کچیور ! اولسه م
 ینه فراقنه دوشه جکم ! فی الحقیقه موت هجران کبی عمره
 سورمه جک فقط هجران ابدی بی دعوت ایده جک !... هجران
 ابدی ۰۰۰ نه جانکداز لقردی ! نه مدهش تصور !

عجبا « اک قدرتلی جباره ایله اک عاجز ضعفای همحال »
 ایدوبده نظر حکمت او کنده عدالت مطلقه به بر بهان بدیهی
 کوسترن قره طپراق او عدالت مطلقه حرمتنه اولسون اش
 یارادلمش ایکی روحک الی الابد وصالنه حائل اولمقدن چکنمزمی !...
 هجران ابدی ! ... نه اولیه جق واهمه ! نه کولنج خیال !
 عجبا احوال کنندی کبی فانی - اوقاتی دوری کبی محدود
 اولان دنیای دینک یالکز هجراننده می ابدیت حاصل اوله جق !...
 خلاق کریمک قوللرینه نزهتگاه مرحتی اولان عالم آخرتده وصال
 عاشقانه دن بیوک نه مکافات و اردرکه محبت کبی اللهم اعز الطافی
 دنیایه منحصرا اولسون ده عمر ابدی هجران ایچنده کذار ایلسون
 آه ! بختیارلق او عاشق کدرکه علائق جسمانیه دن مجرد ایدرک
 ارواح علویه به قاریشیرلر اذواق جاله لذا یند محبته مستغرق
 اولورلر - نور کبی هر آنده بر عالمدن بر عالمه انتقال ایدرلر -
 خیال کبی هر دقیقه ده بر جهان شوق بر جنت انشراح ایجادینه
 مقتدر اولورلر !... ۰۰۰

یوق عشقك بوجهان فائیده ده کچیله میه جك طویلله میه جق
لذتلی و اردر ! اولسه ایدی او حس علوینك بو عالمده ظهوری
عبث حکمنده قالیدی .

نفسمزده تجرببه ایتیمورمی یز دوشونبورم خیالی پیش نظره
الوبده شوکاغدی قاره لدیغم زمانك برصفا سنی نشئه اخی
اذواقنك پك چوقلرینه دکیشه میورم .

هجران ایچنده ایکن خیالکله بو قدر لذت بولیورم بزم وصالکده
تماشای جالکله نه حالاره کلدیکمی اندن قیاس ایده بیلیرسك !
اوف ! بو هجران ندر ! نیچون ایستدیکمز زمان بر برمزی
کورمیه جکز ! ارده رقیب وارده انك ایچون دکلمی ؟ رقیب
اوله جغنه قهر اولیدی !

ملعونه بزدن نه ایسترنی سویورمش نه یاپایم بن کندینی سو میورم
بکا محبت ایتمسنی نیمی تکلیف ایتمک که جزاسنی چکه میم . حالمی
دوشوندکجه قان باشمه بر درجه حرارتله صعود ایدیور که بنم
اریوبده یرلره دو کوله جك ظن ایدیورم بیلم سنك محبتکه
لایق اوله جق قدر قیمتدار برشیء دکلسه انك هوساتنه شایان
اوله جق قدرده ایچقمی می ! سبحان الله . . . عاشق اولدرمش
مختلر چوق کوردم فقط محبتك معشوق اولدیرن نوعنی هیچ
ایشتمشدم ظاهر فلك اوبلانی ده بنم ایچون صاقلامش !

اره مزده سکسان آدیم مسافه یوق - بنده بو قدر اشتیاق
سنده اودرجه مرحت وارده ینه بر برمزی سکر کونده اولسون

کوره میورز کوره میورز دکل کندی اختیار مزله کور میورز
هجرانک بونوعی ده چکیلیز اذیتلردنمیدر .

نه یالان سویله می بن بو حاله طاقت کتیره میه جکم جاذینک
برهوسی ایچون اختیار می بر حسرت ایچنده اولمکی بردرلو
کوکلم قبول ایتیمور . ایلك کوردیکم زمان کندیسنه طوغریدن
طوغری به نفرتمی بیان ایده جکم ! بدن فارغ اولسون خیشه
وصالکه مانع اولدجه بنم حیاتمدن یاشیور - بکا مخصوص
اولان اذواق محبتی غضب ایتمش انکله اکلیور قیاس ایدیورم
مرحت ایت ! بواقشام یانمه کل ! براز کوکلم سکونت
بولسون ! براز عقلم باشمه کلسونده ایده جکم حرکته بر مناسبتسزلك
ایتمیم ! . . سوزلریمک ربطسز لغندن قوای فکریه مک ارتباطنه
نه قدر خلل کلدیکنی اکلارسک .

باقی نه دیه می امرکه منتظرم (شعر) درد فراقی چکیمکه یوق
دلده اقتدار . بن اولمک ایسترم بکا قطعی جواب ویر .
عادل کرای

پریخانندن عادل کرایه

مرحتسز بنی کندندن دها راحت بر حالده می صانیورسک که
هجرانندن او قدر آجی آجی شکایتلر ایدیورسک . بن کندی
اضطرابمه تحملدن عاجزم سنک محزون لغندن کوکلده آجیان یاره لوده
فصل طاقت کتیره می ! . . یوق ! . . سویله ! سویله ! نه
دردک واریسه بکا سویله ! تک سنک کوکلک براز خفت

بولسونده ایسترسه بتون علمك بارآلامی بنم کوکله بیفلسون! ...
انصافسز! واستغنا لک نه در؟ سن بنم ایچون ضعیف لارسه ک شکلکده کی
تغیر محبتک انقطاعنیمی ایجاب ایدر!! بکا عائد او فاجق بر تأثیریکی
کوکلمده کی خیالکدن قیمتدار بیله جکیمده شبهه می ایدرسک! ...
یاهله! وجودکه براز ضعف عارض اولمغله نه اوله جق
حسنکه زوالمی ترتب ایده جک! ... مهتاب بو قدرشکلره
کیریور هانکیسنده لطافتنه خلل کلدیکنی کوردک!

هایدی بو استغنا که ده قاتلانیم - مقصدک ستم اولسه بیله
انی ده بر بیوک التفات عدایده می! اوموت کبی هجران ابدی کبی
هائل هائل سوزلریکه نصل طاقت کلیر! .. بکا اجیزسه ک
کندیکه ده آجیز میسک تشامدن کیم نه فائده کورمش طوته لم که
فائده سی اولدیغی کبی ضریده اولسون قلبه ویره سی طبیعی
اولان بیهوده اذیتلرینی اختیار ایتمکده نه لطافت واردر!! ..
الله کوسترمسون سکا بر حال اولورسه بنم صاغ قالمقغمه
احتمال وارمیدر! ولومزارمی اییرسونلر فلکک پنجه سی بیله
کوکلرمزی بر بردن قویاره مز .

خیال ایله یازی ایله اکلندیکی کندک اعتراف ایدیورسک
او حالده بر قاج کونلک تحسردن او قدر شکایته حق بوله بیلیر میسک!
هجرائی کندیمز اختیار ایتدکسه اختیار مز قلبزک
آرزوسندنی نشأت ایتشیدی! میدانده اولان مخاطرده مو هو میدر! ..
برخاشنه ک شرنندن صافتمق ایچون اوچ بش کونلک تحسر لوی

اختيار اتميدلمده بربريمزه قاوشمدن كنديميزى مزارلوك
قوينونه مى آتملم .

اوف نيچون ملعونه يي خاطر مه كتيردك ! يانمه كلسه كده
وجودمك حرارتنى - حركتك حالنى كورسهك ! او طمه
انسان قياقتنده بريلىدريم دوشمش قياس ايدرسك .

سنى سويورمىش !! ديوانه بيلزكه شيرك جاننه قصدايدسيور
سندن صاقلام كوكله حقلى برغيظ مستولى اولورسه ارسلانرله
ييرتيجلىق ياريشنه قالششق ايسترم خير ! اوبندن سنك برذره غبار
پايكى المغه مقتدر دكلدر . اوف ! بكا اويله شيلر دوشونديرمه ! بالله !
خنزيرى اياغمك التده بيلان ازركي تپه لوم ! محبت نهدر بيلورسك !
قصقا مجلق نهدر بيلزسك ! . وجودمك هرذره سنه آيرى آيرى
آنشلر ياغيور - آيرى آيرى خنچرلر صاپلانيورينه بويله ايكن صبر
ايدسيورم سندن ده صبرنيازايدرم اكر بى سويورسهك باشم ايچون
خنزيره رنك ويرمه برشى سويله ! اكا مغلوب اولمق دن حاصل
اوله جق نتيجه يي بيلورميسك ! هم بربرمزه طويمه دن فنا بوله جغز
همده يوزينه بركره باققله آتسه آتلىش جزؤ معدنى كى باشدن
اشاغى ايدنه بيله جكمز بر آلفنك پنجه سنده زبون اوله رق تلف اوله جغز
بو كجه يانكه كلديكى ايستورسك اياقلىرى آتئين زنجيره باغلى
بر بىچاره يي جنت قبولر ينى آچوبده نزهتگاهلرينه دعوت ايتمك
نه بيوك غدار لقدر ! هيچ كلكه مقتدر اولسه م سندن دعوته مى انتظار

ایدردم انسان اخص آمالی اننه کچرده اغتام ایچون تکلیفه می
محتاج اولور ! . . .

بواقشامکی نوبتجی بیلدیگمز دکل ! نصل کیزلی کله می آچیقندن
کله جک اولسه م نه بهانه نه وسیله بوله می .

یالکز بکا قیه جق اولسه لر یارم ساعت ذوقک ایچون محشره
قدر هجرانکه قائم فقط سکا ده قیارلر سنی ذره قدر مخاطره ده
بولندیره جق برتشی سنک ایچون سنک امر کله ده بردرلو ذهنه
صیغدره میورم . یارین کیجه فرصت بولور کلیم . الله عشقنه صبر
ایت حاملدن تفصیلات ویرمک ایسته م تأثرک شدندن قورقارم .

باقی . برلوح مزارم بنویسند پس ازمرک

ای وای ز محرومی دیدار دیگر هیچ

پریخان

پریخان بو صورتله فرصت دوشورد کجه یاننه کیدرک - فرصت
بوله مدقجه مخابره سنده دوام ایدرک عادل کرای مقدر اوله بیلدیکی
قدر تسکین ایدروانی تسکین ایده بیلک فرحیله کندی ده اولدقجه
سکونت بولوردی . کیده کیده سیرکجه کورشمک مشقته ده ،
شیروانه کوندر دکبری ادملرک انتظار ورودینه ده الشدیلر .
اولدقجه راحت بر زمان کچر مکه باشلا دیلر . یالکز بودوره ترقب
ایچنده ایکسنک ده راحتنی ایکی حادثه برقاچ کونلر اخلال
ایده بیلشدی .

بو حادثه لرك بری غازی کرای وقعه سیدر عادل کرای ایله پریخان
وشهر یارک صوك قراری اجرا اولندیغی صروده قریمه کیتمامک
و ایرانده آرزو ایتدیکی کبی برمسندده بولنمق شرطلرینی قبول ایدرسه
قهقهه دن تخلیصنه امکان اولدیغی بعض معتبر خانلر شاهک امری
اوزرینه متعدد مکتوبلرله غازی کرایه بیان ایتشلردی بوتکلیف
خانزاده نك حیت و طپروورانه و وقار شاهانه سنه طوقوندیغندن
ومسئله نك خفایاسنه قطعاً معلوماتی اولدیغندن کلان مکتوبلرک
کافه سنه بردن اثار بلیغانه سندن اولان

تابوده غم و شادی و حرمان بوده

زین کونه گذشته تا که دوران بوده

ما بجز به کردیم که در ملک شما

راحت همه در قلعه و زندان بوده

رباعی متهمانه سیله مقابله ایلدی .

بوجواب شدیدک دغدغرسی سرای شاهی به قدر یتشمکله
شهر یار همان بر کجه پریخانی یاننه اله زق عادل کرایک مجلسنه چیه
کلدی . و ایران دولتی بویله بر حقارته اوغراتدیغی ایچون خانزاده یه
اوزون اوزادی بر طاقم تعریضلره و تعداد نعمت یولنده بر چوق
زوز کسکله ابتدا رایلدی . پریخان مقابله ایتک ایستردی فقط
سویلنه جک بر قوتلی سوز بوله مزدی بوله بیلدیکی مطالعه لر ی
سویلکده کندینه مناسبت المزدی . فقط عادل کرای ا کا احتیاج
بر اقمدی «قرداشم ده بنم کبی بر شهزاده ایکن بورایه کلنجیه دک بکانه

قدر ملامت کو ستردیکز ایسه ا کا و قدر شدتله معامله ایتدیکز
 بورایه کلدک بنی سرایده او طور تدیکز انی زندانه کوندر دیکز
 کندیسنه اولنه جق تکلیف بنم تصورم ایکن بیوک برادری اولدیغم
 حالده ایکی سطر بر مکتوب یازمقلمه مساعده ایتدیکز تکلیفه هیچ
 بیلدیکی بر طاقم خانلری واسطه ایلدیکز یکریمی بر یاشنده علو جناب
 ایله متصف بر شهزاده کوردیکی حقارتلر اوزرینه بویله بر تکلیفی
 حیلویه استهزایه حل ایتمیوبده نه یاپار؟ بیوک قرداشی بوراده
 موقوف طور رکن زندان ایچنده ایاغنه کلان حریت و مسند
 تکلیفلرینه نصل جدی نظریله باقه بیلور؟ ظاهر چو جوق جانندن
 یزار اولمش چکدیکسی بو قدر آلام اوزرینه برده یامسخره ایدلمک
 و یار دامه دوشورلمک ایستند یکنه حکم ایدنجه غیر تنه طوقونمش
 حیاتی مخاطره یه آتمش او یله بر مقابله یه جسارت ایلش بزم بوراده
 بشقه در لو قرار لرمن اولدیغنی کرامتله می بیله جک؟ نفسکزی انک
 یرینه قویکز سزالدیغکز تکلیفه نه معنا ویرردیکز نصل مقابله
 ایدردیکز؟ « دیتجه صورت استدلالک قوتی شهر یارده اغزینی
 آچوبده بر سوز سوبیلکه اقتدار براقمدی همان پریشان بو فرصتی
 اغتنام ایدرک « شبهه بوق که خطا بزم طرفده در فقطرباعینک حاوی
 اولدیغنی حقارتده ایدیلان یا کاشلق ایچون جزای کافیدر. شمدی
 بویله حادثه لرله اصل مقصده خلل کتیر مامکه چاشمق اقتضا ایدر.
 بزخانمله برابر کرک شاهی کرک امرایی تسکین ایدر صوصدیر یرز
 سزیده برادر کره مرام اسکلادوبده کندیسینی قرار دائره سنه

کثیرمکه همت بیورمیسکز « سوزلریله اریه بر صورت تسویه
ومطالعہ سی چیقارمش وعادل کرای ده « بن اکراما کلا ده بیلیم
فقط براز زمان کچمکه وایدیله جک تشبث اطرافیه و برابرجه
دوشونلکه محتاجدر « دیرک پریخان ایله الفتی صیقشدرمغه
برمناسب وسیله پیدا ایشیدی .

نه چاره که بو وسیله دن شهریارده استفاده یه باشلدی ایشته ایکی
عاشقی راحتسز ایدن حادثه لروک ایکنجیسی ده شهریارک هر ایستدیکی
زمان عادل کرای کورمکه فرصت بولسی ایدی شو صورتله که
شهریار ایله پریخان همان هر کچه کاه منفردا کاه متفقاً عادل کرای ایله
برلشدکلری جهته شهریار تنها بولندیغی براقشام مقصد اصلیسنه
عطف کلام ایدرک وصاله چاره لرتحریسنه متبلر عرصنه ابتدار ایلدی
عادل کرای تکلیفی بنه اولکی کبی آداب عصمته متعلق برچوق سوزلر
وصیقلد قجه التباسلی برطاقم وعدلرله دفع و هیچ اولمزسه ایلری به
تعلیق ایتکه چالشیردی کوکلنده کی نفرت اودرجه غلبه ایدردی که
پریخانک تا کیدلی یمینلی تنیهلری اولسه خیشته پی بارتحقیق التده
اولدیرمک درجه سنه قدر کیتسی مقررایدی .

شهریار ایسه اوعدرلرک اووعدلرک هیچ برینی تسکین ایشتیاقه
کافی کورمزدی تکلیفی تکرار ایده ایده ایستدیکی کبی موافق
برجواب آلمقدن مایوس اولنجه « بن اوچ کچه صکره بنه کله جکم
اووقته قدر بر چاره می بول یوقسه وجود می بیک پارچه ایده جکلرینی
پیلسم آندن صکره یانندن بر دقیقه ایرلقلمک احتمالی یوقدر « حکم
قطعیسیله لقر دیسنه ختام ویردی مجلسدن ایرلدی .

عادل کرای شهریارک صحیحاً هررذالتی هر بلایي کوزه الديوغنی
وهله کندينک بردغدغه چيقارمقدن اجتمانبه اطمینانی اولمق جهتيله
جسارتی برقاندھا ترايد ایلدینکی بیلدیکچون کوستردیکی ابرام
وانهما که لایق اولدینگی قدر اهمیت ویره رک دغبی خصوصنده ایسه
کندی کنديته بررأی بولمقدن عاجز قالمش و تأثیرنده اوله جق شدنی
بیلدیکي حالده چاره سز صورتی زیرده کی تذکره ایله پرینخانک
مشاوره سنه عرض احتیاج ایلمشیدی .

عادل کرایدن پرینخانه

امدادمه يتش ملك كوكل شيطان پنجه سندن ازلیلیور !
عشق ایچون جنون کتیر دیرلو کر چکیمدر بيله میورم فقط
بعض حالرده انسانی جنوندن قور تاردینگی بواقشام نغسه ده تجربه
ایلدیم خیالک بر ملک الصیانه کبی قار شنده طور و بده وجودی
آقتلردن حفظ ایتمسه بنی شمدی یه قدر چیلدیرمش زنجیر لره
باغلامش کور ردک مکرفلک بنی نه سیه بلالره مبتلا اولمق ایچون یاراتمش
اوف حاملی سویلیه میه چکم دوشوندکجه ذهنده کی قره قره خویالره
تجسم ایدی یور موت کبی اوزریمه چو کیور قلبک نبضانی وجودمک
تنفسی کسیلیور . بیلیم که حاملی نصل تعریف ایده یم بر ساعت اول قاری
یا تمده ایدی بتون بتون پرده عاری چهره سندن قالدیردینگی بیاغی
بر چاپقین توبه لر اولسون بکابر عفت مجسمه حضورنده
سوء ادب ایندیره جک جبر و قهر ایله کندينی سودیرمک
ایستیور اوچ کجه صکره یا تمه کله جکني و مطلق کنديسنه بر چاره

بولز سہم اولنجیہ قدر او طہ مدن آیرلیہ جغنی صورت قطعیدہ
 سویلدی ده اولیہ جہنم اولدی کتدی . او یوسہم کابوس کبی رؤیامدن
 کبر سہم سیأت عمل کبی مزار مدن آیرلیہ جق ! یابنی بوماعونہ نک
 الندن قور تار مغہ بر چارہ بول یار خصت ویر بن آندن گندی گندی
 قور تار یرم آیانمہ کلسہ کدہ بر ایکی دقیقه جق یوزینی کورہ بیلسم
 کو کلک بو خلیجانی بلکہ براز سکونت بولوردی مرحت ایدوبدہ
 یارم ساعتک او لسون کلز میسک خدا بیلور چکدیکم اذای روحانی
 عذاب جہنمہ رحت او قود سیور امداد ! مرحت !
 عادل

هانکی بردردمی هجران ایله تعداد ایدیم

سندہ داد ایتمز ایسہ ک بن کیمہ فریاد ایدیم

جواب اوله رق شو تئد کرہ یی الدی .

پر یخاندن عادل کرایہ

بو قادین سکا کل اجلنہ عاشق اولمش ار قہ سندہ طولا شوب
 کزیور عجباً ہیچ بر کرہ آینه یہ باقمزی عجباً کور اوله جق کوز لری
 جالندہ کی نوری طور کدہ کی عصمتی کور مز می عجب ایلدی رملر التندہ
 از یلہ جک پنی کندی یاشیلہ سنک نوجوانلغکی مقایسہ ایتمزی سکا
 او قدر تسلط ایدرک بدن اولومنی می دیلنیور یا قہ سندن طو توبدہ
 غیای حهنہ آتمقلغمی می ایستیور شرندن چکدیکم عذابلرہ شیطان
 او غراسہ شایان مرحت اولور اما او بنم حالمی بیلور مش بن آنک
 حالنی بیلورم یا اللهم ! انتقام انتقام ! بر کرہ قارشینہ طور و بدہ

طور نده کی اندامنده کی دنائی کراہتی یوزینہ قارشى سويليه
 بيله جکمی یم بر کره ایاقریمک التنه الوبدہ چهره سنک سیلان دریلرینی
 یوزمکه مقتدر اوله بيله جکمی یم ملعونه نامشروع بر محبت چیقاردی
 عموم قادیلرک ناموسنی بر باد ایتدی اولویرمدی اورته یه بریلان
 قویدی منی مخاطره لره دوشیردی الویرمدی بنی ایشک ایچنه
 قاریشیدیردی یالانجیلغنه ملعننه تشریک ایتدی الویرمدی بیچاره
 برادر یکی زندانلره آتدیردی آندن صکره جلادکی اوزرینه مصلط
 اولدی آزقالدی بتون بتون افنا ایده جکدی الویرمدی سنی
 فکریکه مخالفت بنی حامله یاقشمز بر طاقم تشبثره مجبور ایتدی ایکی اک
 محرم آدمز ایکی اک مخاطره لی کاغدمز قضانک مصیبتک اک ایشلک
 شهر اهلر نده طولاشوب طور ییور . ملاحظه عافیتله خوابمزی
 حضور مزى سلب ایتدی الویرمدی هفته ده ایکی اوج کون جادی
 باقیشی سیلان نفسی ایله کل جالکی صولدی ریور الویرمیور شمیدی ده
 سنک عصمتکی بنم حیاتی بر باد ایتکه چالیشیور خنزیری بر لطمه
 ایله اسفل سافلینه کوندرمک قدر قولای برشی یوق فقط کریبان
 اقتداری پنجه ملعننندن قورتاروبده کندیله برابر دوشمامک ممکن
 دکل اوزرینه وارلسه طوق التنده از یله جک فقط بر عقربک زهر یله
 ایکی انسانده برابر تلف اوله حق

یار بی ! یار بی ! نه چیقلز بر کر یوه بلایه طوتلدق !

بیلسه ک کوکلدن ندر کچور ؟ بشقه بر بهانه بولوبده سرائک
 اورته یرنده خنجر لیویره جکم قادیلغمه باقه بن خنجر قلیج

قوللانغه ده مقتدر قادينلردنم خنچرلرم قرداشمدن قريم چونكه
اويچاره يي بربلادن قورتارمش اولورم حزه بلكه بكافصدايدر
اره ده سن اولسهك بالله العظيم بويولده اولمكي ده قطعاً دوشونم
فقط ايستيورم سنى بو حاللرده براقوب ده موت ايله كنديمي عذابدن
قورتامنى سكا دشمنك صانيورم غيظ قصقا نجلق كوكلده برراژدره اي
جهنم كسلش آتئين دن دانلريله وجودمك هر ذره سنى آري آري
قوپار يورده ينه تحمل ايديورم .

ممکن دکل سکا ترتب ايده بيله جک بر مخاطره زهنه کلنجه هيچ
برشيئه تشبث ايتمک بنم ايجون ممکن دکل يانمه کلسه تحقير ايتسه
اشکنجلره قويسه وجودمک هر طرفنى آري آري پاره لسه
حتى آه حتى سنى المدن السه ينه برشى يانمغه مقتدر
اولميه جغم ينه بنم ايجون بر دقيه جق انديشه يه دوشديککه کوکلى
قائل ايده ميه جکم .

ایتمه ! الله عشقنه مناسبترلك اتمه ! مردسك قادينلردن صبر
درسى الموق سكا ياقشمز تحمل ايت مقصدكى ممکن اولديغى قدر محالله
تمليق ايله اويالاننه ياپارسهك ياپالنه بر سر رسته خصومت بو يرمه
بالله العظيم - اكر جائز اولسه - شيطانه رجوت او قوده جق
ملعونلردنر .

برده الله عشقنه بيغمبر حرمتنه اولسون بنى وقتلى وقتسز دعوت
ايدوب طورمه كندم كله ميورم امريكه اطاعت محبتكه انجذاب
ساشه سيله روحده نه بدنندن ايريله رق يانكه كلمكه نه ده يرنده

طورمغه مقتدر اوليور بنی بويله حیات بهر عذاب وعذاب بهر
حیات اشکنجه سنده براقق شانکه لایق دکدر کور یوسک که
فرصت دوشوردکجه یانکدن آیرلامغه چالیشیورم فلک مساعد
اولمدقجه بر بر مزدن محروم قالورسوق نه یاپهلم اتحاد روحانیتزله
تسللی بولورز . « چون فاصله بیت بود فاصله ما ما از توجدا ایم
بصورت نه معنی » عادل کرای بوجوابی النجه پر یخانک
هر امرینه اطاعتی وجداننه مترتب فرائضدن بیله یکی ایچون
چاره سز فکرنده اصرار ایده مدی بشقه درلو تدبیرلو مطالعه لرله
بر یکی ذله روزکارک ورودینه انتظار ایلدی .

او چنجی کیجه ایسه شهر یار تقاضای داین کی باشنه مسلط اولمده
موعدنن بر دقیقه کری قالمدی واستفسار خاطر یولو مراسم بر تمیز
ینه مقصد معلومی اورته یه اترق نیاز لره ابراملره قیام ایتدیکندن
اره ده شو محاوره جریان ایلدی .

عادل - کوزل افندم محبت قولای فقط محبتک نتیجه سی
نره یه وارر؟ وصاله می دیه جکسکز وصال ایچون برحق بر مشرو -
عیت اقتضا ایدر .

شهر یار - (جعلی بر حجاب ایله) بیله میورم عصمت فرو شلق
ار ککلره دوشه جک بر زمانده دنیا یه کلشنر .
عادل - ار ککلرک هپسنی بیلم فقط بزم خاندان اعضا سنک
عصمت هر زمان اختیار ایتدیکی حالردندر .
شهر یار - بن بو بهانه لره اعتماد ایدر میم بنی سومیورسکر

لقردينك حقيقتى آندن عبارتدر اكر اويله دكلسه نيچون ايلك
بمحت ايتديكمز كيجه عثمانلى ملكنه كچديككز وقت ارقه كز دن
كله جكمى سويلدمده قبول ايتديكز .

عادل - حق ده وار ايدى مشروعتده وار ايدى آنك
ايچون قبول ايتدم .

شهريار - اونصل حق نصل مشروعت ايمش ؟ زوج
صاغ طوروب طورر كن بنى نكاح ايله مى اله جقديكز .
عادل - اوت بلكه نكاح ! ايله اله جقدم .

شهريار - استهزانك ده بو قدر اچيفنى ايشتمدم زوجم اچروده
اوطوريور نكاح اوزرينه نكاحه جواز وار ميدر ؟

عادل - وارايمش كه سليم اول زمانده شاه اسماعيل اولك
حرملرندن تاجلى خانى طوتديلر نشانجى جعفر چلبى به تزويج
ايلديلر .

شهريار اوت ! اويله برشى خاطر مه كليور مادامكه عثمانلى
طوپراغنده بزمانع يوق ايمش ! آه شوكوندرديكز
ارملرده گلز كه نه ياپيله جق ايسه شمديدن تشبث اولنسه
بمحت بو نتیجه به انتقال ايدنجه عادل كراى همان شاقراقانى
اله المق و « توجه و عاطفت شرفلرني سز قزانيور سكر باري
تحسر مزيتنى ده ارككلره براقز » يولو برطاقم كوه زلكلر
ايمك ايستدى ، فقط لقرديلرى كوكلندن نفرت ايدرده قاچرمش
كى اغزنندن بربرى اردنجه دوكلور طورردى .

هر نه حال ایسه بیک بلا ایله جلاد وجدانی اولان ملعونه بی
باشندن دفع ایتدکنصکره بر آنک شهوات نفسانیه سی یولنده
ارتکاب ایتدیکی دنائتلی برده پریشانک بر محبت معصومانه
آتشنده محو اولوب طوررکن هر تدبیرینی بر فکر علوی بر مقصد
انسانیته اسناد ایده جک مرتبه لرده کوستردیکی حسیات ظاهره بی
پیش نظرینه الفرق اوایی وجودی قدرت فاطره نک خلق
اضدادده اولان کالنه برهان مجسم عد ایلردی .

بر قاج کیجه صکره پریشانک ینه تنها مجلسنه نائل اوله بیلدی
ماجرا بی تفصیلاتیله برابر حکایه ایلدی عادل کرایک ولو یالان
اولسون شهریاره اوله بروعدی پریشان ایچون قلبنه بیک خنجر
صاپلامقدن بتر بر عذاب الیم ایدی فقط نه چاره که ضرورت زوالی
قزی او عذاب ده صبر وسکونتله کچشدیرمه که مجبور ایلشدی
چونکه عادل کرایه او یالاق رأینی ویرن کندسی ایدی رأیک
صورت اجر اسندن شکایت ایتکه طبیعی کندنده حق بوله مدی
اوطه سنه چکنجه چاره سز لک تسکین اضطر ابده اک بیوک چاره سی
اولان کریه تأثره قویولدی صباحلره قدر اغلادی انکله براز
تسلی بوله بیلدی .

﴿ فصل خامس ﴾

شروانه کوندریلان صادقله ابراهیم پریشانک ویردیکی
توصیه لر ایتدیکی تنیهلر سایه سنده ایران مملکتی پک سهولتله

كچەرك شروان حدودينه واصل اولدیلر عثمانلی قره قوللرندن قورتلقدەدە پك چوق صعوبت چكمدیلر چونكه عادل كرای طرفندن عثمان پاشایه اولان مکتوبك اوست مهريله ظهريه سنی هانکی ضابطه ارايه ایلدیلر ايسه وجهه مقصدلرينه عزيمت ایچون رخصت الدیلر نهایت قزویندن چيقدقلاينك یكړمی سگزنجی كونی تیمور قپويه واصل اوله رق ابراهيم عادل كرايك مکتوبنی عثمان پاشایه تقدیم ایتدی صادق پریخانك كانغدینی الدی شمخال نزدینه عزیمت ایلدی .

عادل كرايك تشبثی عثمان پاشا ایچون تأییدات غیبه دن معدود ایدی فقط نه فائده سی وارکه اوصرده جزمی یاننده بولندی چونكه هر حالنه اعتماد ایلدیکی اولدیر صاحب فطانتی اندن براز زمان اول دشمنك حرکاتنی تحقیق ایچون تقلیسه کوندرمش و جزمی اوراده بولندیغی صروده اون بیک قدر ایران عسکريله امام قولی خان قلعه یی محاصره ایلشدی .

عثمان پاشا چاره سز عادل كرايك مکتوبنی کتیرن ادميله برابر سردار لالا مصطفى پاشایه ایصال ایدرک جزمی یی تقلیسدن قور تارمق ایچون چاره لر ارار طور ردی چونكه قلعه نك محاصره سی اوج آیه بالغ اولدیغی حالده ایران دولتک تحریکيله عصیان ایند کرجیلر بوللری کسه رک قلعه یه کوندریلان ذخاړی یغما ایده کلدکلرندن ودها سفر موسمی حلول ایتماک جهتيله اوزرلرینه بر قوه کافیه سوق ایتمه کیکچری وسپاهک عادات و اطواری

مساعدا اولمديفندن چاره سز اصحاب غيرتدن بعض پاشالرد اثره لري
خلقيه قلعه ده ذخيره يتشدير مکه چاليشير و دشمنك کثرتنه بناء
همان هيچ بري استحصال مقصده موفق اوله مزدي .

تفليس مجاهدلري بر طرفدن عجملرک مهاجات متواليه سنه
بر طرفدن ده اچلنگك توليد ايتديكي امراض متنوعه يه قارشى
طوره طوره يالکزيدي يوز کشى يه تنزل ايتمشردى .

بوفرقة ناجيه صوڪ دانه سنه وارنجيه يه قدر ذخيره لريني
بتورديلر . قلعه ده نه قدر حيوان و ارايسه يديلر حتى جزى -

فرهاد اغانك هديه سى اولان قوله كخيلا ن نظر نده پك قيمتلنديكي
ايچون تفليسه عثمان پاشانك احسانندن نائل اولديغى قيرنجديسى
ايله گلش و برسواري يه كوره الكبيوك سلاح عدا و لنان او حيوانجزيده
كسهرک احبابيله برابر صفاي خاطرله اكل ايتمشدى .

مجاهدلى صابطلرينك و خصوصيله جزمينك كوستردكلى
مثال مكانت و ايراد ايتدكلى مقالات تشويق ايله آچلقدن اولمكى
قلعه يي تسليم ايتمكه ترجيح ايدر اولمشرايدى بر زمانلر كدى كوپك
يمكه باشلاديلر حتى بركلبي ايكي يوز اچيه يه قدر صاتون الديلر (*)
ينه مقام جيتده استقراردن نكول ايتديلر .

ابراهيمك سردار مصطفى پاشا زدينه و رودى تفليس
محصورلرينك بربريني تعاقب ايدن فريادنامه لري صره سنده ايدى
پاشا قلعه يه معاونت نديه موقوف ايسه دوشونلك ايچون او تاغنده

عموم پاشا لردن مرکب بر مجلس مشورت جمع ایلدی .
خلاصه مذاکرات ایسه طبعی براز امداد ایله براز ذخیره
ارسالندن عبارت اوله رق مطالعه لر بو ذخیره یی بو امدادی کیمک
کتوره بیله جکی مسئله سنه منعطف اولمشیدی .

آندن برایکی کون اول ایسه صدر اعظم صقولی محمد پاشانک
نجلینجی اولان و مراد ناک و محمد ناک زمانلرنده کی وزیرانک
اک بهادر لردن اک قهرمانلردن معدود اوله جق قدر خدمات
جلیله ابراز ایلان حسن پاشا مرحوم که اوزمان همان یکر می
یدی یاشنه بالغ اولمش و محاربه یه برنجی دفعه اوله رق کلشیدی
پدرندن « بیلیرم تقلیسه ذخیره کورتورمک و وظیفه سی سکا قاله جقدر
بو خدمتی کندینه بر مقدمه اقبال عد ایله احتیاطایت تدارکلی
کیت » یولنده بر امر الدیغندن (*) ذخیره کورتورمکی عهده سنه
اوله جق بر صاحب همت تحری اولنورکن حسن پاشا کندینی
عرض ایلدی اختیار ایلدیکی فداکارلق ایسه قحط رجال
سائقه سیله قبول اولندی . سردار طرفندن الدینی تعلیماتلرک
بریده تقلیسه کیره بیلیرسه جزمی یی برابر کتیرمی ایدی .

سردار و سائر امرا حسن پاشانک و اصل اولوب اولمدیغنی
تخمین ایله اوغراشمقده و اکثر رأیلر انکده کیرمسنه امکان
ویره مامکده اولدینی بر زمانده که ارضرومدن مفارقتک اونالنجی
کونی ایدی پاشا جزمیده یاننده اوله رق اردویه و اصل اولدی

وتفلیسه عزیمتله ذخیره وعسکر بر اقدقندن ماعدا محاصره ایدن
دشمنی ده دفع ایلدیکی اخبار ایلدی . اردو خلقی حسن پاشانک
اوکنجلیکی ایله برابر بویله ییلدرم سرعت ودهشتیله اکال ایلدیکی
سفره علی العموم حیرتده قالدیلر حتی مصطفی پاشا پدرینه فوق العاده
منفعل ایکن مجاهد حیدر اقتدارک موفقیت خارق العاده سنی
کورنجه اعصاب قرابتی ضروری هیجانده کلدرک پاشایی پدرانده
قوجاقلدی « بو طوغان سرعتی بو ارسلان حرکتی شاهین اوغلارینه
مخصوصدرکی سوزلرله انواع تلطیفاته مستغرق ایلدی .

اقسام اولنجه پاشانک برنجی ایشی مجلسنی اغیاردن تخلیه
ایدرك جزمی پی یانه چاغرمق وعادل کرایک مکتوبنی کوسترمک
اولدی جزمی کندیسنه تکلیف اولنان خدمتی بالاقتخار قبول
ایله برابر ایشک اطرافلی واحتیاطلی طوتلسی کندیسنک کرک عثمان
پاشایی وکرک شمخالی کورمسنه وباخصوص ایرانه امین اوله رق
گیره بیلک ایچون شمخالدن پریخانک مکتوبنه جواب المسنه
متوقف وبوده زمانه محتاج اولدیغنی سویلدی پاشا جزمینک
حقنی تسلیم ایله هیچ اولماقدن ایسه کج اولمق اولادردیه رک
و کندیسنه احتیاطاً اوچیک التون اعطا ایدرك همان اوکیجه دن
جزمی ایله ابراهیمی تیمورقویه ارسال ایلدی .

جزمی عثمان پاشا ایله شمخال و اوصره ده شروانه کلش اولان
وعادل کرایک بیوک برادری بولنان محمد کرایک کوردکدن واقضاً

ایدن اوراق و تعلیماتی الدقدن صکره ابراهیم و صادقله برابر ایرانه
 آچیقدن آچیفه کیرمک ایستدی ایسه ده بردرلو مقتدر اوله مدی
 چونکه طوقاق خان باشنده بولنان عسکرله دائماً عثمانلی کاربانلرینی
 اورمق و بزه تابع اولان یرلری غارت ایتمک ایله مشغول اولمق
 جهتیله مقابله بالمثل ایچون اوز تیمور زاده عثمان پاشا ایله محمد کرای
 خان تکرار ایرانیلرک پنجه سنه دو شمش اولان شمشاخی یه بر مقدار
 عسکر سوق ایدرک محافظه سنه مأمور اولان مازندران حاکی
 محمد خانی اعدام ایله قلعه یی استرداد ایتدیردکن و با کویه یی ده
 بر تانار فرقه سی واسطه سیله تسخیر ایلدکن صکره — کر نهرینی
 کذار ایدرک و اطرافه آقجیلر طاعیدارق اوحوالیده بولنان
 ایران ملکنی تا قزل آغاچه قدر غارت ایتدیردکری کبی سردار
 مصطفی پاشا دخی اناطولی بکلربیکی جعفر پاشایی قوتلیجه بر فرقه
 ایله روانک تخریب و غارتنه مأمور ایتمش و او مبارکده انتقامنی
 بیاغی حدک خارجه ایصال ایله کرک روان شهرنده و کرک
 اطرافنده بولنان یالیزلره التونلره مستغرق بر چوق ابنیه عالییه یی
 زیروزبر ایتدکن بشقه یکرمی بیکدن زیاده ده قادین چوجق
 اسیر المش اولدیغندن ایران امراسنی بر غیظ مفرط — استیلا
 ایدرک و لونه نام ایله اولورسه اولسون عثمانلی ملکندن کندی
 حدود لورینه فرد متنفس کچیر مامکه قیام ایلشلرایدی حتی جزمی پی
 کوردکری زمان اوزرینه هجوم ایدن عجم قره قوللری سوزه
 حواله سمع ایدرمرام اکلار کر و هدن اولدقلرندن بر هجومده
 بیچاره صادقله ابراهیمی اعدام ایلدیلر .

جز مينك آلتنده قوله كميلان موجود و اويله نجيب بر حيواندن
استديكي كبي استفاده ايده جك قدر سلاحشور اولديني جهته ياننه
ياقلاشه بيلانلردن اوچ درت كشي تهلد يكي و او موزندن
خفيفجه بر غارغي ياره سي آلد يني حالده مهارت جند يانه سي
سايه سنده نفسني بيك بلا ايله تخليص ايده بيلدي .

بو بادره اوزرينه جزمي سرداره مراجعتله چاره صور مقدن
تمليات آلمقدن بشقه ذهننده مقصدينه وصول اچون بر طريق
امكان تصور ايده مدي همان ارضومه عودت ايلدي كلديكي
صره ده ايسه مصطفى پاشا زيرده تفصيل اولنه جق سبيلر اوزرينه
سردار لقدن انفصال ايتشيدى .

داماد پادشاهى صدر اعظم صقولى محمد پاشا كه التمش سنه
خدمت دولته بولنديني حالده هيچ بر كره دها بيوك بر خدمته
انتقال ايتكسز ين هيچ بر مأموريتندن انفصال ايتماش اوچ
پاشانك بلا فاصله اون بش سنه وكالت مطلقه سي خدمتنده بولنش
و بو صورتله زمان وزارتى چاندار ليلردن مقتول خليل پاشا
ايله كو پريلي فاضل احمد پاشان بشقه دولت عليه ده كلان
صدر اعظم لرك كافه سندن زياده امتداد ايتمش و ذوق و شوقيله
مشغول ايكن پادشاه زماننده سلطان سليمان كبي كره ارضك همان
هر طرفه حكى نافذ اولان بر شهنشا عظيم الاقذارك سنه لرجه
يوقلغنى بيلدير ماش و دولت عثمانيه كبي وسعت و مكتمنده
جهانكبر لك درجه سنه ياقلاشمش بر سلطنت معظمه بي مائل اولديني

وادی ناقریاب انحطاطه سقوطدن یدغالبنسنگ قوه موانع
تید اهتمایله منع ایتمکه موفق اولمشدی دورحکومتک سال
اخیری اولان طقوزیوزسسکسان یدی رمضانده برکیجه معتادی
اوزره تهجد نمازی ادادن صکره خزینه داری خادم حسن آغایی
مجلسنه جلب ایدرک دولت عثمانیه تاریخی او قودرکن حکایه
سلطان مراد اولک قوصوه ملحمه کبراسنده شهادته کلدیکندن
پاشا برکریه خالصانه ایله بخشایش الیدن کندیسنده اوله
دولت نصب اولسنی طلب ایلدی .

ایرتسی کون سراینده ایکندی دیوانسه حاضر بولندی
حالده دیوانه روشلی بر جرار عرضحال ایدرکی یاننه تقرب
ایتدی وبر بچاق ایله بر قاچ خطرلی برندن پاشایی یاره لدی
آردن بر ساعت کچر کچمز مرحوم دار المکافاة آخرته انتقال
ایلشدی .

پاشانک توابعی حدت و تهورله جراری پاره پاره ایلدیلر
بناء علیه خیانتک سببی نه اولدیغی وبشقه رفیق ومحرکری
موجود اولوب اولدیغی اکلاشیله مدی و بناء علیه پاشانک
اتلافی هر مجبولدن بر معلوم استخراجنده خیالترینی قواعد
ریاضیه بدل عد ایدن بر طاقم بیهوده کولرکاه سرای طاقنک
وکاه رقباسنک تحریکنه جل ایتدیلر وحقی قانلی پاره لیانلری ده
سر میدانه چیقماق ایچون مخصوصاً ترتیب اولنمش بر طاقم
اجرتلی جلالردن کوسترمک ایستدیلر هر نه حال ایسه

بو فاجعه ایله عموم اوزرنده وقار و اقتدار حکومتک بر مهثال
ذی حیاتی اولان صدر جلیل الاجتهاد الدن کیدرک یرینه
کلان اجد پاشاده ایسه سلفنک سایه سی قدر بيله حیثیت
اولدیغندن هر کسه تجربه طالع واز مایش استعداد ایچون
بر میدان جسارت اچلدینی کبی او زمانه قدر مرحومدن
حجاب ایتدیکی جهتله ایستدیکی کبی تزئین غیر و توصیف
نفسه مقتدر اوله میان سنان پاشا کندنجه اشد رقبا بیلدیکی
لالا مصطفی پاشانک ایران اوزرنده کی حرکتلرینی صرف
بطاثة بتون بتون غیر تسز لکه اسناد ایدر و سردارلق کندندن
اولق لازم کلسه بر قاج آی ایچنده تبریز اصفهانی و بلکه
کرمان و خراسانی زیر و زبر ایدرک شاهک کله سنی بيله دیوان
همایونه کوندرمه اقتدارندن دم اورردی سنان - پاشانک
بو لقلقیات خود فروشانه سنه کرائقیت بر طاقم هدایاسی ده
انضمام ایلدیکی کبی تفلیس محاضره سنده لالا مصطفی پاشایه
بر طور لاقیدانه اسناد اولدیغندن ایران سردارلقی طقوز
یوز سکسان یدی او اخرنده سنان پاشایه توجیه اولندی .

جزمی ارضرومه کلدیکی زمان ایسه سنان پاشا دها
استانبولدن حرکت ایتماش و یرینه قائم مقام نصب ایتدیکی وان
بکلر بیکی خسرو محمد پاشا سردارک قدومنه انتظاراً هیچ برایشه
ال سورمامک مسلکنی التزام ایتمش اولدیغندن جزمی اردو
مرکز نجه بر معاونت کورمکدن امید کی کشمش و بویله سردار سنز

بر اردوده عثمان پاشادان استمدادده دخی هیچ بر فائده اوله .
میه جنی قطعاً تیقن ایشیدی بونکله برابر جزمی دولتی طرفندن
کندینه احاله اولنش وحتی کندینه منحصر کبی کوسترلمش
بر خدمتدن صعوبت وحتی استعمالی بهانه ایدرهك كرى
طورمفی قدر حیینه یاقشدیره میان مردان همتدن ایدی .

هله بحق اشتها رینه خدمت ایدرهك اوله فوق العاده
وقعه لرك ایچنه صوقولوق ذاتاً اك بيوك ارزولرندن اولدیغی
کبی دنیاده اتساب ایدره بیلدیکی اصحاب همتك همان جمله سندن
زیاده سودیکی عادل کرایدن کله بر تکلیفی رد ایتک نظرنده ناموسنی
کندی ایله اخلال ایلک درجه لرنده برتزل بر غیرتسزک
کورینور ایدی .

اوجهتله اك بيوك مزیتی صعوبتدن سهولت تولید ایتک
اولان قوه عرفانه کوه نهرک - الیدی امرک اسباب اجراسنی
کندی کندینه احضار ایتکی کوزه الدی حیاتی قورتاردیغی
جهتله کندیسنه اك صادق رفیق اوله جفتدن امین بولندیغی
پرتوی تحری ایله طوغریجه شماخی به عزیمت ایدرهك آنک خانه سنه
نزول ایلدی و مرانی کرک میرزا عمره کرک پرتوه اطرافیه افهام ایتدی .
جزمی ذاتاً فارسی بیلورلساننده کی استعداد ایله هر درلو
تلفظی تقلید ایله ایدی فارسی ایسه پرتوک آته لسانی ایدی .

اوزون اوزادی برطاقم مذاکره لردن صکره قیافتلرینی
تبدیل ایله عثمانلی سواریسنک تسلطندن ایرانه چکلمکده اولان

روان خلقنه قاریشهرق حدوددن کچمکه قرار ویردیلر .
شماخیده برده صنی نامنده برعجم وارایدی که ایران حکومتی
زماننده میرزا عمر کندیسنی برجنایتدن طولایی محکوم اولدیغی
جزای اعدامدن قورتارمش و پرتوایسه هر حالنه هر فعلنه تشریک
ایلمش ایدی پرتوک اخطاری ایله انی ده یانلرینه الیلر .

شماخیدن چیقہ جقلری کونک صباحی ایدی که میرزا عمر
حزین برطور ایله جزمی به توجیه خطاب ایدهرک « سز بوخانه به
برملک مؤکل کبی نازل اولدیکز اوغلی قورتاردیکز بنی صیانت
ایتدیکز بو قدر احسانلریکزه مستغرق اولدق قزیمده تربیه به
همت ایلدیکز چوجغه نقدر محبتم اولدیغنی بیلورسکز اختیارلق
وجودمده طاقه بر اقدی کندمده پک فنا برطاقم حاللر حس
ایدیورم جناب حق بیلور امازم رحلت یقیندر او قدر تربیه -
دنصکره بن قزیمی بوراده کیمه ویره بیلورم چوجق معصومیتی
جهتله ایتدیکز لطیفه لری بتون بتون جده جل ایتمش حالا
کندیسنی سزه مالک قیاس ایدیور حدا بیلور ایش کندیمه عاند
اولدیغنی ایچون سولیلورم سنه حرمت بیوریکزده تجربه مه
اعتماد ایدیکز اقربا تعریفله کورمدیککز برقادینی تزوج ایتک
ویا خود صوی مذهب نامعلوم اسیر جیلر خانه منده بیومش بیک
ارکک قارشیسنده طولاشمش بر جاریه المقدن ایسه بیلدیکز
او قوتدیغکز شوچو جوغی الهه کز تربیه سنی کندی ایتدیکز کز کبی

اکمال ایتسه کز خانه کزده قادی نلردن چوق شفقتلی جاریه لردن
چوق اطاعتلی بر رفیقه بولندیرمش اولوردیکز « دیمکله جزمی
» والله بن چوجوغک هم شکلی هم حالی بکنمیورم دیسه مایلان
سویلیش اولورم سویلدیکنز لقر دیلرده تامیله حقیقته مطابقدر
فقط یالکز صاحبندن حیوان ویافندیسندن اسیر الیرکبی پدر
موافقیته قزالمق مطالعه مه توافق ایتمیور عایشه بیوسون اکر بی
استرسه کمال ممنونیتله الیرم « سوز لریله مقابله ایلدی .

اختیار جزمینک بوفاده معقوله سنه قارشی « ایش بودر چه به
کله کدنصکره اوته سی جناب حقه تقدیرینه باقار. سز شمیدیک عایشه به
یالکز اوفاجق بر نشان براقکز اوسزی بکنمزسه صکره نشانکزی
رد ایدر سزانی ایستمزسه کز نشان دکل حتی ارده نکاح بیله
اولسه پندربنک اوینه کوندر مکینه الکزده در « یوللو عرض
مرام ایدنجه جزمی بلاتردد پارمغنده بولنان بر اوفاق یاقوت
یوزکی چیقاردی نشان اوله رق میرزا عمره تسلیم ایلدی)
همان اواقشام جزمی یاننده بولنان اوچیک التونی اوج آیری
کمره یرلشدیردی کمرلک برینی کندی دیکر لوبنک هر برینی ده
رفیقلربنک بری قوشاندی شماخیدن چیقیدیلر روانه طوغری
یوریدیلر حدوده یاقلاشبنجه برتنها سحراده براغاچ دینه چکلیدیلر
ارقه لردن البسه لرینی اتدیلر برابر کتیر دکلری برقات عجم اتوابنی کیدیلر
ایران داخلارینه طوغری چکیلان روان فراریلرینه قارشیدیلر نره لی
اولدق لرینی صورانلره جعفر پاشانک هجومنده قتل عام کورمش

وتخریب ایدلش اولان صاری کوتید نامنده برکویدن اولدقلرینی
خبرویرلر ایدی .

تدبیرلرینی کمال مهارتله اجرا ایتدکلری ایچون حدودی
بک قولای کچدیلمر ویولده هیچ برمانعه به تصادف ایتمکسزین
قزوینه واصل اولدیلمر .

جزمیده کرک عال کرایه کرک پرینخانه مکتوبلر وار ایدی
فقط صادقله ابراهیم یولده تلف اولدقلری ایچون انلره تقرب
ایتمکه انده برواسطه یوق ایدی قزوینده هیچ برکسه یی؛ یلرز
ایدی که مقصودینه وصول ایچون استمداد ایلسون ایرانک
اداب وعاداتنه تمایله واقف دکلدی که کندی کندینه برچاره
بولسونده سرایه داخل اوله بیلسون نه قدر اتعاب افکار
ایلدی ایسه همان هرزمانده استحصال امل ایچون اک مؤثر
واسطه اولان بئل نقوددن بشقه ایشنه یرایه جق برتدبیر
تصور ایدمدی همان اجتماعکاهلرده قوربیجی طاقی ایله الفته
ابتدارایدرك ضیافتده هدیه ده حاتمانه برسغا ابراز ایتمکه وکندینی
دنیانک اک برنجی اصحاب ثروتندن کوسترمکه باشلادی برای
قدر اوغراشه اوغراشه قوربیجیلر اره سنده ایکی سنی بولدی
انلره الفتی قزشدیردی برقاج کونلر کورشدکن صکره ذکاسنده
اولان قوه فوق العاده ایله ایکی سنکده اخلاقنی تماماً تمیز ایلدی
کندیلمرینی دائرة محرمیته الدی .

اوصره ده پرتوله صنی ده سائر قوربیجیلرله کوریشورلر

وجزینک امری اوزرینه کندی کورشدکری آدملری ضیافت ایله هدیه ایله تطیبده قصور اتمزلر ایدی .

نهایت برکون جزمی جرأت معتاده سیله هر نه مخاطره بی کوزینه الهرق قونشدیغی سنی قوربجیلردن موسی کاظمه کندیسی قریم خانک دائره سی معتبرانندن اولدیغی وعادل کرایه برادری طرفندن پاره وهدایا کتیردیکنی سویلدی وبومقصدینه خدمت ایده بیلرسه حقنده کرک خاتزاده نك کرک کندی نك هر درلو احسانی مبذول اوله جغنی وعد ایلدی .

موسی کاظم ناموسلی خیر خواه مذهبنه مذهبداش لرینه کالیله محب برآدمجکز ایدی فقط جزمینک تکلیفی قبول ایده جک قدر جسارته مالک ذکل ایدی بناء علیه ایشک رفیق وهمشه رییسی اولان عباسه آچلمسنی رأی ایلدی .) جزمی ده عباسی ایشه برار مذهبنه محب برآدم کورمش ایسه ده اخلاقنده طمعکارلق حس ایلدی کیچون بوتقیصه نك حریمی خیانت درجه سنه سوق ایدوب اتمیه جکنی اکلامدقچه عباسه اچلمنه جسارت ایده مزدی بومسئله ده موسی کاظمی اوزون اوزادی استنطاق ایلدی عباسک بیاغی تفصیلاتی ایله ترجمه حالی او قورمش کبی هر حالی او کندی عباسک قورقوله جق قصوری «پاره جانلی» لغنه منحصر اولدیغنه امنیت حاصل ایلدی کندی ایسه مقصدینه صرف ایچون اوچ بیک التونه مالک اوله ررق قزوینه واصل اولنجه یه قدر حیوان لباس مباحه سیله برابر النده کی ودیعه نك همان یوزده برینی صرف اتمکدیکندن

وموجودينك بقیه سی اوزمانلر حکمنجه ایران قوریمچیلرینک
کافه سنی اشترايه کافی اولدیغندن عباسک طمعنی ایش بوزه جق قدر
مضر بر حال عدايتدی همان اوکون موسی کاظم واسطه سیله عباسی
بولدیردی اکاده بی پروا کشف راز ایلدی عباسک طمعکارلنی
قدر جرأتی ده وارایدی او جرأته ایسه بویله ایشلرده طمعکارلنی
برقاند هاقوت ویرردی بناء علیه جزینک تکلیفی بلاتردد قبول
ایدرك « حانزاده البته سزی بیلیر قپودن المزه پنجره دن یاننه
کیرمکده مانع یوقدر یارین کیجه بن خانزاده نک پنجره سی التنده
نوبتجی یم رفیقم ده یالکز کاظم در بز قوریمی یز یانمزده کند بولنیق
عادتدر تاجرلر بازارنده پک کوزل ایسک کندلر وار کاظمه
سپارش بیوریکز اون اوج اون درت ارشون قدر بردانه سنی
تدارک ایلسون او بویده سنی پک چوق اولسه اوج آلتونه ویررلر
سزه کوندزدن باعجه نک قپوسنی کوستیرم کیجه ده اچیق بر اقیرم
ساعت بش التی راده لونده کلیرسکز کندی پنجره یه اتارز چیقار
خانزاده یه هدیه لر کزی تقدیم ایلرسکز بن اشاعیده بکلرم ایستدیککز
قدر او طور رسکز ایشکز بتجه اینرسکز خدمتزه مکافات اوله رق
بزه الیشر التون ویررسکز مقصد حاصل اولور » جو ابنی ویرنجه
جزمی همان کیسه سنی میدانه آت هرق کند پار ه سندن ماعدا ایکینه
دفعه یوزر آلتون اعطا ایتدی خانزاده بی کورد کدن صکره ایکشر
قانی دها ویره جکنی علاوه ایلدی .

عباس طمعکارلنک اظهارینی وقار لوندانه سنه مغایر کوره رک

اولدینی احسانه مقابل « خیر ! بو خدمت ایچون ویردی کز پاره
بیله چوقدر خانزاده پی کورد کدن صکره تکرار احسان کزی المقله
او تانورم سزایش بیورک بز کوره لم لایق اولدیغمز اجر تی ایستمدکن
چکیمیز » سوز لریله جزمی بی برتسم عارفانه یه مجبور ایلد کدن صکره
لازم اولان کنبک اشتراسنی ده کندی عهد سه سنه الهرق و کویا
ایش کندی نه عاندا یمش کبی ایرتسی کیجه نک اونود ماماسنی جزمی یه
توصیه ایلهرک ایشنه عزیمت ایلدی .

سرای شاهی ده غازی کرای دغدغه سی اونودلمش شهر یارک
عادل کرایه تسلطی ده نهایت بولمش ایسه ده صاد قله ابراهیمک عودتده
کوریلان تأخر لر اصحاب مشورتجه پک بیوک اندیشه لری موجب
اولمه باشلادی شهر یار بوتأخرک دوامی مقصدینی تأخیر ایتدیکی
ایچون مضطرب اولور عادل کرای ایله پریمخانی مکتوب لری اله کچمش
اولمق و اهمه سی بیک درلو خلیجانه دوشور ردی بناء علیه ینه هیچ
اولمزه ایکی کیجه ده بر عادل کرایک او طه سی شهر یار ایله پریمخانک
یا ایکسندن و یا ایکسنگ برندن خالی قالمغه باشلادی بونلر بریره
طوبلانیر لردر لودر لو مطالعه لرله اتعاب افکار ایدر لر بر بر لورینک
سوزندن کندی آرزولرینه کوره چیقاره بیلد کیری معنی ایله تسلی
بولور طاغی لیر لور ایدی .

بو یله اندیشه کیجه لرینک برنده که شهر یار شاهک خدمتنه کیتمش
پریمخان ایسه میدانی تنها بولهرق عادل کرایک او طه سنه جان اتمشدی
ایکی عاشق قارشی قارشی یه کلدی لر کوکلرینک اضطر ایله برابر

صیغاءك ده افراط درجده بولنسی جهتیه براز هوا المق ایچون
 اوطنك نه قدر پنجره سنی واریسه جله سنك درت قنادینی بردن
 آچه زق و کندیلری برکوشه یه چکیله رك حسبجاله باشلادیلر
 مکتوبلرک طو تلدیغه بر قوتلی دلیللری واریدی که اوده آدملری
 قزویندن چیقه لی ایکی اوچ آبی کچمش اولسی ایدی اکر مکتوبلر
 طو تلمش اولسه ایدی اوزمانه قدر البته ایش میدانه چیقمش اوله جغه
 و حال بوکه هیچ بر طرفدن مسئله یه دائر برسس ظهور ایتماسنه
 نظر آادملرنک بأی حال عثمانلی ملکنه کیر دکلرینه تمامیه حکم
 ایدر لردی بونلرک عثمانلی ملکنه مقتدر اولوبده اورادن چیقمغه
 مقتدر اوله میشلرینه برسبب معقول تصور ایده مز لردی .

ایشته عادل کرای ایله پریخان تشبثلرینک عواقبنه و مناسبت
 دوشدکجه حالات محبته دائر اوزون بر محاوره یه طالمش اولدقلری
 صره ده ایدی که او طور دقلری کوشه نك صاغ جانبنده اولان
 پنجره دن بر حرکت بر تنفس سسلری کلکه باشلادی بیچاره لر فنا
 حاله اور کدیلر حیرت لرندن وجودلرینک بر ذره سننده بیله
 حرکت اقتدار قلمدی دقتلرینی و بلکه حواس - باطنه لرینک
 جله سنی او جهته وقف ایستدیلر اره دن بر دقیقه کچر کچمز
 ایشتدکلری سس هم زیاده لشدی هم او طیه بتون بتون یا قلاشدی
 طبعیدر که مجلس محرمیتلرینه تقرب ایدوب کلان مخلوق کندیلرینه
 کوره هادم اللذات اولان موتک قره خبر جیسی قیلندن ایدی ایکیسی
 بردن جان هولی هجران قور قوسی ایله لر لوندن فر لادیلر پریخان جارینی

قاهره و اوطه دن چكلمك و عادل كراى قلیچنه صاریله رق اوبلای
نا كه ظهوری قارشیلایق عزمنده ایدی كه پنچره دن یانلرینه برکولكه
و متعاقباً عباسنه بورنمش بر آدم آتلی عادل كراى مایوسانه برتهورله
اوخیال هائلك اوزرینه یوریدیكى صره ده مسافر سمكر نمایش
ارقه سندن عباسنی آتجه كوردی كه بر قاج ایدن بری قدومنه
انتظار ایلیدیكى جزمیدر . .

بچاره نك ذهنی استیلا ایدن دهشت دشمن جان قیاس ایلیدیكى
بر مخلوقك كندنجه بر توفیق مشخص اولدیغنی كورمسی اوزرینه
او قدر شدت او قدر سرعت و اطمنانه منقلب اولمش
ایدی كه قلبنده ظهور ایدن خلیجانلرك شدتدن برسوز سوللكه
و حتی وجودینك بر عضوینی تحریك ایتكه مقتدر اوله مقسزین
النده یالین قلیچله تمثال هول اولمق ایچون یابیش بر تصویر مجسم
کبی بولدیغنی برده دیکلمش قالمش و پریخان ایسه جزمی بی بیلدیكى
جهتله اوغرا دیغنی هول واضطرابی دفعه بالطبع مقتدر اوله مدی
ایسه ده جزمی به كورنمدن اوطه دن چیغمه وقت بوله مدیغنه
و كورندكدن صكره چیقماق لازم كلسه ملاقات محرمانه لوینك تولید
ایده بیله جکی شبه لر عین حقیقت رنکنه کیره جکنه نظر آدنیاده قاج
درلوتدبیر تصویرى ممکن ایسه سیاله برقیه قوتیله همان هپسی بردن
خیالندن کچرک نهایت اکر وقعه شایع اولورسه بو ملاقاتی ده
مقتاد اولان مذاکره مجلسلری قیلندن کوسترمکه قرار ویردی
عاقبت حاله انتظاراً مقامنده ثبات ایلیدی .

پریخانک بولندیغی موقع دن یان دو شیمک جهتیله جزمی کندیسنی
کور دیکندن مجلسی بتون بتون تنها قیاس ایدهرک وشوخ
مشر بلکنی اله آلهرق « ماشا الله شهزادم ! دعوت ایتدیگکز
بندکانگری نه قدر حسن قبول بیوریورسکز .

بو قلیچده مهمانوازلق لازمه لرنندمیدر « دیوبده عادل
کرایدن جزمی الله مستحقنی و یزسون او طیه پنجره دنمی
کیریلور جوانی النجه « قپوده مانع بولنجه پنجره دن دکل
طامدن بیله کیرمک جائردر « یولو مقابله ایلدی پریخان
جزمی سوزینی ایشدیکی کبی ایتدکری تلاشک اوغرادقری
دهشتک نه قدر بیهوده نه قدر موهوم بر شی اولدیغنی
دوشونهرک ظنیات ایله حقایق بیننده کی مغایرتی خاطرینه
کتیردی قهقهه ایله کولمکه باشلادی .

جزمی خنده صداسیله بری طرفه دونوبده یانلرنده جار
ایچنده بر قادین بولندیغنی کورنجه فنا حالده شاشردی پریخانک
چهره سی میدانده دکسهده بر شاعره کوره اندام و خرامندن
کوزلکنی تخیل ایتک مقرر اولدیغیچون بویله بر مجلس محبتی
بوزمق مزاج رندانه سنه طوقوندی بو مناسبتسز لکنه فکرنده
عذر بولوردی چونکه ایرانه دعوت و او طیه ضرورت
اوزرینه کلشیدی فقط عادل کرایک فکرینی خدمت ملته منحصر
بیلدیکیچون دعوتسه اتباع ایدوبده دقیقهده بر کره نفسنی
اجلک پنجه سنه اتارجه سنه یوزبیک مخاطره کچیره رک بر محارب

دولتک پای تختنه قدر کیرمکی کوزه کسدرمش ایکن خانزاده پی
اوله بر بزم شوقاشوق وصال ایچنده کورنجه کلدیکنه قلباً
عادتاً ندامته باشلادیغی کبی بو تأثیرینی بعض ایملره اولسون
اظهار ایتمکدن کندینی الهیهرق « یالکز اولدیغیزی بیلسه
ایدم تجیز ایتدم » دینجه « عادل کرای » مجلس ینه یالکز
دیمکدر شو کوردیکک وجود پرینخاندرا که نهیه تشبث
اولنه جقسه آنک ایله برابر تشبث اولنه جق » دیدی و شروانک
حالنه و جزمینک یوللرده کی سر گذشتنه دائر براز معلومات
الندیغی کبی ابراهیم ایله صادق تلف اولسنه بر چوق تأسفله
برابر او زمانه قدر بر معنا ویره مدیکی تأخرانک حکمتی
بجهره دن کیرمکه موفقیتنی و بوکا خدمت ایدن قوربیجیلرک
صورت مجلوبیتنی او کوندکدن صکره ایروسیچون ایدیله جک
حرکتی مذاکره استدار ایلدی .

پرینخان تربیه و ظرافتی اقتضاسنجه عادل کرای ایله جزمینک
کیزی بعض سوزلری ده اوله بیله جکنی مطالعه ایدرک « جزمینک
بوراده بولمنسی پکده بنم ۰۰۰۰۰ یاخود شهریارک بوراده
بولنماز بکزمز بن کیده یمده صباحه قدر اطرافکزی قولایم
سز قونوشور مذاکره ایدرسکز یارین جزمی بک قوربیجی
ضابطلرندن علی قولی افشاره مراجعت ایتسون آچیقندن
اولهق بکا کلسون دایمندن مکتوبنی هدیه سنی کتیرسون خانلره
کندیسی شمخالک ادملرندن اولدیغنی و شمخال عثمانلیردن

بیزار اوله رق هم ایرانك تدبیر حربیه سنه معاونت و همده
کویا بنی بوراده خانلردن برینه تزویج ایله داغستان و ایران
حصیتلری اراسنده اولان ارتباطه قوت و یرمک ایچون ممکن
اولور ایسه کندی فرار ایدوب کلمک و ممکن اوله مزسه
اقرباسندن برینی کوندرمک عزمنده بولندیغنی سویلسون «
دیدى و جزى » اوله سویلر سهك بتون بتونده یالان اولمز
چونکه بوراده جدی بر تشبث اولدیغنی نحقق ایدر سه شمخال
برادرینی کوندرمک نیتسده در « جوابنی و یردی پرینخان
» یا برادری عثمان پاشایه کریمه سنی و یردی انك کلمسی نصل
اولور ایران دولتک بوندنصکره طوجه لاوبکه اعتماد ایتسی
ممکنیدر « یولو مقابله ایتدی اکاده جزمیدن « طوجه لاوبکی
دکل دیگر برادری دانیال بکی کوندره جکدر » جوابنی الدی
« دانیال بکک بکا محبتی شمخال دنده زیاده در اوکلیر سه بزم
ایچون پک بیوک خیرلر امید اولنور سز مذاکره کزه باقیکز
بن اطرافی طولاشه یم « دیه سویلنهرک او طه دن چکلدی .
جزی ایله عادل کرای تنها قالدیلر شو یوله صحبتسه
باشلادیلر . (جزی پرینخانك شمخال بنی امرادن برینه
و یرمک اوزره کله جک یولنده اولان لقردیلرینی سویلدیکی
زمان عادل کرایک چهره سنده حاصل اولان قورقنج قورقنج
تغیردن کوکلنده کی اضطراب عشق دفعه آکلامشدی - جزی -
جزی بنده کز نظر کزده ینه اولکی جزمیدر .

عادل - قیمتك بىك قات زياده لشدى دىمك استيورسك .
جزمى - اره صره مناستسزلك ايدرسهم انفعال بيورلمزيا!
عادل - نه كبي مناستسزلك .
جزمى - بويله بزم ايچنده رزم ترتيباتيله اوغراشمغه بردرلو

عقلم ايرمدى .

عادل - بزم دكل مذاكره مجلسنده ايدك .

جزمى - قادينلرله مذاكره

عادل - اوت ! براز غريب كورينوراما پريخان اكلاديفك
قادينلردن دكل بوندن اول شاه اولان اسماعيلك جلوسنه او
سبب اولمشدر يالكز تدبير ايله ده دكل هم تدبير هم شمشير ايله .
جزمى - ارسلانلر رفيقه سنى ينه كندى جنسندن انتخاب
ايدر .

عادل - صكره شاه اسماعيلي ده او تلف ايتدى ديورلو
اما افتراذر والله ايش اويله دكل هيچ نه مناست!
جزمى - افندمز افتراي ايدن بن دكلم حسن شهادت
يولنده بو قدر تلاشه احتياج يوق .

عادل - خير شايد سن ده ايشيدرسك تشبته كوكله كه بر
صوغو قلق كليرديه سويليورم .

جزمى - بنده كز حالا تشبته ايصنه مدم كه كوكله صوغو قلق
كلسنى تصور بيور بيورسكز .
عادل - نچون .

جزمی - اولاً تشبثی بیلورم .

عادل - سویلیم بوراده چرکس طاقنک خیلی قوتی وار
شاه برعلیل آدم . جزه میرزانک مزیتی یکتیلکه منحصر دنیا
بشقه برشیدن خبری یوق عباس هم بوراده دکل هم درت
باشنده وزراتده بولنان میرزا سلیمان اولدقجه عاقل برشی ایسه ده
ادانیدن کلمه اولدیغندن کرک خانلر کرک عسکر کندیسنندن پک
متفردر عموم ایرانده پریخانک بیکده بری قدر انفاذ حکمه مقتدر
کیسه بی بوله مزسک اطرافیه دوشوندک هر کسی ایاقلاندر مق
پک قولای اوله جق . هم اخلاقه هم درایتنه اعتماد اولنور
برواسطه مز یوق ایدی ده سنی آنک ایچون کتیرتدک شمدی
صفوی خانداننک اعضاسنی شورادن طوپلایورسه کده استانبوله
کوندرسه ک مقبول اولمزی ظن ایدرسک .

جزمی - اکلامدم شهزادم ! صفوی خانداننک علیه
عصیان ترتیب ایدیورسک زده او خانداننک اعضاسندن برقادین
ایله نصل متفق اولیورسکز .

عادل کرای - اوٹ عالمک حالی بوقدر غریب اولدیغنی
بنده بیلزدم سویلدیکم عقلک خارجنده کورینور فقط صحیحدر .
جزمی - او قدرده درایتکز عرافانکز ایله برابر کوستردیککز
صافدرونلغه انسان حیرتده قالیر کندینی برادری علیه سزکله
متفق کوسترن برقادینه نصل اینانیرسکز قرداشنک خانداننک
سلطنتنی بیقمنی تصور ایتسندن ایسه سزک حیاتکزه قصد ایتسی ده
ملحوظ دکلیدر ؟

عادل - پریخانندن بکا خیانت تصورنده بولمه !

جزمی - نیچون .

عادل - پک اینجه اینجه سؤال ایتمه باشلادک .

جزمی - مساعده بیورسه کز سؤال ایتیم وجدانکزه

ترجان اولیم سویورسکزه انک ایچون دکلی ؟

عادل - فرض ایت که سویورم نه لازم کلیر .

جزمی - نه لازم کله جک معشوقه بی هر فالقدن تجرید ایتمک

مجتک شانندن اولدیغندن سوزینه اینانیر بویه مهلکه لره دوشرسکزه .

عادل - سن انسانه هر سرینی سویلتکمکی ایستیورسک

اوده بی سویور .

جزمی - وای ! ایکی عاشق معشوق بوتنها مجلس الفتله

بوکیجه لوجه مجتله قناعت بیورمه دیکز افندمز آکاحیاتکزی

مهرمؤجل تعیین ایدیورسکزه اوده افندمز جهاز اوله رق

برقوجه تخت سلطنتله کلکه چالیشور اویله می .

عادل - کوزل خلاصه ایتدک بریرنده اکسک وار پریخاننده

بنم کی سنیدر نه دیرسک جزمی شاعرانه برتشت دکلی .

جزمی - انسانک خیالی عوالم علویه نک اک یوکسک

طبقه لرینه قدرسوق ایدیورخیالک پارلاقنی قدر اجرا سنده در

قابلیت اولسه !

عادل کرای - سلطان سلیمک - صقولینک بری قره لوی

ضبط ایدره ک بری دریالوی برلشدیره رک حاصل ایتمک ایستدکلری

اتحاد - اسلام مقصدینی شیعیلر النده اسپر ایکن سنی بر قزک
یاردمیله وجوده کتیره بیلیرسه م (کرچکدن سویلیورم)
شاعرانه بر خیال دکلمدر ؟

جزمی - افدمزه عرض ایتدم اکر قابلیت اولسه !
خیالک شاعرانه اولدیغنی ظن ایدرم که قولکزده همان افدمزه
یقین بیلنردنم بنده کزی خیال شاعرانه ده قدر تکزه افناع
ایچون بیچاره صادق ایله ابراهیمی فدا ایدرک بیک بلالرا یچندن
بورالره قدر کتیرمکه هیچ احتیاج یوق ایدی اکلا دق
افدم بنده کزده اصحاب خیالدم سزده شمدی جدیاته
کله م . اکر بر مانع یوق ایسه نصل اولوبده ایشک بودرجهیه
قدر کلدیکنی اوکر نه بیلیری م ؟

بوسؤال اوزرینه عادل کرای وقعه نك صورت ظهوری
اصلندن دها غریبدر « مقدمه سیله سوزه باشلایه رق شهریار
ایله اولان ماجرای و مجبوریتله یالانندن باشلادیغنی بر ایشک بیک
رنکه دو کولد کدن صکره نصل بو قراری انتاج ایلدیکنی بر تفصیل
حکایه اتمکله جزمی ایکی قادین قوتیله بر دولت فتح ایتمک عادل
کرایه مخصوص خارقه لردن اولدیغنه دائر بعض لطیفه لردن
صکره ایکی رقیب اره سنده بولتمق ایکی آتش اورته سنه دو شمکدن
دها مخاطره لی اولدیغنه ایرانک مذهب داعیه سی حصول امله
صورت قطعیه ده مانع اوله جفته تخت سلطنتده طه ماسبک اوغلی
اوطوروب طوررکن شهزاده بایزیدو وقعه سنی تنظیره چالی شیرجه سنه

برتشبده بولنق ككارى عاقل اولديغنه دائر ذهنندن كچن
تصورلوى برر برر عرض ايلدى جزمينك لقرديلرنده ايسه
عادل كرايك دوشنديكى برهيچ سوزيوق ايدى فقط او مخاطره لور
ذاتاً كندى ذهننه كلديكى زمان تأتير ايتديكى حالده بشقهسى
طرفندن اخطار اولنديغى زمانده حكيمز قالمق طبيعي ايدى
برمدتجك پرينخاندن ايشنديكى ومجرد آندن ايشنديكى ايچون
عين حقيقت كورمك ايشنديكى دلائلى — كه يوقارنده بيان
اولنشدى جزى به قبول ايتديرمك ايشدى مخاطبندن قناعت
كورمينجه بودرجهيه وارلدقندن صكره كيرى كيدلمهك احتمالى
يوقدر احتمالى اولسهده بن دونم حتى مقصدم يالكز پرينخانه
تملك اولسه ايدى ينه يولنده فداى جان ايتمكدن چكمزدم شمدى
جانمندن زياده سويديكم برمعصومه بكامذهب نامنه اتحاد اسلامه
برخدمت تكليفنده بولنورسه تشبثك مخاطرهسى اميدينه ولو كه
بيك قات غالب اولسون تردد كوسترمكلكمك احتمالى وارميدر
— محاربه ميدانلرنده هر دقيقه كوزمك او كنده طولاشير ايكن
كرپكلرمى قيرپاجق قدر برهيجان ويره مامش اولان اولومدنى
قاچه جغم ده يكرمى ياشنده برقزك شيعيلر النده قالمش ايكن بندن
زياده كندى مذهبك اعلاى شاننى دوشنن برملكك ياننده
رذيلى اوله جغم ديهرك عزم قطعيسنى بيان ايله يوزينه باقلمز
درجه لوده برغضب پيدا ايتد كدن صكره سن عثمانلى اردوسنك
شهسوار جلادى عد اولنان جزى دكليسك بردشمنكى قور تارمق

ایچون آتلدینگ بلا کر ذابندن بزم ایش دهامی تهلهک لیدر که
بو قدر محترز طورانیورسک مقصد مزک (هایدی سنک -
دوشندیک کبی سویله میم) خیال مزک قدسیتی و حتی شاعرانه لکنی
بیلز ایکن شرواندن بورایه قدر کلده بوراده می و همه دوشه -
جکسک ایشده می خلل کتیره جکسک سوز لریله اعصاب شجاعتی
تحریک ایلدیکندن جزمی « مرادم افند مزک مخاطره ده اولدیغنی
کوسترمک ایدی یوقسه بنده کز هیچ بروقت بلادن آفتدن
قورقار جان اسر کر طاقدن دکلم » دیدی پنجره سندن اشاغی چکلدی .
صبح اولنجه اقساه کی قرار وجهله طوغریجه علی قولی
افشاره وانک واسطه سیله پرینخانه کیدرک اقسامدن الدیغنی تعلیماتی
تماما اجرا ایلدی .

التنجی فصل

() سنه سی بهارینک او اخرینه طوغری برکون که
میرزا سلیمان سفر تدارکنی اکیال ایله حدود اوزرینه یوریمک
حقننده هر طرفک وقوعبولان تقاضا سندن بیزار اوله رق
چادرینی قزوین کنارینه قوردیرمش ایدی خلاصه ترجمه لری
زیرده کوستریلان مکتوب لری او قومغه باشلادی .

مکتوب

شمدی به قدر دولت شاهیده ایتدی کمز خدمت معلومدر

بوسر حد فقر اسيله عثمانلینك شو كتنه مقاومت احتمالی قالمدی
بزمده دولتمزكده چاره سنه باقلىق امر عالیرینه توقف ایدر .

امضا

امام قلی خان

مکتوب

- ۲ -

صيف و شتادیمك عثمانلی کاربانك تفلیس و شروان ایله
موارده سنی قطع ایلمکه چالشدق خدمات مشكوره مز نزد
شاهیده مشكور اولمشدی شمدی به قدر بونجه موفقیتلری مزه
سبب عثمانلی سردارینك انفصالیله اردو اداره سنك خالی قالمسیدر
شمدی ایسه سنان پاشانك سردار اوله رق و رودی تحققی ایلدی
- جاسوسلر مزدن الدیغمز خبرلره کوره مهر صدارت ده کندیسنه
ارسال ایلمش بوقفیر برخیلی زمانلر طرف شاهیدن عثمانلی
ملکنده سفیر بولتمشیدم اورالوک عاداتنی اولدقجه بیلیرم نه حاجت
ایران ارباب وقوفی ایچون دخی بنم بیلدیکم شیلر مجهول اولان
احوالدن دکلدرسنان پاشا اکر فی الحقیقه مهر صدارته نائل
اولدیسه اوزریمزه بتون عثمانلی ملکنك عسکر یله حرکت ایتمک
مقرر در ایرانه او قدر عسکر نره دن کلیرظننده بولتمسون سلطان
سلیمان زماننده اوزریمزه روم ایلیدن بیله سوق چیش اولنمشدی
ایران ویرانه لرنده عثمانلی عسکری بسله نیله مز دیه مشهور اولان
مشله ده اعتماد بیورلمسون بوسنان پاشا نفوذ کلام ویسار بی پایانی

قوتيله عثمانلى عسكرىنى سوق و اعاشه جيش ايراندن بيك قات
مشكل اولان تونس ساحلرينه يمن چوللرينه كوتورمش و اورالرك
قحنه موفق اولمشدر كندى غايت عنود خود پسند برذات
اوله رق هر نه ايشه عزم ايدرسه اتمامه كافه اقتدارىنى بذل ايدر
او غر ادىنى ير لوى باى حال يا امرينه اطاعت ايتدير مك يابتون
بتون خراب ايتك ايستر تجربه مه اعتماد بيورلسون سر عتله
حركت لازمه دندر .

امضا

طوقاق خان

مكتوب

- ۳ -

سنان پاشانك عهده سنه صدارت توجيه اولندينى و برايكى
ايه قدر سر حده داخل اوله جنى تحقق ايلدى الديقمز خبر لور
عثمانلى اسراسندن در او شرفلى قوم اسير لكده بيله بالان سويليكى
بيلزلو اعتماد بيوريله والسلام

امضا

امير خان

ميرزا سليمان اوچ مكتوب ايله مؤيد اولان بو خبر هائلدن
نهایت درجه لوده اور كه رك دفع بلايه ذهنجه تدبير لوردوشمكله
مشغول اولدينى بر زمانده ايدى كه « نوكر » (اوشاق) لوندن
برى انه بر عر ضحال اعطا ايلدى عر ضحالى الدى كوزا و جيله
صاحبى تحرى ايتدى كوردى كه قارشيسنده غايت پزمرده .
- غايت چركين بر درویش طور بيور عر ضحالك مألنى صدقه

طلبه جل ايله درويشه برقاچ پاره و يرلسنى امر ايلدى
درويش ده ظريفانه برتيسم ايله حضورندن چيقدى غابله قاريشدى.
ميرزا سليمان براز وقت صكره ياننده كي كاغدلرى طوپلاديني
صرده درويشك عر ضحاله دقت ايتدى كوردى كه عر ضحالك
ورقهسى اويله صدقه استدعاسنه بکزر برشى دكل هنداباديسى
دينلان و اوزمانلرجه اكابر بيننده مخابره ده قوللانلان كاغد
جنسندندر - او مراق ايله بركرده عر ضحالى او قومق ايتدى
آچدى نظرينه شوافاده لر اصابت ايلدى .

صورت عر ضحال

غفلت بيورلسون شمخال طاقى ينه جمعيتنه باشلادى مقصدلرى
پرينخانى عادل كرايه تزويج ايدرك ايرانده بردولت چنكيزيه تاسيس
ايلكدرولى النعمت اولان خاندان صفوى بتون بتون محو و منقرض
اوليور جزمى بك نامنده بر آدم شمخال طرفندن مأمور اوله رق
بورايه كلدى بوقير درويش دخى برابر ايدى جزمى بك غائب
اولدى تخمينه كوره قوريجيلر اراسنه قارشمش اولسه كر كدر
قوريجيلر ايچنده ايكى سنى دوستى و ارايدى برينك نامى «عباس»
برينك «موسى كاظم» درانلرى بولدير مق ممکن اولور حقيقت
حال ده بالا طرف انلردن تحقيق بيوريلور عادل كراي ايله پرينخان
بربرينه فوق الغايه مبتلادر شهر يار خاتم دخى غالباً ميانچياقتلرنده
بوليور انك مقصدى بيله عم قوريجيلر بيننده دوشونيلان شيلرك
برى ده ذات عاليكزى اعدام ايتمكدر سرك وجود كر آره دن قالمزسه

پریخان و عادل کرای و شهریار خاتم بیننده اولان اتفاقک نتیجه سی
حصول بوله میه جفنی سویلور لر قور یجیلری تحریک ایدن شهریار
خانمدر عباس ایله موسی کاظمی بولدیر مق عهده کزه لازمدر میرزا
سلیمان عر ضحالی او قودی املاسزلغنه ربطسزلغنه باقدی هیچ
اهمیت ویر مامک ایستدی بر کرده حاوی اولدیغی اخبار غریبه یی
دوشوندی خصوصیه شهریارک قور یجیلرله کندی علیهنه فتنه
ترتیب ایلدیکنی پیش نظره الدی هیچ اولمزه شهریار دن ایشی
استیضاح ایتمامک هم شان درایتنه هم وظیفه وزارتنه مغایر اولدیغنه
حکم ایتدی همان او کیجه دن سرایه کندی عر ضحالی شهریاره
تقدیم ایلدی .

شهریار او یله هیچ امید ایتدیکی برز مانده هیچ او مدینگی بر آدمک
هیچ خیال و خاطرینه کتیر مدیکی بر مسئله ایچون یاننه کلدیکنی کورنجه
طبیعی متغیر اولمشیدی فقط عر ضحالی او قور او قومز حالی تغیر دن
تأثره تأردن غیظه غیظدن عادتا جنوبه انتقال ایدرک همان میرزا
سلیمانک بوغازینه صاریلیر جه سنه اوزرینه آنلدی « اوت ! میرزا
اوت ! بو عر ضحال تمامیه طوغریدر سنی اولدیر تمک ایچون بن ،
آدملر ترتیبیه اوغراشوردم واسطه لر مده عباس ایله موسی
کاظمدر کیت آنلری آرات بولدیر بلکه بولدیره مزسک نه یاپارسک
یاب سنیلرک اطرافنی احاطه ایت بنم مقصدم بشقه ایدی ایشلر بشقه
نتیجه ویردی مکر مقصده ده اوقوتلی چالیشانلرده بولنور مش میرزا !
نه یوزیمه او یله حیران حیران یاقیورسک عادل کرای دیدیکی

صردہ میرزا سلیمان سوزی کسہرک « افندمز اونصل لقردیلا !
 سزبوکون شاه حضر تلرینک حیات ثانیہ سی ولیعهد سلطنتک نشئہ
 اولیسی بولنیورسکز بوعد عاجزک خدمتدن ممنون اولدیفکز
 حالده عزل وبلکه اعدام ایتدیرمک یداققدار کزده ایکن علیهمہ
 برطاقم ارادلی تسلیط ایتک شان دولتکزہ یاقیشیری بنی قوریجیلر
 پارہ لور ایسه حامل اولدیغم وکالت اضلقتیلہ قدر سلطنتہ نہدرجه
 خلل ترتب ایده جکی تعریفہ محتاج اولان حالدر ندیدر سپاہی
 بودرجه یوزہ چیقاریلور ایسه ضبطلری نصل قابل اولور خاندانکز
 نصل راحت ایدر ایاق طاقنک وزیرده ایتدکلری تجربہ بی شاه
 حقندہ تکرارہ قالقشمیہ جقلربنہ امنیت جائز میدر ملوک ملهمدر
 یاوقعہ شاهہ عکس ایدر ایسه خشمندن قور تلیق قابل اولورمی !
 درایتکز مسلم عالم ایکن عرضخالک مألنی اعتراف بیوردیفکزی
 دوشونیوردمده سامعہمہ اعتماد ایده میہ جکم کلیور « یولو علنی
 تخطئہ وضمنی تهدیددن مرکب بر مقاله جک ایراد ایتکلہ شهریار
 تهور خرد گذارینک ویرہ بیلہ جکی نتیجہ لری پک قولای تفرس
 ایدرک شدتله چاغلیوب طور رکن صویبی چوغالدقجہ آقندیسنی
 کوسترمیہ جک صورتده بر شکل سکونت پیدا ایدن دیدہ لور کبی
 کولکندن غلیان ایدن انفعالاتک ظاهرده کی آثارینی ینہ وانفعالاتک
 کثرت وشدتی آلتندہ سترایدرک بردن برہ تحویل لسان ایله « مادامکہ
 بنم اعترافم عقل قبول ایده جک شیردن دکلدن یا مجھول بر آدمک
 حقندہ کاغداوزرینہ قویدیغی افترایہ نصل احتمال وپردکده نفسکده

ادرا کنندن حیا ایتهدن بنی استنطاقه کلدک ! بن بوراده شاهک
حریمی تحت سلطنت اوزرنده او طور بیورم بوندن صکره عرشه می
چیقاجقم که برامم اولسون ده کندی دولتمک علیهنده فتنه احدائنه
قالقیشه می ! کوزلرینی بر طرفه بر اقدکده عرشحالی قولاقلرکلدی
او قودک اذهنکی حرص اقبال ارقه سندن کوندرکده او قودیفک
شیک مألنی واهمه کلدی ا کلامغه چالشدک ؟ کاغدا یچنده شمخالک
ینه بروقه احدائیله اوغراشدیفنی کورمدکی ؟ شمخال ایله بنم
نه مناصبتم وار ! پریخان شمخالک همشیره زاده سی اولدیفنی بیلزمیسک
بوراده برجکیز دولتی تشکیل ایتک ایستلدیکنی او قومدکی عادل
کرایکده شمخالکده پریخانکده سنی اولدقلری خاطر کده دکلیدر
ایشته اتفاق ایتشار دولت صفوی بی محو ایتمکله اوغراشورلر
هم اوغراشدقلری ده محققدر کویا قریمی بزم طرفه ربط ایتک
بهانه سیله شمخاله شاهک اذنیله آدم کوندرلدیکنی بنده بیلورم !
مکر پریخانک مقصدی بشقه ایش شوپادشاه کریمه سنه باق ! مردار
شهو تیچون بتون خاندانکده بنمده حیاتمزه قصدا یدییور . آه ! بن
اکاو کره دیرم والله او کره دیرم ! شهریار ایله اوغراشمق شاه اسماعیلی
بوغدرمغه بکزر می ایش کندیسنه آکلادیرم ! ملک قیافتنده ابلیس
کل رنگنده زقوم .) حریف ! نه قارشنده پریسنی کورمش دیوانه
کبی آلیق آلیق باقییورسک وزراتک شرطی حیرتیدر ؟ شممدی کیت !
درویش زرده ایسه بولدر جز می بک کیم ایسه اله کچیر ! ایشک کنهنی
تحقیق ایت ! او کنی ال ! یوقسه بالله سنی شاهه سویلرم جهنمه شیطانه

یا قیسه جق قدر غذا بلر ایچنده کبر رسك « دینجه میرزا سلیمان درایت و طلاق قوتیله هر نه در لو موانع و مخاطر ات ایچنده اولسه شاهنك خدمتدن فتور کتیر میه چکنه. دائر بر مقدمه دن صکره کوستر دیکی حیرت بویله بر بدیهی البطلان بر افترا ایچون شهر یاردن استیضاح بی ادبلکنه جسارت ایتمش ایکن بو خطاسی بز سوء نیته مبنی اولدیغی بنوبده ینه ایشك تسویه سی کندینه حواله بیور یله جق قدر عنایت و مرجه نائل اولدیغندن حاصل اولدیغنی افاده و بو کابیک در لو مبالغات عجمانه و اوضاع پرستشکارانه دن مرکب بر چوق اعتذار لر علاوه ایله برابر مسئله یی پک آرزمان ایچنده ظاهره چیقاره جغنه تعهد لر ایدرک شهر یارک یانندن ایرلدی .

شهر یار او طه سنه چکلدی اما بر حاله چکلدی که کویا او طه سی بر ظلمانی مزار — کندی ایچنده قصقا بخلق کبی — کین کبی — حرص انتقام گبی بر برندن مظلم بر چوق اخلاق فاسده دن مرکب بر قوقش میت ایدی بعض نفوس خبیثه نك کبرد کدن صکره جادی اولدیغی مثلرده ایشیدیلیر ! بوملعونه ایسه ده اصاغ ایکن آرزو سنی جادیلره اسناد اولنان قان ایچمکه — جان یاقغه حصر ایشیدی کاه پر یخانک شاهانه جال عالم تسخیرینی نازنده ادای روح ائتلافنی کندی لطافت پڑمرده سنه قیاس ایدر عادل کرای نظر نده کندی نك کاتقوقنی آخر خریفک اول بهاره رحجانی کبی محالاتدن بولور و بویأس ایله عمر گذشته سنک هر دقیقه سنی کندنجه بر دوره ممات بیلردی بعض کرده مبادیء شبانندن بری بیک در لو اوصاف ایشیده

ایشیده حسن و آنتک کالنه حاصل ایتدیکی اطمینان ذهنه برزمانک
گذران طبعیسنی - اشکالک تحول ضرور یسنی اونوتدیره جق
قدر غلبه ایدر او قوتله کوزلکنی فنون عشوده اولان ملکه
ومهارتیه برابر ایفای محبت موهبه سندن عمر نده برادری حقنده
بیله خاطر نوازانه بر معامله یه تنزل ایتماش اولان پر یخاندن دون
عدالتملکه باشالار و او اعتقاد ایله کندینه مفتون اولمیان عادل کرای
پر یخاندن ده تسخیر ایده میه چکنه حکم ایلر و او حکم تیجه سندن
اوله رق عادل کرایک پر یخانه نکاح تکلیفی اکر صحیح ایسه مجرد
اوسایده ایرانه مالک اولمق املیه ترتیب اولمش بر دیسه سیاست
اولدیفنه قرار ویرر و او قرار ایله بر از تسلی بولور دی .

فقط بو پارلاق خولیلر بویالانجی تسلیلر ده صبح کاذب قدر
امتدار ایده مدی کوز قیامقله کوندزی کیجه یه تحویل ایتمک ممکن
اوله مدیغی کبی شهر یارک خولیلریده پر یخاندن بارقه جالنده اولان
تأثیر ی نظر ندن ستره کافی اوله مدی اوله بر حسن عالمکیرک توجهنه
او غراد قدر نصکره انجذابندن کندینی قور تاره جق هیچ بر کوکل
بولنه میه جنی شهر یار عندنده کونش کبی ظاهر اولمغه باشلادی
کونشک ضیاسی مزبله یه دوشدکجه بونجه اخلاط منتنه فرجه یاب
حدوث اولدیغی کبی او حقیقتک ظهوریده قادینک طبیعتنده نه قدر
اغراض مکنونه وار ایسه جله سنی میدانه چیقاردی خیشه نفس
اماره سنی شیطان ایله یاریش دیرمق ایستردی موتی - محرومیت
امالی - بلکه عذاب اخرته دنیاده او غرامی تمامیه کوزه الدی

ایده جکی حرکتی ذهننده قرار لشدیردی حتی او کجهدن مقدماتی
حاضر لقی ایچون قپوسنک اوکنده کی خادم اغاسنی کوندردی
یانه بر قور یجی دعوت ایلدی بیلدیکی نوبتچیلردن برینه انتظار
ایدرکن بر آدم کلدیکی شخصی بتون بتون کندیسنجه مجهول ایدی
نوبت وظیفه سی کبی - ارقداشلرینک اسمی کبی ایراد ایتدیکی
سوزلره قور یجینک جواب ویردیکی صروده شیوه لسانندن
ایرانلی اولدیغنی ده اکلا دی حریفدن کندی اسمنی مملکتنی
نه وقت قور یجی یازدیغنی سؤاله باشلا دی قور یجی شهر یارک
سؤال لرندن شبهه سنی پک قولای تفرس اتمکله اره لر نده شویله
بر محاوره آچلدی .

قور یجی - غالب میرزا سلیمان افندمزی کورمش البته وقعه دن
خبر ویرمشدر .

شهر یار - نصل وقعه دن ؟ سنک نه وظیفه ک ؟ سن کیسک ؟
سحار میسک ؟ خدام صاحب میسک ؟ نهدن بیلورسک ؟

ق - خیر افندم هیچ بری دکلم ؟ بن شیعیلردن داغستانلی
بر قور یجی یم میرزا سلیمان نه و بر دیکم عر ضحالی کورمدیکزمی ؟
ش - اوعر ضحالی سنی ویردک ؟

ق - اوت بن ویردم .

ش - علی حقیچون طوغری سویله سنی ویردک ؟
ق - سزدن بویله بر سؤال مأمول ایتزدم بن ویرمامش
اولسه م وزیر حضرتلرینه اویله بر عر ضحال ویرلدیکنی نره دن
بیله جکم امام زمان دکلم یا .

ش شمدی پریخان ایله عادل بربرینی سویور اویله می ؟
ق - طوغریسنی ده بیلم فقط ایکسی ده سنیدر اتقاق
ایتدیلر بوراده کی دولت شیعی بی باتیره جقلم .

ش - سنی شیعی لازم دکل بربرلرینی سویورلومی ؟ الله
سنکده بلاکی ویرسون دولتک ده بلاسنی ویرسون بربرلرینی
سویورلومی ؟ بکا اوراسنی سویله .

ق - بنده کر حدتلی دکل افندمک حدتنه جواب ویرمکدن ده
عاجزم شمدی کیدیورم یقنده انلرک اتقاقندن نهلر ظهور
ایده جکئی اکلارسکزر مساعده کزله برلقردی دها سویلیهم :
جاسوسلق المدن کلیر فقط میانجیلق کلز .

بو محاوره اوزرینه حریف منحوس عد اولسان ییلدیزلر
کی مغرب اختفاسنه چکلدی شهریار ایسه آنک کیدیشنی کور -
مدکدن بشقه ییلدیز ضیاسندن بیله محروم اولان کیجهلر کی
برغریب ظلمت ایچنده قالدی کندینی اویانق ظن ایدردی فقط
اطرافنه باقیر ظلمتدن بشقه برشی کورمزدی اویانق ایکن اویور
اولمق اعتقادنده بولنوردی او حالدهده میرزاسلیماندن - معهود
قوریمیدن الدیفی خبرلر نظر بصیرتنک اوکنه کلیردی کندی
کندینه اعتماد ایده مزدی) کوکلنده حسددن بشقه برحس قالمدی
حسد ایسه انتقامندن بشقه برشی دوشندرمز اولدی حسرت
بو قدر سیاه جاره بوردی . - انتقام کی قان رنکنده برتقاب
اورتوندی طوغریجه عادل کرایک او طه سنه کیتدی .

عادل کرای او زمان کندی خیالی . - کندی ملالی ایله کلمنکده
ایدی کوزینک او کنده او یله لدوسلی هواده قاره یا غمور بلوطلری
اوزرینه دوشن غروب قزبلغندن یرادلش کبی بر مخلوق کورنجه
یاندیغی یردن طوغرلدی پرینخانه انتظار ایتدیکی ایچون بر طرز
عاشقانه ایله اوسیا جارک - او قرمزى تقابك التنده مستور اولان
وجوده نظر تحسیرینی وقف ایلدی .

شهریار کین مضمهر قدر مدهش - بلای منتظر کبی آغر حال ایله
عادل کرایه یا قلاشدی یاننه کلدیکی زمان تقابنی یوزندن
قالدیردی .

خانزاده م بنی بیلدی کز می ؟ بن ایران شاهنک زوجه سی
اولان شهریارم ! سزی بو عزت واقبال ایچنده طوتان بنم !
پرینخانای بکا ترجیح ایتمشکز ایککزکده بر آوچ قانیله اللری می
قنه لیه جغم خبریکز اولسون فکر محاربه سی قلیج غوغاسنه بکزه من
پرینخان سنی سویورسه بنده سویوردم بلکه آندن زیاده
سویوردم ! سنده زوجم کبی نور نظردن محروم ایتمشک
زوجک بنی سومیوبده اوزر مه جاریه الدیغی کبی سنده انی
سومشکده بنی آرزوکه برواسطه کبی قوللایمشک شهریار
سرسم ایش دیمه ! پرینخانکده ذکیدر ! الله ایکیزی بر بریکزه
مبارک ایتسون ! فقط امین اول که قاووشورسه کز اخوتنده
قاووشورسکز کوررسک ! نه یا باجغمی یقینده کوررسک ! «
دیدى او طه دن چکلیمک ایستدی .

بوادره اوزرینه عادل کرایک ذهننه پریخانک بولندیغی مخاطره
اندیشه لری هجوم ایدرک حیاتی آمال آتیه سنی بتون بتون نظر دن
اسقاط ایلدی مالک اولدیغی مزیات فکریه نك جله سنی مجبرانه
ومتحکمانه بر عزم قویم ایله وجدانسه خادم ایدرک بر قاچ نایه ایچنده
بر قاچ کونده انجق طویلانه بیله جک بر چوق ملاحظات و تدابیری
پیش نظر دن کچیردی دوشدیکي بلادن قورتلق ایچون شهر یارک
کندینه ابتلا سنی تحریک ایدرک ونخوتنی استغنایه از دیره رک اداره سنه
چالشه قدن مؤثر بر چاره بوله مدی او جهته بوته دیداتنه قارشی
نهایت درجه لرده لاقیدانه بر طور ایله بر قهقهه قوپاردی .
اوطه سنک بر کوشه سنده یابیلش اولان یتاغنه کیرمک ایچون بلندن
خنجیرینی باشندن قلیاغنی چیقار مغه باشلادی .

شهر یار ته دیداتنده موت اعلامی قدر دهشت مأمول ایدرکن
عادل کرایه افسانه صداسی کبی اویقو کتیر دیکنی کورنجه یالدیغی
روایتک بتون بتون یالان اولدیغنه و یا خود ترتیب ایتدکلی
فساد ارتق کیمسه دن احتراز لری قالمیه جق قدر قوت بولدیغنه
ذاهب اوله رق کندنجه بوا حتمال لریک برنجیسی لذت حیاتدن
دکرلی ایکنجیسی سکر ات موتدن دهشتلی اولدیغندن بویله مزار
طاشی کبی دنیا ایله آخرت اراسنده قالب طور مقدن ایسه هر نه
صورتله اولور ایسه اولسون حقیقت حالی او کورنمکه عزم ایتدی
بو عزم ایله ینه قپودن کری دونه رک شو مجادله یی کشاد ایلدی .
شهر یار - خاتزاده حضر تلری یایدق لری کزی کیمسه کور می

ظن ایدرسکز؟ شاه خدابنده اعما ایلدی ایسه اطرافنده کیلرک
کوزلرینه میل چکلمدی سز شمخاله یازار جزی بکی فتنه یه الت ایتمک
ایچون بورایه کتیر تمکه قادر اولورسکز بزانی طوتمقدن سرکزی
او کر نمکدن عاجزی قالیرز شهزاده بایزید وقعه سندن اولسون
عبرتده می المدیکز که بویله بر حرکت جسارت ایتدیکز .

عادل کرای شهریارک بر طرفدن جزی بی اله کچیردیکندن
واسراری او کر ندنکندن بحث ایدوب طور رکن بر طرفندن ده
جزمینک شمخال طرفندن کلدیکنی سویلسنه نظراً وقعه بر درجه یه
قدر کندیسنه عکس ایتمش ایسه ده اویله جزی طوتلدیغنک
وایشک کنهنه وارلدیغنک واصل اولدیغنه و شهریارک اله بیلدیکی
بر ناقص خبرله کندی تدبیر و احتیاط لرینه غلبه ایدمه چکنه حکم
ایدرک برقات دهاطمئتان و سکنت ایله محاوره بی شو صورتله
نقل ایلدی .

عادل - ذهنکزه بر فئالق کلدی ایسه بکا مراجعت بیهوده در
حکیم ده دکلم نسخه یازمقدمه المدن کلز .

شهریار - اکلادم افندم! یقین حاصل ایتدم شهزادم! بکا
خبر ویرنر روایتی عین حقیقت ایمش « ایران سلطنتنی لایقیله
قورمشکز! یابدیغنی ایشک طور یسی سویلدیکی سوزلرک یالان
اولمسیله ثابت اولان جانلر کبی سزده اضطرابکزی کوسترمکه
چالشدیغکز تمکین ایله میدانه قویورسکز بر آق چهره یه نقاب
یراشمدیغنی کبی اوصفوتلی کوکلکزه دریا یا قشمیور .

عادل - طبیعت بویا! انسان هر در لو خلیا فور ابیلیر بعضلری
خلیاسیله ده اكله نیر فقط قوریلان خلیایی بشقه سنه دكتمك هله
بر انسانك كندینه دائر هیچ یوقدن برشی توهم ایدوبده صكره
دوشونیلان وهمك عین حقیقت اولدیغنه ینه او آدمی قاندرمغه
چالیشمق ایشیدلمش كوزه لكاردن دكلدر .

شهریار - سزه بوجسارتلری پریشانك محبتی - امید معاونتی
ویریور دكلی ؟

عادل - (كندی كندینه) سبحان الله ! باری عشق ایله شهوتله
نه قدرالقم اولدیغنی نفسنده تجربه ایتماش اولسه
شهریار: آه ! بن بشفه پریشان بروح ! برملك ! برنور !
بن ، بن

عادل - باری كندینك حسنده شیوه سنده اولان كالی
بیلسه باری جمالنك اداسنك ار ككلرده درجه تأثیرینی یكی
او كرنه جك اولسه .

شهریار - البته پریشانك حسنی شیوه سی دهه كالده در البته
جمالی اداسی ار ككلره و هیچ اولمزه قریم حانزاده لرینه دهه
زیاده تأثیر ایدیور كه بزه ترجیح اولنیور .

عادل - باری پریشانك بر كره یوزینی كورمش اولسه .
شهریار - عادل جزمی بی كتیر تدیكك - ایران تختنی ایستدیكك
طوغری اولمش اولماش اوراسی وظیفهم دكل ! الله عشقنه
دنیا ده کیی سورسه ك انك باشی ایچون طوغری سویله ! شوقزی
سومیور میسك ؟

ع - واللہ نہ یالان سویلیہیم! سوزلریکزی ایشدیکجه کندیکزی
ایاقده کوزلریکزی آچیق کوروب طورکن ینہ او یقوده سکزده
صایقلیورسکز ظن ایدیورم .

شهریار - سؤالہ جواب ویر خانزادم ! مرادک تحقیر ایسه
سکرده ایدہ بیلیرسک ! اللہ عشقنه سؤالہ جواب ویر !
عادل - نہ جواب ویریم ! شو سؤال ایتدیککز شیئہ باقکز
سنی براسیر طاغستاندن کیزلی بر ادم جلب ایتمکله شیعی بر مملکتده
سلطنتہ فی نائل اولہ بیلیرمش !

شهریار - یالان سویلماکہ صدد دکشدیر مکدن بشقه چاره
یولہ میور ! بن سزہ انی صور میورم خانزادم ! پریخانن سویور-
میسکز ؟ سویور میسکز ؟

عادل - صفویلر سایہ سنده فقر دن سلطنتہ مالک اولدیغکزی
دوشونکز ؟ او خاندانک بو قدر لطفنی کورمش ایکن اعضا سندن
بر معصوم قزک نامنی ناموسنی ارکک مجلسنדה ورد زبان ایتمک
نہ بیوک کفران نعمتدر !

شهریار - بنی بویله دقیقه ده بر خنچر اورر کبی آغر آغر
اولدیر مکده نهلذت وار سویورم دیسکز سزده قورتیلورسکز
بن ده خلاص اولورم .

عادل - بکامطلقا یالان سویلتمککی ثواب می عد ایدیورسکز .
شهریار - دیمک که سویورسک ؟
عادل - سبحان الله !

شهریار - سو مدیکه بر عین ایت الویرر !
عادل - والله چکمز اولدیکز ! تسلطکز اسارتندده
طاقتکداز ایش یا - .

شهریار - شمدی چکمز اولدق اویله می ؟ بقالم نمی چکمز
ایشم یوقسه اولوم عذایی چکمز .
عادل - انسان الکز دن قور تلیق ایچون اولمکی ده حیاته
منت بیلور .

شهریار - ا کلاشیلور ! ا کلاشیلور ! ... اللریمه قانکز دن
خنا قویه جغم .

عادل - بر از ده صاحلر یکزه سورسه کزدها کوزل اولورسکز .
شهریار - آه صاحلر مده بر قاچ بیاض وار نظر کز یالکز ا کا
تصادف ایتدی اویله می ؟ نه قدر قباحه بین ایشسکز ! دها بر قاچ
دقیقه اول حسنک شیوه مک کالندن تأثیرندن بحث ایدیوردیکز
کوکلکز له لسانکز اده سنده تقدر نفاقلر و ارایش .

عادل - شهریارک بو سوزلورینی تحقیر واستهزادن مرکب
بر فهقهه جق ایله کچیرمک ایستدی شهریار ایسه بر قاچ دقیقه لر
کوکلیله دوکشورجه سنه بر شدتلی تردد کچیردکن صکره
شدتله عادل کرایک یانسه قوشه رق ، عادل ! عادل ! حیاته
قصد ایدیورسک ! سکا نه قدر محبتم اولدیفنی بیلزسک ! والله
بیلزسک ! ... بیلسه ک براز حامله اجیردکده بکا بو معامله لوری
ایتمزدک !

براز بکا لطف ایله نظر ایت ! بن اوله نفرت ایده جک
کبی چرکین اولوملری آراده جق قدر معجزیم ! مرحت
ایت از بچق محبتکی التفاتکی کورسم پریخانکه خدمتکار اولورم
التفاتنک محبتنک یالاندان اولدیفنی بیلسم ده کندیمی الداتمه
چالیشیرم ! بو یالانجی التفاتلرک شفقتدن مرحتدن کلدیکنی
بیلیرم اکاده قناعت ایدرم « دینجه عادل کرای » ای افندم
بن سزه نه یاهیم محبتنه دائر بر ایما بیله ایتدیکم حالده کندی
اختراع ایتدیکنز یالانجی تدبیرلره اشتراک ایتدیمی ؟ بورادن
قریمه برابر کچمکی تکلیف ایدن بن دکلی ایدم تدبیرمز یولنده
کیدوب طور میورمی شمدی نره دن پریخان مسئله سی پیدا
ایتدیکنزه کیجه وقتی بو قدر اوزون بر مجادله چیقاردیکز
ایشیزده دوام ایدهلم باقلم نتیجه سی نه اوله جق فرصت فعلیاته
کلنجه بن ده بر قصور کورسه کز او وقت ایتدیکنکزی
سویلکه حقکز اوله بیلور « سوزلویه مقابله ایلدی .

شهریار بنه بر قاج دقیقه دوشوندکن و عادل کرایدن
اوته دنبری کوردیکی معاملات متضاده یی بر برینه تطبیق
ایلد کدنصکره پریخانه محبتنک و کندندن نفرتنک درجه سنی
لایقیله تقدیر ایلدیکی کبی سودای حسودانه سنک شدتی اوله
جعلی التفاتلرله قناعتده میدان ویرمدیکندن یأس . - ابتلادن
مرکب بر نظرله عادل کرای یوقاریدن اشانغی سوزره رک
« یوق !... یوق خازادم ! ممکن دکل بو حاله تحمل ایده میه جکم

سکا بن مالک اوله جغم یا مزار... اوزرمزه بر فلاکتر
 چوکش نهایتنه قدر حکمنی اجرا ایدوب سکیده جکم بنی
 کندیمه متصرف ظن اتمه! گوکلہ بر قوه غالبه استیلا ایش
 بکا هر نه ایسترسه یابدیریور ایغمله - اختیارمله جهنمه اتلق
 المدن کلیر سنی بشقه سنک قویننده کورمکه قاتلانہم بحران
 محبت طاقت کتیریلہ میہ جک بر حالہ کلدی ایکیزده جان
 اوزرنده طورسیورز بالله ہم سکا ہم کندیمه قیارم هیچ اولمزه
 فلک تصورلمزی انسان اولادینک اک صکره کی فراش مشترکی
 اولان طوپراق دوشکنده برلشدیرر! دوشون! لذت
 حیاتی خاطرکه کتیر! هر کسک دنیاہ بر کره کلدیکنی
 اونوتمه! دوشونده بکا بر قطعی جواب ویر یارینه قدر
 مهلت! یارین کیجه قونوشورز، دیه سویلنہرک او طه دن
 چکلدی.

عادل کرای بو بلای ناکهظهورک اهمیتنی تمامیلہ تفرس
 ایش یعنی شهریارک آرزوی نفسانیسیچون صحیحاً جانہ قصد
 ایتمکدن چکنیمه جکنه حکم ایشیدی او درجه علوهتمله متعلی
 یارادلش بر کوکل اسارت کبی بر مذلتہ دوشدکدنصکره
 حیاندہ طبیعی بر لذت بولہمز هله حیاتک او مشاقنه برده
 سودیکندن آیرلق وحقی یولنه جان ویرمکی اک بیوک
 سعادتلردن عد ایدہ بیلہ جکی جانانی کندی ایچون مخاطرمده
 کورمک کبی بر طاقم بلالو منضم اولورسه دنیاک قره طوبراغہ

وبلكه جهنمه ترجیح اولنه بیله جك بر حالی کوره مزه .
او جهتله عادل کرای نظرنده . موتک بر حکمی وار ایسه
باشامغه نسبت اهون کورنمکدن عبارت ایدی حتی پریخانک
فراقی عندنده . موتدن بیسک قات شدید ایکن انیده بر مجاهدۀ
کاملانه ایله ککوکنه قبول ایتدیره بیلیر فقط او بیچاره یی
دوشوردیکی مخاظره دن خلاص ایده مامک مطالعه سنک
وجداننه ویردیکی عذاب الیمدن بر درلو قورتاره مزدی .

ساعتلرجه گاه فلجه دن طاقت شکن بر بهت - گاه جنوندن
شدید بر تهور ایچنده حالدن حاله انتقال ایده رک « شیطان
بیله ملائکه یه فنالق ایده میور بن بر ملکی هر درلو لذایندن
محروم ایده جکمه شیطاندن شنیع اوله جغم .

اولوم بیله ملائکه یه تقرب ایلیه میور او قاری او شهریار
بر ملکی حیاتندن آیره جقمده موته رجت او قوده جق « یولو
بر زمانلر سویلندی طوردی نهایت اویقودن اویانیر -
کابوس تسلطندن قورتیلور کبی بر غریب حال ایله « آه !
یالان !... یالان ... شو یالانجی دنیاده الحیق اولان یالان !
چاره سکامی قالدی « دبه رک برندن قالدی قلبی کاغدی الینه
الدی بیله رک زهر ایچمکه باشلایان بیچاره لرک چهره سنده کی
علام قدر حزین بر حال ایله شو مکتوبی تحریره باشلادی ،

عادل کرایدن شهریاره

تنبیه کزه اطاعت ایتدم حالک هر جهتنی کوزیمه الدم

عاقبتی ایچجه دوشوندم شمدی یه قدر اکلنجه بر حکایه قیلندن
 عد ایلدیکم وقعه نك نه دهشتلی بر حقیقت اولدیغی نظرمدنه
 تماميله تبیین ایلدی حیاتمه قصد ایتک یولنده اولان تهدیدکزی
 فعله چیقاره جتی قدر انصافسز اولمادیغکزی بیلیرم فعله
 چیقارسه کز بیله اهمیت ویرم چونکه عنده مده اولمک
 اسیر یاشامقدن بیک قات اهوندر بن نمکن دکل اسارته تحمل
 ایده میه جکم بنی کر چکدن سودیککزه برده بو حالدن قورتاره.
 جفکزه قطعی بر سوز ویریکز نه وقت امر ایدرسه کز برابر
 حدود اوزرینه چیقمنه حاضرم سکونت بولمق ایچون
 جوابکزه انتظار ایدیورم.

امضا

عادل

عادل کرای مکتوبی بتیردکن صکره دقتله او قودی
 برازده دونه رک « عجبا اعتماد ایدرمی؟ البته ایدر! شیطانک
 کوکلنی بر امیدله طولدیر او امیدک حصولنه امکان کو سترسه ک
 آنیده الداده بیلیرسک هله پریخان ایله جزمی ایله خبرلشنجیه
 قدر ملعونه غفلت ایچنده قالسونده ایلرینسه الله کریمدر »
 دیدی .

برازده ماشا الله! ماشا الله! بزم یالانجلقده ساثرلرینسک
 معرفتی - غیرتی کبی الیشدقچه ترقی ایدر حالردن ایمش!
 یاربی! بنم دنیاده نه لزوم وار ایدی! ... آه! پریخان
 پریخان! ... سنک ایچون اختیار ایتدیکم شیره باق! ... آه!
 آراده اولسه کده هر کله سی ایچون بر عمر ابدی ویرلسه بن

او سوزلری لسانمه الیری ایدم بوللو سویلندی ورقهینی
شهریاره کوندرمک ایچون بر واسطه تحریسنه قیام ایلدی
قپوسنک اوکنه وارر وارمز بر قوریمیجه تصادف ایدرک
« ارقداش! زوجه شاهی شهریار خانمه تقدیم اولنه جق
بر عرضحالم وار عجیبا شمدی ایصالنه امکان بولنه بیلیری »
دینجه قوریمی تاتار شیوه سنی آندیرر بر ترجه ایله درحال
کوتوروب ویره جکنی بیان ایدرک کاغدی الدی چکلدی .
عادل کرای شهریارک کندینه کمال انهماک ایله کوستردیکی
هوسی پک اعلا بیلدیکندن کوندردیکي مکتوب ایله حاضر لنوب
کلان بلائی بر قاچ کون تأخیر ایدمه بیله جکنی او قدر جق بر زمان
قازانلیدی حالده ایسه جزمی یه پریخانه معلومات ویره رک کندی
تسبثلرینی تسریع ایله مخاطرهنک بتون بتون اوکنی المق قابل
اوله جفنی مأمول ایتشیدی نه فائده سی وارکه قورقدینی مهلکه
نفسنه دکل پریخانه عاقد اولدیغندن وارهدن یارم ساعت قدر وقت
کچدیکی حالده شهریاردن بر جواب ظهور ایتدیکندن تدبیرینک
تأثیر نجه اولان امید یواش یواش یأسه مبدل اولمغه باشلامشیدی .
شهریارک جوابی یارم ساعت اوزادی چونکه ملعونه عادل کرایدن
ایرلقدن صکره قسوتلی کوکلرده صاقلانان کدرکی او طه سنک
برکوشه سنه چکیلهرک پرده ظلام التنده استتار ایدن جانی کبی
خیاتنی اجرا ایچون اک اول تصادف ایدمه جک فرصتی انتهازه
چاره دوشونمکده ایکن عادل کرایک کاغدینی النجه دفعة ذهننه

محاوره نك نهايتنده ايراد ايلديكي تهديداته خانزاده دن جواب
ظهورينه وقت بر اقسزین او طه دن چکلديكي تبادر ايدرك
کلان کاغدی او تهديدلره مقابله ظن ايلدی اويله مقابله لرده ايسه
عادل کرايك کرک تحقير و کرک استهزاسنده اولان قوتی تجربه
ايله بيلديکچون او قويه جفی سوزلرک تأثيريله غيظندن چانلا يوبده
انتقامندن محروم اولقی قور قوسيله مکتوبی الیغی آنده اچغه
جسارت ایده مامشدی نهایت بر اضطراب ايله کاغدی اچه بيلدی
هر کله سنی بر نوع تردد هر سطرینی بر بشقه درلو احتراز ايله
او قودی او ذکای شیطانیسیله مندر جانی عینی عادل کرايك
ظنی کبی صرف حقیقت و خصوصیه بر نتیجه خوف بر اثر مغلوبیت
قیاس ایلدی مطلب شهوانیسی بودرجه حصوله قریب اولمش
ایکن تهديدنده دوام ایتمک دکل حتی بر از صغوق طور اعش
اولسه عادل کرايك مضبوط اولان مشرب استغنا پرورانه سی
جهتیه ینه مقصدی ضایع ایتمک و هیچ اولمز ايسه بر طاقم تأخر لره
صعوبت لره دوشور مک مقرر اولدیننه حکم ايدرك کمال تهالك
ايله زيرده صورتی محرر اولان کاغدی تحریر ایتدی قپوسنک
اوکنده کی خادم اغاسی چاغردی عادل کرايك کاغذینی کتیرن
قور یچی به ویرمک اوزره تسلیم ایلدی .

شهر یاردن عادل کرايه

ظالم ! سنی کرچکدن سودیکمه نصل قطعی سوز ایسترسک !
سنک ایچون قوجه بر سلطتی ترک ایدیورم ایکی او غلندن ایرلمی

— دنیا نظر نده ملعون کورنمکی اختیار ایلورمده حالا محبتده
 اینانمیورسک! بولندیفک حالدن قورتاره جغمده عهد طلب ایتمک
 اقتضایدر میدی؟ اسارتدن خلاص ایتینجه سکانصل مالک اولورم
 سکا مالک اولمز سه م دنیا ده نصل یاشارم! هیچ بر بیچاره یه — روحک
 عذاب ایچنده در انی تخلیصه چالیشر مسک ديه سؤال اولنورمی!
 سن بنم روح دکلیسک؟ سن سزموتی حیاته ترجیح ایتدیگی
 حالا اوکر نه مدکی؟ اوزلمه ایکی کوزم! شونده بش اون
 کونمز قالدی نجزه یه نه طرفه کیده چکنی اکلامک ایچون بر
 مکتوب کوندره ایم جواب کلدیگی کبی بورادن چیقارز آنک بولنیه جفی
 طرفه ده بز کیدرز همان الله سنی بکا باغشلا سون ده ایستر سه بنم
 حیاتی ده السون سکا احسان ایلسون! امضا

شهریار

عادل کرای همان یأسک منتها سنه کلدیگی ضره لرده ایدی که
 قوریجی قپودن کیره رک شهریار که مکتوبنی اعطا ایلدی مطالعه سندن
 بش اون کون قدر قاری بی او یالایه بیله چکنه یقین حاصل
 ایتدیکندن بر قاچ ساعتلردن بری چکلدیگی عذاب روحانی زائل
 اولدی فقط او عذاب روحانیدن وجودینه عارض اولان
 تعب — کوکلنده مشغول اوله جق بر کدر قالمینجه تأثیرینی تامیله
 کوسترمکه باشلادیفندن بشقه ماجرای پرینخانه او کچه دن
 خبر ویرمک ایچون یورغونلغه باقسه بیله نو بتجیلر اراسنده
 محرملرندن کیسه بولندیفندن تذکره یازمغی ضروری ایرتسی

کونه تعلیق ایدرک بیتاغنه کیردی راحتجه ایومغه باشلادی .
بری طرفدن ایسه شهریارالدینی امنیت جان بخش ایله کویا که
دنیا به بر کره دهاکمش ایدی سوابقی حتی خیال سوابقی وارلفندن بتون
بتون ایرلمش قیاس ایدریالکز حظوظات حیاته متعلق اولان تجارینی
بو عمر جدیدندن لایقیله استفاده ایچون دستور حرکت اتخاذا
ایدرک کندی کندینه اکلنجه لردوشونور ذوقلر اختراع ایدر
امللر بولور موفقیتلر ایجاد ایلردی .

قادین امیدوار اولدینی سعادتک خیالنی بیله عین حقیقت
ظن ایدرک تصور اتندن مدت عمرنده کورمدیکی لذتله مستغرق
اولور و کافه آمالی بریره طوپلانمش ده همان اودقیقه ده پیشگاه
آرزوسنه صاحبش کی بیک درلو اشواق محبتله اکلنیرطوررکن
خادم اغاسی ایچری کیره رک کاغدی کتیرن قوریمچنک کلدیکنی
و کندیسنه عرض ایده جک بعض سوزلری اولدیفنی بیان ایدنجه
البتده عادل کرای طرفندن برطاقم التفاتلر کتیردیکنه ذاهب
اولدی « نه قدرده احتیاطسزلق ! هیچ قوریمی یه ده لقردیمی
آچیلیر بندن کاغد کتورمدیمی یا محرم قیاس اتمشدر احتیاطسزلق
اولوبده نه فنالق تولد ایده بیله جک بوندن صکره نه دن قور قومز
قالدی قوریمی برمناسبتسزلاک ایدرسه نتیجه سی کندینک آخرته
سفرندن عبارت اوله جق جهنمه قدر یولی وارشمدی آنی می
دوشونه جکم ذاتی عسکر اولمش ! اولمک ایچون معاش آلیوره

پولو کندی کندینه براز سویلند کدن صکره خادم اغاسنه
قوریجی بی ایچری کوندر منی امر ایلدی قوریجی کلدی
شوصحبتہ باشلادیلر .

شهریار - نه ایسترسک ! مکتوبی عادل کرایه کوتوردکی
قوریجی - کوتوردم افندم .

شهریار - نهدر ؟ خانزاده برشی می سویلدی .
قوریجی - خیر ! هیچ برشی سویلدی .

شهریار - ای نه ایسترسک ؟ مادام که برشی سویلماش
بووقت انسانی تعجیز ایتمکده معنانه در ؟

قوریجی - خانزاده یدیک او قدر اعتماد ایتمسه کز خیرلی اولور
شهریار - سنک نه وظیفه ک خییث جهنم اول شورادن .
قوریجی - کیده یم افندم قولکرحدت آدمی دکلم .

شهریار - بوحدت آدمی دکلم سوزیله بردن بره او یقودن
اویانیرکی کوزینک اوکنده طولاشان رؤیای استقبالی غائب
ایدرك ینه سوابقک دهشتلی دهشتلی حقیقتلری ایچنه دوشمکه
باشلادی قوریجینک میرزا سلیمانہ معهود عر ضحالی ویرن -
کندیسیله برقاچ کیجه اول محاوره ایدن آدم اولدیغنی وسویلک
ایستدیکی لقردی البته بر خبر مصیبت اولمق لازم کله جکنی
دوشوندی حریفی هیچ سویلتمامک ایستدی فقط کولکلده برشبه
ظهور ایدنجه ولوبیک قات آغر بر حقیقتله اولسون حل ایتمکجه
انسانه کوره راحت قابل اومدیغیچون چاره سزینه سسؤال
وجوابنده دوام ایلدی .

شهریار — طور قوریچی باقیم ! نه سویلیه جکسک ؟
 ق — کچن کیجه پریخان ایله عادل کرای بربرینی سویورلومی
 دیه سؤال بیورمش ایدیکز انک جوابنی ویره جکدم .
 شهریار — سویله ! نه اوکرنک ! بربرینی سویورلومی ؟
 قوریچی — بیله میورم .

شهریار — خنزیر ! اوکرندیکنک بیله مامکمیدر ؟ جواب
 بوکامی دیرلر پادشاهک حرمله اکلتمکمی کلک بالله سنی یاری
 بلیکه قدر باشی اشغی یره کومدیرده اوپله کبردیرم .
 قوریچی — خیر ! ایگیسی ده بربرینی سودکلرینی بیله میورم
 دیمک ایستدم بریکی اوته کنی سویور اما اوته کی بریکی سورمی
 سومزمی اکلایه مدم .

شهریار — بریکی هانکیسی ! اوته کی کیم ؟ بوهدیانلرله بنی
 مراقدن هلاک ایده جکسک سویله کیم کیبی سویور ؟
 قوریچی — بری طرفده کی اوته طرفده کنی
 شهریار — دیلک اللهک غضب قلیجلیله طوغرانسون !
 بری طرفده کی اوته طرفده کی نه دیمک بونلرک آدی یوقی ؟
 قوریچی — وار .

شهریار — ای سویلسهک آ ؟ یزید ! . . .
 قوریچی — تعریفه احتیاج قالدیمی یا ؟
 شهریار — یاربی ! سن خیرلر احسان ایت ! بوکوپک
 مطلقا بو کیجه کبرمکه اوزنیور آدلرینی سویلیه جکمیسک دیلنی

تا کوکندن قوپارده یمده کوپکلره می آتدیره می .
قوریجی - پریخان ۰۰۰ عادل کرای

شهریار - شوملعونک عنادینه باق ! بالله سنک هرکیکنی
آری آری قر دیر زده کبرمه کسرت اوله رق یشادیرم .
قوریجی - افندم بونک اکلاشلیه جق زه سی قالدی ایشته
پریخان عادل کرای سویور .

شهریار - دمندن بری اویله سویلسهک اولمز میدی عادل
کرایک پریخانی سومدیکنی نه دن بیلورسک .
قوریجی - سومدیکنی بیلدیکم یوق ! یالکز سودیکنی بیلورم .
شهریار - بریکنک سودیکنی زه دن او کرنک .

قوریجی - دون کیجه ینه نوبته ایدم کیجه ساعت التی
صولونده حرم زردبانک شو باعجه اوزرینه اولان قپوسی
آچلدی کولکه پیدا اولدی کولکه سیاه ایدی اما بیلدیز
آیدنلغی ایله کیجه نک قرانلغندن فرق اولنوردی برایکی دقیقه
کچر کچمز یوریمکه باشلادی کولکه یوریمزیا ا کلام که انساندر
یرمه طوردم نه یابه جفته دقت ایتدم یوری یه یوری یه عادل
کرایک کوشکنه چیقدی ترتیلرندن خبرم واریا شاید فساد
طاقندن بری ایسه طوتمق املیه ارقه سنه دوشدم باقدم که
قپوقالی اوکنده نوبجی یوق اوراده طوردم لقر دیر بنی دیکلمکه
چالشدم بردلو ممکن اولدی بر بچق ساعت صکره قپویه یقین

برقاج لقردی ایشتم ایچریده کنک پریخان اولدیغنی ده عادل
کرای سو دیکنی ده اکلام .

شهریار - فصل لقردی ایشتمک .

قوریجی - پریخانک عادل کرایه محبتنی کویستر برقاج سوز . . .
شهریار - جهنم قاچنی زبانی! دهاعذابک الویرمدیمی نصل
برقاج سوز . سویلیه جکمیسک؟ یوقسه قلبنی یاردیره یم ایچنده
صاقلادیغک اسراری اویله می ظاهره چقاره یم .

قوریجی - افندمز بیوکلرک شانی بویله خدمتله مکافات
ایتمکدر خدمت ایدن بنده بی اولومله قورقوتمی دکل!
قولکزشمدیه قدر ویردیکم خبرلره احسان بکلیورم سز بنده کزی
متصل جان قور قوسنه دوشور یورسکز سویلیه جکمی
اونوتدیر یورسکز .

شهریار - های الله قهر ایتسون! مقصدی احسان ایشده

جلادلرکی بندن استکنجه ایله پاره الهجق .

دیهرک «آل کوزلرینی قره طویراق طولدیرسون» عتابیله
اوکنه التون طولو برقرمزی اطلس کیسه آندی قوریجی ایرانک
اوزمانکی عادتدن اولان سجده شکرانی یرینه کتوردیکی صروده
کیسه بی یردن الهرق ایچنده کی التونلری برامراجه جی دقتیله آغر
آغر صایغنه وایچلر بنده اکسکی قلبی اولوب اولدیغنی اکلامق
ایچون هر برینی آیری آیری کوزدن کچر مکه باشلادی .

شهریار - برقاج دقیقه کال نفرت وحدتله قوریچنک حالنه

امعان نظر ايتدكدن صكره بتون بتون عملدن قالهرق شوسوزلرله
مجادله يي تجديد ايلدى .

شهر يار - كوپك نه صاييورسك !

قوريجى - بوده سؤاله محتاجيدر ؟ تماميدر دكيدر آنى
اكلايه جنم .

شهر يار - شوملعونه باق اله جنكى مى تحصيل ايدبيورسك
احسانك تمامى اكسكى اولور .

قوريجى - خير افندمز مقصدم اودكل فقط بوكسه لر يوز
التونلقدرده ايچنده نقصانى وارمى ديه باقيورم .

شهر يار - يوزالتون يرينه الى التون ويرسه م نه يابه جقدك ؟
قوريجى - بنده كزده ايشتديكم سوزك ياريسى
سويليه جكدم .

شهر يار - يزيد سنك ياريكى برطرفه ياريكى برطرفه
آبيديرم .

قوريجى - ينه مراقدن قورتيله مزسكز چونكه بيلديكمك
ياريسى اوايكي پارچه وجودمده قالير .

شهر يار - شو كافره باق ! حالا التونلرى النده اويروب
چويريور .

قوريجى - نصل اويرم چويرم يايچلرنده قلف وار ايسه
اكسك بولنور ايسه .

شهر يار - حيوان بزم اليمزده قلف اكسك التونى اولور .

قوريجی - قلهزنلر حيله كارلر پاره‌نك نظرلورنده ذره قدر
قدری اولیان اكا بری بر اقوبده بزم کبی برالتونی یوزنجی
معاینه‌دن صکره الان فقرایی می الداده جقلمر .
شهریار -- (باشنه طوغری بر کيسه التوندها اتهرق)
الله بلانی ویرسون ! آل بونی‌ده الدهه اکسکی حيله لیبی
چیقارسه ا کال ایت تک سويلیه جکک لقردی بی چابوق
سويله !

قوريجی - کوردیکرمی ؟ تهديدک نه قدر بیوک مضرتی -
احسانک نه قدر بیوک فائده سی اولیوردمین قورقتدیکز معلوماتک
برازینی صاقلادم شمدی ایکی قات احسان بیوردیکز بنده کرده
ایکی قات معلومات ویره جکم .

شهریار - چابوق (چاپک) سويله باقیم !
قوريجی - پاره لیریمی صایمغه معاینه ایتمکه مساعده احسان
بیورمز میسکز ایچنده قلبی بولنور .
شهریار - جزه‌نک باشیچون خبردنده واز کچرم شمدی
جهنمه کوندررم .

قوريجی - سويلیه تیم افندمز ! پریخان عادل کرای سوییور
اما عادل کرای پریخانی سومیور .
شهریار - نه‌دن بیلدک یالانجی خنزیر !

قوريجی - والله یالان دکل انی‌ده ایشته‌دیکم لقردیدن

اکلادم .

شهریار — شمدی سکا برکیسه التون دهاویرسهم صایمدن —
نفس المهدن ایشتدیکم لقردی بی عینله سویلمیسک .

قوریجی — صایسهم دها خیرلی اولور اما مادام که اوپله
فرمان بیوریورسکز دیشاریده صایارم .

شهریار — (برکیسه التون دها اتهرق) ال دیشازیده صای
اکسکی قلبی وارایسه ینه دکشدررز کافر بدلا لقردی بی چابوق
سویله هم عینله سویله .

قوریجی — یاا کسک یاخود قلب چیقوبده دکشدرمک
ایچون کتیردیکم زمان قیلیری اکسکلی بشقه یردن بولدمده
قاریشدرم ظن ایدرسه کز .

شهریارک ارتق بتون بتون صبری یانارق « ایران دولتنک
خزینهلرینی ویرسهم ینه دها ایستیه جکسک پاره قاقمی ایچون
اذاذن واز کچمیه جکسک ! شمدی سنی جلاده تسلیم ایده یم عمریکی
اکسلده یم قلب افجه کبی طوپراقلر ایچنده ایاقلر التنده
سورتدیره یمده انسان از مک نصل اولور اکلارسک تهدیدیه
آدم چاغرمق ایچون قیویه طوغریلنجه قوریجی طورینی
تبدیل ایله « افندم ! بنده کز اطاعتسزک ایتمدم ایشته فرهانکز
کبی ایشتدیکم لقردی عینله سویلیورم » مقدمه سیله مکالمه
کرشدی .

قوریجی — پریمان عادل کرایک کوشکنه کتدیکی زمان
ارقدسندن ایرلمدیغمی فقط نه تدلر چالشم ایسه صحبتلرینی

ایشده مدیکمی عرض اتمشدم پریخان آیریلیرکن «سزینه پریخان
سومیکز! پریخان سزک یولکزده اقرباسنی بلکه جاننی ترک
ایدر بوراده کی تصورمز حاصل اولمزسه عثمانلی ملکه کچرز
جاریه کز اولورمز سزک قدر عالیسمت برقهرمانه ایران شاهنک
همشیره سندن مناسب اسیرمی اولور» دیمشدی کندیسی او طه دن
چیقارکن قولکز نردبان قوسنک آرقه سنه صاقلاندم کیتدکن
صکره عادل کرایک قپوسنندن ینسه بکلمکه باشلادم اوده
«قاج اولدی! قاج اولدی! اللهم شو قادینک الننده نصل
قورتیله جغم» دیه سویلوب طوریبوردی ظن ایدرم که
لقردیلر بریکنک اوته کنی سودیکنی اوته کنکده بریکنی سومدیکنی
آچقندن آچیغه کوسترر .

شهریار - (برکیسه التون ذها آتهرق) او یله برفرست
الیکه کچدیده پریخان فاحشه سنی نیچون طوتمک! بدلا نیچون
طوتمک! طوتمش اولسیدک سنی احیا ایدردم سکا اون بیک
آلتون ویرردم .

فوریجی - (التونی النده تارتهرق) اه عمرکزه برکت ویرسون
افندمز! پریخانمی طوته یم شاهک همشیره سنه طوقنق قولکزک
حدمیدر؟ دمین افندمز صایوردیکز انسانک یاری بلنه قدر
وجودینی باشی اشاغی کومدیرو بده او یله کبرتمک وار کیکلرینک
هر برینی آیری آیری قیردیرمق واردیلنی قوپاروبده کوپکلره
آتدیرمق وار قلبنی یاروبده ایچنده صاقلادینی اسرادی

میدانه چقارمق وار یاریسنى برطرفه یاریسنى برطرفه آیرتمق
وار جهنمه کوندرمک وار بونلرک هیچ بریده درتیوز التون
قزانمغه بکزه میور .

شهریار — هایدی شمدی بورادن دفع اول ! بوندن
صکره سنی ایشمه قوللانه جنم آدم کبی خدمت ایدرسهک احیا
ایدرم .

قوریچی — ایدمرسه نتیجه سی کبرمک اوله حق ! اوراسی
معلوم ! قولکز اولدقجه ایشمی بیلیر بندکاندم کوکلم التون
کیسه سنی کفندن زیاده سور افندمز ! هر فرمانکزی اجرایه
حاضرم .

شهریار — آدک ندر ! سنی ایستدیکم زمان نره ده بولدیريم!
قوریچی — علی قولی قوریچیلرندم شمديک اسم شروانی
جعفردر .

شهریار — شمديک نه ديمک ! زمان دکشدهکجه انسانک
اسمی ده می دکشیر .

قوریچی — اولاغان شیدر افندمز ! زمان هر شیء
دکشدیره بیلیر قوریچی بو سوزدن صکره سجده شکران عادتنی
بر کره دها اجرا ایدرک چکلدی ،

شهریار یالکز قالنجه قوریچنک عادل کرایدن ایستدیکنی
سویلدیکی « اللهم ! شو قادينک النندنه نصل قورتيله جنم »
سوزینی عینيله پریخانه معطوف قیاس ایدرک عادل کرایک آنی ده

سومدیکنه اعتماد حاصل ایتمه باشلامش و خانزاده‌نک « بنی
گرچکدن سودیککزه ۰۰۰ بر قطعی سوز ویریکر » عباره‌سنی
دوشونهرک آنک تأثیری ایسه بو اعتمادی اطمینان درجه‌سنه
واردیرمش ایدی .

دوشونور دوریر عادل کرای پریخانه روی دل کوسترمش
ایسه پریخانک کوستردیکی محبتلر اوزرینه آنی‌ده اسارتدن
قورتلقی مقصدینه خدمت ایتدیرمک ایچون کوسترمش
اولدیغنه ذهننده قرار ویرر و بو دفعه کندندن قطعی سوز
ایشتمنی پریخانک تدابرنندن امید کسدیکنه جل ایدردی
بونکله برابر عادل کرای برکزه کندیله کچنمکه قرار ویردکدن
صکره سعادت حیاتی برابر کچنمکده بولسنی دخی محال عد
ایلزدی .

واقعا پریخانک رجحان حسنی .— زیور عصمتی خاطره
کتیرمز دکل ایدی فقط کندی‌ده پریخاندن بتون بتون بشقه
طرزده بر جاله مالک اوله‌رق هر قلبه کوره ایسه بر بشقه
نوع حس اولدیغنی و یوزلرجه مبتلاسی اولان بر کوزلدن
یوزلرجه نفرت ایدر آدملرده بولندیغنی بیلدیکندن و عادل
کرایک صوکه محاوره‌لرنده اغزندن چیقان « باری کندینک
حسننده شیوه‌سنده اولان کالی بیلسه باری جالک اداسنک
ارککلره درجه تأثیرینی یکی اوکرنه‌جک اولسه » یولو
سوزلوی خاطره کتیردجه پریخانک طراوت شبانی کشایش

جبالجه بر نقصان و طور عصمت پرورانہ سنی شیوہ ناشناسلغنه
برهان کبی کورہ رک عادل کرای نظرندہ کنندی قدر بیسلہ
تأثیر حاصل ایده مدیکنہ قطعاً حکم ایلدی فقط طبیعت بشرده
نہ ضعف غریبدر کہ شہریار بو حکم قطعیسیلہ برابر عادل
کرایک محاورہ اثناسندہ صاحب لرینہ آق دوشدیکنہ دائر
ایتدیکی تعریضی ده خاطرہ کتیردی کویا دلیل زائل او کبجہ
حقیقت ده تحول ایدرمش کبی آینه نک قارشینہ کچوبده
کمال اعتنا ایله اوج بش بیاض قیلی قویارمدقچہ حسنہ اولان
غرور و اطمینانی اتمام ایده مدی شہریار بو صورتله مقصد
مجتبی حاصل وسعدت آتہ سنی امین بیلدیکندن عادل کرای
تصور ایتدیجہ کوزلری نور صفا ایله وجودی روح نشاط
ایله طولار ایدی .

دنیاده بر المی بر اندیشہ سی قالدی ایسه اوده رقیب
مغلوبی عد ایلدیکی پریمخاندن برستشکاه وجدانہ هوس تمالک
ایله یا قلاشمغہ جسارت ایلدیکندن طولایی ظالمانہ بر انتقام
آلمق آرزوسنک کوکلنه ویردیکی اضطراب ایدی .

عادل کرایک شہریارک دائرہ لوی بو تلاشلرہ اتمہ نظرابلرہ
تهدیدلرہ تحقیرلرہ تحقیقلرہ تجسس لرہ مجادلرہ ایشلاقرہ هر
زماندن زیاده کشاده بولندیغی اولیله بر لیلہ غرابده پریمخان
هر شیدن بخبر وقوریمچینک افاده سندن اکلاشلدیغی اوزرہ

بر کجه اول عادل کرای ایله بر بزم تنه‌ایده بر بچق ساعت
قدر وقت کچیردیکچون تماشای جاله داسیر تشبثلی قوه
قربیه کلک جهتله عمرینک سعادتندن امین اوله‌رق یاتسو
وقتی بر ساعت کچر کچمز یتاغنه یاتمشدی .

رؤیاده عادل کرای کورر صباح آچلمش کونش طوغمش
کوزلری نور ایله طولمش ظن ایدردی .

کویا که معشوقیله بر صحراده ایدیلر بولندقلری یرک
پیشکاهندن بر اوافق صو آقاردی اما بر صورتده خفیف
اقار و او قدر معوج شکلر پیدا ایدردی که کچدیکی صحرانک
لطفاتندن ایریله‌میور واره صره کلدیکی طرفه عودت ایتمک
ایستیورده سائقه روزکاره مقاومت ایده‌میور کبی کورینوردی
باشی او جلرنده بر صالحم سکود وار ایدی دالیری یپراقلری
رسوایان محبتیه پرده استتار اولمغه شایان اوله‌بیله‌جک قدر
پریشان ایدی .

صحرانک اوتیه‌سنده بریسنده اوبک اوبک او قدر متنوع
او قدر متلون چیچکلر بیغلیشیدی که فیاض قدرت اورالری
ترزین ایچون فلکک سحائب رنگ آمیزینی پارملشده اوتیه‌سنه
بریسنه طاغتمش ظن اولنوردی .

مرغان سحرک نغمه‌لوی او قدر حزین او قدر مؤثر
ایدی که هر بری وجدان عاشقانه‌یه ترجان اولمش الفاظ ایله
تعریفی قابل اولمیان اذواق محبتی کوکلره افهام ایله اوغراشیلورلر
قیاس ایدیه‌بیلیردی .

کویا که پریشان او صویک کنار بنه او طور مش آرقه سنی
او صالحم سکوده طیامش ایدی عادل کرایده دیزینه یاتمش
پریشانک مثالی جالیله مقایسه ایچون او یومش ایدی .
قز پریشان صاحب لرینی شهزاده نك یوزینه دو که رک جالی گاه
کونشدن بیله قصانیر جه سنه بتون بتون اورتر گاه بر دقیقه جق
حسرتنه تحمل ایده مز جه سنه بر جهتی آچار تماشاسنده غشی
اولور طور ردی .

پریشانک روحنده انبساط — کوکلنده صفا بر درجه ده
ایدی که بولندی حالک رؤیا ایچنده اولدیغنی بیلک دخی لازم
کلسه ایدی بتون عمرینک بویله بر رؤیا ایچنده کچمسنه بیک
جان ایله قائل اولوردی کویا که بر انسانک دکل طبیعتک
فردوس فیوضانده یکی پیدا اولمش بر شکوفه رنگین ایدی
زاله لرله پرورش بولور نور لرله تنم ایدردی .

ایشته پریشان خواب جان پرور ایچنده ایدی که اصول
اصول قبوسی آچلدی سیاه جاره بورنمش بر قادین النده کی
شمعدان ایله اوطنه نك داخلنه طوغری بر قاچ کره باقدی
شمعدانی خارجه بر اقدی ایچری کیردی قیوی قیادی .

بووقعدن بر ایکی ثابیه کچر کچمز پریشان وجودینه برشی
طوقندیغنی و طوقنان ماده نك کندیسنی خفیف خفیف صارصدیغنی
حس ایلدی اونازنین او یقوسندن او یاندی اطرافنه باقندی
شونی حس ایتدی که استقبال کی نظر تعلق ایتمز بر قرانلق ایچنده

قالمش — اجل کي نامشهود بر جسم ذی حیات ياننه چوکش
— ميت کي صغوق اللریله بدننی صارصیور .

اویقو خاریله بردن بره ککندینی طوپلایهمدی ذهننده
حقیقته خیال بر برینه قارشدی اول کوردیکیمی رؤیا ایدی
شمدیکی بولندینی حالی رؤیادر بر زمانلر آنی تفریق ایده مز
اولدی نهایت بویله حالدرده معتاد اولان « کیدر نه استرسک »
سوالنی ایراد ایلدی .

« کیم اوله حق ! سوکیلی عادل کرایکزیمی بکلیورایدیکز!
بنم ! بویله ظلمانی زمانلرده انسانی کولکلرده براقدیغی کینلر —
دنیاده ارادیغی امللردن دهازیاذه کلیر بولور اوراسنی بیلیور —
میسکر » جوانبی النجه مخاطبک کیم اولدیغی نه مقصدله کلدیکنی
پک قولای اکلادی يتاغنده طوغرلدی شهریارک قارشیمسنه
اوطوردی اره لرنده برشدتلی معارضه جریان ایتکه باشلادی
ایکی رقیب کولکلرک ظلام خفاسنده مستور اولان ایکی غیظ
قدیم کبی تقابل ایلدیلر بر برینی کورمز لر ایدی فقط اره لرنده
هر مخاطبه کچدکجه چهره لرنده و بلکه وجدانلرنده حاصل اولان
اک کوچک تأثیراتی کورمش کبی حس ایدر لر ایدی .

معارضه لری شو بولده ایدی :

پریخان — قادین بدن نه ایسترسک ! بووقت او طهمده نه
ایشک وار کار بوس کبی انسانی رؤیا سنده می راحت براقیه جقسک؟
شهریار — براقیه جغم ! سندن نه می ایسترم شوراده کی

ایران تختنده او طوران ارکک برادرك اولدینی حالده سن انکله
اشتراکی قبول ایده میورسک - نه دیمک ! ذاتاً او تختنده ذره
قدرحقک یوق ایکن ولی نعمتکک الندن المق استیورسک ده بن
سنی دنیانکک ایووک دولتی اولان محبتده می اشتراکه قبول ایده جکم .
سندن نه می ایسترم ! حیاتی - حیاتکک لذائذینی ایسترم

عمر کدن قوپاریله جغنی بیلسم ینه اله جغم اکلادکی ؟
پر یخان - کیجه وقتی چیلدیردکسه بن تیمارخانه بکجیسی
دکلم نصل محبت ؟ نصل تخت ؟ نصل اشتراک ؟

شهریار - تقلید ایدیور بریکندن الشمس ! اسرارندن
خبردار اولانلره دلیلکک اسناد ایتمکی آندن او کرشم ! بیلپورکه تقلیدک
اک کوزه لی ده مسخره لکدر مسخره لکی بیله کندینه یا قشدره میور شو
تجاهلله باق ! مجسم حقیقت اولان شهزادم ! جزمی اله طور بیور
دایکزدن نه مقصد اوزرینه کتیر تدیککزی بیلپورز ! شجرة
الدره مقلد اوله جقسکز ابتدا واره جفکز ادمی پادشاه ایده جکسکز
صکره بیچاره بی تختندن دوشوره جکسکز ایاغکزه باصه مق پایه جقسکز
التکزده چکنیه جکسکز ازه جکسکز یرینه سز چقجا جقسکز دکلی ؟
مصور عصمت اولان بانوی جهان ! عادل کرای سزک کبی ریاپرده لری
ایچنده صاقلی دکل چهره سنی بن ده کور بیورم بر کره مجلسنه
کیرن قادین خصوصیه سزک قدر عقلی استغنا پرور اولور ایسه
جاذبه جالندن کندینی قور تاره جغنی بن تصور ایده مز میم
قیاس ایدرسکز ! یا خود او جالده کی نور لطافتی کورمک سزک

او کوزل کوزلریکزه منحص- و صدر دنیاده سزدن بشقه هرکیم
وارایسه یاراسه طویراغندن یرادلش هیج کیسه اونوردن استقاضه
ایده مزمی ظن ایلر سکز؟ اوت ! شهر یارده پرینخان قدر طبیعت -
پرینخان قدر استعداد محبت نره دن بولنه جق ؟

پرینخان - (شهر یارک جزمی شمخالدن کتیر دلش اولوق
یولنده کی افاده سنندن عادل کرای کبی استفاده ایله جزمینک
طو تلمدیغنه امنیت حاصل ایدرک) ادب سزک الویرر ! غالب سن
زواجکن تختی الویده دوستکله کندیکه شهوت یتاغی یامق
ایستیورسک که قلبکده اولان سیئات اغزندن دو کیلیور !
کندی وهمکی کندی تصورکی بشقه سنه اسناد ایتمکه معنی ندر ؟
حدک وارایسه فعله چیقارمغه تشبث ایت ! ذره قدر تشبث ایت !
باقالم پرینخانک الندن بیک جانک اولسه برینی قورتارمغه مقتدر
اوله بیلور میسک ؟ بن ذاتاً شاه قزی یم ! قرداشمک دولته نهدن
کوزدیکه حکم که او دولت بنمده دولتمدر کهله کبی سایه سنده کچندیکی
وجودک قاننی ایچمکه چالشمق سنک کبی اسافله یاقیشیر .

شهر یار - اوت ! هیج خانم افندی کندی خانداننی باتیرمق . -
ایرانده برسنی دولتی تشکیل ایتک کبی شیلر دوشونمکه - هیج
شاهمکز همشیره سی عادل کرای کبی اسیرک اسیر محبتی اولمغه
تزلمی ایدر !!

دون کیچه ساعت الی صولرنده شونزد بانندن باغچه یه اینوبده
عادل کرایک یاننه کیدن بریچق ساعت او طوران بشقه سی ایدی !!

پریخان - شو تزویره . - شوشرتلکله ! باق ولوکه
کیتش اولهیم عادل کرای ایله بنی کورشدیرن ارهده برتدیر
سیاست چیقاروبده مذاکره قارشدیرن سن دکلیسک ؟

شهریار - عجائب ! بانوی جهان افندمزخانزاده دن ایریلیرکن
قیانک اوکنه کلوبده «سزینه پریخانی سومیکز پریخان سزک
یولکزده اقرباسنی بلکه جاننی فدا ایدر بوراده کی تصورمز حاصل
اولمزه عثمانلی ملکنه کچرزجاریه کز اولورم سزک قدر عالیهمت
برقهرمانه ایران شاهنک همشیره سندن مناسب اسیری اولور »
یولونازلونیا زلر ایتمکی ده بنمی تعلیم ایتشدم نفسکه اعتمادک وارایسه
بوسوزلریکی انکار ایت باقیم ایشیدنلر قیونک اوکنده طورییور
برر بریاقه لرندن طوتار یوزینه چارپارم .

سوز بورالره کلنجه پریخان ماجرای محبتنک شهریاره بتون
بتون معلوم اولدیغنی اکلا دیغندن انکارده بر فائده کورمدی
سوزینی شووجهله تحویل ایلدی .

پریخان - قادین ! بن مختاره بر قزم عادل کرای سوشم
اکا وارمق ایستشم عیبیدر ؟ جنکیز اولادندن قزینی همشیره سنی
هانکی پادشاه دریغ ایدر ! یاسنک انصافک - هیچ بر شیشه ایمانک
یوقیدر که علیل وهصیت زده برزوجک وارسنی کویلی کلبه سندن
سلطنت سراینه کتیرمش قوجه بردولتک اداره سنی الکه تسلیم
ایتمش او محبوسلر کی برکوشده او طورییور یرینه سن پادشاهلق
ایدیورسک بونعمتلرک بودولتلرک حقنی دوشونبورسک . -

یکرمی یا شده بر قهرمان او غلک وار ! ایران سعادتنی شوکتی
انک حیثیتندن شجاعتندن بکلیور کندیکک دکلسه آنک اولسون
ناموسنی خاطرینه کتیر میورسک شهوتکله بر بیچاره اسیره مسلط
اولمشسک هم خاندانمزک عصمتنی پامال ایدیورسک هم او اسیری
بندن قوز تارمق ایچون حقمده بیک درلوا فترایه قالدیشیورسک.
شهریار — طور افندم حدتک لزومی یوق حالمزی اورته یه قویه لم
عقلزنی باشمزه طوبایله لم ده انسانجه قونوشه لم سویلیه جگمز شیلری
عقله تطبیق ایده لم سن ایستدیکک قدر برادریکک نکا خنده
بولنمنی بنم ایچون بر شرف بر نعمت کبی کویستره بیلیرسک فقط
بر انسانه کوره عمرینی چهره سسنده کی تغیرلری بیله کورمکدن
و حتی کندینی برزنجیه دن تفریق ایده بیلکدن عاجز اولان بر آدمه
حصر ایتمک سلطنت عالم ایچون دخی چکیلیر بالاردن اولمدیغنی
سنده کولکدن اعتراف ایدرسک امینم که ذهننده خیالم بیله
قلامشدر قالمش اولسه ده شمدیکی حامله بکزه مز .

پریخان — جناب حق سنی ده قهر ایتسون سنک مز اجنده
بولنان قادینلری ده .

شهریار — عقلکه هر نه کلیرسه سویله ! عادل کورانی
سویورم مطلق سکا خانزاده دن ال چکدیره جکم .
پریخان — کندک ده فلکدن زیاده می قدرت تصور ایدیورسک
طالعک بیله آیره قدن عاجز قالدینی ایکی قلبی بر بردن تفریق
ایتمک امیدینه دوشوریورسک .

شهریار - کندمه اویله بیوک قدر تلت تصور ایتیمورم یالکز
تدبیرمک تأثیرسنز قالمیه جفندن امینم .

پریخان - نتیجه سنی ایکیزده کوریرز دلکی ؟
شهریار - انتظاره حاجت یوق ! نتیجه شمیدن کورینوب
طور سیورجزمی بوراده اختلال ایله اوغراشدیغنه یاری مملکت
خلقی شهادت ایدر شاهه بر کره ایش خبر ویرلدیکی کبی اسماعیله
ایتدکلریکک او آنده جزاسنی بولورسک .

پریخان - دیلک قوریسون ملعون اسماعیله بن نه یاپدم .
شهریار - قوریمجیلر بر امر الیرلو اونا زنین کوردنکزه
بز ابریشم قلیغ باغی کچیریرلر صکره خانزاده بی قیامتده یا کوررسکز
یا کوره مزسکز .

پریخان - شودیواندیه باق ! بنی اولومله قورقوده جق !
کندیسی بر افترای حقیقت سکلنه قویغنه نفسنده اقتدار حس
ایدیورده بنده بر حقیقتی اثبات ایتمکه قدرت کورمیور فاحشه
سن ایستدیکک هذیانای سویلرسک ده بن بیلدکلریمی سویلیه مز مییم !
بنم لسانم قلیجه می کلیر .

شهریار - اویله فنا فنا شتملر ایدوب طورمه ! بوکیجه
هرشییء کوزیمه الدم بن ده ادبسنز لککه تقلید ایتمکه باشلادم .
پریخان - های الله قهر ایتسون !

شهریار - صوص دیورم بنی دیکله ! بن هر بیلدیکمی
سویلرم سن هیچ بریلدیککی سویله مزسک بنم شاهدم وارسنک

یوقا سن اولسه ده سویله مزسک زیراپک اعلا دوشونورسک
(شاهک همشیره سی اوله جغه شیطانک کریمه سی اولمیدک چونکه
اوصفته یاقیشه جق قدر عقلک واردر) پک اعلا پک رعنا
دوشونورسک که بن عادل ایله اره کزده کی محبتی سویلر سه م
اکا بر ضرر. ترتب اتمک احتمال اوله مز چونکه دمنجک
سویلیوردکیا! اختیارینه مالک بر قزسک خانزاده ایسه جنکیز
اولادنددر سنی سوه بیلیر کندیسینی بو حالی ایچون بندن بشقه
کیسه تعیب ایدمز — بندن بشقه کیسه قباحلی بوله مز یاندیغکز
اختلالی سویلر سه م ینه عادل برشی دیمزلر چونکه براسیر
در هر فرصته قورتلغی ایستردنیاده مجنونلر بیله اکلار که برنشا
همشیره سیله براسیر بیننده سویلشیلان فسادی تصور ایدن ده
ترتیب ایدنده شاهک همشیره سی اولق لازم کلیر اسیر اولنلر
بویله ایشلرده اولسه اولسه بر قوه غالبه نک هوسنه آت اولمقدن
بشقه هیچ برشی یامغه مقتدر اوله مز.

اوجهته ایش میدانه چیقدیغی کبی یالکز سنی کبردر لر عادل
برشی یامزلر محافظه سنی دها صقسدیررم کدم نظارت ایدرم
اوصورتله ایستدیکم کبی اکلیرم .

پریخان — صوص ادبسنر!

شهریار — دیکله تلاش ایتمه! بنی دیکله! سنی اولدیرمکن
حاصل اوله جق گفتکوناموس سلطنته طوقونه جغنی برادریکک
کور میان کوزلری اوکنده ایستدیکم شکله قویق بنم ایچون

اك قولای شیلردندر سنی اولومدن قورتاره جغم گوشكمك
قارشيسنده اوفاجق بريره حبس ايتديره جغم رقابتدن بر كوكلد
نه قدر كين حاصل اولديغنی — اله جغم انتقام ايله سكا اوكره —
ده جگم اويله بر كوك او طهيه حبس ايتديره جگم سن زنجر لر
ايچنده ايكليه جگسك بن عادل ايله قارشيكه كچه جگم هر كچه
ذوق ايد جگم قودوردیغنی — كندی دیشلر كله كندیكى يهيه
تلف اولديغنی كوره جگم .

پریخان — (اوزونجه برهقهه استهزادن صكره) خانم
افندی حضر تلری ! بزی او كوك او طهيه حبس ايتديرمدن
اول لسانمزی ده جادیلره افسون او قوتديرده اغزمزده حبس
ایدر دكلی !

شهریار — افسون او قومغه حاجت یوق ! سن ذاتاً
بیلدیكى سويله مزسك براقمورسك كه سويله ميه جگنه سنی ده
اقناع ایدیم بیلیرسك كه بنم حالم سكا بکزه مز شاه حریمی عادل
کرای ايله بیتمزده کی محبتی خبر ویردیك كبی آنی ناموس
سلطنته تعرض ایتدیكچون بندن بيك قات بتر عذابلر ایچنده
تلف ایدر لر حالكدن قالدنن بالبداهه اكلاشیلور كه عادل
سویورسك سونجه تلف ایتمكه قیدمزسك البته قیدمزسك !
سويله مزسك دیدیکم انك ایچون درشمدی بیلدیكى سويله —
ميه جگكه سنده اعتماد ایتدك یا شمدی قوتكم درجه سنی سنده
اكلادك یا .

پريخان - (ينه برقهقهه استهزا ايله) جلااد يوركلي
كوپك! سلاحنى فنا انتخاب ايتمشك! ديشلريكى ايجه بيليه.
مامشك بن عادلى سويورسهم وجودى اورتهدن قالد يروبده
سنگ كى برفاحشه نك الله ترك ايتك ايچونى سويورم صانيرسك
بالله سويلرم! هم سواقغه فيرلارده بتون قزوين خلقنه ايشديره جك
كبي سويلرم اما عادلى تلف ايده جكلرمش ذاتى بنده حياسته
قاله جق دكلم يا! بن غائب اولدقدن صكره عادلى سنگ كى قودوز
مزا جلى ملعونلر تلف ايتسه او كندى كندى اتلاف ايدر بز
بر بر يمزدن صكره دنيا ده بر دقيقه ياشامنى عذاب ابديدن دهشتلى
صايار زسن اوراسنى بيليرميسك .

شهر يار - عادل سندن صكره بر دقيقه ياشامز اوليله مى سنگ
ايچون حياتنى فدا ايدر اوليله مى ؟

پريخان -! عادل بندن صكره بر دقيقه ياشامز يانه ظن ايديورسك
بم ايچون حياتنى فدا ايتمز قيا سنده مى بولنيورسك ؟ بر كره
ياشكى دوشون! عادل قدر او غلك وار قوجهلى برقادينسك
هيچ ارسلا نلر بشقه سنگ آرتيغنه تنزلى ايدر بوصولوق چهره ك
بوسونك كوزلر كله عادلك محبته نصل طمع ايديورسك .
ايشته ر غمكه بر بر يمزدن ايرليه جغز! ايشته كورلككه يابرابر
ياشايه جغزيا برابر اوله جكز .

حسد كدن چانلا كبرده بنى حبس ايتديره جكلك كوچك او طيه
بلل سن جهنمك اسفل سافلينه كيت! آتشدن دوكلش زنجيرلو

ایچنده این ایت ! بزم دنیا ده آخرتده سوره جکمز صفالری
دوشون ! سن حسدکدن قودور ؛ هر دقیقه ده بر کره کندیکی
بیهیه بتیرینه وجوده کل هر زمان دکشدکجه عذابک بر کره
دها تجدد اتسون .

شهریار — شمعی عادل سنک ایچون اولور اوپله می .
پریخان — آنک یرینه سن کبر ! اقتضای ایدرسه اولور نه ظن
ایتدک ؟ سوز بورایه منجر اولنجه شهریار پریخانک کولشیرینه
تقلید یولنده فقط دها اوزون دها آچیحق بر قهقهه دنسکره
« بعض حقیقت اولیور که قرانلقده کورنسی قابل اوله میور »
دیهرک یرندن فرلادی دیشاریده براقدیغی مومی کتیردی قویندن
عادل کرایدن الدیغی مکتوبی چیقاردی « شونی او قور میسکز »
دیدى پریخانه اوزاتدی .

پریخان بوتکلیفه « هر تقطه سی جکریکه برداغ سیاه اولسون
نمه لازم » سوزیله مقابله ایتدکدن وشهریار دن خانزاده نکدر
او قویکزده باق نه اکلارسکز جوانی الدقدن صکره کاغدی
قایدی شهریار النده کی مومی پریخانک یاننده بولنان بر اسکمه نك
یاننه براقدی « غایت مستهزایانه بر طرز ایله عادل کرایکز سزیه
مبارک اولسون » دیدى پریخانک یانندن بر قاچ ادیم کری
چکلدی .

پریخان مکتوبی یوقاریدن اشاغی او قورکن بیچاره عادلک
یا لکز شهریارى او ییلامق ایچون یازدیغی « بنی کر چکلدن

سوڈیککزه برده بو حالدن قورتاره جغکزه قطعی بر جواب
ویریکز « عباره سنه کلنجه بولقر دینک عادل کرای طرفندن
اوکونه قدر طوتیلان اداره کلام طرزینه بکزر هیج بریرینی
کوره مدیکندن روحی وجودندن انتزاع ایتمش کی برحاله کلدی.
چهره سنده برطامله قان - اعضاسنک هیج بریرنده جزوی
بر حرکت اثری قالمدی انسان ایکن طاشدن یاپیش بر تصویره
بکزه دی یالکز تذکره پی شهریارک چهره سنه فرلاتمغه برده « سزه
مبارک اولسون ! » دیمکه مقتدر اوله بیلدی کوزلرینی شهریاره
دیکه رک ایکی اوچ ثانیه میتانه بر نظرله اندامنی سوزد کدن صکره
الری کلیدلندی بایلدی بر جسم جامد کی یتاغنه سرلدی شهریار
باشی او جنده اوله بر نشاطلی اوله بر مسرتلی طرز ایله بیچاره نک
حالی تماشایدردی که خار جدن بری کورسه آنک حیاتی ده
کندی عمرینه علاوه اولنمش قیاس ایده بیلیردی .

قاری بوملعون انتقامندن طویه طویه استفاده ایتدکدن
و خصوصیه پرینحانی هر نصل اولسه از دیکنه وعادل ایله ارسنده
آرتق هیج بر حائل قالمدیغنه بر امنیت دیکر حاصل ایلدکدن صکره
خانزاده نک تذکره سنی یردن آله رق صیدینک قانی ایچوبده یواسنه
توجه ایدن اژدر لر کی صالنه صالنه او طه سنه چکلدی .

زوالی پرینحان وجودینه عارض اولان بنخودک حالی
طبیعتک قوتی وکنجکلکنک یاردمیله برابر انجق ایکی ساعت ده
دفع ایده بیلش ایدی فکرینی ایسه آیله قدن صکره ده بر ساعت

ایچنده انجق طوپلایه بیلدی .

اک اول ذهننه تبادر ایدن مطالعه عادل کرایک تذکره سی
ایدی خانزاده بی صحیحاً روحندن زیاده سور کندینی ده اکا
بر حیوة ثانیه بیلکی لوازم عمرندن - احتیاجات انسانیه سندن
عد ایلر ایکن نظرنده بوتذکره عادلک کندیسنه اولان او قدر
التفاتلرینی او قدر محبتلرینی یالکزجه اسارتدن قورتلق و یاخود
براقباله نائل اولمق ایچون ترتیب اولنمش دسایس کاذبه دن
عبارت کبی کوسترنجه دنیاده هیچ برشیئه حتی کندی وارلغنه
بیله اعتمادی قالمغنه باشلادی او وقتنه قدر نظرنده حیاتدن مقصد
عادل کرایدن کوردیکی التفاتلر ایدی انلرکده یالانجی اولدیغنه
حکم ایدنجه مقصد حیاتی اولمکه منحصر اولدی کندینی پنجره دن
آتیوروبده دنیانک آلامندن برابکی دقیقه اذیتله قورتلغی
نفسنجه اک بیوک سعادتلردن عد ایدردی فقط بریوفا ایچون
ترک جان ایدرک رقیبنی ارقه سندن کولدیرمک ککوکلنی چاره
خلاص بیلدیکی اوله برحرکتدن ده منع ایلر ایدی . وجودینه
عارض اولان او پرک کتدکجه تزیاید ایتدیکندن یتاغنه چکلدی
فقط غائب ایتدیکی آمانک حسرتیله اولمزدن دفن اولنمشده
مزارنده دیرلمش بر بیچاره کبی زماننی حیاتکده نماتکده آمانه
قیاس قبول ایتیه جک بر غریب عذاب ایچنده کچردی و دوشدیکی
مضیق بلادن قورتلق ایچون هر نه جهته عطف نظر ایلسه
قارشیسندن عادل کرایک محبتندن محروم اولمق کبی خاک فناقدر

دهشتلی برسد استخاله پیدا اولدیغندن برفرجه نجات تدارکنی
طاقت بشردن خارج کورپردی .

بو حال جانخراش ایچنده صباحه چیقدیغی و دوشونه دوشونه
برشی دوشتمکه بیله اقتداردن کسیدیکی برزمانده ایدی که محرمی
اولان جاریه لردن بری یاننه کیردی وینه محرم لردن برقور یچینک
کتیردیکنی سویله رک یتاغنه بر مکتوب براقدی .

پریخان مکتوبک کاغذینه باقوبده عادل کرایدن اولدیغی
اکلادیغی کبی کرامت محبت قدرتی اظهار ایدرک وجدانی یرندن
اوینادی فکرنده کی پرده شک مرتفع اولدی کاغذک مألنی طبقی
طبقنه کشف ایلدی .

محشرده مزارندن قیام ایدن التفات پروردگان الهی کبی تعریفی
ناقابل بر شوق ایله یتاغندن فرلادی مکتوبی اچدی او کیجه عادل
کرای ایله شهریار بیننده ظهور ایدن ماجرای و معهود تذکره نك
سبب تحریرینی اطرافيله اکلادی کنديله شهریار اره سنده گذران
ایدن حادثه یی دوشتمکه باشلادی واقعا اعتقادنجه عادل کرایه
اولان محبتنی و خصوصیه عادل کرایک کندینه کوستردیکی میلی
اعتراف ایتسی بر یوک خطا ایدی شوقدر وار که قاری ذاتاً کندی
محبتنی تامیله او کرشم اولدیغندن انکارک ده برفائده سی اوله مزاییدی
عادل کرایک کندینه اولان میلنه کلنجه شهریار ایچون النده کی
تذکره طوررکن بوبابده ایشتدیک سوزلره اعتماد ایتک ممکن دکل
ایدی که قوللاندیغی لسانندن عادل کرایه بر مضرت ترتب ایده بیلمک

خاطره کلسون کندينيك مکتوبی او قودینی ضره ده کوستردیکی یأس - وجودینه عارض اولان بايقلقله ساخته اوله بيلمک قابليتنی بتون بتون غائب ایلدیکندن شهریاره کنديسنک عادل کرایدن بتون بتون قطع امید ایتدیکنه اطمینان تام کترمش اولسنده اشتباه اولنه مزدی بناء علیه پریخان بو حادثه نك ظهورینی شهریارى اغفاله شمدي به قدر ایتدیکی تدبیرلرک کافه سندن مؤثر کوردیکی ایچون پک بیوک تشکرلره تحمیدلره شایان بر اعانه غیبیه عد ایتدی .

بوشوق ایله همان قلبی انه الهرق کندی ماجراسنی ده برمفصل تذکره ایله بیان ایلدی . هیفا که عادل کرای بوتذکره بی الدینی کبی قارینک پریخانه ایتدیکی جفالره حقارتلره خصوصیه بایقیناق بحثنه هیچ طاقت کتیره مدیکندن والنده کی قوتی جانورک اظفار تسلطنی سوکه رک شرنندن کرک کندينی کرک پریخانی بتون بتون قورتارمه کافي کوردیکندن همان شوکاغدی تسوید ایله اولدینی کیجه شهریاره کوندرمک احتیاط سز لغندن کندينی اله مامشدی .

﴿ صورت تذکره ﴾

(عادل کرایدن شهریاره)

سیما کرک بو حالیه برابر سزه ضروری کوستردیکم یالانجی محبت اماره لرینه جداً اینانديغکزه قائل اولمق ایرانده هیچ آینه کور مامکه توقف ایدر! مسخره لك پک اوزادی! قرق یاشنده برقادینه یکر می درت یاشنده بر آدم محبت اید، تیه جکینی البته سزده بیلیر سکز .

میل معالی ایله متصف اولان برکوکلی پریخان کبی الهی
برنور مجسم میدانده کزینور طور رکن سنک کبی سیرتک ظلمتی
چهره سنک روحسز پیاضلغی ایله دوزکونلی زنجی به بکزیان
براعجوبه روزکاره میل ایتک نصل ممکن اولسون .

زوجکزک نعمتی اوغلكزک حیثیتی صاحکزک آقنی استها کزک
دنا تنی دوشونکزده بدن پریخاندن فارغ اولکز ! اقشام بیچاره به
ایتدی کز اذالری او کزدم تکرار ایدر سه کز انتقامی زبانیله
الدرمغه مجبور اوله جغم .

غقلکزی باشکزه دوشوریکز مکتوبکز الهه سند طور یور
بردها پریخانکده بنمده حتی نامزی لسانه آلیرسه کز قزوینده
هر حرفنی آیری آیری کوزدن کچیرمدک بر آدم براقیه جغمه
پریخانک حیثاته یمین ایله سزی تأمین ایدرم اما بنی ده بویوله
اتلاف ایدر لر مش پریخان صاغ اولسون ذاتا دنیانک نه صفاسنی
سوردم که آخرته کتمکدن قاچنهم هیچ اولمزسه الیکزده شهید
اولورده جناب حقندن مکافاتنی کوریرم .

اسیرم بنی برکیجه بوغدیریویرمک تسمیم ایتدیرمک قولای
الیکزدن کلیر اوراسنی بیلیرم فقط سزده شوراسنی بیلکز که
بوکون قزوینده برادرم وار هر درلو استقبالی آچیق هر درلو
اقبالی حاضر یاشی دها یکریمی بشه هنوز وار مش عناصرینک حالی
عمر طبیعی به قدر یاشامغه مستعد ثروتی مدت عمرینی سعادت ایچنده
کچیرمکه کافی ایکن هر نه دن ایسه بنم یولمده فدای جان ایتکه مراق

ایدیور قبیلہ برخطا کلمک لازم کلسہ کاغذ النده در بنم بیاجمندن
برقاچقات زیادہ شہیرایدر عسکر اولدینی حالہ بویولده جلا دلغی ده
کوزہ ایور کوکلرک فوقہ چیقسه کز برلرک دینہ کچسه کز
سزی بر ساعت یشاتمز .

ال التندن بر حرکتکزی ده ایشتمیم بیلیر سکر که تحقیقه
مقتردم اکر ایشیدیر سه م بزم خاندانده قلیجه کوپک قانی بولاشدیر مق
مشوم صایلیر اما اوشئامتی ده ارتکاب ایدر سزی المله مالک
جحیمه تسلیم ایلم عقلکی باشکه آل بزدن فارغ اول عادل
کویا که تذکره دکل برصاعقه ایدی شہریاره واصل اولور
اولمز حاضرلیه طور دینی دخه فساد بردن بره فوران ایتدی
کیمه طوقوندی ایسه محو و بر باد ایلدی .

﴿ یدنجی فصل ﴾

میرزا سلیمانک شہریار ایله اولان صحبتنی یوقاریده بیان ایشمیدک .
شاهک ادراک و اخلاقه اولان ضعفنه برده معلولیت منضم
اولتی جہتیه وجودنله عدمی مساوی اولدینی کبی جزه میرزاده
عسکر لکدن بشقه لوازم حکومتک هیج بر جهتندہ وقوفی اولمدیفندن
دولت ایرانیه نک فروعات امورینی بتون بتون میرزا سلیمان
اداره ایدر فقط کلیاتده پریخان ایله شہریارک غلبه عرفان و نفوذندن
استقلال اداره پی قور تارمغه مقتر اوله مزدی .
عادل کرای حادثه سنی ایشیدنجه خانزاده نک سیما واندام

ومشرب ومشوارنده اولان جاذبه خطر ربایه نظرأ پریخانك
بوکا مقتونیتنده هیچ اشتباه ایتدیکی کبی قزک شمنخال اقرباسندن
اولغله برابر برید غالبه ودرایت فوق العادهیه مالک بولنسی
جهتلیله ایران حکومتنک بولندیفی عجزتام اراسنده محبوبنی
تخت سلطنته چیقارمق هوسنه دوشمنسی پک عقله ملایم کورر
وبویله بر تشبیده . پریخانك یالکز چرکس طاقندن دکل
مشتهر اولان اخلاق کریمهسی مناسبتیله — بر ظلم جانکداز
التنده ازلمکده بولنان — عجزلردن بیله معاونت کوره جکنی
یقینابیلردی .

حتی پریخانك مالک اولدیفی درایت عموم عندنده حاصل
ایتدیکی مقبولیته اولان اعتمادندن ایدی که کندی نکاحنه
الوبده او قوتله ایران دولتنی اداره ایتک انک دخی اخص
مقصندن ایدی .

فقط عادل کرای کبی اصالت فطریه ولطافت جسمانیسه
ایله متحلی بر نوجوان طوررکن پریخانك طبیعت بدایع
پسندانهسی اویله عوام ارهسندن یتشمش التمش یاشنده بر آدمی
قبول ایتک احتمالی اولدیفی دوشونهرك او خلیادن بتون
بتون فارغ اولدی .

بوندن بشقه شهریارک عصمتی ایرانجه پکده مصدق اولدیغندن
کندی ایله اولان محاوره سنده تهورله اغزنندن قاچردیفی
سوزلو ایچون صکره دن اختیار ایتدیکی تأویلرک میرزا سلیمان

نظرند هېچ حکمی اولماس یعنی عادل کرایه آنک دخی
ابتلاسنه تامیله احتمال ویرمشدی .

بویله درایت مردانه وجسارت متحکمانه یه مالک ایکی
قادینک امراض نفسانیه نك اشدی اولان محبت ورقابت
ساقه سیله ایران دولتی خطرکاه اضحلاله دوشوره جک بیک
درلو تشبثله قالمشمدن کری طورمدقلربنی وبوندن صکرده
طورمیه جقلربنی وبو تشبثلرک ایسه وزارت حسیبله اک بیوک
مسئولیتی وبلکه اک بیوک مهلکه سی کندینه عاقد اوله جغنی
دوشوندی کرک قادینلری کرک عادل کرایه زندانه واقتضا
ایدرسه مزاره کوندرمکه حاضرلنان ودها حاضرلنسی محتمل
اولان فتنه لرک اوکنی المغه عزم ایلدی .

بو یولده شاهه مراجعت ایتسه سوز اکلاتمغه مقتدر
اوله میه جغنی وبلکه پریخان ایله شهریاری کندینه خصم جان
ایده جکی جهته لره اتهمات مشترکه لوی اراسنده ازیلوب
محو اوله جغنی بیلیردی جزه میرزا بر قاج کون اول عسکر
جمعیچون مملکتدر چیقیمش اولدیغیچون آندن استعانه یه زمان
مساعده دکلدی اولسه دهه استعانه ایتزدی چونکه جزه میرزا
طوغدینی زمان والده سنک اغوش تربیه سنده نه قدر زبون
ایسه او یاشنده دخی پنجه درایتنده او صورتله مغلوب اولدیغندن
بر سوزینه اینانماقی مقابله ایتمک احتمالی اولدیغنه وپریخانک
ایسه خصائل عالیه سنی کندینه قبله اقتدا عد ایتدیکیچون

حقننده بر سوء ظن وقوعی بیله کفر منزله سنده طوته جفته
امین ایدی .

بو جهتله میرزا سلیمانک سرمایه اقتداری کندی درایتنه
انحصار اتمشدی عزمینک اجراسیچون بوله بیلدیکی تدبیر ایسه
- شهریار ایله محاوره ایدرکن بیك درلو مخاطره سندن بحث
ایلدیکی قوریجی ایاقلان دیرمق خصوصندن عبارت ایدی .
ایران دولتجه اک عاجل اولان مخاطره عادل کرای

و پریخان اتفاقی اوله رق بونلرک تشبثی ایسه سنیلک نامنه
اولدیغندن اللرنده کی وسائطک مرکزی چرکس و داغستانلی
قوریجیلرک ضابطی اولان علی قولیخان اوله جغنی میرزا سلیمان
کوره بدیهیاتدن ایدی او جهتله میرزا سلیمان علی قولیخانی
اورته دن قالدیردق . و معینده بولنان قوریجیلری همان حدود
اوزرینه سوق ایدیورمکله ترتیبات فتنه یی وسائط اجرادن
محروم براتفی دوشونمز دکلدی .

نه فائده سی وار که علی قولیخان جنسیت علاقه سیله
پریخانه مربوط اولدقدن بشقه تدابیر کلیه سیله شهریارکده
فوق العاده امنیتی قزانش بر داهیه اولدیغندن حقننده بویله
بر حرکت تشبث ایتدیکی کبی ینه ایکسنگ خصوصت مشترک سنه
هدف اوله جغنی و بیك جانی اولسه اللرندن قورتیله میه جغنی
مطالعہ ایلدیکندن علی قولیخانی محرمیتنه آلهرق و بو صورتله
آنکده منویاتنه محرم اوله رق اجراءات زماننده حرکتی تعطیل
ایتمک رأینه قرار ویردی .

اصل کنديك اعتمادی ايسه قوريجيلردن مازندران
تفنگچيليرنيك ضابطی اولان و شاه عباس زمانده روان
مدافعه سنده بر شهرت فوق العاده استحصال ايدن ميرفتاحك -
جدمادريسی بولنان رستم خانه ایدی .

رستم خان بر جرأت پلنكانه ايله برابر حیل سياسيه ده
بر مهارت روبهانه يه مالك و عسکرينه نفوذی غالب بر آدم
اوله رق ميرزا سليمان ايسه حرمت و نسبت فوق العاده سی
اولديغندن هر امرينه هم اطاعت ايدر هم ده عسکرینی اطاعت
ايتديرردی .

بو جهته ميرزا سليمان اول رستم خانی جلب ايدرك
ماجرايی تفصيل ايتدكدن و ايرانده اوليله سنی بر دولت
تشكلندن كنديلرينه و عموه عارض اوله جق مضراتك
هر جهتی و خصوصيله پريخان ايله شهریاره طرفندن عادل
گرايه كوستريلان محبتدن عرض حكومت و ناموس ملته ترتب
ايده جك لكه يی تصويرده ذره قدر قصور ايتدكدن صكره
عسگر قوتيله بو ايكي قاری يی معشوقلريله برابر دولتك باشندن
دفع ايتك ايجون اقتضا ايدن تشبثاتی خانك غيرتنه حواله
ايتدی .

رستم خاندن بو يولده ايتديكي كی مواعيد الدقدن صكره
علی قولخانانی يانسه دعوت ایلدی اره لرنده كچن محاوره
شودر .

سليمان - شمشالدين پرينخانه جزمى بك نامنده بر آدم
كلمش .

على قولخان - اوت كلمشى بعض هداياسى وار ايدى
قولكزه مراجعت ايتدى كندم كورشدم .

سليمان - بن بودولتك بيكانه سى ميم بكانچون خبر ويرمديكز؟
على قولخان - دولتجه ايشى اولميان عادى هديه ايله
كلمش بو آدمى خبر ويروبده بو قدر مشاغل اره سنده تصديه
لزوم كوره مامشدم .

سليمان - بالعكس الزم ايدى جزمينك بورايه بشقه مقصد
اوزرينه كلديكى تحقق ايلدى اوزمان ورودندن خبرم اولسیدی
ياپدينى فسادى دهامباديسندن منع ايتمش اولوردق شمى جزمى
نرده ايسه بولدير يكلزده بكاكتير يكلز :

على قولخان - جزمى ده اوزمان عودت ايتمشیدی .

سليمان - خير ! جزمى بوراده اوله جق .

على قولخان - بوراده ايسه شمى كيدر بولديرم .

سليمان - سزك قوريجارده داغستانلى برموسى كاظم ايله

برده عباس وار ايتمش انلرى ده ايتترم .

على قولخان - عباسى كتورلم موسى كاظم جزه ميرزا

حضر تليله كيتمشیدی بك لازم ايسه جلبچون آدم كوندرمك

اقتضا ايدر .

سليمان - او قدر لزومى يوق بردانه سى ده كافيدر .

علی - (قبودن چیقارق) شمدی کیدراقتضاسنه باقارم .
علی قولخان فی الحقیقه میرزا سلیمانک ظنی کبی پرینخان
تشبثاتنک مرکزی ایدی چرکس وداغستانلیدن طوغریدن
طوغرییه حکمی آلتنده ویاخود جنسیت و سنیت مناسبتیه
کندینه ارتباط معنوی حالنده بولنان آلتی ایدی بیک قدر قورمچینک
رؤسا وخیر شناسانه مقصدی قبول ایتدیردیکندن همان
ایستدیکی ساعتده تقلیب دولت اقتدارینی ده حائر اولمشیدی هله
برکره پرینخانک سلطنتی اعلان ایدلک لازم کلسه اساس اداره سنی
تحکیم ایدنجه یه قدر طبیعی مذهب داعیه سی مستور طوتیه جغه
وقزایسه شاه اسماعیل وقعه سندن بری ایرانک حکمدار معنویسی
بیلندیکی کبی حکومتک خلقی نمون ایده جک هر حرکتی پرینخانک
درایت و مرچتنه و موجب شکایت اوله جق هر فعلی سائر لک
ظلم و تسلطنه محمول اوله کلدیکندن ظهور ایدن انقلاب یالکز
علیل و عاجز بر آدمک ازوای طبیعیسی اعلان اولنمش و آنک نامنه
بیک درلو اعتسافات ایله مألوف اولان برقاچ متغلب اورته دن
قالدیرلمش حکمنده کورینه جکنه نظراً هرکس طرفندن کمال
ممنونیتله قبول اولنقی علی قولخانک اعتقادنجه محقق ایدی بلکه
جزه میرزانک بیله خاله سنک خصائل عالیه سنه کوستردیکی مفتونیت
قوتیه بر درجه یه قدر اداره سی قابل اولوردی فقط شهریار
حیاتده بر اقلسه جزه میرزایه خاله سندن زیاده تأثیر نفوذ ایتدیره
بیلک مخاطره سی میدانده اولدیغندن و اولدیرلسه جزه میرزایه

هم والده سنك قانندن هم اجدادينك سلطنتندن ال چكدير مك ممكن
اوله ميه جفنندن عموم اصحاب جمعيتك اتقايله تصور اولنان انقلابك
اجراسى ميرزانك حدود بوينده حرب ايله اشتغالى زماننه تعليق
اولتمشيدى چونكه جزه ميرزا ايجون عثمانلى اردولرينك هدف
مهاجاتنده ايكن. مركز سلطنتده بويله برحادثه ظهور ايدنجه ايكي
اتش ارسندن كنديني قورتاروبده والده انتقامى وسلطنت
ميراني دايله ليله اوغراشمغه ميدان بولمق وميدان اولسه بيله
نتيجه سنده موفق اولمق احتمالك خارجنده كورينوردى بوندن
بشقه ميرزا اشجاعت مفرطه سى جهتيله دائما تهكله لى موقعلى ده
بولنه كلديكندن ضرورت كورنديكي حالده برقاچ فدائي قوتيله
وجوديني اورته دن قالديرمق دخى اصحاب جمعيتجه اسهل امور
عد اولنوردى پريخان اعضاي خاندانندن هيچ بريسنه وحتى
نظرنده اجلندن بيله متفرد اولان شهر ياره قصد اولنديغنى قطعاً
ايسته مز و عادل كراى ايسه جانانك بوفكر كر يمانه سنه بيك جان
ايله اشتراك ايدردى على قول يخانه كوره ايسه عموم خاندان صفوى
اعضاسنك حياتنى مقصدينه متعلق اك كوچك بر فائده ايجون فدا
ايمك اسهل امور اولغله برابر مسلكنجه پريخان ايله عادل كرايك
امر ينه اتباع مجبور يتنده بولنديغندن وايديله جك حر كتي
حكومتدن ازاله ايديله جك ذواتك فقط حياتيله برابر آرزو اولنان
نتيجه يه ايصال ايديه بيله جكنه دائر ويرديكي تا مينات مفلا نه سى
ايله او ايكي ذهن عاقبت بينى اقناعه بردر لو مقتدر اوله مديغندن

اوغراشیلان مقصد مقدسی قان ایله لکه دار ایتمک عزم قطعیسی ده
اجرا آتک تأخیرینه برقات ده یاردم ایزدردی .

یوقاریکی محاوره نك قیصه لفندن - صغو قلفندن - بی پروا لفندن ده
ایشتمز ایشک بردرجهیه قدر وزیرده عکس ایتمش اولدیغنی
تمامیله تقرس ایلدیکی کبی میرزا سلیمانده بو محاوره یه کنجیه قدر
شهریارک - پریخانک خصوصت مشترکه سنه هدف اولوق مخاطره سی
اولسه علی قولیخانک ازاله سنی دنیانک اقولای ایشلرندن صایوب
طوررکن محاوره ده کوستردیکی مکانت لاقیدانه دن خانک محافظه
حیاتجه تمامیله امنیت بخش اوله جق قدر بیوک بر قوته مالک اولدیغنه
یقین حاصل ایتمشیدی .

علی قولیخان فی الحقیقه جزمی واسطه سیله مقصده داخل
اولمشه ده شاید کندمی بر بلایه اوغراسه ارده کی واسطه اتصال
ایله عادل کرای و پریخانیه ده مخاطره سنه تشریک ایتمک ایچون
جزمی بی بتون بتون عالم اختفایه چکمش ایدی قوربجی رؤساسندن
کندینک ایشده مدخلنی موسی کاظم دن بشقه هیچ کیسه عین الیقین
بیلز ایدی چونکه مبادی تشبثنده رتبه سنک کوچکلکیله برابر
استقامت اخلاقی جهتیه چرکسلر داغستانلیر غندنه محبوب
قلوب اولان موسی کاظمی جزمی ایله اصحاب اتفاق اره سنده واسطه
ایتمش و جمعیتک ریاستنی انلره منحصر کوسترمشیدی .

افراد جمعیت لزومی قدر چو غالدندن صکره او واسطه

اتصالی ده اورته دن قالدير مق ایچون موسی کاظمی جزه میرزانک
یا نه کوندردی موسی کاظمک کیدرکن اصحاب اتفاقه ویردیکی
تعلیمات جزمیدن یا بالذات ویا تحریراً ویریه جک او امره اتباع
اولئسنی توصیه دن عبارت ایدی .

جزمینک اختفا کاهنی ایسه برکندی برده کندن اول
مناسبت پیدا ایتدیکی عباس بیلر لودی عباس فی الحقیقه اوائل
مصلحتده کار کذار لغنه برزده طمع کارلق قارش دیر مشهده
جزمیدن علی قولیخانن کوردیکی احسانلر آرزو سنک بر قاچ
قات فوقنه چیققدن بشقه کیردیکی مسلک ده مشرب لوندانه سنه
فوق الغایه توافق ایلدیکندن دنیا ده مقصدی اغورینه
چالشققدن فدا کارلق ایتمکن بیوک لذت و آرزو کوره مامکه
باشلامش و بناء علیه علی قولیخان نظر نده ظاهرده عادی بر قوریچی
اولغله برابر حقیقته اکامینتلی الک قیمتلی بر رفیق اولوق مزیتنی
قزائش ایدی .

ایشته بوجه تلرله علی قولیخان تشبث نه درجه میدانه چیقمش
اولسه کندیسنک اشتراکی میدانه چیقیمیه جفندن بتون بتون
امین اولدینی کبی پریخان و خصوصیه شهریارک جایه مطلقه سیله
برابر میرزا سلیمانک اوله دلیل سز شبهه لوله حقدنه فسالق یا پیغه
جسارت ایده میه جکندن ده مطمئن ایدی مع مافیه میرزا سلیمان
طرفندن خلاف مأمول بر تسلطه قیام اولنور ایسه اکامقابه

خصوصاً صندۀ دخی هر وقت پیشنه سپر ایدہ بیلہ جکی بش التی بیک
قلیجہ کووہ نور ایلدی .

احتیاطی اقتداری بودر جده اولان علی قولیخان طبعی
وزیرک نہ بعض تقرعاتہ حاصل ایتدیکی و قوفدن نہ کندی حقندہ
کوستر دیکی اتهام ضمیندن احتراز ایلدی .

جزمی بہ برقات دها احتیاط و اختفانوصیہ ایتدکدن و عباسہ اقتضا
ایدن تعلیماتی ویردکدن صکرہ کوکلندہ خوفدن اندیشہ دن ذرہ
قدر بر اثر موجود اولدیغی حالہ قورقو خالندہ کور نمکلہ
وزیری تہدید ایچون بولندیغی عسکرک صفتک مترتباتندن
استفادہ ایدرک کندیدہ توابعی دہ سلاحہ مستعرق اولدیغی حالہ
وزیرک مجلسنہ عود تلریلہ جزمینک حالافزویندہ بولندیغنہ دائر
اولان روایت صرف موہوم اولدیغی وکلدیکنک اوخچی
کونی کیتدیکنہ بر قچ یوزشاهد اولہرق ارادہ اولنور ایسہ آنلری
وزیرک حضورینہ جلب ایلہ حقیقتی اوکرنمک ممکن بولندیغی
و فقط بویلہ اصلسز برروایتہ او قدر اہمیت ویریلور ایسہ خلق
ایچندہ برطاقم کفتگولر پیدا اولندقدن بشقہ حکومتک وقعندہ
خلل کلہ جکی سویلدی وزیرک امرینہ امثالاً عباسی برابر
کتیردیکنی دہ علاوہ ایلدی .

میرزا سلیمان - بو افادہ لردن ہم جزمینک قزویندہ ہم دہ
علی قولیخانک جزمی بی ویرمامک عزمندہ بولندیغنہ یقین حاصل
ایتشدی فقط اعتقادینک اظهارندہ بر فائدہ کورمدیکدن اجنبی

بر آدمك وجود وعدمندن حكومت عليهنه ايديلان تشبثانحه
بر بيوك تأثير اوله ميه جنفي مطالعه لريله تسلي بولور و على قولخان
آچيقدن آچيغه تعرض ايدوب ده مقصدينك عموميتنه خدمت
ايدميه جك برفتنه احداثيله اصحاب اتفاقك الك بيوك استناد كاھي
اولان خاندان شاھي اعضاسني عليهنه بر قوه احتياط كبي ترك ايتكم
و بوضورتله هر بلايي كندى اوزرينه دعوت الملكدن هر نه
يايله جك ايسه دفعه يابلق و طويلانه بيله جك قوت فتنه نك روي
مثابه سنده اولان پرخان و عادل كراي عليهنده استعمال اولنمق
تديريني بيك قات مرجع كوردى .

اوجهتله على قولخانه قارشو استمالته اغفال مسلكنده
دوام ايتكم رآينده بولندي جزمينك عودتنه متعلق بيان ايلديكي
تحقيقاته تاميله اينامش كبي كورند كدن بشقه على قولخانك
بويله بر روايته او قدر اهميت و پريلير ايسه حكومتك و قعنه خلل
كله جكنه دائر و رديكي رآي كويانهايت درجدهه تقدير ايله تلقي
ايدرك خدمت شاهيده على قولخان كبي نظر حكيم اصحابندن
كورديكى معاونتي كندنجمه مدار موفقيت و باعث مفخرت بيلديكي
بر لسان اطرا ايله بيان ايلدى بو تملقردن مرادى ايسه ممكن اولديغي
قدر على قولخاننى حسن اعتماد و خلوص نيتنه اقناع ايتكم و بوضورت
ممكن اوله مز ايسه بارى على قولخانك اطوارندن همان همان
باشلايه جق كبي كورينان اعلان خصومت داهيه سني بر مدت
تأخير ايله كندى تشبثانى اكمال ايتكم ايدى ميرزا سليمان على قولخانه

برقات دها اعتماد ویرمک ایچون عباسی ده یاننه چاغرمه ماغنی دوشوندی
فقط تحقیق و دفعیله اوغراشدیغی تشبثاته اطلاعی بک ناقص
اولدیغندن تداییرینک اکاننه خدمت ایده بک بعض معلومات
المغه اولان شدت احتیاجی تصویرینک اجراسنه امکان ویردی .
بناء علیه ینه علی قولیخانه اعتمادنده برتقیضه کوسترمامک
نیتله «وذاتاً اراده برشی یوق که نه یه معلومات اله جق ایشیدیلان
روایتلرک هب اراجیف قیلندن اولدیغی تبین ایدیوراما چاره سز
وظیفه ده قصور ایتمکه کلز برکرده عباسدن سؤال ایده لم بر آدمی
استنطاق ایتمک وقع حکومه او قدر خلل ویرمز » مقدمه سیله
عباسی حضورینه دعوت ایلدی شو یولده استنطاقه باشلا دی .

سلیمان - جزمی بکی بیلیرمیسک ؟

عباس - فصل جزمی بکی ؟

سلیمان - فصل جزمی بک اوله جق شخخالدن پرینخان
افندمزه هدیه کتیرمک بهانه سیله عثمانلی طوراغندن کلان
جزمی بکی

عباس - داغستاندن برخیلی زمان اول بر میرزا جزمی
کلشیدی سؤال بیوردیغکز آدم او ایسه بر کره کور شمش ایدم .
سلیمان - نه مباسبتله کور شدک .

عباس - داغستانده پیرقانی بر پدرم وار ایدی آنک حالندن
خبر صوردم او مبارکده بیله مددی داغستانلی دکل ایمش .
سلیمان - یاترلی ایمش !

عباس - (کندینی طوپلایه رق) نرملی اولدیغنی بیله میورم
نهمه لازم که تحقیق ایدیم داغستانی دکل ایش بکا پدرمدن
خبر ویره مدی .

علی قولیخان - (تعمیره احتیاج کورمکله سوزه قاریشهرق)
خیر افندم داغستانی ایدی بو بیچاره نك پدری وفات ایش ائی
سولمامک ایچون داغستانی اولدیغنی انکار ایلدی .
سلیمان - (شبهه لی برطور ایله علی قولیخانه خطاباً)
کورشدکلری زمان سزده حاضر می ایدیگز .

عباس - علی قولیخانندن سرعتلی طورانه رق شبهه می وار
حاضر ایدیلر یابن قوریجی نفرلردن بر بیچاره می ضابطم یانمده
بولندیقچه دشمن مملکتشدن کلش برادمله نصل کوریشه بیلیرم
باق! غریب پدرم وفات ایش خان حضرتلری انصاف ایدوبده
بکا خبر ویرمدیلر باری خبرم اولسیدی بش وقت نمازندن صکره
روحنه بر فاتحه اهدا ایدردم .

سلیمان میرزا - کوزه لك لازم دکل صوره جغم شیلره
جواب ویر!

عباس - شمدمی یه قدر نه سؤال بیوردیکزده جواب ویرمدم .
سلیمان - جزمی بکله قاچ کره کورشدک .

عباس - یالکز بر کره جک کورشدم آنده ده خان
حضرتلری برابر ایدی .
سلیمان - طوغری سویله .

عباس - يالان سويلكه آليشق دكلم كه بوتنييهه احتياج اولسون .

سليمان - يالان سويليورسك سكا طوغرى سويله ديورم صكره يالانك ميدانه چيقارسه آدمى چارميخه كررلر اوراسنى دوشونمز ميسك .

عباس - طوغرى سويليورم يالانم ظاهر اولورسه ايستديككز جزايي ايتكم الكزده در .

سليمان - شمدي جز مينك بورايه نيچون كلديكنى بيليور ميسك .
عباس - نره دن بيله جكم هيچ بنم كى فقيرك اغزينه دوشه جك قدر حكمسز برايش ايجون دشمن مملككتدن بورالره ادمنى كلير .

سليمان - سن تلىكى طبيعتلى برمفسد حيله كاره بكيورسك انسانى جلاد النده سويلديرلر .

- (على قولخان ينه بي پروا سوزه قاريشه رق متبسمانه)
بوديوانه مى مفسد حيله كار اوليور !

عباس - (على قولخانه) حاملى بك اعلا بيليرسك الله ايجون سز سويليكز .

ميرزا سليمان - (على قولخانك سوزينه هيچ التفات ايتميرك عباسه)
كوه زه لك لازم دكل ديورم صورديغم شيلره جواب وير .

عباس - ايسته نه اراده بيور بيورسه كز اكا جواب وير بيورم يا .

سليمان - شمدي جز مينك نه اچون كلديكني بيليور سك او يله مي؟
عباس - نرهدن بيله جكم عثمانلي طوپراغندن كلش بر آدم
بلكه ازله روحلرمز بيله كور شمامش ايكن قوجه قزوين اچنده
سرداش اتمكه فقير عباسي مي بوله جق .

سليمان - جز مينك نرهده اولديغني ده سويليه جكسك دكلي؟
عباس - بن او ادمجكزي بر كره كوردم افندم اوزماندن
بري اياقلى جانورك نر يه كنديكني شمدي نرهده اولديغني كرامتله مي
بيله جكم .

سليمان - جز مي ايله برابر قوريجيلري اياقلاندير مغه قالقيشان -
ايش طويلديغني كبي جز مي بي صاقلان سن دكليسك خييث! شمدي
ياپدقارينك برر برر طوغر بسني سويليه جكسك يوقسه سنك
هر اعضاكي دسترله پارچه پارچه ايتديريرم .

عباس - افندمزه ياكلش خبروير مشلر يهوده يره وبالمى
اليرسكز بن كيم كه فتنه قالدير مغه قالقيشه جنم بنم كبي عاجزه دنيا ده
كيم تابع اولور عمر مده كوپك بسليوب ده ارقه مدن كزدير مكه
مقتدر اوله مدم .

سليمان - سنى ملعون ! بو عقليله حكومتى الداتمغه چاليشيور
صورد يغم شيلري شمدي سويلز سك جلاد او كنده برر برر
تقرير ايدرسك خان حضر تلري شمدي بونى قالدير كزده
قوريجيلرك زنداننده زنجيره اوريكز .

عباس - حکم الکزده در نه ایسترسه کز یاه بیلیرسکز
مظلوملره الله امداد ایلسون .

عباس بومحاوره نك ختاميله او طه دن جيقنجه على قولخان
حدت وترددن مركب بر نظرله وزيرى سوزه رك « ميرزا
حضر تلى بوبچاره يي نه جرمك صاحبي اولديغچون زندانه
آته لم » ديه تقاضايه باشلادی ذاتاً ميرزا سليمان مبادى محاوره ده
عباسدن هيچ برشى او كرنمك قابل اولميه جنى وهلة اكلاديني
حالده صكره كى لقرديلرى على قولخانك تشبثاته و قوقنى كو سترمك
وبوصورتله آنك مجلسه سلاح ايله كلكمه اختيار ايلديكى مناسبتر
معامله يه ضمنى بر تهديد ايله مقابله ايتك ايچون سويلديكندن
اومقاصد حاصل اولدوقدن صكره عباسك حبسنى امر ايتسى
استنطائه التزام طبعيسى داخلنده بر نتيجه ويرمكدن بشقه برسبه
مستند دكلى اوجهته على قولخانك تعريضنه « مقصدم صحیحاً
عباسك حبسى دكلى سراى شاهينك بعض دائره لرنده اويله
بركفتكو پيدا اولمش مراق اولمش امر الدق هر طرفى تأمين
ايچون عباسى مسئول طو تدق سويلدك بربرى قالمديغنه دائره
هر درلو اشتباهى دفع ايتك ايچون كنديسنى تهديد ايتدك برشى
وق ايش كه سويلدى ظاهرده افادانه قانع اولديغى كوسترسه
يدك ايتديكمز تهديدات حقسز بر اثر تصور حكمنده قاليردى اوده
حكومتك وقعنه طوقونوردى ذاتاً عباسك حبسنى سزه حواله
ايتدكى حقننه تأمينات ويرمش شفاعت ايتمش بزدن رخصت

المش اولورسكز كنديسنى ينه خدمتنده ابقا ايدرسكز « سوز -
لريله مقابله ايلدى على قولخان ده الله عمر لرويرسون مقدمه سيله
خفيفجه برتشكر ايدرك ساعتلرجه اره لرنده جريان ايدن مسخره لكه
بوصورتله ختام ويرلدى .

﴿ سكرنجى فصل ﴾

على قولخان ميرزا سليمانك مجلسندن آريلنجه عباسه جز مينك
داغستانلى اولديغنه دائر اغزندن قاچردىغى سوزدن طولاي
دوستانه برخيلى توبىخلر ايتدككن وانك طرفندن ده متأثرانه
برچوق اعتدارلر كوردككن صكره كچه اولديغى كي جز مينك يانته
كيتدى ميرزا سليمان وقعه سنى تفصيلاً بيان ايلدى ايكيسى باش
باشه وبرديلر برخيلى زمان تعاطى افكار ايلديلر خلاصه مذاكره لرى
عادل كراى ايله پريخانك قان دوكمككن تنفرلرينه برچاره ارامق
اولدى چونكه ايكيسى ده ايش بودرجه ده شوع بولدقن صكره
بركون كچيرمك عمر ايچنده يالكز بركره اله كچه بيله جك فرصتى
فوت ايتمك حكمنده اولديغنه وبراى كي كون ايچنده تشبئلى فعله
چيقماز ايسه هپسنگ بردن محو اوله جغه حكم ايتشلى ايدى .

پريخان ايله عادل كراى اقناع ايچون الدن كلان تدبيره
باشلاديلر حتى اقناع ممكن اولمز ايسه كندى فكر لريله حر كته ده
قرار وبرديلر حيفسا كه يوقاريدن برى او قويه كلديكمز هائله نك

صوك فصلنى اصل مرتبى اولان شهريار ايكي كيجه صكره ايچون
حاضر لديغندن قرارلرك اجراسنه زمان مساعد اولدى.

﴿ طقوزنجى فصل ﴾

عادل كرايدن شهرياره كوندريلان صوك تذكزه البته
خاطرده در .

قارى كندىنى اميدنىك صبح صفاي ظهورنده عمرينك عيد
اكبرسعادتنده بيلوب طورركن عادل كرايدن اميدنىك املىنىك
بتون بتون خلافته اوله رق اويله برتحقيه اويله برتهديده اوغرا -
ينجه عادتاقودورمش عداولنه جق برحاله كلدى كويا كه طمرلرنده
قان يرينه ايرين طولاشمغه باشلامشىدى .

كوكلنده كى اولدئلى محبتلر چوريمش قورتلانمش ميوه لر كى
برزهر اكين غيظه تحول ايتمشىدى ذاتا سوداى خالص دكلدى كه
مصروف اولدىغى طرفدن حسن قبول كورمىنجه تاثيرينى كندى
كوكلنده اجرا ايلسون عادل كراى آرزوى شهوانيسنه خدمت
ايدمه جكنى آچيقدن آچيغه ميدانه قوينجه نظرنده رقيب غالبى
اولان پرىخانندن اشع كورنمكه باشلادى برقاچ ساعت اول بولنه
جان ويره جكندن بحث ايدن خييشه برقاچ ساعت صكره او قدر
تبدل ايلدى كه بىچاره نك جاننه قصد ايتمكدن بشقه برشى دوشونمز
اولدى آغوش تهالكندن قاچان عادل كرايى مراز قوجاغنه
تسليم ايتمكدن بشقه ذهتنده بر آرزو قالمدى .

عزم جلادانه سنك اجرا سنجه دوشونديكى صورتلردن
اك زياده مزاجنه خوش كلان بر كيجه عادل كرايك او طه سنه
كيرو بده كندی باشي او جنه طورديني حالده خانزاده يني
بوغدير مق ايدي چونكه بو صورت عادل كرايك كندنجمه
سوهان جان اولان تذكره سندن بر فقره سني فعله چيقار مق
اوله جغچون تذكره دن كوكلنده حصوله كلان تأثيراتك لايقيه
انتقامي المق ديمك اولوردى برده عادل كرايك جان ويرر كن
بوندن كوره جكي رغلره تحقير لره قارشى ناز اولسون تعريض
اولسون شتم اولسون انكسار اولسون سويليه جكي سوزلر
كينه پلنكانه سني ايدن ابي تسكين ايده بيليردى فقط بو لذتن
بهره مند اولمغه ذهننده بر درلو امكان بوله مدى چونكه عادل
كراي پريخان ايله طرفدارلرينك نكه بانلغندن خالى دوشور ميه.
چكنه يقيني وار ايدي .

بوندن بشقه عادل كرايه قصد ايدنجمه بيك جاني اولسه
پريخانك قليچندن خنچرندن بريني قورتاره ميه جغني بك اعلا
بيليردى كندی ايسه حياتني محافظه يه نهايت درجه لوده اعتنا
ايتمكله برابر يالكز عادل كراي اتلاف ايله اكتفا اتمز پريخانده
آخرت سفرنده اكا رفيق ايتمك ايستردى .

خيثه نك اك بيوك بر قوتى زوجى اوزرينه اعمال ايتديكى
نفوذ ايدي لكن بو مقصدى ايجون او قوتى استعمالده مقتدر
دكلى چونكه شاه محمد عندنده پريخانك تأثيرى ده شهر يارك

غلبه‌سندن از دکلدی پریخان علیهنده شاهه مراجعت ایلدیکینی صورتده ایسه پریخان سؤال کورمدن معاتب اولمق احتمالك خارجنده اولدیغندن بر کره ایش سؤال وجوابه دوشر و پریخانك قوه ناطقه‌سی حقیقت حالی عادل کرایک النده اولان تذکره ایله مؤید اوله‌رق میدانه چیقاررسه کندی مزارینی کندی ایله قازمش اوله‌جغنده شبهه‌سی یوق ایدی .

ترویج ارزوسنده اوغلی جزه میرزادن استعانه‌ی‌ده جسارت ایده‌مزدی زیراً عادل کرای ایله پریخانك فساد ترتیبیه اوغراشدیغندن بحث ایلسه خاله‌سنی ملکلردن معصوم عدایدن جزه میرزایی اقتاع ایتمک قولایلقله قابل اوله‌یه‌جغندن ینه ایش مجاوبه‌لره مواجه‌لره دوشمک او حالده ایسه ینه وخامت عافیت کندینه قالمق مقرر ایدی عادل کرای ایله پریخانك بربرلرینه محبتنی سوبلک ایستسه جزه میرزا نظرنده مزیات جلیله‌لرینه او قدر مقتون اولدیغینی ایکی وجودک برلشمک آرزوسنده بولنسی بر نعمت غیر مترقبه صورتنده تلقی اولنه‌جغنی و او جهته کندیسی عادل ایله پریخانك تفریق و بلکه افناسنه بر واسطه تحری ایدرکن وصالرینی تسریع و تسهیله جزه میرزا قدر قوتلی بر معین پید ایتمش اوله‌جغنی تیقن ایدردی .

بو مطالعه‌لردن طولایی مقصدینه وصول ایچون قابل اجرا کوردیکینی تدبیر قوریمیملری تحریکه منحصراً قالمشیدی بو تحریکک وسائطنی ذهنده ترتیب ایتدیکینی صروده میرزا

سلیمانی ده اتفاقه الہیلمک امیدلرینه دوشمکه باشلادی چونکه
میرزا سلیمانک ذاتاً اقبالی جزه میرزا سایه سنده حاصل اولدیغی
کچی آمال استقبالی ده ینه بالطبع وارث سلطنت اولان جزه
میرزایه منحصر ایدی .

بو امید اوزرینه میرزا سلیمانی نزدینه جلب ایدرک شویله
بر محاوره کشاد ایلدی .

شهریار - میرزا قلغای خان حضر تدریله همشیره مز پریشان
حضر تدرینک کمال کرملرندن ترتیبته چالشدقلری وقعه حقتده
الدیغکز روایتی نه درجه یه قدر کتوره بلدیکز .

سلیمان - والله افندمز ! ایتدیکم تحقیقلره تخمینلره
کور، ترتیب یا هیچ موجود دکلدیر یا پک مکمل اوله رق
موجوددر .

شهریار - میرزا سز فراستی بو کونلرده کرامت درجه سنه
قدر کوتورمکه باشلادیکز دیمک یولده که بر خاتونه راست
کلسه کز قرننده که چوجنی یا قیز یا ارکک اولدیغی ده تخمین
ایده بیله جکسکز .

سلیمان - مرچت بیوریکز ! بنده کز او قدر شایان استهزا
بر کوه زه لک سـ و یلدم مساعده بیورسه کز مرایمی ایضاح
ایده یم .

شهریار - استیضاح ایچون چاغردیغیمی بیلدیککز حالده
احات یضا ایچون مساعده ایستیشکزه انسان فصل کولسون .

سليمان - سويليه يم افندم ! معهود درويشك عرضحالنده
اسملى يازىلى اولان موسى كاظم ايله عباسى ارادم موسى
كاظمى بولديره مدم ميرزا حضرتلرينك يانسه كتمش عباسى
بوليردم استنطاق ايتدم تهديد ايتدم داغستانده اولان پدرينى
سؤال ايجون جزمى بكي يالكز بر كره كوردىكنى سويلر
افاده سنده اصرار ايله برابر صدق مقالنه على قوليجان
افشارى ده اشهاد ايدر على قوليجان كنديسى تصديق ايدىيور
جزمى بك بورايه كلديكى زمان پريخان خان حضرتلريه على
قوليجان كورشديرمش ورودينك او چنجى كوني ده جزمى
عودت ايلش على قوليجانك افاده سى بو مركززه در اكر
افشار افنديلر مذك اعتمادى كبي صادق بر بنده ايسه درويشك
عرضحالى يالاندر اويله ترتيب فيلان يوقدر يوق تبديل اخلاق
ايدوبده كنديسى فساد داخل اولديسه او حالده بك بيوك
بر تهلكه ايجنده بولنديغمزى تعريف اقتضا ايتمز اولكى افاده
دن مراسم بو حقيقتى عرض ايتك ايدى .
شهر يار - احتمالكه هم فساد موجود در هم على قولينك
معلوماتى يوقدر .

سليمان - او احتمال وارد دكلدر سلطانم چونكه على
قولينك جزمى بك كيتديكنه عباسك هيچ بر شيدن خبرى
اولمديغنه دائر ويرديكى تايمينات او قدر قوتلى او قدر اطرافلى
ايدى كه اكر بو تايمينات صحيح ايسه درويشك عرضحالى بتون

بتون يالان اولقى اقتضا ايدر اوعر ضحالك مندرجاتى يالان
اولديغنه حكم ايدرسك فتنه نك وجودىنى دوشونمكه المزده
براماره قانز يالان اولديغنه حكم اتمزسهك اوحالده على قولينك
تأميناتى سترمقصد ايجون رياهه جل اولئقى طيبعيدر .

شهر يار - بك اعلا سزىكى شقك هانكيسنه دهاز ياده
احتمال ويريورسكز .

سليمان - قاعده كليده در افندمز ! بزشرجهتنى دوشونمكه
تدبير مزي اكا توفيق ايدملم طالعمزه خير ظهور ايدرسه نه غائب
ايمش اولوريز .

شهر يار - نصل نه غائب ايمش اولورز بيهوده يره برطاقم
تدبير لره قالميشيله جق بلکه ارده قان دوکوله جك !

سليمان - يابز خيره اعتماد ايدرسه كده صكره شر ظهور ايدرسه
برقوجه دولت محو اوله جق دكلى !

شهر يار - ار كك دكليسكز ! هيچ انصافكز يو قدر مع مافيه
بردولتى فتنه دن مصيبتدن قور تارمق ايجون لازم اولان احتياطى
شدتى اختيار اتمكه ده ضرورى بنده قائل اولورم هم سزه برايكى
ساعت قدر واقعه نك كك چككن موجود اولوب اولمديغنى
اوكر نيرم اكر موجود ايسه نه تدبير ايله دفع ايدم جكز .

سليمان - واقعه يى حضور شاهى يه عرض ايدم مزي يز .
شهر يار - سن ديوانه ميسك ! پرينخانك تهمتنه بزورد كل
بتون دنيا شهادت ايتسه افندمز قناعت كلمه نك امكانى وار ميدر .

سليمان — ميرزا حضرت تارينه خبر كوندرسهك نصل اولور.
شهریار — مملكتك حالندن هيچمى خبرك يوق جزه نك
خاله سنه نه قدره قتون اولديغى بيليورميساك او مجنونى كو كدن
ملك نازل اولسه اقناع ايده مز

سليمان — ديمك كه عجز حكومه — اقتدار اصحاب قتنه يه
كچمش آنلر هرايستدكلرينى يابه بيله جكلر بزقارشولونده مقاومت
ايده جك بر قوت تدارك ايده ميه جكز .

شهریار — بن قادين ايكن قنور كك تير مدم سن وزير ايكن
عجز مزه حكم ايدرسهك اوزمان طيبي قارشيلرنده مقاومت ايده ميز .
سليمان — شاهدن شهزاده دن امداد اولينجه وزير نه يابه بيلير .
عجايب اصحاب خيانتى عسكرلر نو كرلر تاديب اتمزده شاهلر
شهزاده لومى تربيه ايدر .

سليمان — استغفر الله ! عسكرلر نو كرلر تاديب ايدر فقط انلره
تربيه امرينى كيم ويره جك .

محاوره نك طرزندن لايقيه اكلاشيلير كه كرك شهر يارك
كرك ميرزا سليمانك مقصدلومى قوريجيلرى اياقلاندر مق واوقوتله
پريخان طاقنك وجودينى ازاله ايتمك ايدى بومقصدك اساسنجه
ارالرنده براختلاف وارايدى كه اوده سليمانك شهر يارى آخرت
يولنده ديكرلره رفيق ايتمك ارزومى خفيسنده بولمسنندن شهر يارك
اوارزودن بتون بتون غافل اولمسنندن عبارت ايدى .

بو آرزو مرتباتدن اوله رق سليمان خاندان شاهى اعضاسى

نظر نده هر درلو مستولیتدن بری کورنمک ایچون فسادی شهریاره
یایدیرو بده خبیثه بی ینه کندی قوردینی دامه دوشورمک عزمنده
ثبات ایدر و قور بیجیلری تحریک ایچون اقتضا ایدن امرک شهریار
طرفندن ویرلسنی استردی .

شهریار ایسه هر امری ویرمکه هر تشبثی اختیار اتمکه حاضر
ایدی فقط میرزا سلیمانک اخلاق کنده لایقیله مجرب اولدیغیچون
مسندنن وحتی حیاتندن قور قوبده شاهه ویا حزه میرزایه
کشف راز ایده بیلسنی دوشونور بویله بر بادریه میدان قالماق
ایچون تشبثک وزیر طرفندن وقوع بولسنی تمنی ایدردی .
ایشته ایکی قوتلی فکر بودرلو مقاصد خقیه ایله بر برینه
یا قلاشتمق - بر بریله اتحاد اتمک ایستدیلر میرزا سلیمانک تصورات
وتشباتنده محرک اصلی حفظ جاه - حفظ اقبال آرزولری ایدی
انک ایچون طبیعی مکالماتده دائماً تحفظی طوراندی شهریارک افکار
وامالنده سائق وجدانی قهر رقیب - اخذ انتقام هوسلری ایدی
انک ایچون ایستدییکی کبی مدافعه موقعنده احتیاط حالنده ثبات
ایتمکه مقتدر اوله مدی زیرده کی محاورده یازیلان سوزلریله
آچلمغه تجاوز اتمکه باشلادی .

شهریار - سبحان الله ! بودرجه اقتدار سز ایسه کز باری
ایشدن جکیلک زده یریکزه بوزیر بولهلم نصل اولیورکه براسیر
کندی حیاتی باغشلا یان میرزانک عسکرلرینه نوکرلرینه ولی نعمتلی
علیهنه حرکت اتمکه امر ویره بلیورده بوزیر شاهنی دولتی

قورتارمق ایچون اولنه کافر نعمت براسیرک محوینه امروریه میور .
سلیمان — یافندمز نصل اولیور که شاهک همشیره سی دولتی
مضمحل ایتمک ایچون عسکرینی تحریک ای دییورده حلیله سی
همشیرینی — سلطنتی قورتارمق ایچون عسکرک حرکتی فرمان
بیور میور .

شهریار — کیم ویدی ؟ سکا فرمان بیور میور دیه کیم
سویلدی ! آه ! قلبده نه وارایسه هپسینی میدانه دو کدرمک
ایستیورسک ! بونلرک وجودی اورته دن قالمد قجه شاه ایچون
نجات یوقدر دولت ایچون ده بنم ایچون ده سنک ایچون ده هر کچه
پریخان عادلک او طه سننده در قور بیجیلره سویله همان بو کچه
کوشکه هجوم ایتسونلر ایکی سینکده جانی جهنمه کوندرسونلر .
سلیمان — کندیلرینه نه خیانت اسناد ایدهم ! افندمزده
اره صره خانزاده نک او طه سنه کیدرمشسکز .

شهریار — آه ! شمدی کو کلم پاره لنیوریه جک ! بن کیدرم
فقط او یالانجی او حیا سز خانزاده نک سوزلرینه وعدلرینه اینا .
نیردمده کیدردم کویا حدودی کچه جک ایدی قریمی بزویوره جک
ایدی شاهده بیلیر .

سلیمان — نصل اعتماد بیور دیکز .

شهریار — نصل اعتماد ایتدم ! آه نصل اعتماد ایتدم اوراسنی
بنده بیلم حتی پری ملعوننی ده بن برابر کوردم صاغلقله کورمیدم
بن نه دوشونیورم انلر نه دوشونمشلر بن قریمی المق ایستیوردم

انلر بزدن ایرانی المنی کندیلرنجه دها مناسب کورمشار .
سلیمان - عسکره بو حقیقتی نصل افهام ایده بلیرز
شهریار - پریشان فساد یایمه جقسه هر کسدن حتی بندن
کیزلی اوله رق کیجه وقتی براسیرک یاننده نیچون بولنیور .
سلیمان - احتمال که بشقه سیلرده اوله یلیز ادب مانع
اولمسیدی سویلردم .

شهریار - (کمال حدت و دقتله سلیمانک یوزینه باقرق)
سویله باقیم ؟ رخست و یردم نه دیمک ایستیورسک ؟
سلیمان - ایکی کنج . . . بربرینک کفوی اوله لرنده ده
شبهه یوق احتمال که اره لرنده . . .

سوزبودره جهیه کلنجه شهریار ایچون پریشانک و خصوصیه
کندیسنک عادل کرایه محبتلری وزیرجه معلوم اولدیغنده هیچ
شبهه قالمدی فقط میرزا سلیمانک بوتقرسنه دلیل اوله جق او فاجق
براماره کوسترایسه اغراضنی آمالنی بلکه حیاتی اقبالنی اویله
برروباه جهاندیده نك اظفار اقتدارینه تسلیم ایدهرک پادشاهزوجه
لکنندن وزیر اسپرلکنه تنزل ایده جکنی بالداهه ذهننده نه قدر
فوت تمکین و شیطنت و ارایسه بریره طوبلایه رق براق ثانیه ایچنده
امراض نفسانیه سنه بتون بتون غلبه ایتدی اوضاعی دکشیدردی
غضب و استهزادن مرکب بر تبسم ایله محاوره بی شوپوله
تحویل ایلدی .

شهریار - اکلادم اره لرنده محبت واردیمک ایستیورسکز .

سلیمان — احتمال

شهریار — بوا احتمالده بر ضرر کور میور سکز چونکه بر برینک
کفوی ایملر .

سلیمان — بنده کز کفوی اولد قلزنده شبهه یوق دیمشیدم .
شهریار — وقتيله سزك همشیره بی کفو کریمی اولان ذات
بویله آیلرجه کیجه یاریلری تنها او طه لرده کور شد کدنصرکه می
نکاحنه المشیدی .

سلیمان — خیر ولیة النعم او مقصد او زرینه سوئلدم صانکه
عسکر طاقی بویله بر فکره ذاهب اولور ایسه
شهریار — عسکر طاقی او یله بر فکره ذاهب اولور ایسه
آفرینلر او قور القشلاز ایدر او یله می شاهک قور بیجیلری کار
خانه بکیسی وزیر عاشق معشوق میا نجیسمیدر شو معتوهلنی
براق کیت قور بیجیلره امر ویر بو کیجه یارین کیجه ساعت درتدنصرکه
کوشکک اطرافنی طولاشسونلر بر سلاح سسی ایشتدکلی کبی
دائرة بی باصسونلر ایکسنی ده پاره لسونلر ایکی ملعون ایچون هم
دولت الدن کیدیور هم ناموس شاهی برباد اولیور .

شهریار قولنده وضعنده کوستردیکی بو قدر تجلد بو قدر
شدتدن پک بیوک تأثیرلر مأمول ایدردی فقط میرزاسلیمان خیشه نک
ماهیتنی پک اطرافلی بیلد یکچون هر وضعنک هر قولنک جعلی
اولدیفنی اکلامقندن عاجز دکل ایدی یالکز بوتفرسنی اظهار
ایدوبده غیظ و تسلطنه هدف اولماق ایچون ایشتدیکی

سوزلرک طوغریلغنه اینانمش کبی کورنمکله برابر کندینی
هردرلو مضر تدن مصون ایده جک تأمینات احتیاطیه بی ترتیب
وتدار کدن دخی کیری طور مدی خانقانه برطور ایله بحثی شویوله
نقل ایلدی .

سلیمان - کوزل افندم ! هر اراده کز عین حقیقتدر
امر کزی اجرا ایتسم بنی شاهک میرزانک غضبندن انتقامندن
کیم قورتارر .

شهریار - عجایب ! قور یجیلری سزک تحریک ایتدی کزی
ظاهر کرامتله بیله جککر .

سلیمان - احتمال که برکون قولکزه اغبرار ایدرسکزه
افندمزده سویلیه بیلیرسکز ده پک چوق سویلیه جککرده
بولنور مع مافیله اندن احتراز ایتم زیرا مادام که بنم فناغمه
وقوفلری وار ایش اوزمان خبر ویر مامشر شمدی سویلینلر
یا کاذبدر یا بتمله شریک تهمتدر دیه بیلیرم یا کندیمی قورتاریرم
یا خبر ویرنلری ده بلایه اوغرا دیرم فقط سن بوراده وزیر
دکلیدک نیچون دقت ایتدکده بویله برفساد ظهور ایتدی
سؤالنه نه جواب ویریرم شاه، زک شهزاده مزک قلیچندن فصل
باشمی قورتاریرم .

شهریار - یا عادل کرای فسادی میدانه چیقارسه باشی فصل
قورتاره جقدک .

سلیمان - او یله برفساد صحیحاً موجود اولدیغی بیاسم

شاهه سویلرم میرزا حضرتلرینه یازارم شمیدین اوکنی الیرم
اورتده طولاشان برروایتدن عبارتدر حال بوکه یاق
ایستدیگمز شیده بزحمرک اوله جغز .

شهریار - سنی شاهدن جزه دن بن قورتاره مزیم .

سلیمان - قرق سنه یه یقیندر ایش ایچنده بولنیورم هیچ
بروقت صاعلرک جایه سنی اولولرک انتقامندن مؤثر بولدم .

شهریار - صحیحاً کندی حالکننده شبهه ویرمکه
باشلادک نهدیمک استرسک دها برساعت اولمدی بزاحتیاطلی
طورانه لم شری دوشونه لمده خیرطرفی چیقارسه برشی غائب
ایتمیز دین سن دکلیدک .

سلیمان - اوت ! فقط غائب ایده جگمز شیلری ده تعداد
بیوران افندمز ایدیگز .

شهریار - میرزاسنده برطاقم کیزلی کیزلی قورقولر قورندیلر
وار بویله قارشى قارشى یه اوزیلوب طورمقدن ایسه بکا امنیت
ایتسه ک مقصدینی آچقندن آچقه سویلسه ک ده ممکن ایسه بربریمزه
معاونت دولتمزه برخدمت ایده ییلسه ک .

سلیمان - باشمله جانله حاضر م فقط باشمدن جانمدن قورقارم

شهریار - بو قورقوی نصل دفع ایده جگز .

سلیمان - پک قولایدر بکا امنیت توجیه بیوردیکز امنیت ایکی
طرفدن اولور قاعده جه لازم اولان ده اولایوکلرک کوچکلره
امنیتسدر افندمز قولکزه امنیت بیورسه کز بنده افندمز
امنیت ایدر دوشوندیکم شیلری سویلرم .

شهریار - امنیتم ایچون سنی تأمین ایده بیله جکم .
سلیمان - سوزلریمه طوغری جواب احسان بیورسه کز
امین اولورم .

شهریار - هانکی سوزیکزه یا کلش جواب ویردک .
سلیمان - استغفرالله ! صورتقلریمه دیه جکدم تأدب
ایتدمده سؤال یرینه سوز قوللاندم .
شهریار - (تردددن زیاده عزمی کوسترر برطور ایله)
صور باقلم .

سلیمان - کستا خلق ایدرسم انشا الله مؤاخذه لره
غضبلره اوغرامم .

شهریار - نه صوره جق ایسه ک صورینی مقدمه لر کیریز
کاهلرله می اولدیره جکسک .

سلیمان - افندمز بو قدر لطف کزه جایه کزه مظهر اولان
عادل کرای سورسکز دکللی ؟

شهریار - دیلک قوریسون امامین حقچیچون سوم
قانی ایچمک ایستیورم کورمیسک کورمیورمیسک مجنومیسک
ا کلامیورمیسک .

سلیمان - عفویکزی استرحام ایدرم دیلم طولاشدی کلیدی
یا کلش سویلدم سور ایدیکز یرینه سورسکز دیشم .

شهریار - اغزک جهنم اتشلیله طولسون نه دیمک استرسک
فرض ایت که سوردم نجیب برخاتزاده ظن ایدردم عثمانلیلره قارشلی

کندیسیله براتفاق یامق ایستدم صکره خیانتنی علم الیقین او کوندم
شمدی جایه می اوزرندن الدم او بنی الداتمله اقتخار ایدیور بنانی
جهنمه کوندرمکله انتقام اله جفم مقصد شاهه بر خدمت دکلی
بر مملکت فتح ایده مدکسه بردشمن دفع ایتش اولورز .

سلیمان - سلطانک فکری بو قدر سیاسیاته معطوف
اولنجه بنده کزده بالطبع وظیفه مدن خارج سوز سویله نم
بنسایته تعالی شاهک بخت مسعودی قوتیله قریمی آلیر بلکه
اسکداره قدر کیدرز دشمن بیوردیفکر ذاتک هیچ حکمی
یوقدر شمدی شاه حضرتلرندن امر الیرم قهقهه قلعه سنه
کوندررم اوده برادری غازی کرای کبی اجلی کله دن لحد اختفایه
چکلمش اولور .

شهریار - قولمز بومیدی بکا بویله می امنیت ایده جکدک .
سلیمان - قولمز بویله میدر قولکزه بویوله می امنیت
بیوریه جقدی .

شهریار - بن سکا نروده امنیتسزک کوستردم .
سلیمان - یا قولکز افندمز نه بوله اطاعتسزک اظهار ایتدم .
شهریار - اکلنیور میسک سویلدیکک لقر دیلردن مقصدک
نهدر بن سکا باشمزده کی بلاپی نصل دفع ایده جکمزى صور بیورم
سن او طور مشسک خانزاده پی قهقهه بیه کوندره لم دیه خولیالر
قور یورسک اول خانزاده پی بوراده طوتان بن دکلی ایدم شمدی
نه بهانه بولورم ده قهقهه بیه کوندرلسنی ایسترم هاییدی خیانتنی

سولش اولهلم پریخانک تدبیرندن دسیسه سندن نصل قورتیلورز
قارینک نه قدر جسارتی نه قدر شیطنتی نه قدر نفوذی اولدیغنی
بیلزمیسک مادام که برکره عادل کرای سوش مادام که برکره
بودولتی سودیکنه نسلم ایتمک ایستمش اوصاغ قالدیجه بزم
حیاتمه احتمال وارمیدر بو حقیقتلر هیچمی خاطرکه کلیور .
سلیمان - سوزی خلاصه ایدلم افندم و قتیله افندمز
عادل کرای سوشسکزر او وسیله ایله برده قریمی المق فکرینه
دوشمشسکزر صکره خانزاده بی پریخان سوش الندن قریمی
المقدنسه کندیسنه ایرانی و یرمک ایستمش عادل کرای ایسه
پریخانی ده اکنج تکلیفی ده فائده لی بولمش شمدی افندمزجه
ایکیسنکده وجودی اورته دن قالمق لازم کلیور بو خدمت
قولکزه تکلیف اولنیور دکلی ؟

شهریار - (مستهزیانه) شیطان اولسه کرده انسانک قلبه
حلول ایتسه کز سرینی بوندن زیاده بیله مزسکز چونکه حقیقت
حاله بو قدر و قوفکزر وار دمندنبری بی سولیمکه چالشمقدم
نه صفا بولدیکز .

سلیمان - (کذلک مستهزیانه) فکرک صحتنه اطمنان
حاصل ایتمک ایستردم افندمز شمدی او مقصد حاصل اولدی
فقط بیله مم که اراده بیوریلان خدمتک ایفاسنه نصل مقدر
اوله جغم .

شهریار - صحیحاً عاجزمیسک بوقسه سنده می جمعیت
فساده داخلسک .

سليمان استغفر الله ايكيسى ده دكل فقط دوشونديكم بر ايكي
جهت وار ذهنده بر درلو انلره قرار ويره ميورم .
شهريار - نه در دوشونديكك جهتلر نه در .
صحت بورايه كلنجه ميرزا سليمان اولاعلى قولخاننه بر
وجهله امنيت ايده ميه جكني ثانياً كندى حقنده كرك شاهجه
كرك شهزاده جه هر درلو شبهاتى دفع ايچون وقعه نك جريانى
سره سنده قزوينده بولنه ميه جغنى سويلدى شهريار بو قدر جق
موانع ايله عز مندن كيرى قالير طاقتندن دكل ايدى ينه شو
يولده محاوره يه باشلادى .

شهريار - مادام كه على قوليدن بو قدر امنيتيز منسلبدر
شمدى بوغدير يويررز كيم نه ديه جك دنياده بهانه نك وسيله نك
وجودى قالمدى .

سليمان - اندن بيوك احتياط سزلق اوله مز افشاردن
كرددن داغستانلیدن كورجيدن عشاأردن مذهبي مشرې
شبهه لى نه قدر قوريجى وار ايسه هپسى انك باشنده در اكر
معهود ترتيب صحيح ايسه مطلق بونلرك ارسنده پك چوق
اصحاب فساد اوله جق ! على قولخاننى نه بهانه ايله اولديررسك
اولديرلم بو حركتمزى البته فسادلرينك طويلديغنه بر دليل
قطعى طوتارلر او حالده ايسه جانلرينى قورتارمق ايچون
همان بر بيوك قتنه اويانديرمغه قيام ايده جكلرينه هپج شبهه
بو قدر .

شهریار - حَقِّق واز علی قولیخانی قوربجیلری ایله برابر
شمدیدن حدود بوینه کوندرسهك نصل اولور .
سلیمان - ظن چاکرانهجه ده فسا اولور پریخانه
کوه نیرلر کیتزلر بلکه ترتیب ایتدکلی فساد میدانه
چقارمغه حدوده کیتک ایچون کوره جکلری اجباری بهانه
ایدرلر .

شهریار - صکره نه یاپارز .
سلیمان - قولکوزک بر تدبیر خاطریمه کلیر بیلم سلطانجه
مقبول اوله جق قدر صائیدر بر قاج کوندربری حدود بویندن
بر برینی متعاقب یوزلوجه فریاد نامه لر کلوب طور یور عثمانلینک
بر طرفدن تبریز بر طرفدن قره باغ حدودینه طوغری تجاوز
ایتدیکنی خانله امیرله اعلان ایدرز قره باغ طرفدن کلان
دشمنه ذاتاً میرزا حضرتلری قارشى طوره جق دکلی انلرک
احتیاط قوتی اولمق شایعه سیله بنده کز علی قولیخان فرقه سنی
اکیر قزویندن بر مرحله اوته کیدرم رستم خانی ده کندی
قوربجیلرله تبریزک امدادینه مأمور ایدرز قولکوز علی قولیخانه
بر مرحله دن ایلری کیتیه جکمزی سویلرم بو حرکتدن مقصد
دشمنه بر نمایش کوسترمکدن عبارت اولدیغنه کندیسنی اقناع
ایدرم هله علی قولی رستم خانک کندن اول قزویندن
چقیدیفنی کورنجه شبهه یه محل بوله مز شبهه لنسه ده کیتیم دیه مز
چونکه مخالفتی ایچون بر معقول سبب کوسترمکه مقتدر اوله مز

بنده کز علی قولیخان ایله کیدر ایکی اوچ ساعتک بر مرحله ده
او طور درستم خانده قزوینده چیقار رستم خان ذاتاً آمیندر
عسکرینک عمومیده عجمدر نه یاپیله جق ایسه انلرک قوتیله
یاپیله جق خان قزویندن چیقدیغی کونک کیجه سی شهرده فساد
ظهور ایتمش اولق بهانه سیله عسکرینی طوبلار عودت ایدر
بورالره قدر کلیر امر ایتدیگز خدمتی بتیرر .

شهریار - ایشته شمدی هر کسی حیران ایده جک بر تدبیر
ایشتم ارککلرده بزدن زیاده مکارلق اولدیغنه هیچ احتمال
ویرمزدم .

سلیمان - طبعی دکلددر سلطانم والده همشیره تربیه سندن
قاله یاخود زوجه معشوقه مجلسارنده اوکر نله درر .

شهریار - ایشک اک مهم جهتی اونو تدرق قور یجیلر ایکیسی
نصل بر یرده بوله جق .

سلیمان - دمن هر کیجه برلشدکرینی بیان بیور یوردیکز
بر صلاح سسنه انتظار امر ایدیوردیکز .

شهریار - اوله در اوله در تنیه ایت همان یارین کیجه
کلسونلر بر صلاح سسنه انتظار ایتسونلر ایشدکری کی عادک
بولدیغی دائره به هجوم ایتسونلر پری یرک دینه کچمش اولسه
اوچ دقیقه سوکیلی جانانینک یانه یتشیر .

بونک اوزرینه میرزا سلیمان قولکز یارین چیقارم رستم
خانه اقتضا ایدن تعلیماتی ویررم کوندزین کیدر کیجه عودت

ایدرد سلاح سسنه منتظر اولوردیدی شهر یارک یانندن ایرلیدی.

﴿ فصل ﴾

میرزا سلیمان عثمانلیلرک قره باغه تبریزه هجوم ایتدکلرینه
دائر ترتیب ایتدیکی مبالغه لوه علی قولیخاننی افئاعده کوجلک
چکمدی.

بالعکس علی قولیخان بو حادثه نی تسریع مصلحت ایچون
بر اعانه غیبیه عدایلدی چونکه شهر دن چیقار چیقماز عادل
کرای ایله پریخاننی اردویه قاچرمق و قزک سلطنتنی اعلان ایله
برابر وزیر ی توقیف ویا اعدام ایله بتون بتونه عسکر دن خالی
قاله جق اولان قزوینک اوزرینه یوریمک پک ممکن پک سهولتلی
کورنمشیدی.

بو ملاحظات خفیه اوزرینه ترتیبات عسکر یه ده کوریلان
سرعت و کندیسيله عسکرینه کوستریلان امنیت ایچون وزیره
بیوک بیوک تشکرلو ایدرک ایرتسی کون وایش دها مستعجل
ایسه همان او اقشام اراده بیوریله جق طرفه حرکتیه حاضر
بولندیغنی بیان ایلدی.

میرزا سلیمان علی قولیخانک بومسارعتنی بر درجه یه قدر
اوغراشدیغنی مقصدک حصولنده امنیت قالمدیغنه جل ایدرک
کنندی ترتینک بتون بتون قطعی التأثیر اولدیغنه حکم ایتکه
باشلادی علی قولیخان بیک دورلو تلطیفات ایله تسریع حرکت

ایچون لازم کلان تدارکاتی اگاله کوندردی بوخضم مغفل
یانندن آیرلقدن صکره کال سکنت و سرور ایله کندینک امین
و مستشاری علی قولیخانک رقیب اقتداری اولان رستم خانی
نزدینه دعوت ایلدی .

ترتیبی بی پروا تفصیل ایتدی علی قولیخانی نه یولده اغفال
ایتدیکنک تعریفنده ده تقصان برجهت براقمدی یالکز شهریار ایله
اتفاقنی کتم ایلدی .

چونکه اصل مقصدی دفع اغیار ایله حرکاتنده استقلال
حاصل ایتک ایدی فقط بو استقلالی هر حریرص عاقلک شانندن
اولدینی اوزره خدمت ایتدیکی ولی نعمتک ایچندن یتشدیکی
ملتک ممکن اولدینی قدر خیرینه صرف ایتک ایستردی .
اعتقادنجمه عادل کرای ایله پریخانک وجودینی قالدیرمقله
بریوک فتنه باصدییرلمش اولور فقط همان اوقتنه قدر بیوک
برمضرت وجوده کلیردی که اوده عادل کرایک یرینه بر معشوق
شهوایی بولقدن وهوسات ملعونانه سی یولنده هر شیئی فدا
ایتمکدن حیا ایتیمه جکی مجرب اولان شهریارک شاهه اعمال
نفوذده منفرد قالمسی ایدی او جهته کندی فکرینه سکوره
پریخانک اتلافنده صحیح وجدی بر فائده حاصل اولمق شهریارکده
برابرجه وجودی قالمغه متوقف ایدی نظرنده ایکسی خسته .
لکله زهرلی علاج حکمنده ایدیلر بری موجود اولدقجه
دیگرینک فقدانی هر درلو مضرتی جالب اوله بیلیردی هیچ
بر فائده بی موجب اوله مزدی .

میرزا سلیمان رستم خانی بومطالعاته طرفدار ایتمکدن عاجز قالمزدی .
نه فائده سی وارکه خاندان صفوینک نه قدر اولان ذکوری وار
ایسه جله سنک والده سی شهریار ایدی بناء علیها کاتسلط اولنور
ایسه اولادینک انتقامندن قورتلقی مطالعه سی رستم خانه پابند
اقدام اولسندن قورقاردی .

حال بوکه رستم خان برجسور عسکر اولغله برابر اوله برایشک
تقرعات واحتمالاتیله برابر عواقبنی کوزمک خاصه سنه مالک
اولان قوه نظر اصحابندن دکل ایدی . بوندن بشقه بروقت
واسطه اقبال اولق ایچون پریخاننی ایستیه رک اندن موافقت
وشهریارندن ده پریخانه اوله بر قوتلی معین پیدا ایتماک ایچون
مقصدینه معاونت کورمدیکی جهته ایکیسی حقنده ده قلبنده
برکین ایدی تقرر ایتمشیدی . او جهته میرزا سلیمان ایله ایتدیکی
مخاورده الزامه بیله حاجت کوسترمدی میرزانک مقصدینی
کندی کندینه التزام ایلدی ایتدکلری مباحثه ده شویولده در .
سلیمان - بن یارین علی قولیخان فرقه سیله اظهار سطوت

ایچون قره باغ امدادینه چیقیورم .

رستم خان - علی قولیخانه امنیتکز بنده کزدن زیاده میدرکه
انی کوتورییورسکز .

سلیمان - نیچون نتیجه کلامی ا کلامه دن جواب ویررسکز!
سز قور بیجیلر کزی اله جقسکز سیر سریع ایله تبریزک امدادینه
کیده جکسکز .

رستم خان - بوراده کی فساد فرقه سنی کیم باصدیره جق .
سلیمان - سوزمک نتیجه سنه انتظار بیورک ! تبریز طرفنه
تجاوز فلان یوقدر سزک کیم دیشکز علی قولخان طاقنی شبهه یه
دوشور مامک ایچون برکوسترشدن عبارتدر بزکیجه موقعمزده
قاله جغز سز مملکتده فتنه پیدا اولدیفنی اعلان ایده جکسکز غروب
شمسدن برایکی ساعت صکره فز وینه کله جکسکز خانزاده نک کوشکی
اطرافنده کوز جیلر براقه جقسکز بر سلاح صداسی ایشیدلدیکی
کبی خانزاده نک بولندیفنی دائره یه هجوم ایده جکسکز .

پریخان عادل کرای ایله برابر بولنه جق ایکسی
و حتی اوچی برابر محو ایدیله جک یالکز
ولی نعمت شاهمزک وجودی محافظه اولنه جق بشقه کیسه نک
لزومی یوق . .

رستم - فرمان سزک امر کزی عینله اجرا ایدرم .
سلیمان - افاده ده نتیجه بکلیمک هیچ عادتکز دکلیدر
ارده بر او چنجی سوزی وار ایدی او او چنجینک کیم اولدیغنه
دقت بیورمدیکز .

رستم - هر کیم اولورسه اولسون .
سلیمان - شاه باشیچون علی حقیچون کیم اولورسه اولسونمی .
رستم - بومینلره نه احتیاجم وار .
سلیمان - وار او چنجی بن اولسه م .
رستم خان - شاهدن بشقه هر کیم اولورسه اولسون
دینلماشمیدی .

سليمان - جزه ميرزا بولنورسه عباس ميرزا اولورسه
نه درلو حرکت ايديله جك .

رستم خان - ميرزا لوك ايكي سي ده دنيا نك برر طرفنده كز نيور
افندمز شهر ياردن بحث اتمك ايسترسكز صانيرم .

سليمان - فرض ايديكز كه تخمينكز صحيح اولسون .

رستم خان - شاهه بر فاحشه نك نه لزومي اوله جق .

شهر يارك ادب سزلكي بتون ايرانه طويلدی خاندان صفوينك
ناموسي برباد اوليور .

سليمان - جزه ميرزا نك والده سيدر .

رستم - حضرت جزه حقيقون ميرزا ناموسني اودرجه
لكه دار ايدر ايسه اني ده شاهلغه قبول ايتمز عباسه بيعت ايدرز .

سليمان - عباسك ده والده سي دكليدر .

رستم - حضرت عباس حقيقون اوده قحبه زن بچه لك

ايدرسه وجوديني قالد يررز شاهه جاريه لرتدارك اولنور خانداني
ينه ادامه ايدرز باخصوص عباسك نه وجودي نه جاني واردر كه
اويله داعيله قيام ايده بيلسون جزه ميرزا نك حتى ياشامسندن
اميدوار دكلم عثمانلير «ييري تيجي قوشك عمري از اولور» دپرلر
صحيحدر جزه عثمانلي محاربه لرنده تلف اولمسه بيله برعشرت
مجلسنده اعدامني بن تعهد ايدرم بو قحبه نك كندى ده اولادى ده
ايرانه بربلاى مبرم اولوب كيده جك خاندان صفوي يي برباد
ايتديلر جزه ميرزا عرضه تسلطده كوسترديكي جساتك جزاي

معنویسنی والدہ سندنہ خالہ سندنہ کوریور شاہدن بشقہ اعتماد کاہمز
قالمدی کافہ سنی بر صورتلہ دنیا دن کوندر مک الزمدر بن ہر امر کزہ
حاضر م شاہی اعما ایتدیلر اینسہ طواشی ایتدیلر انسان اولادی
قبلومبغہ کبی کوز قوتیلہ وجودہ کلزیا .

میرزا نسلیمان بوسوزلرہ نظر آرستم خانک غزم وشدتنی کندی
آرزو سنک ما فوقندہ بولدی ان شاء اللہ جناب حیدر معینز دردیہ ریک
ایچربدن آتیلہ جق سلاحہ ایجہ دقت اولنسی مسئلہ سندن بشقہ
بر توصیہ بہ احتیاج کورمدی بر طرفدن علی قولیخان وزیرک یانندن
چیقنجه طوغری جزمینک اختفاخانہ سنہ کیتدی عباسی دہ یاننہ
جلب ایتدی بونلرک ایکسنہ ماجرای بر تفصیل ا کلاتقدن صکرہ
تصور لر مزک فعلہ اخراجیچون بوندن بیوک بر فرصت الہ کچمز
بن بر کرہ وزیر ی توقیف ویا اعدام ایدرم اندن صکرہ خالی اولان
قزوینی ضبط ایتکدہ نہ کوجک چکیلہ جک ! رستم خان
قور مجیلرینک بزم قدر قوتیمی وار غیرتیمی وار کہ اطاعتسزک
ایتسدلریلہ تأدیبلرینہ مقتدر اولمیهلم یابزم کزده بر بشقہ حکومت
اعلان ایدنجه جزہ میرزا شاہلق داعیہ سنہ قالقیشرده نہ یاپار
قزویندہ کی قوتلہ عثمانلی اردولرینک ارہ سندن نصل قورتیلور
عباس میرزانک یانندہ کی خانلرہ چوجفک شاہلغی ایچون امید
ویروبده خراساندہ بر تفرقہ دہاپیدا ایتکدہ قابلد رهلہ نہ درلو
اولسہ بواقلابات واختلالات آرہ سندنہ عثمانلی عسکری بر قاج ہفتہ
ایچندہ قزوینہ یتیشہ بیلیر یوللوا یضاح مرام ایتدی کندیسی وزیر

ایله اردویه چیقدینی کونک کجه سی عادل کرای ایله پریخانک
تزدینه کتیرلمنی جزمی ایله عباسه حواله ایلدی و بونلرک معاوتنه
امین ادملرندن اللی قدرده قوریمی براقدی .

فصل

جزمی اوللری برخیال شاعرانه دن عبارت عد ایلدیکی
تشبک فعلیائی بودرجه قوه قریبه یه کلدیکی کوردکجه کوکلنده
اولان میل معالی وارزوی اشتهار جهتلریله بویله فوق العاده
براقلابه واسطه اولدیفندن کندیی ابناى بشرک بختیارلوندن
صایغه باشلامش فکرنده حاصل اولان شوق وانشریح ایله مشرب
لوندانه وعزم عالیهمتانه سنه بریشقه قوت کلشیدی ایش بودرجه یه
کلد کد نصکره ارتق هیچ احتیاطه حاجت کورمدی همان اوکیجه
ساعت درت صولونده ایرانه کلدیکی زمان مقصدینه مدخل وصول
اتخاذ ایندیکی بنجره دن طوغریجه عادل کرایک او طه سنه کیردی
ایرتسی کون ایچون قرارلشدیریلان حرکتی بیان ایله اجرا آنک
تفره اتنی سویلشک اوزره پریخانک ده اورایه جلب اولنمنی
ایستدی عادل کرای ایچون جزمینک بوتکلیفی شهرآیین سلطنته
مقدمه اوله رق سور وصال ترتیبی قیلندن ایدی خاتزاده یه
صورلسه بو قدر زماندن بری هر دقیقه اجلاک الاوغراق
گذرکاهارنده طولاشه رق استحصالنه چالشدیغی مقصدک تفر بندنی
یوقسه برقاچ کونلردر احتیاطاً ملاقاتندن محروم اولدیغی معشوقیله

کورشمکه بر لزوملی فرصت ظهور ندنی دهاز یاده ممنون اولدیغنی
البته تعیندن عاجز قالیردی شهزاده در حال بر اوافق پوصله یازدی
عباس طاقتدن اولان و بناء علیه دائره محریمیده بولسان قپو
نوبتجیسيله پریحانه کوندردی .

پوصله ده ایشه دائر بر سوز اولدیغندن بویله ناکهانی بردعوت
پریخانجه بیک درلو و اهمه لر تحریک ایتک بیک درلو اندیشه لری
موجب اولمق لازم کلیردی فقط دعوتی بر قاچ کیجه لک افترا لک
سوق طبعیسنه حل ایدرک ذره قدر تلاش ایتدی .

وجودینی ستر ایتمکدن زیاده کوسترمک ایچون یابیش دینیه
بیله جک برقات خفیف البسه کیدی پریشان صاحب لری اولدیغنی
کیجه چهره سنک اندامک او موزلرینک هر طرفنه طاغیده رق
ارقه سنه سیاه بر چارشب الدی غایت عاشقانه نهایت درجه دلفریبانه
بر طرز ایله عادل کرایک او طه سنه عزیمت ایلدی .

او طه یه کیرو بده جزیمی کورنجه مطالعه سنک بتون بتون
یا کلش اولدیغنی دفعه ادراک ایتدی پرده خفا ایچنده حرکت
ایدنلر هر حادثه دن بادی نظرده بر فائق توهم ایتک طبیعت بشرک
متصف اولدیغنی عاجز لکلر جمله سندن اولمق جهته کمال سرعت
وتلاش ایله بواجتماعک سببنی سؤال ایتکه باشلادی .

عادل کرای جواب یرینه سودازدکانه بر طاقم ملاطفه لره
باشلادیغندن استغنا وحدتله بر کره یوزینه باقنجه اراده مأمولدن
پسوک بر مسرت خاطره کلز بر اید طولاشدیغنی وهلة تفرس ایلدی .

چونکه عادل کرای ساده اوغراشدینی مقصدی اساساً قابل اجرا. کورمز ایدی یالکز پریخان قابل اجرا کوردیکنه باقاردی ده ساده قلب سودا زده و فکر حیت پرورانه سنجیه دولتیه بر ایکنجی کشور قزاندرمق کندینه بر روح ثانی اضافه ایتک امیدلری ولو خیالده اولسه اوپله بر امید ایچنده یشامفی دنیاده ممکن اولان هر درلو اذواقک فوقنده بولوردی اینامق ایچون کولکنه اجبار ایدر طورر ایدی بناء علیه بوپله رؤیاده مثالیه اکلتمکه چالشدینی معشوقه بی او یانوبده یتاغنده کورمش بختیارلر کبی بونجه آمال دور ادورک بردن بره کسوه امکانه کیردیکنی کورنجه قلبنده روحنده نه قدر قابلیت انبساط وانشراح وار ایسه بردن بره سیماسنده جلوه ساز اولدی جبهه سی افراط یأس و انواع اندیشه ایله حاصل ایتدیکی رنگ ظلمانی وچین تر ددن قورتلدی بللورین آینه لر کبی بر نور صاف ایچننده قالدی المندن تأثیرندن کلبرک خزانیدیه بکره یین چهره سی شبنلرینی هنوز بلع ایده نیلش ورد سحری کبی بر رنگ طراوت کسلدی کوزلری کونشه طوتلش کوک یاقوتلر کبی اطرافنده بر نور لطافت طاعتمغه باشلادی دهانی مشخص تبسم شکلنه کیرمش وجودی بر اقبال ذی حیات بر امید مجسم اولمش ایدی.

پریخان عادل کرایک حالنه بر نگاه ایتکلکه خورشیده مقابل کلش ماهتاب کبی دفعه معشوقک بر تو انبساطندن مستفید

اولدی اوده باشدن اشاغه مسرت گسلدی روحانیت جسمنی
استیعاب ایلدی بر حالده که اندامنه باقانلر قدرتك بو جهانه
مخصوص اولان بدایع کونا کوننی تماشایچون عالم بالادن یروزینه
بر ملک اینمش قیاس ایدردی .

ایکی عاشق یکدیگری نیک سیر جاننده محو اولورجه سنه
بر قاج دقیقه لر بر برینه وقف نظر ایلد کدنصکره پریخان
بولندیغی حیرت عشق عالمندن کندینی طویلایه رق عادل
کرایک سیماسنده جولان ایدن بو شوق و سروره سبب سؤال
ایلدی .

جزیبی متصف اولدیغی ظرافتله افندمز مکر صحیحاً پری
ایمشلر ابعاد مطلقه یه کنجایشی قابل اولیان خیالات
شاعرانه یی کسوه امکان ایچنده جلوه ساز اتمکه مقتدر
اولورلر مقدمه سنندن طوتدردی ماجرای تفصیلاتیله برابر
تقل ایلدی .

جزمینک مؤده ناکهظهوری پریخاننی سرور و انشراحک
حد انتہاسنه واصل اتمک لازم کلیردی فقط پریخان ده اادل
کرایده کوردیکی کشایش فوق العاده ایله او حد انتہانک
خارجنه حقیقه جق قدر مستغرق نشاط اولمشیدی .

مع مافیه جزمی یه خدمتنه بحق مقابله ایده بیله جک بر لسان
النفات ایله تشکرلر عادل کرایه روحدن وجداندن کله بر طور
خالصانه ایله تبریکلر ایراد ایلد کدن صکره ذوقزده استغراق

الویردی برزده صورت اجرایی دوشونہلم دیہرک ایرتسی
کون ایدیلہ جک حرکتک ترتیباتہ عطف افکار ایتدیلر .
بر مدت مذاکرہ دن صکرہ صباح اغارمہ دن اول علی قولیخانک
اردوسنہ یتشلیک ایچون کیجہ ساعت التی صولرنده سرایدن
چیقارق و خانک شهر کنارنده و سرایہ بر چاریک مسافہده
بولنان باغچہ سنہ قدر یایان کیدرک اورادہ اتلانمغہ قرار ویردیلر
جزمی ایلہ عباس دها اقسامدن ایکی اوچ صولرنده سرایہ
کلہرک یکریمی بش قوریچی ایلہ بکجیلکده و دیگر یکریمی بش
قوریچی باغچہده کی حیوانلرک محافظہ سنہ مأمور اولدیلر عادل
کرای طرفندن جزمی یه ویریلان تعلیماتک بریده کرک کندیسنہ
و کرک پریمخانہ بر رقات قوریچی اثوابی و شاید پنجرہدن اینلکده
احتیاج مس ایده بیله جکیچون برده اییدن مردیوان ارسالی
توصیہدن عبارت ایدی پریمخانک اک صکرہ کی سوزی « قزوینده
کیجہ ساعت التیدن صکرہ کلبلر بیله حاوامز رستم خانده البت
قوریمجیلرندن نوبتیجی براقشدر اما انلر شهرک بزم کیده جکمز
طرفنده بولنمز ولو بولنسلر بر قوریچی اشنالغی ایدر کچرز
خانزاده ایلہ بنده قوریچی قیافتنه کیره جک دکلی بز؟ قرانلقده
کوز کوزی کورمز دکل کہ انسان انسانی فرق ایده بیلسون
یارین اقسام ساعت بشدن اول بورادہ برلشیرز « سوزلری
ایدی اصحاب مقصد بو قرار ! اوزرینہ امید آتیلرندن لوح
مخفوظده کورمش قدر امین اولهرق بربرندن ایرلدیلر .

بری طرفدن ایسه شهریارده کین مضمیر کبی او یومز
محرص انتقام کبی وقت مرهونسه انتظاراً ترتیباً تینک اکیلیسه
اوغراشیردی .

دها آقشام قرانغی باصار باصمز خادم اغالوندن برینی
کوندردی حدت آدمی اولیان احسان المهدن لقردی سونیک
ایستیمان الدینی احسانی تعداددن معاینه دن چکنیان بونکله
برابر قپو دیکلمکده استراق اسرار ایتکده بر مهارت فوق العاده
کوسترن شمیدیک اسمی شروانی جمفر اولدیفندن بحث ایدن
معهود قوریجی بی یانسه چاغرتدی .

شهریارک دها صادق دها درایتلی آدملری وار ایدی فقط
بو خیشک بیک درلو مرتکبلکی بیک درلو مناسبتسز لکیله برابر
بر طور ابلهانه ایچنده صاقلایه بلدیکی شیظنت برده احسان
طمی و مجازاة خوفیله خدمتده ابراز ایده کلدیکی علی العمیا
اطاعت ترتیب اولنان دسایس خسیسه نیک اجرا آتجه هرکسک
حالندن زیاده مدار امنیت ایدی بناء علیه صیاد آوه چیقارکن
خدمتکارندن زیاده کوپکنی ارادینی کبی شهریارده او الچینی
شمیدیکی ایشنده سائر آدملرینه ترجیح ایلدی .

قوریجی یانسه کلدیکی زمان شهریار جاریله مندرک بر
کوشه سنه اورطورمش یاننده بر قاچ کیسه التون قومیشدی .
شهریار - شو صورتله مباحثه به سلاح مغنویسنک تأثیرینه
کوه نان قوریجی ده زهرینسک تأثیرندن امین اولدیفچون هیچ

بر مخلوقدن قورقق قیامت قوپسه حرکات بطیبه سنی دکشدیرمک
شانندن اولمیان انکرکلز کچی بو یولده مقابله یه باشلادیلر .

شهریار — سنی کوزجی قولاقجی نصب ایده جک اولدق
کوزلرک کور قولاقلرک صاغر اولمغه باشلادی بو قدر زمان
اولیور هیچ بر خبر کتردیگک یوق .

قوریجی سایه دولتکزده کوزلرم کدی قدر کورر قولاقلم
تیلکی قدر ایشیدر چاغرلمه دن حضوره دخول ممکن اولیورمی که
خبر کتیره می .

شهریار — کلک ایستدکده رد می ایتدیلر .

قوریجی — صیق صیق رخصت ایستمکه جسارت ایدر ایسه م
خدمتی هرکس اکلامزی خفی تحقیقاته مأمور اولانلر هرکسک
معلومی اولدقدن صکره دنیاده اوکر نه بیلیرلر .

شهریار — سن کورندیکک قدر بدلا دکلمشسک اره صره معقول
شیلده دوشونورسک .

قوریجی — هرکسک حالی اقتدارینی کورنشندن اکلامق
ایستیانلرک حالنه اسف اولنور .

شهریار — نه خبرلرک واربقایم .

قوریجی — خیرلر .

شهریار — کدی قدر کورن چیقاسی کوزلرک تیلکی قدر
ایشیدن کسילה سی قولاقلرک دنیاده خیرلردن بشقه برشی کورمدی
برشی اشمیدی .

قوریچی - بلکه کورمشدر احتمال که ایشتمشدر .
شهریار - ینه چنکانهك طمرلوی طوتدی پاره ایسترسك ده
آنك ایچون سویلیورسك اوله می .
قوریچی - «کرم بکلر سه عیب اولمز . کدالر پادشاهلردن» .
شهریار - اغزك قره طوپراقلرله طولسون ! شمدی باشمز
برده شاعرلك چیقاره جقسك .
قوریچی - استغفرالله حدم دکل . جزیمی بکدن ایشتمشدم
مناسبت کلدی ده او قودم .

شهریار - سن جزیمی بی بیلیرمیسك .
قوریچی - انسان انسانی بیلکله کناهی ایتمیش اولور .
شهریار - معلوماتکه کنه اهدکه سنکله برابر یرك دینه
کچسون بکا جزیمی بی بیلدیك بیلدیك لازم دکل ال شونیده
بر بکیلردن نه بیلیرسهك انی سویله تام یوز التوندر . دیرا وکنه
بر کیسه آثار قوریچی همان کیسه بی آچار آتونلری صایغه
باشلار محاوره شو طرزه تحویل ایدر .
شهریار - ملعون ینه صایه جق ! شمدی سنک جلالده
هرکیکی آری آری صایدیرم .

قوریچی - صایمسه مراقدن عقم باشمه قالمز صکره
ایستدیکنز معلوماتی یا اکسک یا اکلش وزیرم .
شهریار - عذرلرده بولور خنزیر ! کچنده طوتدیغمز حیدود
آدم صویمهسه م آجلقندن اوله جکدم صویمق ایستدیکم آدمی اولدیر مسهم

اوبنی اولدیره جك ایدی نه یاهیم حرکتمده معذورم دمیورمی
ایدی بوده انساننی هلاک ایتک ایچون انک کبی عذرلر بولیور
صای خنزیر چابوق (چاپک) اول یوقسه بر دقیقه ده جهنمه
کیدرسک .

قوریجی - اغر اغر صایمزه صکره حسابی شاشررم
تکرار صایمغه احتیاج مس ایدرینه افندمز بکلر تعجیز اولورسکز .
شهریار - های نفسکک صایسی توکنسون بوکاده بر بهانه
بولدی صای نه قدر اغر ایسترسک صای ایشه بنده بشقه پاره
ویرمه جکم .

قوریجی - افندمز صاغ اولکز بشقه ده احسان بیوررسکز
ویرمه کزده قولکزینه تشکردن عاجزم .

شهریار - برسکوت غضب آلود ایچنده طورر قوریجی
عریض و عمیق پاره بی صاید قدن صکره ینه بحث شو یولده دوام ایدر .

قوریجی - الله عمر دولتنیزی مز داد ایلسون .

شهریار - تمام اینسه سویلیه جککی سویلسهک آ .

قوریجی - فرمان بیوریکز سویلیه یم .

شهریار - ده نصل امر ایسترسک اوته کیلردن - شمدی
هانکی اوته کیلردینه صور احق ده بکا مردار جکر لرینی یرندن
سو کدیره جک - پری ایله عادلن نه خبر ؟
قوریجی - دون کیجه ساعت درتدن بشه قدر بر لکده ایدیلر .

شهریار - (اوکنه برکیسه دها آتہرق ال قپودن دکلمدکی
نه سویلشدیلر .

قوریجی - (کیسه یه باقہرق) بو کوچک یا .

شهریار - الی التوند رصوردیغمه جواب ویرسه ک آپوک
آغزندن الماسمی دوکیورسک دانه سنی یوز التونمی آلمی .

قوریجی - حدت بیورمیکز ولیة النعم افندمز سویلیورم
قپولرنده بر بکچی وارایدی غالباًحرملرندن ایدی که بر ساعت قدر
اورادن آیرلمدی مجلس طاغیله جفته یقین بر طرفه چکلدی بنده .
کزده اوزمان براز دکلیه بیلدم .

شهریار - نه سویلشدیلر .

قوریجی - هپسنی ایشیدمدمکه .

شهریار - دیمک که برازینی ایشتمسک سویلسک آ .

قوریجی - ایکی کشی لقردی ایدرسه قپونک اوکنده
دیگیلیان آدم سوزکرنیک برازینی اولسون ایشتامک قابل اولورمی!
هیچ افندمزکده بو قدر کوچک کیسه ایله احسان ویردکلرینی
کورماشدم .

شهریار - بردها ویررم فقط سویلیه جکک لقردی دکرسه
هپسنی لندن اله جنم .

قوریجی - فرمان افندمزک فقط لقردی دکرسه بریرینه
ایکی دانه دها احسان بیورمیسکز .

شهریار - ویررم چابوق سویله !

قوریجی - یارین کیجه ساعت بشدن اول ینه برلشه جکلر
شهریار بوخبری ایشیدر ایشتمز صالمغه حاضر لشمش کوپکار کبی
یوزینک سیکرلری دهشتلی برحال ایله چکیلوب آچلغه اغزینک
کنارلری یوقاری برونک اوجی اشاغی میل ایتمکه کوزلری
بیویه بیویه یرندن فرلایه جق کبی قورقوج برحال حاصل ایتمکه
وجودینک هر طرفی تعریف اولنمز برکین وحدتله ایری ایری
تره مکه باشلادی قوریجینک اوکنه الیشر التونلق ایکی کیسه
التون دها آندی اره لرنده بتون بتون بشقه بر بحث اچلدی .
شهریار - بنی دیکله سن یارین علی قولخان ایله کیتیه جکسک
قوریجی - فصل کیتیه جکم امر ایدرسه نه یاپارم .
شهریار - کتمزسک .

قوریجی - لطیفه می بیوریورسکز بنده کز قوریجی بر آدم
غوغایه کیتیم دیه جک اولسه م اودقیقه ده اولدیرر .
شهریار - سن آنک یارین اولدیره جکنی دوشونیورسک
سر ایدن چیمق ایسترسه ک بن شمدی کبرته جکم اوراسی هیچ
خاطرینه کلیورمی .
قوریجی - قولکزه امر وتهدیده احتیاج یوق خانه افندمزک
طرفندن بر اراده کیدر قالیرم .

شهریار - بک اعلا بر بهانه بولور کوندریز بوراده قاله .
جقسک شمدی بر تعلیمات ویره جکم تمامیله اجرا ایده جکسک دنیا ده

صاغ اولدقجه كسه يه سويليه جكسك جانك بوسرك التنده در اغز كدن برلقردى چيقديني كبي جانك ده برابر چيقار .

قوريجي - سر صاقلامق ايجون نه قدر تهديد بيورر سه كز قائم عمر مده برسرفاش ايتديكمي بيليورم كرك ككنديمه متعلق اولسون كرك بشقه سنه ۰۰۰ بنم بيلديكمي كسنه نك بيلماسي پك مراقدر سر صاقلايان انسان كنديني هر در لو مخاطره دن محافظه ايدر ، بشقه سنك بيك يولده ياكلش معلوماتيله اكلنر عجباً دنيا ده اندن لذتلى برشي وار ميدر ؟ الله بيلير مزاره كيرد كدن صكره حالمى سؤال ملائكه لرينه بيله قاچ يوزطوپوزدن صكره سويليه جكم .
شهر يار - اكلادق كوزه لك ايسته مز ! ويره جكم امر كوج برشي دكلدر يارين كچه قوريجي ائوابكله ، سلا حكله باغچه يه كيررسك بر مناسب يره صاقلانيرسك پريخانى كوزنلرسك اوچكر عادلك ياننه كيدر سن بكلرسك مملكتك ساعتى بشى چالغه باشلاديني كبي النكده كي تفنكى بوشالديرسك .

قوريجي - انديغم تفنكله كيمي اوره جغم ؟
شهر يار - كسنه يي اوره جق دكسنك تفنكى هوايه بوشالده جقسك .

قوريجي - يابري اوريلورسه ؟ ...
شهر يار - اوريلويورسون ايران خلقنى بزه صايي ايله تسليم ايتديلريا !

قوريجي - صكره نه اوله جق ؟
شهر يار - اوراسى سنك وظيفك دكل ! سن بولنديك

یردن بر طرفه چکله جکسک ایرتسی کونی صباحلین یانمه کله جکسک
اگر خدمتکی لایقیله یرینه کتیر رایسه ک ، بش یوز التون احسان
اله جقسک صایا جقسک معاینه ایده جکسک ا کسکی وارسه تامانلایه جفز
قلبی وارسه دیکش دیره جکز .

قوریجی - یاتفنک آتدیغم ایچون نوبتجیلر طوتارسه ؟
شهریار - اوراسنی دوشندک (یصدیغک اوزرندن برکاغد
الورالنه ویرر) شوامری ایرسک کیم طوتارسه کوستیرسک . او قو !
قوریجی - (او قور) « بوکیجه شروانلی جعفرک ایتدیکی
حرکت دولتجه کوریلان لزوم اوزینه بنم امرمله اجرا اولمشدر ... »
پک اعلا ! اتاجتمز تفنکک باروت پاره سنی بو احسانلر دنی ویره لم ؟
شهریار - آج کوزلی کوپک ! (اوکنه اللی آلتونلوق برکیسه
دها اتهرق) آل بوده سکا باروت پاره سی اولسون !
قوریجی - یاساعت بشه انتظار ایتمز لوده دها اول برلشیر
دها اول آریلیر لرایسه ؟

شهریار - سن خنزیرلک ایتک ایسته مزسه ک نه قدر مستعد
اولیورسک اول برلشیر لرایسه سن ده برلشدکلری وقتدن صکره
برنجی دفعه ساعت چالغنه باشلادیغی کبی تفککی بوشال دیرسک .
قوریجی - بو احتیاطمک براحسانه دکری یوقیدر ؟
شهریار - جهنم اول شورادن یانمه پاره قالمدی ایرتسی
کون بش یوز آلتون ویره جکز دیدک یا !
قوریجی - « فرمان افندمزک ! الدیغم امرلری حرفی

حرفنه اجرا ایدرم بو آلتون کیسه لوی ده نیچون بو قدر کوچولدی! «
دیه مرلده نرق او طه دن چکلدی . شهریار همان الینه بر قلم
الهرق ایرتسی کیجه ساعت بش راده لرنده پریخان عادل کرایک
او طه سنده بولنه جغندن واحتمال که ده اول برلشه جکلرندن
تریب اولنان قور یجیلرک بهمه حال اقشام اولور اولمز سرایده
حاضر بولمسنی واتیله جق تفنک سسنه انتظار ایتسنی میرزا سلیمان
بر تذکره ایله توصیه ایتدی ، تذکره بی کونرددی کندی ده
صویندی ، یتاغنه کیردی عادل کرای ایله اوزمانه قدر کچریدیکی
ماجرا بی هر درلو تفصیلاتیله کوزینک او کنه کتیردی کولکنده
نه قدر یاره وارسه آری آری تازه لندی کافه حواس و قابلیاتی
غیظ و کینه منقلب اولدی « آه ! خانزاده حضرتلرینک بزدن
پرواسی یوق ایمش ! عادل کرای افدمز ایسترسه مکتوب میزی
نشر ایدر ، بزى رسوای عالم ایلر ایمش ! قلیجی چکرسه وجود میزی
ایکی پارچه یه آیرر مش ! کونسونلر ! انلر قوللرنده کی قوته
کونسونلر !!! . باقلم کندینه مغرور اولوب ده صالحینه صالحینه
میدانده کزن ارسلانلرک اغا جلا اره سنده ، قامشقلر ایچنده
صاقلانان اژدرلره غلبه سی ممکن اوله بیلیری ایمش؟ « یولوبرخیلی
سویلند کدنصره ، آوینک یوامسی او کنه یاتمش ازغین قابلانلر
کچی ، اکنه ، بوینه سرلدی امیدیه ، راحتیه او یقوسنی او یومغه
باشلادی .

شهریار نه درجه انشراح ایله یاتدی ایسه آندن بیک قات
زیاده مسرتله او یانندی عادل کرای ایله پریخانک ممنونیتلری ،
انبساطلری ایسه تعریف اولنمزد درجه لوده ایدی ایکی طرف ده
کندی لرینی برعید سعادت عرفه سنده قیاس ایدرو اقصای امملرینه
وصول ایچون کونشک غرو بنه انتظار ایلر ایدیلر نظر لرنده
او کونک هر دقیقه سی رمضان و بلکه ایام قیامت ساعتلی قدر
اوزادی فقط انتظار نه قدر اوزارسه امیدلرینک کوکلرینه
ویردیکی تلذذدن ده ، حیات ایچنده بر دیگر حیات سعاده نائل
اولمش قدر ، ذوقیاب اولور لردی .

ایچلرنده یالکز شهریار ایچون براندیشه جک قالمش ایدی که
اوده قور ییجی یه ویردیکی آچیق امر دن تولد ایده بیله جک مخاطره
ایدی قوز ییجی تفنکی اتارده ینه مقصد حاصل اولمز و او حالده
طوتیلوبده امری ابراز اندر سه پریخانک ایده بیله جکی شکایتلره
مقابل شاهه ویر یله جک بر جواب حاضر لمق نظر نده الزم کورندی
بو یولده نه قدر اتعاب فکر ایتدی ایسه مسئله یی بر درجه یه
قدر زوجنه آچقندن بشقه چاره بوله مدی پریخان ایله سؤال
و جوابه میدان بر اقامق ایچون وقعه یی غایت خفیف بر صورتده
بیان ایتدیکی و خصوصیه افاداتی اقسام اولوبده شاهک عالم
انزوا یه چکیله جکی زمانه تصادف ایتدیر میکی ذهننده قرار لشدیردی .
او کون هوا یه ، ماتم لباسلرینی آندیرر ، بررنک ظلمانی
چوکشیدی بلوط لردن ، اغلایه اغلایه کوز لرنده یاش قالماش

یتیمان مصیبت زدہ کبی ارہ صرہ چاقان شمشکرفلکک تصورات
بشر اوزرینہ برخندہ استہزاسی قیاس اولنوردی •
جزمی شاعر لکندن بتون بتون تجرد ایدرک خیالی فعلیاتہ ،
مادیاتہ حصر ایلدیکندن ہوانک بوحالی کوردکجہ وآنک پیکرمی
سکزی اولق مناسبیلہ مہتاب کورنماک طبعی دوشوندکجہ
کیجہ یہ عارض اولہ جق ظلمت هول انکیزی ہر نظر تجسسہ
قارشی کندیلری ایچون اک امین اک مکمل برپردہ استارعد
ایدر ، سونیردی •

اقسام اولدی کونش ، محاربہ میدانلرنیک قانلی چامورلرینی
اندیرر ، بررنک حزین ایچندہ غروب ایلدی •

کوزلرنده کی عما جہتیلہ بیدارلق زمانی اویقودن قرانلق
برحال ایچندہ یاشایان شاہ دہا ساعت برہ واریرر وارمز بروقتلر
الشدیغی ، سودیکی ، اکلندیکی عالم روشنائینک رؤیادہ اولسون
مشاہدہ سیلہ تلذذ ایتمک ایچون اویومق ایستدی شہریار ،
اشکنچہ یہ مأمور اولمش برجلادکی ، ایاغنک اوجنہ دیکلدی
دولتہ دائرہم سویلیہ جکلری اولدیغندن برمقدمہ طوتدیرارق
ویانندہ کی جاریہ لری دفع ایدرک ارہ لرنده شویلہ بر محاورہ
جریان ایلدی •

شہریار - معلوم شاہانہ کزدرکہ عادل کرای ایلہ ، عثمانلی
طوپراغندہ کچہرک ، قریمی ضبط ایتمک ایچون برتشبندہ بولنمشدق
ہمیشیرہ کز پریخانہ دہ مکالمہ دہ جاریہ کزہ تشریک بیوردیکز •

غالبا الدائشز! غالبا انلر بربريله محبته قويولمشلر! تصورمزنك
اجراسنه خانزادهنك موافقتي قوه قريبيه كلشيكن برآيدن بريدر
اوتديبرلرك اوتصورلرك ارده لقرديسي بيله قالمدي .

شاه - بربريله محبته قويولمشلرايسه فنع المطلوب! ايكي سي ده
كنج ايكي سي ده شاهزاده! . . . نگاه ايدرز اصل قريمي اله
چكيرمك اوزمان ممكن اولور .

شاهك سوزلوي شهريار جه اولدن معلوم ايسه ده انسان
ايچون ، محبت كبي ، كين كبي ، امراض نفسانيه ده مقصدينك
خلافنه اولان ظنلرينك حقيقت چيقيمسنه تحمل قولاي اولمديغندن
شهريارك الدينغي جواب اوزرينه انفعالات نفسانيه سي وجودينه
اودرجه شدتله استيلا ايلدي كه سيماسنه چوكن شكل هائي
بركره كورنلر ايچون كوكلنده كي خفاياني بربرر كشف ايلك
قابل اولوردي شاهك عماسي قوجه بردولتك اداره سني شهريارك
كيفنه براقش اولديغي حالده قاديغجه بوعمادن حاصل اولان
استفاده لرك اك بيوكي ينه او كيجه كي حالنك زوجندن مستور
قالمسيدر دنيله بيلير .

شهريار بيك بلا ايله وجداننده كي غليانلره واندن سسنه
اوله بيله جك تحوللره غلبه ايدر ك ينه محاوره سنده دوام ايتمكن
چككنمدي .

شهريار - شهبه يوق شاهم! اكر عادل قريزه كچمك
نيتنده ثابت اولسه بونيتي قولمديزمك ايچون ارده برصهرت

حاصل ایتمک بیوک بر معاونتدر . فقط عادل اسکی نیتنده ثابت
کبی کورنمیور برده عسکر طاقی بونلرک اره سنده کی محبت ادب
داثره سندن چیقدیغنی سویلیور .

شاه - اینانمه ! اینانمه ! پری ایچون او یولده نه سویلر لرسه
بالاندر .

شهریار - جاریه کزده اینانمیورم نه چاره که عوام خصوص -
صیله قوریجیلر پک قولای سوز اکلامز بونلر یالکز سؤادب
اسنادینه قناعت ایتمیورلر پریخان شمخالک همشیره زاده سی
دکلیدریا ! او جهتله کنديسنک سنی اولدیغنه ذاهب اولیورلر
کویا افندنمزک علتندن، شهزاده لرک بوراده بولنماسندن استفاده
ایدوبده برفته چیقارمق و فتنه قوتیله دولتمزی مذهبزی محو
ایدرك عادل کرای تخته کچیرمک ایرانده برسنی حکومتی تشکیل
ایتمک ایستیورحتی بونک ایچون شمخالدن جزمی بک نامنده
برآدم جلب ایتمش انک وساطتیه فتنه ترتیب ایدیور دییورلر
هرکس نه بیلسون ! پریخانک حیدر وقعه سنده کوستردیکی
جرأت خاطر لرده اولدیغنی ایچون حقنده نه سویلنسه اینانیرلر .
شاه - ممکن دکل ! پریخاندن بکا خیانت ممکن دکل !
همشیره م بنی تختمدن ایندرمکه نیچون محتاج اولسون ! ذاتاً
دولتی آنکله سن اداره ایتمیورمیسکز ؟

شهریار - حقکزو ارشاهم ! جاریه کزده بردرلو اینانمق
ایسته میورم محبت دنیاده مؤثر بر قوتدر افندمزه چکدیکم

ابتلا دن بیلیم دنیاده انسانه خیال و خاطره گلز شیلر یابدیر رهله
همشیره کزک اره صره ینه خانزاده ایله کورشدیکنی ایشیدییورم
حال بوکه برآیدن زیاده درجاریه کزی هیچ یانلرینه چاغرمیورلر
طوغریسی بوجت ذهنه بعض شبهلر کتیریور .

شاه - اوراسی قولای ! شبهه کز وارسه برینخان بوراده
دکلی ؟ چاغرر ، استنطاق ایدرز .

شهریار - هیچ نصل اولور شاهم ! شمدی بروایت
اوزرینه بحث ایدیورز یا ایشندکلرمن یالان ایسه بیچاره قز ،
اویله بیوک بیوک افتالره اوغرا دیغنی کوردیکی کبی ، کدرندن
هلاک اولور دولتکزک اک قوی بررکنی بیقیرلر صکره بر پرینخان
دها نرده بولورز !

شاه - اوجهته دهه حقل واری نصل ایدلم ؟
شهریار - جاریه کز ذاتاً ائندمزک راحت ، دولتکزک سلامتی
ایچون وجودینی فدا ائتمشلدنر .

شاه - بیلیم ! الله راضی اولسون .
شهریار - اویقوسز قالیرم ، راحتسز اولورم کیجه کوندوز
اوغرا شیرم اگر عادل ایله تنها کوریشدیکنه یا خود بوراده اویله
برفساد ترتیننه اوغراشدیغنه دائر بر صحیح خبر آله بیلیرسه
اوزمان ایجابنه باقارز .

شاه - پک مناسب اولور .
بومحاوره بیچاره علیه کوره اویقویه طالمقله اوغراشان

چو جنك مثل ديكلمسی قیلندن ایدی شهریارك ایسه پریخان
مدافعهده شاهدن برسوز ایشدکجه قلبنه برخنچر صاپلانیر ،
کندی برسوز سويلکه مجبور اولدقجه صانکه جکرینک برپارچه سی
قویارده آغزندن دوکیلیدی محاوره دوام ایتدیکی مدت
برجهنم عذابی کچیردی مع مافیة مقصدینی استحصال ایلدی چونکه
اگر ایستدیکی کبی پریخان ایله عادل پاره لیرسه عسکرک حرکتدن
کندی مسئول اولزدی فقط تشبثده موفقیت حاصل اولزسه
قوریچی به و بریدیکی امری شاهدن آلدیغی مأذونیه اسناد ایتک
نظرنده پک قابل کورینوردی .

شاه ایله شهریار بو محاوره ایله مشغول ایکن « شمیدیک
اسم جعفردر » دیان معهود قوریچی یاننده برارقداشیله باغچهده
اغا جلر اره سنده ، کندیلری کیسه یه کورنیه جک و فقط عادل
کرایک کوشکی ایله پریخانک دائره سنی کوره بیله جک ، بره موقعه
اختفا ایلدی !

بو کوشک ایله دائره سرایک صاغ طرفنده بولنه رق او طرفک
قیوسنی محافظه ایسه علی قولیخان طاقندن عباس رفاقنده
قالانله مودوع ایدی بونلر بواقشام اولکی قرار وجهله
جزیمی بی برابر اوله رق موقعلرینه کلدیلر سرایک صول
طرفده کی قپولاری رستم خان طاقنک محافظه سنده اولدیغی
کبی رستم خاندی میرزا سلیمان طرفندن الدیغی امر اوزرینه

کونش غروب ایدر ایتمز همان یاننده کی عسکرک بر طاقمیله قزوینه
عودت ایدرک شهری احاطه ایتدی بیک بش یوز قدر قور یجیله
سرایک اطرافنی قوشاتندی صول طرفده کی قبولرک قرق الی
کشیدن عبارت اولان محافظلرینه دهه بر او قدر آدم دهاعلاوه ایلدی.

سرایک یاغجه سی بیوک بیوک اغا جلاله ترتیب اولمه خیابانلره
منقسم اولدیغندن بر برینه بویولده قارشى کلمدکجه کیسه کیسه یی
کورمک ممکن اوله مزدی یالکز معهود قور یجنک اختیار ایتدیکی
پروار ایدی که بکلدیکی کوشک ایله دأرمنک ایکسندن بشقه دهه
گذرکاهلری خصوصیه جزمینک طوتدیغنی موقعی کورر ایدی
کورمکه واسطه ایسه یالکز سرایک بعضی پنچرملرندن باغجه به
عکس ایدن خفیف خفیف ضیالره اره صره چاققده اولان
دهشتلی دهشتلی شمشکرک انجلاسی ایدی .

معهود قور یجی دهه پر یخانک ظهورینه بر خیلی زمان
اولدیغندن اکا دأر ایده جکی حرکت وقت مرهوننه تعلق ایله
نظر تحریرینی جزمینک حالنه حصر ایتشدی ساعت اوچی
کچدیکی صروده ایدی که جزی عباسک یانسه کیدرک برشی
سویلدی عباس اورادن ایرلدی باغجه نك اوته سنی بریسنی
طولاشغه باشلادی .

قور یجی ذاتا جزی بی ومقصدینی بیلیر ایسه دهه اوکیجه
ایچون ترتیب اولنان تشبثدن خبردار اولدیغندن جزمیدن بر
قاچ کیسه آلتون قاقمق نیتیه اطرافنی تجسس ایشنی یاننده کی ارقدا .

شنه توديع ايتدى، قوش سيدينه چيقان ييلان كې، يرلوده سورينه رك و حر كنده كى بر يپراق قلدا نمنسه بيله ميدان و يرمامك ايچون نه ايت درجه لرده آهسته طورانه رق بر چاريك قدر مدته جزمينك سوزلر يني ايشيده بيله جك بريره صوقولدى او ائاده عباس دخى كلديكندن زيرده كى قيصه جق محاوره لر يني ديكلمكه باشلادى .

جزمى - نه خبر عباس ؟

عباس - رستم خان طاقى غلبه لك قبولر ده هر زماندن ايكي قات زياده قوريجى وار سببى صوردم بر طاقى « بزخانك ار قه سندن يارين حر كت ايده جكز ار قداش لر مزه و داعه كلدك » ديورلر فقط اوضاع او اوضاعه بگزه مز ! تا شورالره قدر صوقوليسورلر، هر كسى كوزليورلر هر لقردى يي ديكلمكه، او كرنكه چاليشيورلر بر شيدنى قوشقولانديلر طورلر يني، بر درلو بكنه مدم .

جزمى - بدلالر نه دن قوشقولانه جقلر ؟ ينه ديدكلرى كې ار قداشلى ايله كورشمكه كلشلردر باعجه ده كزر، اكلنيرلر لقردى ديكلدكلرينك اهميتى يوق هر كس ايچون متجسسلك طبيعى دكليدر يا! خصوصيله بويله بيوك يرلوده طاشلردن، انا جلردن دنيانك حوادمى او كره نيلير ظن ايدرلر .

عباس - احتمال كه سرك ديديككز كيدر فقط بو قدر غلبه لك اره سنده بزم تصور فعله چيقامز ذره قدر احتيا طسزلق مقصدى بتون بتون برباد ايدر .

جزمی - طوغریدر! خان همان یارین حرکت ایتیمور یا!
تهلاکلی اوله جفته وارسون ایکی کون صکره اولسون فقط بر
یکیلره نصل خبر ویره بیلیرز؟

عباس - مدخل معلوم! ...

جزمی - خان ایچون نه بیاجعز؟ بیچاره اندیشه سندن هلاکی
اولسون؟

عباس - ایترسه کز شمدی آدم او چوررم .

بو محاوره دن صکره عباس جزمینک یانندن ایرلدی قور بچیده
کلدیکی کبی غایت آهسته برطور ایله ینه اسکی مقامنه چکلدی
ارقداشنک یاننه کلدی، کندی جزمی بی دیکلمده ایکن، سرایدن
سیاه چارشبله بری چیقارق طوغری عادل کرایک او طه سنه
کیتدیکنی خبر آلدی .

خبر مصیبت کبی سیاهلر ایچنه غرق اولوب عادل کرایک
یاننه کیدن مخلوق شهریار ایدی قادین شاهدن ایستدیکی یولده
حرکت مآذونیت النجه عادل کرای بی بر کره کور و بده نظر تحقیری،
تعریضات جانکدازی ایله ازه ازه تشفی صدر اتمک ارزوسندن
بردرلو کندینی الهمدی ده پریخانک موعدینه بر ساعت قدر
زمان اولدیغندن طوغریجه خانزاده نک یاننه کیدرک حتی اشنالق بیله
ایتمکسزین چارشینی آچدی بلای نازل کبی برکوشه یه او طوردی
کوز لرنده بر قور قنج خونریزک نشانه سی، چهره سنده بر مدهش
انتقام مسرتی کورینوردی رنکی اودرجه صولمش، وجودی

او قدر ضعیفش ایدی که هیأتی تکرار جانلانش جنازه به بکزدی
حقیقت آخرتدن بری عودت ایدوبده عادل کرایه کورنسه ایدی،
اویله برامید کیجه سنده خصوصیه معلوم اولان ماجرادن صکره،
شهریارک او حال ایله یاننه کلسی قدر حیرت ودهشت ویرمک قابل
اوله مزدی عادل کرای حیرتله نظرینی شهریارک چهره سنه دیکه رک
دقتلی دقتلی باقار، کوکلنده کی خفایایی سیماسندن سیر اتمکه
چالیشیردی.

شهریار برخیلی زمانلر اظفار غلبه سنده اسیر اولان خصمنک
بولندیغی توحش واضطرابی تماشا ایله تسکین غیظ ایتدکن صکره
سوزه باشلا یئر «خانزاده حضر تلی! ایشته یانکره کلدک!...»
ایشته پریخان فاحشه سنک سیئاتنی بربرر یوزکره قارشی سویلک
ایچون کلدک! مکتوبکزی نه وقت نشر ایده جکسکر؟ بی نه وقت
بر قلیج ده ایکی پارچه اتمکه همت بیوره جقسکر؟ اوف! بو
کیجه جانم قان ایستیور یانم قام دوکیله جک یا بشقه لرینک قانی
سیر ایده جکم... هله سنک کبی، پریخان کبی شهزاده لرک قانی
اولور ایسه!... کنجسکر، عاشقسکر! طمارلر کزده کی قان
البته دهها زیاده قاینار «کبی مجنونانه فقط جلادانه بر طاقم
سوزلر وعادل کرای ایسه «قودوردیکز ایسه بنم باشمه مسلط
اولمیکز قانه او قدر مراقکز وارسه وجود کزدن چیقانلری ده
سیر ایده بیلیرسکز کیفم یوق بورادن دفع اولیکز تعجیز ایدیور
سکز!» بوللو خطابلرله شهریارده بوکا مقابل «بنه می وصلت

مواعده لری وار؟ اره کزه رقیب اولورم دیه می بنی دفع ایتمکه
چالشیورسکز؟ « طرزنده جوابلر ایله شدتلی بر مجادله طوتدر-
دیلمر عادل کرای قادینک کلیشنی تصادفدن بشقه بر شیشه حل
ایتمز ایدی فقط ، مقصدینک اجراسنه تشبث اولنه جنی کیجه،
اویله بر تصادفک ظهورینه پک فنا مضطرب اولور و پریخاننه بر
خبر کوندرمک ایچون ذهننده چاره بوله مامغله برابر شهر یارک
اوطه سنه کلدیکی البته جزمی طاقندن برینک وسائر لره ده خبر
ویرمش اولسنی دوشونهرک تسلی بولوردی .

بری طرفدن ایسه قوریچی ارقداشندن او کیزلی مسافرک
هانکی قپودن چیقدیغنی صوروبده شهر یارک اوطوردیغنی دایره
دن کورندیکنی او کره نجه یأس وتردد ایله آغزینی ، قاشلرینی
اویناده رق بر زمانلر کندی کندی نه « بزم ارقداشک کوزلری ده
یا کلش کوره بیلیر بریکی ذاتاً عادلک یانه کلیه جکدی احتمال
که پریخان ، نوبتجیلره کندی سز دیر مامک ایچون ، اوقپودن
چیقمشدر هم نصل اولسه بوفرستی غایب ایتمکه کلز ایش
افندمزک ایستدیکی کبی اولمزه یارین بش یوز آلتوندن محروم
اولورز جزمی الدن چیقارسه ضایعات انک اوچ درت مثلنه
وارر ذاتا قطعی امرمز وار عادل کرایک اوطه سنه کیرلدیکی
زماندن صکره ساعت چالمغه باشلادیغنی کبی سلاجزی بوشالده جغز
چارشب التده کی مخلوقک کیم اولدیغنی بن کرامتله می بیله جکم؟
اما بر فئالق وقوع بولورمش نه یا پالم ! ایران خلقنی شهر یاره صایی

ایله ویرماملر بزه صایسز بیله تسلیم ایتدیلمر . . . قضا ایله
یا کلساق ظهور ایدرسه نیچون حقم اولان احسانی الهیه جق
ایتمش ! . . . » کبی براز مدت سویلندی طور دی . بوسره ده
ایسه مملتک ساعتی ، عمر بشردن بر ساعت ده ا کسلدیکنه تأسفله
فویاد ایدر کبی ، برصدای هائل ایله دردی چالمغه باشلادی
ساعتک چالمسی ختام بولونجه قوریجی تفنکی اوزاتدی بر قاچ
ثانیه نشان الدی بر شمسک ضیاسندن استفاده ایدرک نشانی
طوتدیردی تفک آجی آجی پاتلادی جزمی بولندیغی موقعده
طیراغه سرلدی ! . . . »

رستم خان طاقی بو اشارتی ایشدکلی کبی سرائک هر قپو
سندن هجومه باشلادیلمر علی قولخانک قور بیجیلی ، بو قدر غلبه
لکه قارشى طور مقده اولان عجزلرینی بیلدکلرندن ، هر بری
باغچه نك برکوشه سنه کیزلندیکی کبی تفنکی آتان معهود قوریجی
ایله ارقداشی رستم خان طاقنه قاریشدیلمر اصحاب اتفاقدن موقع
ثباتده یالکز عباس قالمشدی که اوده براغاجک یپراقلی ارسنه
صاقلاندرق جزمی بی کوزه دردی .

شهریار بویله وقتسز تفنک صداسی ایشدیکی کبی ترتیبک
بتون بتون هبا اولدیغنه وبلکه قور بیجیلر خانزاده ایله برابر
بولسقلری زمان او طیه کیرر لوسه کندینی پریشان ظن ایدمه
جکلرندن وحتی شهریار اولدیغنی بیلسه لوده ، کیجه وقتی برکنج
آدم ایله بولندیغنی کورنجه ؛ غیر تلرینه دیدرهمیه جکلرندن قیامت

کندی باشنه قو پاچغنی اکلاادی دهشتندن توپیری اورپردی،
صاچلرینک کولکه سی چهره سنک هر طرفنه عکس ایتدی اومو-
زینک اوزرنده باشیرینه کیرپی شکلنده برشی کورنمکه باشلادی،
کال سرعتله چارشینی ارقه سنه الدی، عادلکرایه برسوز سویلکه
مقتدر اولقسزین، قبودن طیشاری فرلادی .

عادلکرای ایسه، قادینک هیچ اومولمدق برزمانده کندی یاننه
کلسنه، کلیر کلز قاندن، اولومدن بحث ایتسنه، خصوصیه بویه
مناسبتسز بروقنده سرای شاهی ایچنده ایشیدیلان تفنک سسی
اوزرینه اوقدرتلاش ایله اورادن بیقیلوب کتسنه باقارق، ارده
کندی علیه ترتیب اولمش برسوؤ قصدک وجودینه قویاً حکم
ایتدی، همان برندن قالدی، سلاحلانغه باشلادی .

بری طرفده بیچاره پریخان، خیال اقبال ایله عالم تصورده
بیله مثل کی کوچ بولنور برسعدت ایچنده، اوکیجه کینمک ایچون
کتیرتدیکی قوربیجی اتوابی وجودینه اویدرمقله اوغراشیر کن
تفنک سسنی ایشتدیکی کی، سامعه سنه صور محشرک صدای هول
انکیزی کلش کی، بولندیغی غفلت سکوندن بردن بره کندیغی
الهرق رهگذار املنده ینه بروادی، بلا بلکه برعالم عذاب اچیلدیغی
دفعه اکلاادی وارلغی بتون بتون اره دن غائب اولدی عادل
کرای ایله شهریاردن بشقه دنیاده بر موجود بولندیغی تخطر
ایده مامکه باشلادی .

برندن صیچرادی، حیدر میرزا وقعه سنده استنادکاه

اقتداری اولان و او زماندن بری او طه سندن بر دقیقه ایرلیان،
خراسانی قلیجی قایدی، ارقه سنه بر جار المنی بیله تخطر
ایتمکسزین، بر بیاض کچدک لباسیله طیشاری اوغراد
شهر یارک دائره سنی طولاشدی کندینی اوراده بولینجه، سیدینی
غائب ایتمش شیردرنده کبی، کمال دهشتله عادل کرایک کوشکنه
طوغرلدی پریخان ایله شهر یار یولده نور ایله ظلمت کبی بر برینه
قاوشدیلر چهره لرینه باقیلسه، وجدانلرندن عکس ایدن حال
ایله بری صفوت فداکارانه دن کوزل، بری خیانت کیندارانه دن
چیرکین کورینردی.

پریخان، حیات سعادتجه اجل قضا حکمنده بیلدیکی ملعونه یی
رهکدار عزمنده کوردیکی کبی «آه! شهر یار! باق شو ملعونه یه! ..»
بو وقت نره لرده کزیورده یردن بوزینه جهنم علولری فرلامیور،
کو کدن باشنه غضب بیلدی رملری یاغمیور! ..» دیه باغراق بر طرز
هائل ایله اوزرینه یوریدی فقط بر یکی خبیثه، دوشدیکی نهلهکنک
اهمیتنی لایقیله تقدیر ایدرک، قرانلقدن استفاده ایتدی، اغاجلرک
یا اقلری ارسنده غائب اولدی .

رستم خان طاقی، عادل کرایک دائره سندن چیقان شهر یار
اولدیغنی و پریخانک ایسه انی اریوب کلدیکنی کورنجه، غیظ
وتهورلرینی بتون بتون شهر یاره حصر ایتدیلر، همان ملعونه یی
تحریری ایده ایده اغاجلر ایچندن اوغراتدیلر او کمال تلاش ایله
سرایه طوغری کیدر، قور بچیلرک کجرا تلی، اکمههور کروهی ده
ارقه سندن تعقیب ایدردی .

شهریار طوغری بجه شاهك خوابگاهنه صغندی زواللی علیل!
اوتقودن او یاندی، زوجه سنی جایه سنه الدی قوریجیلرک دفعی
ایچون بر طاقم کلمات اقناعیه ایراد ایتمکه باشلادی شهریار ایسه
پریخانک، عادل کرایک فتنه ترتیبیله اوغراشدیغنی، دولت، شیعیت
مخاطره ده بولندیغنی اکلاتمغه چالشدی فقط سوزلوی، غیرت
ضروری، ناموس داعیه سیله عادتاً جنون حالنه گلش اولان،
قوریجیلرک شتوم غلیظه و تشنیعات کستاخانه لوی اراسنده،
محاربه لرده دغدغه سلاح ایچنه قارشمش مجروح ایکلدیسی کبی،
کیسه نك قولاغنه کیرمدی. قاری بی شاهك یانندن ایردیلر،
کویا که قوریجیلردن هربری سیئاتندن برینک عذابنی اجراه
ه وکل زبانی ایدی، قوللرینه، صاچلرینه صارلدیلر، یره اوردیلر
قودوز کویک، زهرلی یلان کبردر کبی وجودینی پاره ملکه
باشلادیلر خبیثه برفریاد استرحام ایدرسه مقابلنده یوز ضربه
نفرینه اوغراددی ! ..

شاه ایسه شهریارک حکومته متعلق دسایسندن، از عاجاتندن
پینار ایدی فقط علیل اولدن حسننه حاصل ایتدیکی مقونیت
کوکلنده تمامیله باقی ایدی، شهریارک پریخانه سویلدیکی کبی،
کندینی زنجیدن فرق ایتامک نرده صاقلامش و حتی ییل کچدکجه
سیماصنه عارض اوله بیله جک تغیرلری خیالنه بیله کتیر ما مشیدی...
دنیا ده بر بیوکا کلنجه سی قالدی ایسه شهریارک خاطر نده اولان
خیال حسنی ایدی وجدانک اکصون تسلیسی عمریتک ال بیوک

سعادتى اولان شهربارى قورتارمق ايجون ايتديكى وعدلر وعيدلر قالمدى فقط صداسى دائماً قارينك انين استرحامى قوريجيلرك فرياد تهورى اره سنده غائب اولور كيدردي بيجاره بك عليل اولمى هر زمان ايجون بيوك برمصيت ايسه او كيجه ياني باشنده جريان ايند هائله يي كوره مديكندن طولايي، كندنجه برنوع بختيارلق عد اولنه بيليردى .

شهربار، كندى افعاليه جناب حقاك غضبى دعوت ايند جهنمير كبي، عذاب آخرتك اك شدتيليرنى دنيساده كچيره رك بيك فرياد مأوسيت، بيك اضطراب حرمان ايجنده بلاسنى بولدى بر چاريك مدتده روحنى مالك ججيمه تسليم ايلدى . فقط او كيجه نك فاجعه جانكدازى بونكلده ختامه ايرمدى .

قوريجيلرك، رئيس فتنه اولان، رستم خاندن الدقلى امر « سراى شاهيده كى قادينلردن بعضيلرى كيجه لرى عادل كراى ايله كوريشه رك خاندان صفوينك ناموسنه خلل ويردكلرندن باعجهده تفك سسى ايشيديلديكى كبي هيمان عادل كرايك او طوردينى كوشكه هجوم ايله اوراده بولنانلرى پاره لمكدن » عبارت ايدى .

هجومه حاضرلير حاضرلنمز قارشيلرنده شهربارى بولدير، تهمتى اكا منحصر كورديلر، تهورلرى، غضبلرينده اكا حصر ايتديلر شهربار، عادل كرايك او طه سندن حقيقتله برابر،

نظر لورینه باغچه‌ده تصادف ایتدیکندن انکله مشغول اولدقلری صرهدده خانزاده‌یی خاطر لورینه کتیرمدیلر . هله پریخانندن قطعاً شبه‌دلری بیله یوق ایدی قزک مشرب جهانداورانه و اطوار مردانه‌سی، حیدر میرزا وقعه‌سندن بری، تمامیه بیلمدکلرندن یالین قلیج باغچه‌ده بولمسنی، کندیلری کبی خانداننک ناموسنی وقایه مقصدینه جل ایتدیلر پریخان کسنه‌نک عادل کرایه و یاخود کندیسنه تعرض حالنده بولمدیغنی کورنجبه، بر اغاجک التنه چکلدی، انجام کاره انتظار ایله برابر، باغچه‌نک بر طرفندن بر طرفنه چالقامقده اولان خلق ارسنده عنایت دیدملرندن هانکی قوریحی‌یه تصادف ایدرسه یاننه چاغرر، واقعه‌نک سببنی، ماهیتنی او کرمک ایستردی قوریحیلرک ایسه کافه‌سی، ایشک ختنامه قدر کیمسه‌یه افشای اسرار ایتماک ایچون یمنلی بولندقلرندن، بورایه امر ایله کلدک « سوزندن بشقه بر جواب ویرمز لودی .

کندی بر عالم حیرت ایچنده وهله ایشدن ذره قدر اولسون معلومات المق اندیشه‌سنده ایکن صول طرفندن بری بر صدای مهیب ایله « اوزر کزده شاهکزک هیچ حق نعمتی یوقیدر ؟ ولی نعمتک، مسافری اولدیغنی، اسیر ایکن شهزاده لردن زیاده عنایات و التفات کوردیکی حالده، عرضنه قصد ایدن تانار اوغلنی حالامی یاشاده جقسکز ؟ » دیه قوریحیلری تعزیره باشلادیغنی ایشدنجه ترتیب اولنان دام خیانتک ماهیت واهیمتنی تمامیه اکلاادی

بردن بره جوهرنده کی علویتك خواص لازمه سندن اولان
مكانت فوق العاده ايله، بر خزینه معالی اطلاقه شایان اولان
وجداننده نه قدر قابلیت عزم و اقتدار وار ایسه بریره
طوبلا پهرق و سندن امرک صاحبی رستم خان اولدیغنی درک ایدرک
غایت تأثیرلی بر صدا، غایت دهشتلی بر وضع ايله « ملعون !
عثمانلی ملکک یاریسنه استیلا ایدیور سنی شاهک امریله حربه
کوندر دیلر غوغادن قاچق، قحبه لکنی ستر ایتک ایچون بشقه
بر چاره بوله مدک دولتک اداره که ویردیکی عسکری اغراضنکک
اجراسنه آلت ایتدک شاهک حرمنه کیرمکه، بلکه جانته قصد
ایتمکه چالیشیورسک او یله می ۰۰۹ » دیدی یالین قلیج رستم
خانک اوزرینه اوغرا دی .

دائماً وهله بویله وقایع عظیمه هنکاملرنده نفوذ تحکمی التنده
بولنمغله الیشمش اولان قوریمچیلرک بر طاقی، مجرای قدیمی
بولمش سیلر کبی، پریخانک اطرافنه آقوب کلکه باشلادی،
وقعه نك مبادیسنده رستم خان طاقنک کترتندن قورقوب ده
باغچه نك اوته سنه بریسنه صاقلانان؛ علی قولخان قوریمچیلری ده
پریخانک اطرافنده بولنانلره التحاق ایتدیلر .

بولردن یالکز عباس، قوریمچیلرک اخلاقنی تجارب عیدیه
ایله پک کوزل او کرشمش اولدیغی جهتله نصل اولسه غلبه
رستم خان طاقنده قاله جفته حکم ایلدیکندن، بیهوده یره جان
ویرمکدن ایسه بر جان قور تارمقی ده خیرلی کوردی جزمینک،

اره ضره وجودنده کورینان حرکتلردن حیاتده اولدیفنی
اکلادینی ایچون، تخلیصنه بر چاره بولمق نیتیه یانندن ایرلمدی
برده تفکی اتان معهود قوریجی، غالباً حدت آدمی اولدیفنی
کبی غوغا آدمی ده اولدیفندن، بر موقع سلامتده بولمق ایچون
اولارستم خان قوریجیلرینه قاریشدیفنی حالده، اصل غوغا
ظهور ایدرسه انلر ارسنده چیقاجقنه مخاطره وار ایسه انلر
ایچنده بولمقده اوله جقنه حکم ایندک، قارغاشلق ارسنده
بر سهولتله غلبه لکدن ایرلدی، ارقداشینی ده یانسه آلدی، تفکی
اندینی موقعده اختفا ایلدی .

رستم خان، وقعه نك كسب ایندیکی حال وشکلی کورنجیه،
بیانغی بتون بتون وله کتیرمشیدی بریخانک خوف شمشیریه
نه مقصدینی ناقص برافعه، نه ده اجرا آتنده دوام اتمکجه جسارت
ایده بیلردی ذهنی، ایکی مقناطیس ارسنده قالمش معدن پارچه سی
کبی، بر موقع ترددده صاپلامش قالمشیدی یالکز، مشرقدن
ضیای سحر طاغلدقجه اغر اغر غرب طرفنه بیغیلان قرانلق
کبی، بریخان اطرافنده کی ازدحامی سوکه سوکه یانسه تقرب
ایندکجه، توابعیله برابر، قدم قدم کلدیکی جهت طوغری
چکیلیر طورردی .

بویله رستم خان ایچون خوف جان امید غلبه یه بیک قات
فائق کورندیکی بر زمانده ایدی که قوریجیلردن دائرة شاهیه
قدر هجوم واوراده شهرباری اعدامه جرأت ایدن، اراذل

مقتوله بی صاحبانند س- ورو کلیه رک باعجه یه چیقاردیلر،
جسمنده کی مادیاتکده آریجه بر طاقم جنایتلری وار ایمش کبی،
اعضاسنک هر برینی قلیجیلر، بیچاقلرله بری برندن آرمغه
باشلادیلر .

رستم خان او خونخوارلرک بولندقلری تهور عقورانه بی،
جاننی قورتارمق وبلکه تشبثنی اتمام ایتک ایچون، بر بیوک
فرصت اتخاذایدرک «شودیوانه لره باق! جانسز قالبدن نه ایستر سکر؟
خیانتنه شریک اولان پریخان، بر قابده یمک یدیککز، بر بابر اغک
آلتنده جان آلوب جان ویردیککز، ارقداشلر کزه قصدا یدییور،
شاهکزک ناموسنی لکه لیان تاتار اوغلی شوکوشکده او طور ییور!»
دیه او از بلندایله قور بیجیلری ا کمال فتنه ایچون تحریکه باشلادی .
ذاتآتهوردن قودورمش قان دوکک ارزوسیه چیلدیرمق
درجه سنه کلمش اولان قور بیجیلری بوسوزلر، ایکی آدم اولدیرمکه
دکل بتون مملکتی یاقغه بتون ایران خلقنی محو ایتکمه سوق ایچون بیله
کافی ایدی اصحاب تهور شهر یارک نعش صدپاره سنی بر اقدیلر، ایکی
فرقه اولدیلر، بر طاقمی رستم خانک یانته بر طاقمی عادل کرایک کوشکنه
طوغری شتاب ایتدیلر .

پریخان، عادل کرایک کوشکنه طوغری وقوع بولان هجومی
کورنجه «آه بو آدملر اللهک غضب آتشلرندن یارادلمش بر شیطان
اولدیلر نه درجه مأجور اولدقلرینی بیلیورلر! ... شمدی نوردن
مخلوق بر ملک معصومک جانته قصدا یده جکلرده شیطان کی قیامته

قدر معلوم اوله جقدر! .. نره به کیدیورسکز؟ شاهکزک مسافرینه
قصد ایدوبده خاندانمزی الی الابد خلقک لسان نفرینده می
براقه جقسکز؟ ... « فریادیله رستم خانی یرنده براقدی، عادل
کرایک دائرهنه شتاب ایلدی .

پریخانک عادل کرایه کوستردیکی طرفدارلق قوریجیلر
نظرنده رستم خان طرفندن آنکده شهریاره شریک تهمت اولدیغنه
دائر ایراد اولنان سوزلری بردلیل بدیهی ایله اثبات ایلدیکندن
پریخانک اطرافنه طویلانان قوریجیلرک برطاقی ناموس
غیرتیه، برطاقی ده، اسافلک حالی اولان، چوقلره قاتیلق،
غالبه معین اولق دنائتیه ینه رستم خان طرفنه کچمکه باشلادیلر
پریخانک یاننده قالانلر، علی قولیخان قوریجیلریله رستم خان
طاقندن قزک مزیات جلیله سنه مقتون اولان، یتمش سکسان قدر
صاحب جلادتدن عبارت ایدی .

بونلر پریخانک رستم خان طاقی ده بونلرک اطرافنی احاطه
ایدرک جمعیت قیزک حرکننه اتباع ایتمکه باشلادی .

پریخان قوریجیلرک ظلام تحشدی اره سنده، بیاض البسه سیله
بلوطلی هواده طوغمش بدرمنیر کبی، گاه کوریندرک گاه غائب
اوله رق کوشکک نردباننه یتشدی وقلیچنک ارقه سیله اوره
اوره اوکنده کی غلبه لکی ارالیهرق کوشکه ایلدی .

پریخانک، اوزمانه قدر اطرافنی احاطه ایدن، طرفدارلری
کوشکه متوجه اوله قلمری حالده پریخان ایچری کیرنجبه نردبانک

الت طرفنده طور ديلر، بردن بره يوزلريني رستم خانه چويرديلر،
ا کر تعرض کورير لوسه مقابله يه حاضر اولدقلريني کوستيرير
بروضع خصمانه ايله صف باغلديلر رستم خان بونلري «ايکي
بدبختک خلوتخانه سفاهتني مي بکليه جکسکز؟ .. کولککزه
هيچ غيرت يوقيدر؟ .. ولي نعمتکک ناموسني بويله مي کوزه ديرسکز؟
کبي برطاقم اقناعيات ايله کندينه ميل ايتديرمک وبوصورتله عسکر
اره سنه قليچ دوشمکسزين مقصديني اتمام ايتک ايستدي فقط بري
طرفدن؛ قرانلق جهتيله کيم اولديني وهانکي طاقدن بولنديني
بيلنه ميان، برقوريجي «درایت فوق العاده سي دنيا نظرنده مسلم
اولان پريخان دکل حتی برديوانه اولسه بو قدر غلبه لک اره سنده
سفاهت مقصديه خانزاده نک او طه سنه کيرمز ! .. سفاهت
ارزوسنده اولانلر، شهر يار کبي، موعدينه کيمسه کورمدن کيدر،
سودیکنک يانندن کيمسه کورمکسزين قاجغه چاليشر . بز شاهمکز
همشيره سندن امينز دولتمزه ايتديکي خدمت لري انکار ايدر سه ک
حق نعمتي کوزلر مزده طورير پريخانک ناموسنه ذره قدر خلل
ويره جک شمدي يه قدر کيمسه دن برسوز ايشتمدک . شاهک صادق
بنده سي ايسه ک همشيره سنک عادل کرای ايله برابر بولنديغني سويلرز،
چاغرير، سؤال ايدر اندن صکره بزلره ده نه امر ويرسه آنی
اجرا ايدرز « يولوو مخاطبه يه باشلادی .

رستم خان، قوريجينک طرز افاده وصورت استدلالنده
اولان قوتی کورنجه، محاوره اوزاديني تقدیرده اوراده کی

حشر اناك عزمنه بتون بتون خلل كله جكني، وبركوه شاه پريخاني
 ياننه چاغرير عسكرا آناك الزامياتنه طوتيلير ايسه كنديسي ايجون
 دنياده هيچ براميد نجات قالميه جفني دوشونهر ك وبرقاچ ساعت
 صكره جالادلو او كنده بيك درلو اذيتله تلف اولمقدن ايسه اوراده
 ترك جان ايدوب كيتكي دها خيرلي كوره رك بختك برصوك
 تجر به سي اولمق اوزره همان سل سيف ايله « بوغير تسزلر سفاهت
 رهبرل كندن لذت آلمشلا ! .. قيونك او كنده بكلده، بكلده
 بزي ده كنديلرينه بكمتمك ايسترلر . بزبورايه وزيرك امريله
 كلدك تانار او غلني ده، ياننده بوانان قاريليري ده اعدام ايده جكز
 شاهك فرماني اولسه هيچ وزير بويله امرمي ويرر ؟ .. يورينكز ! ..
 او كوكزه حائل اولانلري اورينكز ! .. » ديدمي يرندن حر كرت
 ايلدي حتى قوريجيلردن قارشيسنه طوران بر بچاره يي كندمي
 قليجيله تلف ايتدي پريخان طاقمي هر نه قدر رستم خان عونهنه
 نسبت قبول ايتمه جك درجه ده ازايسه ده، هر بري بفرقه يه
 مقابل عد اولنور فدا كارلردن ايديلر موقعلرنده ثبات ايتديلر
 خصم ليله قليچ قليجه كلديلر باعجه ده بر بيوك هنكامه كيرو
 دار آچيلدي .

پريخان ايسه عادل كرايك ياننه كيرديكي كبي قليجي يره فرلاندي
 خانزاده نك بيوننه صارلدي عشق و مأبوسيتدن مركب بر نظر
 غريب ايله يوزينه باقدقن و برنجي دفعه اوله رق بردفمه آغزيني
 اوپد كدن صكره « عاد لجم ! سنك هلاككه بن سبب اوليورم

بر دقیقه لقی حیاتکه بتون عمری فدا ایتمک ایستر کن حیاتم عمرکی
اضاعه اییدیور! دیدی غایت حزین بر آه ایدرک کوزینک یاشی
بر لطفانه طاملامغه باشلادیکه هر کیریکنه بر الماسپاره تعلق اولنش
ظن ایدیلیدی عادل کرای ذاتاً اولوم عذابنی کچیرمش، ذاتاً
تسلیم روح ایشده دنیاده بشقه بر قوه معنویه ایله قالمش کبی
برمکانت فوق العاده ایله «نه اولیورسک ایکی کوزم! .. بوتأثرک
فأده سی نهدر؟ .. نه زمان اولسه بر آلتنه کیره جک دکلی ایدک! ..
دنیاده حیاتک لذتی بر برندن ایرلما مقدن عبارت بیلان ایکی یار
صادق ایچون بر زمانده، برمکانده ا کمال حیات ایتمکدن بر بیوک
سعادت می اولور! .. خصوصیه هم معصومز هم مقصد مقدس
یولنده فدا اولیور زارده برده دولت شهادته نائل اوله جفز...»
دیدی پریخانک قلبنده کی میل معالی روحنده کی بیوکک بوسوز لوله
بردن بره انجلا ابتدی اولوم قور قوسی، دشمن تهلسکه سی فکر لری
بتون بتون اره لرندن ضایع اولدی برا کلنجه مجلسنده ایملر کبی،
نظر عاشقانه لرینی بر برینک سیر جاننه قلب صادقانه لرینی بر برینک
اذواق محبتنه وقف ایلدیلر، معصومانه تبسملره مستغنیانه سملره،
نشاط پرورانه لطیفه لره باشلادیلر فقط عمر لرینک همان بر قاچ
دقیقه دن عبارت قالان شودوره ختامنی صحبتدن زیاده طویه
طویه بر برینی کورمکه صرف ایدر لردی.
بریکرمی دقیقه مدت انلر بو حال استغراق ایچنده کلنمکه،
باغچه ده کیلر ایسه جان بازار یله اوغراشمقده ایدیلر پریخانک

اکثر عونه‌سی، برقاج دشمن تلف ایتدکن صکره وفات ایتدیلم
اقلیت ازالدیجه اکثریت اطرافدن دوکیلوب، کلان غالب
طرفدارانیه چوغالیردی عاقبت پریخانک طاقی، کوشکک مندخانی
محافظه‌یه اقتدار لری قالمدیغنی کورنجه شهزاده لرینی محافظه‌یچون
کری کری کوشکک داخلنه چکلیمکه باشلادیلمر .

سلاح سسی عسکر شمتاه‌سی قپویه طوغری تقرب ایدنجه
پریخان برمدتدنبری بولدیغنی غشی حالندن کندینی طویلایه‌رق»
خاتزاده‌م ! .. نیچون بوملعونلره بیهوده یره کندمزی تلف
ایتدیره جکز ! .. دون اقسام جزمی‌یه سپارش ایتدیگمز ایپک
نردبان کلمدیمی ؟ شوپنجره دن اشاغی اینرز بلکه جزمینک اوراده
ادم لرینی بولورز بوله‌سه‌ق احتمال که طالعمرز واردر کیجه‌نک
قرانلغندن اوزرمزه برپرده چکیلیر دشمن کوزندن مستور قالیرز
برسمت سلامت‌ه چیقارز» دینجه عادل «اوت نردبان کلمشیدی باقلم
بر تجربه ایدلم ! .. «سوزیله پنجره‌یه یاقلاشوبده نردبانی طاقق
ایچون خارجه باش کوسترنجه اوزرینه یکریمی قدر تفنک بردن
اتلنی حتی برقورشون صاغ اوموزینک اوستندن صییرتاره‌رق
اثوابنی پاره‌لدی .

بوبادره اوزرینه بیچاره‌لرک ایکیسی بردن «اوطرفدن امید
قلمدی «دیدیلرینه کال متانتله قانلرینک ظهورینه، اجلارینک
حلولنه انتظار ایلدیلمر .

کورلتی یاقلاشه یاقلاشه اوطه قپوسندن ایچری پریخان

طرفدار لرندن براون اون ایکی قدر هربری براق قهرمانه بدل فدا کارایله الیدن زیاده کوزلرینی قان بوریمش سفاک و متهور قوربجی آتیلدیلر .

کندی نفسلری ایچون همان سلاحه مراجعتی تنزل عد ایده جک برحال وقار و توکلده طوران ایکی شهزاده یوللرنده جان ویرن فدا کارلرک حالی کورنجه موقعلرینه لایق مزیات جلیله لرینه مطابق برطور اصدقا پرورانه ایله اوفاجقی فرقه لرینک ریاسته کچدیلر اک بیوک محاربه لره نمونه اوله جق اک بیوک سرعسکرلوی غبطه یه دوشیره جک برطرزده مدافعه یه باشلادیلر .

عادل کرایک تعلیمه اصحاب مدافعه نک هربری اوطه ده کی اشیادن برینی اوکنه سپر ایدرک دفع صایل ایله اوغراشیر خانزاده ایله پریشان ایسه بربرینی محافظه اتمکله برابر عاجز قالان عسکرلرینک ده امدادینه تیشیر ایدی نه فائده سی وارکه مدافعلردن تلف اولانلرک فوت اولمش فرصت اقبال کی تلافی سی قابل اولمز صائللردن هلاک ایدیلانلرک حاضرلنش افاده سماویه کی بری دفع ایدلرکجه یرینه ایکیسی اوچی کلیردی .

پریشان طرفدارلوی بر ساعتدن زیاده کندیلرینک اون بش یکرمی مثلی دشمنله اوغراشهرق حیفا که تاریخلره بیله یازیله مامش اولان ناملرینی قیامته قدر السنه ستایشده طولاشمغه شایان ایده جک قدر مردانه و فدا کارانه بر اقدام ایله افندیلرینک پیش نظرنده برربر فدا ی جان ایلدیلر .

فداييلر او طهده كي اشيايله كنديلريني محافظه دن زياده كندى
وجودلريني افنديلرينه سپر ايلدكلرنندن بونلرك عمومى قربان
اولنجيه قدر شهزاده لره بر جريحه بيله طوقونماش ايدى .
وقتا كه شهزاده لر تنها قالديلر قان كورمش بر چفت ارسلان كبي
بر برينه ظهير اوله رق ومدافعه يي بتون بتون ترك ايدرك حشرانك
اوزرينه صولت لر كوسترمكه باشلاديلر .

سلاح قوللانمقده اولان مهارتلى جهتيله دشمندن لاقول
ايكى آدم تپه لنمكجه وجودلرينه برياره طوقونديرمه نك احتمالى
يوق ايدى . يكرمى دقيقه دن زياده اوغراشديلر برايكي كره
مهاجرلى او طه دن طيشارى اوغراتديلر فقط اراذل كه ساره
چارپان طالفه لر كبي كرى چكلكجه صولتلرينه برقات دهاده شت
ويررك عودت ايدرلردى .

عادل كراى ، پريخانك اوته سندن بريسندن سيلاب ايدن
قانلى كورنججه ، وقار مردانه سنى بتون بتون غائب ايدرك
صائللره مخاطبيه تنزل ايتدى « بومعصومه شاهكزك همشيره -
سيدر ! .. سزحق نعمتى بويلاهى كوزه ديرسكز ؟ .. ديه جك
اولدى پريخان همان لقرديسنى كسهرك » صوص خانزادم !
بو كويكلر حق نعمتى ده ولى نعمتى ده اتمك كبي كسيلير ، نير برشى
خن ايدرلو بونلره مخاطبه شانكزه ياقيشمز ! .. » ديدى نظرى
اوصره ده قيونك او كنه كلان رستم خانه تعلق ايتدى « آه
اوزرمزه صاريلان اژدرك باشى كوزمرك او كنده طويورده

بزحالا کیلرله اوغراشیورز! « دیه‌رک خانی تپه‌لک ایچون
قبویه طوغری اوغرا دی اوزمانه قدر پریخانک اوتهدن بری
کوکلرده برادینی نفوذک تأثیریله اوزرینه برید رعشه‌دار ایله
سلاح چکن قوریجیلر سردارلرینی ته‌لکده کورنجه مسلک غیرتی
وبردرجه یه قدرده مجازات آتیه قورقوسیله بتون بتون خوف
وانصافی قالدیردیلر پریخانی صول مهنسک آلتدن آغز جه یاره‌لدیلر .
بیچاره قز؟ جریجه سنک تأثیر طاقت کدازیله وجودی
اداره دن قاهره قز آغز برقاچ آدم کری چکلدی عادل کرایک
ایاقلری اوجنه دوریلدی . قوریجیلر حالک دهشتیله برقاچ
دقیقه بهت ایچنده طوردقندنصره شاهلرینک همشیره سنی ممت
حالنده و دشمندن الدقلری اسیرک ینه حیاته بولندیغنی دوشوندیلر
سراپا غضب ، سراپا تهور کسلدیلر ، قطعی برعزم خونخوارانه
ایله عادل کرایه برقاچ طرفدن هجوم ایلدیلر . بیچاره پریخان!
روح تانیسنک ده جائی کبی مه‌لکده بولندیغنی کورنجه جسمنده نه
قدر اثار حیات قالمش ایسه بریره طوپلادی ،

» بنشینم و سربه پیش پایت

برخیزم و جان کنم فدایت! «

بیتنی اوقویه‌رق یرندن طوراندی ؛ یاره‌لی ارسلان کبی
برصولت مقاومت شکنانه ایله ؛ قهر اعدایه باشلادی عادل کرای
ایسه ، معشوقه سنده کوردیکی آتش حیتک تأثیریله ، بتون بتون
بربارقه جلا دت کسینه‌رک وقتیله هربری اللی التمش کشی‌یه مقابل

اولان ، تاتار قهرمانلرينك نسل نجيبى اولديغنى تاماميه اثبات ايلدى
شويله كه ايكي شهزاده برقاج يرلرندن مجروح اولدقلرى حالده
اياقلىرينك اوجنه اون بش قدر قوريجينك لاشه سنى سرديلر .
رستم خان تلفاتك تكثيريله بتون بتون برلهيب غضب كسيهرك
« قليجه اوغراشير طور رسكز ! تفنكلر كزى هانكي دشمنه
صاقلايورسكز ؟ آتش ايتسه كز آ » ديه فرياده باشلادى قوريجيلر
وقه نك هول و غرابتنه منضم اولان جان قورقوسيله دوشدكلرى
غفلتدن متنبه اولديلر ، ايكي بيجار نك اوزرينه اللى التمش تفنك
بردن بوشالده رق ايكيسنى ده برآنده شهيد ايتديلر .

رستم خان اوزمان او طهيه كيره بيلدى ، پريخانك قانلى
وجوديني بر نظر غيظ و تحقير ايله سوزهرك

« بجر فنا رفت و ناچيز شد !

فلك گفت خندان كه اين نيز شد ! »

ييتنى ايراد ايله خونخوارانه برده حكمت فروشلق ايدرك
اوطه دن چكلمدى توابى ده ارقه سنه دوشديلر .

على قولخان طاقندن برى ، ازدحام اره سندن صيريله رق ،
خانك كوشكنده قالان يكرمى بش قدر ريفلرينه وقعيه خبر
ويرمكله انلرده سلاخلانهرق رؤساي مقصدك امدادينه شتاب
ايتديلر رستم خانك خارجه بر اقدقلرى نوبتجيلر ، قوريجيلر
كافه سنى حر كته متفق بيلدكلرى ايچون ، باغچه به كيرملرينه مانع
اولديلر .

فقط بوقوه معاونه حشرات عادل كرايك او طه سنده
بولنديني زمان كمش يعني وقعه محلنه بك وقتسزيتشمش ایدی .
عباس ، ارقداشلرينك سرايه كيرديكني كورنجه او بيجاره لری ده
بیهوده يره مهلكه يه اتلمقدن منع اچون ، مذهبلرينه يمين ويررك
كندی حركتنه تقلیددن ایرماللرینی و هیچ كیمسه يه هیچ برشی
سویلاملرینی تلقین ایلدی .

بريكي قاتلر خانزاده او طه سندن چتمقلری صره ده اولا
ارقداشيله برابر ، اشارت تفنكنی اتان معهود قوريجی و صكره
رققاسيله عباس اره لوينه قارشدی عباس صوقيله صوقيله رستم
خانك ياننه واردی مراسم تعظیمی ایفادن صكره « جناب كزاره
بيك تحمید كه شاهمزده خانمزده دشمنلرندن خلاص اولديلر .
بشقه برفرمانكز يوقيدر ؟ . . . » دیدی .

رستم خاندن ایش قالمدی بو كیجه مملكت و سرايك محافظه سيله
مشغول اوله جغز ! جوابی النجه يافندم ؟ بومیتلری سرايده
براقلمده تعفنی ایتسونلر ؟ . . سوزيله مقابله ايدرك ياننه لزومی
قدر آدم الوب جنازه لرك او كیجه دن شهرك خارچنده کی مزارلغه
نقل و دفنی اچون امر استحصال ایلدی ، همان ارقداشلرینی
ياننه طوپلادی . برشی سزديرمامك اچون رستم خان طاقندن ده
برقاج كشی آلدی .

آدم كوندردی لزومی قدر او كوزعربه سی طوبلاتدی فقط
اوزمان قزوينك سواققلرنده عربه كزكم ممكن اولمديغندن بونلر

شهرک ککنارنده طور دیلر قور یجیلرده میتلری اورایه قدر
اوموزلرنده قوجاقلرنده طاشیدیلر .

جزمی اورلدینی زمان یره بایفین اوله رق دوشمش ایسه ده
یاره سی مهلك دکل ایدی ، دوشمشیه برابر البسه سی قاتلانهرق
قورشونک چیقیدینی یری قیادیغندن پک زیاده قانده ضایع ایتدی
بیچاره فاجعه نك ختامنه طوغری آیلش ایسه ده عباس ، ایکسندن
بشقه میدانده کیسه اولدیغندن استفاده ایدرک ، بیک درلو
سوزله اولو حالنده یاتغه جزمی بی افناع ایتمشیدی .

نوبت جنازه طاشیغه کلنجه جزمی بی کندی اوموزینه الدی ،
بر عربیه کوتوردی ، آندی ، یارواغیار نظرندن حفظ ایچون
اوزرینه ده برقاچ اولو وضع ایلدی جزمی وجودینک ضعفی
ونعشلرک اغر لغیله ینه بایلشیدی .

قور یجیلر ، جنازه لوك کافه سنی عرب به لره یرلشدیردکن صکره
برقاچ مشعله یاقارق ، مزار لغه طوغری یوریدیلر مشعله لوك دو مانله
قاریشیق ضیاسی مقتوللرک اوته سننده بریسنده اولان طونوق
قان پارچه لرینه عکس ایتدکجه تعریفی ناقابل بر شکل مدهش پیدا
ایدرو بیاغی بوکاربان مصائبک حالی احوال آخرتدن عد اولنسه
پکده مبالغه ایدلماش اولوردی .

اوچ چاریکده قبرستانه واردیلر عباس جنازه لر ی عرب لردن
ایندر دی رستم خان طاقنی « سزاقشامدن بری ایاقده سکزهم
یول یوریدیکزهم ایش کوردیکز کیدیکز ، راحت ایدیکز بوندن

صکره سینه بزده کفایت ایدرز ! دیه رک غربه جیلرله برابر دفع ایلدی ، ارقدش لرینه برقاچ بیوک چوقورلر قازدیردی ، هر برینه اول امرده شهریارک ، کویا وجودی بریرده بولنور ایسه جادی اولوبده عباداللهی بر بشقه یولده ازاجه باشلا . مسندن قورقارمش کبی ، هر پارچه سنی برچوقوره براققدن وشیطان رجیم ایدرکبی اوزرینه برخیلی طاشلرده اتدقدن صکره دیگرلرینی دفن ایتدرمکه باشلادی .

میدانده جزمی ایله عادل کرای و پریخانک نعلرندن بشقه برشی قالمیجهر ارقداش لرینی ده شهره اعاده ایلدی ، براز صوبولدی ، جزمینک یوزینه سر به رک باغینیلغنی ازاله ایتدی ، یاره سنی یقادی صاردی بر مشعله نك التنه اطور دیلر وقعه یی جزمی یه اطرافیه نقل ایلدی . جزمینک اغزندن چیقان لقردی « شهزاده لر کیتدی ده بنی نیچون اولمکه براقدک ؟ ۰۰۰۰ » سوزندن عبارت ایدی عباس « هیچ اویله لقردی می اولور ! برواسطه تلف اولمغله ال چکوبده همان اولو ویرمک انسان کار میدر ؟ ... یارین فرصت دوشور سسه ک غازی کرای ایله برایش کوررز ولوکه الده بر بشقه پریخان اولمدیفندن اوصورت محال اولسون ! قارشی طرفه کچرز مذهبنک باعلائی شاننه چالیشیرز اوله جکسه ک امید غلبه ملحوظ اولان بر محاربه ده اولورز ! .. » یولو برچوق سوز سوبیلدی جزمی بوسوزلره قانع اولمدیسه ده قلبنده ضعف ، ذهننده تلاش ، کوستروبده متانت و حمیتجه خدمتکاری مقامنده بولنان ،

برداغستانلی قور بچیدن اشاغی قالمق قور قوسیه ملزم کور نمکدن
بشقه چاره بوله مدی .

شهباده لرینه صوک خدمت لرینی ایفا ایچون بر کوزل مزار
قاز دیلر شهیدلری قالدیرمغه کیتدیلر بیچاره لرك سبب موتی اولان
جریمه لر ایکسینک ده باشنده ایدی او جریمه لر دن سیلان ایدن
قان ایله چهره لری بتون بتون شفق رنگنه بویانمش عادل کرایک
چهره سنده ییلدیز قدر بر تقطه ایله پریخانک چکهنده ایکی طرفه
طوغری هلال قدر بر اچیق قالمش ایدی .

جزمی بوتماشایی کور نجه طبیعت شاعرانه سی هر درلو
حسیات حزن وماتمه غلبه ایتدی ، شهیدلری بر برینک قویننه
کتیردی ، عادل کرای ایله پریخانک باشلرینی ؛ یوزلرنده قلان
بیاضقلر آی ییلدیز شکلی حاصل ایده جک صورتده ، بر برینه
یاقلاشدیردی شهیده نک قان ایچنده اولان صاحب لریله ایکسینک
چهره سندن مستطیل بر شکل حاصل ایلدی .

عباسه توجه ایتدی « باق تموج ایتمش ، او جلری پاره لشمش
عثمانلی بایراغنه بکزیمور ! ید قدرت ، یکو جود محبت یار ایتدینی ،
ایکی شهیدک سیمالرنده خدمت ایتدکلری مقصدک نه پارلق ، نه
کوزل بر نشانه سنی تصویر ایتلش ! بن والله العظیم بونلری قبرلرینه
بو وضعده دفن ایدرم ! ملائکه سؤاله مقصدلرینک . نمونه سیله
کور نسونلر ! .. » دیدی عباس ایله برلشدیلر ، قازد قلری مزاره
ایکی بیچاره یی او وضعده تودیع ایلدیلر .

اوايكي وفالى يار ايلرسيچون ايده جكلري حرقاتي دوشمنكه
باشلاديلر اره لرنده شو محاوره جريان ايلدى :

عباس - يانكزده پاره وارى ؟ ..

• جزى - بش يوز التون قدروار! بزم پرتوله رضاقولى يي
بوله بيلسهك انلر دده برخيلى پاره اوله جق .

عباس - سزك اختفا كردن برى انلرك كورنديكى يوق
احتمال كه فرار ايتمشلردر قاچديلر سه دون كيجه عربدهده
تلف اولمشلردر .

جزى - بزنه يابه جفز ؟ ..

عباس - چاره سزعلى قولخانك ياننه كيده جكز ، هم ده

قوريجى قياقتنده كيده جكز .

جزى - او برتحف كيديش اولور! ميرزا سليمان ايگيزى ده
اوستمزده كي قان لكه لرندن بيير ، يالكز بزي اولسه ضرر يوق ،
على قولخاننى ده خياتنه بزدن ايكي شاهد طوته رق آصديرر!

عباس - (بraz تأملدن صكره) غريب حالدر و قتيله اسراف
ايتمك ايچون پاره حريصلرندن ايكن سايه كزده سنيت عثمانلىق
خدمته كيردكدن صكره بوغالى مقصدك ترويجندن بشقه برشى
دوشتمد حتى سزدن الديغم پاره لرده بنم كرمده طور ييور .

آه ! بيلم نيچون شو پرتوله رضا قولى خيىلرينه اعتماد
ايتمشكز ! انلرك شمدي به قدر بر فالغنى كورمدم فقط چهره لورنى

کوردیکم وقت بردلو ایلیکه قابل اولدقلرینه حکم ایتدم .
شبهه وار! بزه خیانت ایتدیلسه انلر ایتشلردر .
جزمی — معناسز شبهه نك لزومی یوق! الیزده اولان
ایکی بیچاره نه یابه سیله جک؟ بولندیغمز تهله کدن قورتیلغمه بر
چاره دوشونه لم .

عباس — چاره وار! بن شمدی شورادن کیدرم بولندیغمز
یره یارم ساعت مسافده اولان، تکیه دن یارم التون ویررم،
ایکی قات درویش ائوابی الیرم او خرقلر سایه سنده کشکول
بدست اوله رق ایستدیکمز یره قدر کیده بیلیرز .

جزمی — کیت، کتیر! درویش اولورزده ینسه علی
قولخانک یانته کیدرز .

بو محاوره اوزرینه عباس، ایکی جانی محافظه ایده جک بر
جسم ظاهری ارامق بر صاحب وجدانه کوره نه درجه غیرت
ویرسه او درجه شوق و شتاب ایله، جزمینک یانندن ایرلدی .
جزمی او قدرده شتلی او قدر خلاف مأمول برطاقم وقایع و فجاج
قارشینده تک و تنها قالججه ایرانلیرک اوتده بریده کزینان
قور یچلیرینی قبرستانک سرولوندن تقریق ایده مدی سایه لورک
یو کسلسی جهتیه کندینی برغول بیانی دهشنگاهی ایچنده کورمه
برامیام لر مملکتی ارسنده ظن ایتکه باشلادی اختفایه بر محل آرهدی
بادی ءتصورده عثمانلیق غیرتی خاطرینه کلدی عادل کرایک بر یخانک
مقبره ده اولسون یانته اتیلیق ایستدی او مرتبه یه لایق اولدیغنی

دوشوندى حجاب ايتدى بو حجاب اوزرينه فطرتك كندينه احسان ايلديكى جلادت مردانه خاطرينه كلدى وبوكورينان سايه لرك هر برى بر جلاد اولسه جله سنه قارشى طور مق واو يولده شهيد اولوبده، عادل كرايك اياغى او چونده اولسون بر مزار مفخرت بولمق فكرينه دوشدى، نهايت او شهيدك انتقامنى الموق بويله بر بيهوده فدا كارلغه مرجع اولديغنه حكم ايلدى.

بو ايكي مطالعه اوزرينه تسليم وتوكل ايله عباس كلنجيه قدر باى حال بريره اختفايه ذهننده قرار ويردى، بيلديزلردن دوشن سونمش مشعله لردن قالان خفيف خفيف ضيالره اطرافنى ارادى، باش طرفندن چوكش بر مزار بولدى اوغراشه اوغراشه ايچنه كيردى، تلقين امامه ويا ورود منكرينه منتظر بر ميت كبي اوزاندى.

الينى بر طرفنه آتدى، صفوق قاتى بر شينه راست كلدى، مسح ايله انسان كلهسى اولديغنى اكلادى وجودنده كى ياره اورايه كلنجيه قدر وخصوصيله مزاره كيرنجيه يدك روحانى جسمانى چكديكى مشقتلره اچيلىق وبلكه كنديني اماته ايله او فطرتده اولان بر صاحب حيت ايچون مزارندن فردوس مكافاتده كى مقامنه بر منظره اولمق درجه سنه كلشدى.

بر طرفدن ايسه بر چوق موزيات وجودندن، ائواندن بر شيلر قوباروب ده تيمش ايمكه چاليشيرلردى الينه الدينى كله يي براز

دها او یردی، چو یردی، سوا بک قبیانی ادراک ایتمکله برابر اعتراضی
انسانیتهمطابق کور میان ویا تعبیر آخرله « بزه نسبت سابقلر نه قدرده
ایسه بزدنصکره کله جکلره نسبت بزده او قدرده قاله جغز ! »
اعتقادنده بولنان فیلسوفلر کبی، چر کینلکنی، قوقشلفنی دوشونمک
ایسته میهرک ینه یرینه بر اقدی « عجبا سن ده بنم کبی بر انسانمی
ایدک ! عجبا عادل کرایک پر یخانک . او یوسفه ، زلیخایه ثانی عد
اولنده جق قدر کوزل اولان ، چهره لرینک ایچنده ده بویله
چر کین بر کیمکی واردر ! عجبا، حسن مجرد، عدل محقق اولان ،
حضور الهی به بو قدر چر کین ، بو قدر ایکنج بر چهره ایله می
کیده جکز ! . اویله اولیوبده نه اوله جق ؟ . دها دونکی کونه
قدر بیچاره عادلک ، زوالی پرینک تصور لری کوزمزک اوکنده
هپ خیالاتدن معدود دکلی ایدی ؟ او خیال لر بو کون حقیقت
اولدی همده نه قانلی حقیقت !

یا بو کون حقیقت بیلدیگمز عالم یارین خیال اولیه جقمی ؟ اوله
جق ! یارین اولمزسه او بر کون اوله جق ! شبهه یوق که اوله جق !
همده نه قور قونج خیال ! . . .

خیر خیر ! انسانیت البته بو جسم دکلدر . مزارده روح
بولنیز بر کره روحی کوره بیلسه کیم بیلیر نه قدر کوزلدر !
بویله کیکدن، اتدن یا بیلش بر وجود حقیره نه قدر زینت و یرییور
دنیا ده نیچون کیمسه اک کوزل رسامک یاپدیفنی تصویری بر
چر کین قیز قدر سوه میور !

دکل دکل! بشقه عالم وارانسائیتک ذوق او عالمده درایشته
بوعلمده کوردیکمز اقبالک، اجلالک، ذوقک، شوقک نتیجه سی
بومزاره کیرمکدر احتمال که شمده بری کلیر، چیقابله حکم دلیکی
قپار، حیاتم زائل اولور ملائکه سؤال باشمه چو کر دنیا ایچون
انلره ده بوجوابی ویررم اوت! بوجوابی ویررم .
آه فقط عادل کرایک، پرینخانک؛ هله او غراشد یغمز شو
مبارک مقصدک بویله بر نتیجه ویرمسی عدل الهی به توافقی ایدری
ایدی! . . .

صوص خیث! انسان قورقوسندن مزارلر ایچنه صاقلانیور
سک ده ینه لوح محفوظک تحقیق اشهراریله او غراشمغه جسارت
ایدیورسک! . . .

یوللو، کنده اخلاقنی مصور اولمقله برابر بولندیغنی حالک
الجا آتی ده کوستریر، برقاچ سوز سویندی، صیرپله صیرپله ینه
مزاردن باشنی چیقاردی عباس ایسه اوسره ده موقعنه کلش،
قویندن برشمه چیقارارق یاقش، جزمی بی ارامقله مشغول
بولنشدی. شمعنک ضیاسی جزمینک باشنه دوشوبده سایه سی
اوزادقجه و جزمی چیقمنه چالشدیغنی صروده سایه سنک اوزامسی
دخی بیودکجه قبردن، اسکی اعتقادلره کوره یاقلاشمقله بیومک
شانندن اولان، برجادی چیقیور ظن ایتدی، براز اورکدی
کری چکلدی شمعنک چکلمسيله سایه ده بالطبع شکلنی دکشدر
دی عباس اورالرده اوله جادی فلان اولدیغنه حکم ایلدی،

ینہ مقصودینی ارایہ بیله جکی دائرہ نك خارجنه چیقیمه جتی قدره
یو کسکجه برس ایله «جزمی جزمی» دیه سویلنمکه باشلادی.

جزمی بو صدایی ایشندی، هاتقدن کلمش برندای دعوت
استقبال ایدر جه سنه، سرعتله مزاردن وجودینی بتون صیپردی،
عباسک باننه شتاب ایلدی.

درویش خرقلوری حاضر دی نه فائده سی وار که جزمینک
یاره سی قبره کیروب چیقمله اچلادی، بر کره دها صارلغه محتاج
اولدی عباس، بیلدیکی تدبیرلری اجرا ایله اوغراشدی جزمی
یوریمکه مقتدر اوله بیلدی ایکیسی بردن ارقه لرینه خرقلورینی
کیدیلر عباس پرمغنی اوزاتدی، جزمی یه مشرق کوستردی صبح
کاذب عادل کرایک، پریخانک امیدنی قدر پارلاق برضیا کوستر
مکه باشلامشیدی جزمینک فکری ایسه تشبثنک نتیجه سندن قانلی،
کیدیکیمی مزاردن قورقونج برحاله ایدی عباس صبح کاذب قدر
سرعتله اورادن غائب اولمغنی توصیه ایدردی جزمی مزار کبی
بولندیغی یرده قالمق رأیندن کچه مزدی نهایت جزمی عباسه
توجه ایتدی «بنم فکریه کوره انسان اولان

(ونحن اناس لا توسط بیننا * لنا الصدر دون العالمین او القبر)

قاعدہ سنه اتباع ایتمیلدر یا بوراده عادل کرایک قدرینی کوستره جک
بر حرکت ایدرز یا خود مزار لر حاضر طور ییور شوقاره طوبراق
بزی ده قبول ایده جک قدر بر قوجاق بولمقدن هیچ بروقت عاجز
قالمز عادل کرایه فلک وفا ایتمدی بزده می بیوفالق ایده جک بن

وظیفه می بیلیرم باشنك اوچنه، ولو تخته دن اولسون، بر اشارت
 ديكوبده اوزرينه شاننى اعلا ايدنه جك، اغيارك رغننه طرفدار
 لوينك غيرتنى كوستره جك برشى يازمد قجه شورادن شورايه
 قللام حتى يازه جغم شيبى قائمله يازه جغم ! . . . « دیدى ایكى رفيق
 غيرت اوليله مصيبت اره سنده برتخته بولدیلر مزارك اوزرينه
 ديكديلر، بر قوريمش دال پارچه سى كسدیلر جزمى اودال پارچه
 سنى الينه الدى، جريمحه سنده كى صارغیلر ك اوزينه بولاشمش
 وحالا قوريامش اولان قانیله اوتخته پارچه سنك اوزرينه
 ارتجالاً سويلديكى شو بر قاچ بيتى نحریر ایلدی:

- (ای ز بده صنعت الهی * انسان ایدی فطرتك كاهى)
 (جارى ایدی هر معامله كده * احكام او امر و نواهى)
 (فكر كدى ذكابى مطلع نور * قلبكدى شجاعتك پناهى)
 (عزمنده نصیب اولیدی فرصت * بر كونده كدا ایدردى شاهى)
 (تقدیر جناب كبرياده * علويتكك بودر كواهى)
 (كوكلكده كى سائق حیت * كوستردى جهاننه فیض راهى)
 (تاربخكى كوش ایدرده غافل * آچزیننه چشم اتباهى)
 (بوكسلکه شوق ایدردى هاتف * كچسهك بيله اوج مهر و ماهى)
 (كلزدى شهادت اولمسیدى * اجلالكه تا ابد تناهى)
 (بوكسلى اورتبه كیم مقامك * عرش اولدی سریر احتشامك)
 بر حال كه يازى يى بتيرمك ايچون بر طرفدن قورومق اوزره
 اولان قانى صباحك، عالم حياتى بر قاچ ساعت كورمكدن و يادها

طوغریسی کندینی عالم حیاته بر قاج ساعت کو سترمکدن محروم
اولدینی ایچون ایتدیکی کریمه الم دینلکه شایان اولان ، شبنبله
ایصلا تمغه چالیشیر ، بر طرفدن ده وقت کجمامک اوزره شعرینی ،
«باشلادقیچه بن سوزه باشلار هجومه واردات

شویله کیم طاقت کتیرمز آئی تقریره زبان ،

وصفنه لایق اوله جق قدر ، سریع سویلدیکی حالده قلنی قان
طوتمش قاتلرک حرکات مذبو حانه سنه تشبیه اولنه جق درجه ده
بطی بر یولده کورپردی .

لوحک تحریرینی او یله بر زمانده اکمال ایلدی که ، امید خیا
لاتک عینی اولان ، صبح کاذب حقایق عالمک مشالی اولان صبح
صادق نقطه سنه تحول ایتدی .

مشرقه بر قانی بلوط ، اوبلوطک اطرافنده طوبراق رنگنه
تحول ایتش بر قورقونج یوص او پوصک آلتنده بیومش مزار
شکلی کوستریر بر قاج چرکین طاغ او طاغلرک التنده کیمی یکی
طوغمش ده فانی اولدینی بیلدیکی ایچون تبسمه باشلامش بر قاج
چیچک ، کیمی فنا بولدینی حالده ینه فانی اولدینی اکلا یه مامش
اوج بش صولوق پوراق کورینور و بولوحه تماشانک کافه سنده
عظمت الهیه تجسم ایدر طور پردی .

جزمی شاعر ایدی شاعر لوک بر حالی ده واردرکه : نظر خیالی
سوق ایتدیکی بریر طور بر کن طبیعت خزاین بدایعک نه قدر
جواهری وارسه کافه سیله برابر ایاغنه کلسه ینه هیچ برینی کوره مز

اوجھتہ بالاد آرض ایتدیکم لوحہی تماشایدن یالکز جہ عباس
ایدی جزمینک اشتغالی یازمغہ منحصر قالدی .

یازی بتدی ایکی ارقداس ارقہلرنده کی قوریجی لباسندن
صویندیلر، مصیبتدن ظاهرده قالمش برنمونہ اولق ایچون، بر
حزارک اوستنه آندیلر درویش اتوابیلہ میراز سلیمانک اردوسنه
کیتدیلر علی قولیخانک چادرینہ مسافر اولدیلر .

عباس ارقداشلی اره سنده، جزی ده، برایکی کون صکرہ
وطنہ عودت ایچون ینہ درویش قیافتندہ یولہ کیرہ رک عالم اختفاده
غائب اولدیلر .

﴿ صوک ﴾

1 89 48 OSU3 1 141 BR

6266

DATE DUE

To renew
call 292-3900

APR 17 1997

HIGHSMITH 45-220

MAIN STACKS

STX



STX



NAMIK KEMAL

P1248
K4C49
1887





PL248
K4C49
1887

ANAMIK KEMAL

**PAGE NOT
AVAILABLE**